

2
MEMORIAE
PHILOSOPHO-
RUM, ORATORUM, POE-
TARUM, HISTORICORUM,
ET PHILOLOGORUM,

INDE

A MEGALANDRI LUTHE-

RI REFORMATIONE

ad nostra usque tempora

CLARISSIMUM,

RENOVATÆ.

DE GAS FRIMA.

Collegit, recensuit,

& cum

ADDITAMENTIS QVIBUSDAM

edidit

M. REINH. HENR. ROLLIVS,

WESTPHALVS.

ROSTOCHI & LIPSIAE,

Impensis Christ. Gotthold Garmanni,

Anno M, DCC. X.

2

1892-1893

1892-1893

1892-1893

1892-1893

1892-1893

1892-1893

1892-1893

1892-1893

1892-1893

1892-1893

1892-1893

1892-1893

1892-1893

V I R O

Illustri, Consultissimo &
Excellentissimo,

D. Joanni Burchardo

Menckenio,

Confiliario & Historiographo Regio, Hi-
storiarum in Academia Lipsiensi Professori,

ut &

Illustris Societatis Regiæ

Britann. Socio,

JCTO ET Polyhistori

per orbem celeberrimo,

Patrono ac Fautori suo suspiciendo,

ILLUSTRIUM VIRORUM

Decadem Primam

cum

ardentissimo

Felicitatis perpetuæ

V O T O

D. D. D.

M. Rein. Henr. Rollius,
Westphalus.

Oct 10 1877

Chas. H. Smith & Co.
New York

Dear Sir

I have the honor to acknowledge the receipt of your letter of the 10th inst.

and in reply to inform you that the same has been forwarded to the proper authorities for their consideration.


I am, Sir, very respectfully,
Your obedient servant,

Wm. H. Smith

Secretary

Chas. H. Smith & Co.

New York



Σὺν Θεῷ!

PRÆLOQUIUM.

Illustrium doctrinâ & scriptis Virorum studiose conservare memoriam, quamvis sint, qui indignum censeant eruditorum personis; longè tamen plures esse, quibus idem magnoperè probatur institutum, id verò qui rerum quotidianarum non fuerit ignarus, exploratum, credo, habebit atq; perspectum. Et sanè si, quod æquitas postulat, dicendum, accuratiori mentis trutinâ rem secum pensitant posteriores, ut quos nusquam fugiat, isthoc inscribendi negotio aliquam ponentes operam non id solum habere sibi propositum, ut ab oblivione vindicent, doctorum hominum memoriam, sed & hoc quàm maximè, ut studium similium virtutum in animis aliorum excitent. *Etenim* (ut est apud Henningum Wittenium V. C. in *Memoriis Philosophorum renovatis*, Tom. II. Dec. V. p. 31.) *habet acres in animis excelsis ad virtutem stimulos eorum, quicum laude vixerunt, per exemplum, quasi per speculum virum atq; ardens, propositum accensa emulatio.* Quo cum effato congruit illud C. Sallustii de bello Jugurth. *Ita profectò se res habet. Majorum gloria posteris lumen est.* Et istud Luciani in *Toxari* : *Existimamus sanè, nos rem vehementer conducibilem etiam his, qui in vita sunt, esse facturos, si præstantium virorum memoriam celebremus*

mus honoremq; habeamus defunctis : siquidem futurum ita arbitramur, ut multi apud nos illorum similes evadere cupiant. Ut proinde elogiis encomiisq; multò censam dignissimos, qui de vitis exponere clarorum Virorum operæ duxerunt pretium. Et recentioribus quidem, quod nulli diffitemur, hac quoq; in re viam antiquiores præverunt. Sed dolendum magnopere, plurima horum scripta (quam in rem vide Jo. Wouwerium de Polymathia c. XII. p. 97. & 104. Gerh. Jo. Vossium in Arte historica c. VII. p. 40. 41. edit. Lugdun. Batav. M. DC. LIII. in 4to.) ætatem non tulisse. Inter quæ cæteroqui omnium præstantissimum Philonis Byblii Grammatici opus non negabit, qui, teste Suidâ in *Φίλων*, integris XXX. libris constituisse ipsum haud ignoraverit, *περὶ πόλεων καὶ ἐκείων αὐτῶν ἐνδόξας ἐνεγχε*, de urbibus & quos earum quæq; celebres genuit, agentibus : qui sane si exstarent, Autore Jo. Jonsio, Viro eruditissimo, lib. III. de Historiæ philosoph. scriptoribus, c. VII. p. 242. edit. Francofurt. M. DC. LIX. 4. *multis jam rixis de patria virorum illustrium foret remedium.* Cæterum ex antiquioribus istis Biographis qui superant, hi ferè sunt : Diogenes Laërtius de Vita, moribus & placitis Philosophorum, Philostratus & Porphyrius de Vitis Sopnistarum, Cunapius Sardianus de Vitis Philosophorum & Sophistarum, Hesychius Milesius de Viris eruditione claris. De quibus omnibus singulisque inde Sectarum philosophicarum scriptoribus Græcis & Latinis Tract. Historico - Critico D. V. pluribus. Biographi recentiores in duplici sunt differentia, alii enim unius tantum alteriusq; viri eruditi percensue-

runt

runt gesta, alii vitam & facta multorum scripto fuerunt complexi. Inter illos principem suo merito locum tuentur, omnium quippe eruditorum promeriti calculum, Joach. Camerarius Phil. Melanchthonis, Jo. Fechtius Joh. Gebhardi, Petrus Gassendus Nic. Claudii Fabricii Peirescii, Paul. Gualdus Jo. Vinc. Pinelli, P. Fulgentius Pauli Sarpii, Nicol. Rigaltius Petri Puteani, Henr. Valesius Dionysii Petavii & Jac. Sirmondi, Jo. Casa Petri Bembi & Casp. Contareni, Jo. Hagius Petri Lotichii secundi, Dan. Heinsius Josephi Scaligeri & Hugonis Grotii, Josias Mercerus Petri Pithœi, Jo. Henr. Majus Jo. Reuchlini, alii aliorum Biographiis celebres. Quò & referendos putaverim propriæ Vitæ scriptores, nominatim Andr. Schottum, Jac. Aug. Thuanum, Hieron. Cardanum, Marianum Scotum, Abrahamum Scultetum, Franc. Junium, patrem, Jo. Cothmannum, Theologum, Andr. Dan. Habichhorstinum, alios, de quibus ex instituto peculiari propediem D. J. Schediasmate. Inter hos præcipuè habebuntur, alphabeticâ serie collocati, sequentes: Benedictus Accoltus in Dialogo de præstantia virorum sui ævi, Melch. Adamus Silesius in vitis Theologorum, Jctorum, Medicorum & Philosophorum Germanorum, Nicol. Antonius in Bibliotheca Hispana, Guil. Batesius in vitis selectorum aliquot virorum, qui doctrinâ, dignitate aut pietate claruerunt, Jo. Jac. Boissardus in Bibliotheca Calcographica illustrium virtute atq; eruditione in tota Europa virorum hujusq; Continuatores, Seb. Furckius & Clemens Ammonius, Paulus Colomesius in Gallia Orientali, Laur. Crassus in Elogiis hominum literatorum, Franc.

Grudæus Crucimanius in Biblioteque de France, Valerius Andreas Desselius in Bibliotheca Belgica, Janus Nicius Erythræus sive Jo. Victor Roscius in Pinacotheca virorum illustrium, Jo. Alb. Fabricius in Bibliotheca Græca & Latina, Paul. Freherus in Theatro virorum eruditione clarorum, Hieron. Ghilinus in Theatro hominum literatorum, Matth. Hanckius in de Byzantinis & Rerum Rom. Scriptoribus libris, Jo. Imperialis in Museo Historico, Paulus Jovius in Elogiis doctorum Virorum, ab avorum memoria publicatis ingenii monumentis illustrium, Jo. Papirius Massonus in Elogiis, Jo. Meursius in Athenis Batavis, Aubertus Miræus in Elogiis Belgicis, Henr. Pantaleon in Prosopographia illustrium virorum totius Germaniæ, Carolus Perraultus in libro, cui titulus : Les hommes illustres, qui ont paru en France pendant ce siècle, Jo. Andr. Quenstedius in Dialogo de patriis illustrium doctrinâ & scriptis virorum, Scævola Sammarthanus in Elogiis virorum doctrinâ illustrium, Simon Starovoscius in centum Scriptorum Elogiis & vitis, Franc. Sweetius in Athenis Belgicis, Anton. Teissierus in libro : Les eloges des Hommes Scavans, tireté d'histoire de M. de Thou, avec des additions contenans d'abregé de leurs ouvrages, Andr. Thevetus in Histoire de plus illustres & Scavans hommes de leurs siècles, tant de l'Europe, que de l'Asie, Afrique & Amerique, avec leurs pourtraits en Taille-douce tirés sur les véritables originaux, Jac. Phil. Thomasinus in Elogiis virorum illustrium, Jac. Augustus Thuanus in Elogiis Virorum sec. XVI. & XVII. illustrium, Jo. Trichemius in de luminaribus Germaniæ
libro

libro ſ. Catalogo illuſtrium Virorum Germaniæ, Anton. Verdierius in Bibliotheca Gallica, Gerh. Jo. Voſſius in libb. de Hiſtoricis Græcis & Latinis, unâ cum ſupplementis, futuris, ut audio, nundinis, curante Fabricio prodituris, Henningus Wittenius in Memoriis renovatis: quas quoad Theologos, eorundem Centuriâ edita, continuavit ad noſtra uſq; tempora eruditorum ocellus, Henr. Pippingius, auxit ſupplevitq; vulgatis nuperrimè Elogiis quorundum Theologorum Germanorum, Sec. XVI. & XVII. clariffimorum, multò celeberrimus & venerandus maximè Lübecenſium Præſul, Georgius Henricus Götzius.

Qui ut in propoſito perſeuerent pergantq; adeò de publica re præclare mereri, publico ab illis nomine contendo. Cùm verò de continuandis Philoſophorum vitis qui eſſet ſollicitus, nemo, quod ſciam, hætenus fuerit inventus, eam ego in me haud pridem ſuſcepi ſpartam, in qua pro modulo ornanda ita verſari apud animum conſtitui, ut Memorias Philoſophorum laudati Wittenii ad noſtram uſq; ætatem continuem, omiſſos eidem, omni dignos memoriâ viros, ſuperaddam, & deniq; ex ſeculo ſexto decimo non paucos huc arceſſam. Quod inſtitutum ex ipſo jam rubro cognoscere datur, ut in quo reformationis Lutheri, tanquam termini à quo, mentio fiat. Quamvis enim ex quintodecimo quoq; ſeculo nonnullos, producam Philoſophos, pauci tamen illi ſunt, quorum cauſa omnium maximè memorabilis periodi nomen omittere viſum non fuit conſultum. Ut verò ſcias Lector, quorum vitas præſenti Opere tibi ſim ſuppeditaturus, en integræ, quam prælo paratam

habeo, hominum undecunq; doctissimorum Centu-
riae catalogum! Ex SECULO XV. quatuor tantum ve-
nient recensendi: Joh. scilicet Centonius Campa-
rius, Philologus & Episcopus Aprutinus, Rodol-
phus Agricola, Philosophus Heidelbergensis, An-
gelus Politianus, Historicus & Philologus Floren-
tinus, Jo. Regiomontanus Mathematicus. Ex
SECULO XVI. Joannes Nauclerus, Theologus,
Jct. & Historicus Tubingensis, Marcus Antonius
Coccius Sabellicus, Gymnasii Veneti Prof. & Hi-
storiographus, Jac. Sannazarius, Poëta Italus,
Herm. Buschius, plurimum in Germania Academi-
arum & Scholarum illustrium Doctor, Desiderius
Erasmus Roterodamus, Theologus & Philologus,
Jo. Cario, Historicus & Mathematicus Germ.
Herm. Tulichius, Rector Scholæ Lunæburg.
Casp. Contarenus, Historicus & Philol. Italus, Pe-
trus Bembus, Orator, Poëta & Historicus Italus,
Georg. Sabinus, Professor Acad. Viadrinæ, Ar-
noldus Burenus, Human. & Eloq. Prof. Rosto-
chienensis, Val. Fridlandus Trocedorffius, Rector
Scholæ Goldbergensis, Onuphrius Panvinus, Hi-
storicus Italus, Pet. Ramus, Eloq. & Mathem.
Prof. Paris. Henr. Mensingius, Philos. Rostoch.
Guil. Postellus, Lingg. Exot. & Mathem. Prof.
Paris. Pet. Victorius, Philos. & Philol. Florentinus,
Marcus Ant. Muretus, Orator Romanus, Ant.
Augustinus, Theol. Jct. & Polyhistor Hispanus,
Franc. Hottomannus, Jct. & Histor. Gallus, Barnabas
Brissonus, Histor. & Polyhistor Gallus, Rein. Rei-
neccius, Histor. Helmstädiensis, Hadr. Junius, Me-
dicus,

dicus, Criticus & Philol. Batavus. Ex SEculo XVII. Franc. Junius, pater, Philol. & Theol. Lugdunensis, Justus Lipsius, Criticus & Philol. Batavus, Thom. Bodlejus, Eques auratus Anglicanus & Bibliothecæ Bodlejanæ fundator, Jo. Caselius, Philos. & Philol. Helmst. Marcus Hassæus, Ling. S. Prof. Rostoch. Jo. Posselius, Græc. Ling. Prof. Rost. Julius Cæsar Bulengerus, Theol. & Historicus Gallus, Phil. Jac. Fabricius, Eloq. Prof. Rostoch, Rob. Cottonus, Equ. auratus & Baronettus Angl. Bibliothecæ Cottonianæ Fundator. Petrus Laurembergius, Poës. Prof. Rostoch. Pet. Saffius, Logices Prof. Rost. Steph. Hein, Ebr. Ling. Prof. Rost. Georg. Dasenus, Math. Prof. Rost. Georg. Schedius, Rector Gymn. Gustrov. Jo. Hufwedelius, Moral. Prof. Rost. Christ. Arndius, Log. Prof. Rost. Bernh. Taddelius, Græc. L. Prof. Rostoch. Jac. Dürfeldius, Rector Gymn. Osnabrug. Steph. Curcellæus, Theol. & Philol. Batavus, Henr. Vegetius, Log. & Met. Prof. Hamburg. Seb. Meier, Rector Lubecensis, Joach. Gerdes, J.C. & Philol. Megapol. Jo. Lightfootus, Theol. & Philol. Anglus, Franc. Junius, Philol. & Polyhistor Batavus, Herm. Beckerus Mathem. Prof. & Past. Cathed. Rost. Herm. Conringius, Polyhistor Helmst. Jac. Gaffarellus, Theol. J.C. & Philol. Paris. God. Vogtius, Rector Johannei Hamb. Jo. Joach. Bockenhoffer, Eloq. Prof. Argent. Christoph. Schraderus, Chronologus & Eloq. Prof. Helmst. Jac. Thomassius, Polyhistor & Eloq. Prof. Lipsiensis, Joach. Frischius, Juris & Mathem. Prof. Rigensis, Christ. Daumius, Criticus & Rector Cygnæus, Jo. Pët. Titius, Eloq. & Poës. Prof. Gedan. Wolfg. Rosteuscherus, Græc. L. P. Ged.

P. Ged. Jo. Vagetius, Log. & Met. Prof. Hamb. Dan.
 Georg. Morhofius, Poët. Eloq. & Hist. Prof. ac Poly-
 histor Kilon. Georg. Christoph. Gebhardi, Mathem.
 Prof. Gryphiswald. Andr. Arnoldus, Orat. Hist.
 Græc. L. & Poët. Prof. & V. D. M. Norimberg. Dan.
 Lipstorfius, Rector Athenæi Brem. Casp. Posnerius,
 Phys. Prof. Jenensis Joach. Kühnius, LL. OO. Prof.
 Argent. Elias Obrechtus, Hist. Polit. & Eloq. Prof. Up-
 saliensis, Joach. Lindemannus. Phys. & Met. Prof. ac
 V. D. M. Rostoch. Frid. Carpzovius, Polyhist. Lips.
 Vinc. Placcius, Phil. pract. & Eloq. Prof. Hamb. Jo.
 Henr. Knoblachius, Rector. Gustrov. Mart. Knorre,
 Mathem. Prof. Witteb. Benj. Potzerne, Log. & Met.
 Prof. Grysch. Josias Stædelius, J.C. Philol. & Bibliopola
 Argent. Ex SEculo XVIII. Frid. Büttnerus, Prof.
 Math. Gedan. Matthias Frid. Beckius, Philologus &
 V. D. M. Augustanus, Jo. Reiskius, Philol. & Rector
 Guelpherbytanus, Jo. Chr. Arthopoeus, Eloq. Prof.
 Argent. Jo. Georg. Gravius, Regis Britann. Historiogr.
 Hist. & Eloq. Prof. Trajectinus, Nic. Ben. Pascha, Re-
 ctor & Prof. Stargard. Alb. Veielius, Phys. & Mathem.
 Prof. Ulmenf. Bechrius, Eloq. & Poët. Prof. Gedan.
 Christianus Röhrensee, Moral. Prof. Witteb. Georg.
 Paschius, Log. & Moral. Prof. Kilon. Otto Menckenius,
 Moral. Prof. Lips. Jo. Godf. Herrichen, Philol. &
 Rector Nicolaitanus Lips. S. C. Schurtzleischius, Poly-
 histor Witteb. Chr. Cellarius, Eloq. & Antiqq. Prof.
 Halensis, Christ. Cryphius, Rector & Prof. Gymn.
 Magdalenæi Uratislav. Mart. Hanckius, Rector & Prof.
 Gymn. Elisab. Uratislav. Christ. Weisse, Gymnasiar-
 cha Zittaviensis, Jo. Joach. Reussius, Ling. S. Prof.
 Ged.



Ged. Wilh. Ern. Tentzelius, Philologus & Polyhistor
Dresdensis, Jo. Casp. Baropius, Pro-Rector & Prof. Ar-
chi-Gymn. Tremon, Jo. Chr. Rosteuscher, Philos. &
V. D. M. Gedan, Magnus Dan. Omeisius. Phil. Mo-
ral. Poet. & Eloq. Prof. Altdorfinus, Jo. Nicolai, An-
tiqq. Prof. Tübingensis. Hæc prima est Philosopho-
rum Centuria, ex qua duas impræsentiarum produco
Decades, hoc adornatas ordine, ut in singulis ex quo-
vis Seculo nonnulli compareant. Conspiciuntur enim
in I. Decade: R. Agricola, H. Buschius, A. Burenus, H.
Mensingius, J. Caselius, M. Hassæus, C. Arndius, C.
Schraderus, J. Lindemannus, J. J. Reussius. In II. H.
Tulichus, V. F. Trocedorffius, R. Reineccius, J. Lipsius,
P. Laurembergius, S. Hein, H. Vageti, C. Daumius,
D. G. Morhofius, & W. E. Tentzelius. De cætero
publicè depredico insignem in me favorem Clarissimi
ac Præcellentissimi Viri, M. Gustavi Frid. Fechtii,
qui non ex Maximè Venerandi Parentis sui solum sed
& propria, quam possidet, Bibliotheca instructissima
Philosophorum quam plurimorum Vitas, Centuriæ
jam memoratæ insertas, benevolè mecum communi-
cavit. Tu verò, Lector optime, majorem in modum
precandus mihi es, ut præsentem de publico, merendi
conatum favore tuo sublevare non dedigneris; quo
fiat, ut ad secundam, cujus jam factum est initium,
Centuriam pedem firmo promoturus. Vale quam o-
ptime! Scribebam in Academia Rostochiensis, Cal.
Febr. A. O. R. M, DCC. X.



SERIES PHILOSOPHORUM

Primæ Decadis.

Obiit anno

- 1485. Rodolphus Agricola, Philosophus
Heidelbergensis.
- 1534. Hermannus Buschius, plurium Academi-
arum & Scholarum illustrium Pro-
fessor.
- 1566. Arnoldus Burenus, Human. & Eloq.
Prof. Rostoch.
- 1580. Henricus Mensingius, Philosophus
Rostoch.
- 1613. Joannes Caselius, Philosophus & Phi-
lol. Helmstadiensis.
- 1620. Marcus Hassæus, Ling. S. in Acad. Ro-
stoch. Professor.
- 1653. Christianus Arndius, Logices Profes-
sor Rostochiensis.
- 1683. Christophorus Schraderus, Eloq.
Prof. Helmstadiensis.
- 1689. Joachimus Lindemannus, Phys. &
Metaph. Prof. Rostoch.
- 1707. Joannes Joach. Reussius, Ling. Ebr.
Prof. Gedanensis.

ORATIO
de
VITA
RODOLPHI
AGRICOLÆ,
FRISII,

Mense Julio habita

à

IOANNE SAXONE,
Holsatiensi,*

cùm decerneret titulum
Magisterii quibusdam honestis &
eruditis juvenibus
in Academia VVitebergensi.

* Conscripta est hæc Oratio à Philippo Melanchthone, habeturque in ejusdem Præfationum in quosdam illustres Autores, & Orationum de clarissimorum Virorum Vitis, To. II. p. m. 451. seqq. edit. Argent. MDXLIV. 8vo.



Lurimum refert, nos ipsos rectè intelligere, genus vitæ, in quo verſamur, & hoc munus, quod divinitus nobis attributum eſt, videlicet conſervationem ac propagationem, rectæ doctrinæ de religione & de aliis rebus honeſtis. Eſſi enim ſplendoris plus habent alii vitæ gradus atque ordines, tamen ſi verè volumus æſtimare, ſumma dignitas eſt ſcholarum. His præcipuè ſervire imperia & omnes politiæ debebant. Cùm enim ad hunc finem homines conditi ſint, ut luceat in hoc mundo notitia Dei & propter hanc cauſam ſocietas civilis divinitus inſtituta ſit, ut cœtus ſint docentium, ac diſcentium, ut accendi & latè ſpargi notitia Dei poſſit: ſatis apparet, ſummum eſſe officium omnium gubernatorum, Eccleſias ac ſcholas tueri. Cogitate quæſo, quàm auguſti & venerandi cœtus ſint angelici. Horum imagines in terris ſcholæſtici conventus eſſe debent, munus certè idem eſt & officium. Proſitentur idem, quod canunt Angeli: Gloria in excelsis Deo, & in terra pax, & hominibus

bus lætitia. Sic Scholæ celebrare Deum, doctrinam paci & concordia Ecclesiarum utilem, & quæ cœlestem lætitiā pariat hominibus, propagare debent. Hanc tantam dignitatem nostri muneris, si cogitabimus & animo metiemur, & studia & scholas magis amabimus, & his ritibus & congressibus scholasticis magnoperè delectabimur. Si quis est autem, qui tam gravi causa non movetur ad amandas scholas, hunc verè

genuit duris è cautibus horrens

*Caucasus, Hyrcanaque admorunt
ubera Tygres.*

Decet igitur nos hunc promotionum morem, quem prodesse ad ordinem discendi comperimus, conservare.

Cùm autem hic de studiis oratio haberi soleat, & alii, in quibus plus est auctoritatis, sæpè vel monstrent, quod iter ingrediendum sit, vel vos ad expetendam optimarum artium doctrinam adhortentur, ego vitam Rodolphi Agricola, quantum explorare eam potui, recitare decrevi.

Exemplorum enim magna vis est & bonæ naturæ cogitatione atque admiratione virtutis in viris præstantibus maximè

exuscitantur ac incenduntur. Deinde historia eruditorum de multis rebus judicia juventutis formant. Cumque Rodolphus primum in Germania emendaverit genus sermonis & Dialecticam, ac meliorem discendi rationem monstraverit, consentaneum est plerisque ejus dictis ac disputationibus utiliter commonefieri studiosos. Et si autem nemo non amat Rodolphi nomen, propter ejus eruditionem ac merita, tamen privata me quædam officii ratio invitavit, ut de eo dicere maluerim. Nam cum mea patria non solum Frisiis vicina sit, sed etiam Frisiorum colonia, quæ etiam hodie nomen retinet Frisiæ minoris in Holsatia, & in gubernatione Reipublicæ vetustam juris æquabilitatem non sine laude tuetur, judico Rodolphi laudes aliqua ex parte ad meos cives pertinere. Quod cum ita sit, spero, vos meum consilium de recitanda historia Rodolphi probaturos esse. Tametsi & ipse optarim, colligi eam uberius ab aliis, qui apud eos vixerunt, qui Rodolphi vitam & studia melius norunt. Nos pauca collegimus, sumpta partim ex ipsius scriptis, partim ab iis, qui meminerunt sermones senum, quibus in Academia Heidelbergensi cum Rodolpho familiar-

lia-

liaritas fuit. Nec institui encomium: Nam cum ingentem gloriam eloquentiâ tuâ consecutus sit, quæ ex scriptis ejus judicari potest, nil ei opus est laudatione, præsertim hominis indiferti, tantum historicam narrationem texo, in qua ea, quæ sciscitatus sum de vita, moribus & opinionibus ejus, verè recenseo, & testes gravissimos citabo. Porro hæc commemoratio studiorum atque opinionum, non minus conducit studiosis, quam bellatoribus stratagemata & consilia veterum Ducum nosse. Accedo igitur ad historiam.

Natus est Rodolphus Agricola in Frisia, in rure quodam non procul ab urbe Gröninga, honestis parentibus, quorum facultates, ut sunt ibi, mediocres fuerunt, & unde liberis ad studia sumptus liberaliter suppeditare poterant. De primæ pueritiæ studiis cum nihil audierim, non putavi aliquid fingendum esse. Nemo autem excellentem virtutem consequi potest sine magna vi ingenii & sine entusiasmo aliquo, qui cum sit acerrimus stimulus in bonis naturis, haud dubiè Rodolphus celeriter primas artes arripuit, ut ille inquit de heroica natura:

*Ante annos animumque gerens curamque
virilem.*

Nam & ex scriptis ipsius & consiliis apparet ingenii vis & impetus.

Cùm Germania corruptissimo genere sermonis uteretur, tantaque literarum incititia esset, ut quid esset rectè loqui, ne quidem suspicari nostri homines possent, imò etiam insulitas admirationem haberet, unus Rodolphus primum auribus atque animo sentire illa vitia & desiderare meliorem orationis formam cœpit. Hæc fuit singularis prudentiæ significatio: illa virium ingenii & doctrinæ, quod genus orationis effinxit purum, splendidum, sonans, sine ineptiis, rerum etiam pondere & gravitate probandum. Nec tantum prudentia fuit, sed etiam quædam animi celsitudo & mira discendi aviditas, quod in Italiam, cùm patrimonium haberet mediocre, profectus est, ut melius doctrinæ genus quæreretur. Ac si de ingenii laudibus multa dicturus essem, amplificare eas etiam patriæ prædicatione possem. Nam Frisia, ut olim magnitudine rerum gestarum floruit, ita nunc quoque gignit ingenia nequaquam vulgaria, sed cùm ad literas tum ad gubernationem magna-

gnarum rerum idonea, & ut mihi videtur, non solum sagacia & sana, sed etiam ingenuitate & animi celsitudine singulari prædita. Sed, ut dixi, Rodolphi ingenium ex scriptis æstimari potest. Lovanii audio eum tyrocinium primum deposuisse, ubi cum Gallorum appeteret familiaritatem, seu vitans nostrorum commestationes, seu quod illi essent eruditiores, statim inter illos simul Gallicam linguam didicit. In dialecticis & philosophia cum percepisset celeriter ea, quæ in scholis tradebantur, ipse animo meliora requirere solebat, seque in Bibliothecas abdens, suo consilio bonos scriptores legebat, multa interim disputans de eruditore philosophia. Audierat autem renovari tunc Græcæ & Latinae linguæ studia in Italia. Nam post captum Byzantium, Græci pulsi patriâ, in Italiam multi venerunt, qui philosophiam & eloquentiam ibi renovarunt, ejus studia post collapsum imperium prorsus in Italia conticuerant. Intelligebat autem, sine Græcis literis Philosophiam percipi non posse. Cœpit igitur impetum proficiscendi in Italiam, ut & disertorum consuetudine ac exemplis genus orationis emendaret & Philosophiæ fontes cognosce-

ret. Venit Ferrariam, ubi tunc quidem magis florebant studia Philosophiæ ac eloquentiæ, quàm in cæteris Academiis Italicis. Nam Hercules Dux Ferrariæ sentiebat, ad boni Principis officium pertinere curam juvandæ rei literariæ, ac delectabatur ipse eruditorum scriptis. Erat Ferrariæ Theodorus Gaza, qui eruditione & eloquentiâ facilè antecelluit Græcis omnibus, qui tunc in Italia erant. Ibi Guarinus Græcè & Latinè docebat, vir in primis diligens. Aderant & Strozæ Poëtæ, cum quibus apparet magnam fuisse familiaritatem Rodolpho. Extant & Mathematicorum scripta, qui apud Herculem tunc vixerunt. Denique omnes artes ibi felicissimè tradebantur. Quid potest autem homini ingenioso, incenso veræ doctrinæ amore, avido discendi, qualis erat Rodolphus, contingere optatius, quàm ut in tali coetu Doctorum vivat? Hic solutâ oratione certabat cum Guarino, versu cum Strozis, de Philosophia differebat cum Theodoro Gaza & cæteris summis viris. Audiebat professores omnium artium. Cumque pariter excoleret ingenium doctrinæ varietate, & in eloquentia elaboraret, totius in se Italiæ ora oculosque conver-

verit. Magnâ cum laude disputavit, et narravit autores utriusque linguæ in illa ipsa Academia, habuit orationes magnâ cum approbatione eruditorum. Porro magna laus fuit hominî Germano, non solum eruditione & genere sermonis, sed etiam venustate actionis satisfacere Italiæ, morosè ac fastidiosè judicanti. Nec opinor, ulli Germanorum, præter hunc, Italos tribuisse tantum, ut publicè docentem cum admiratione audirent ac pariter eruditionem, genus sermonis & actionem probarent. Audio, sæpè rogatum esse, Erasmum in Italia, ut specimen suæ eruditionis ac facundiæ publicâ prælectione præberet; sed, ut hac in re amicis morem gereret, adduci nunquam potuit, metuens, ne ab Italis pronuntiatio hominis Germani derideretur. Ac sæpè prædicavit Rodolphi naturam, quem imitari Italicam venustatem sine ineptiis potuisse ferebat. Verùm Musicæ naturæ ad pronuntiationem & actionem aptiores sunt cæteris. Constat autem Rodolphum ita excelluisse in Musicis, multas ut cantilenas composuerit: imò ut Italis fuerit iucundior, propterea quod interdum cytharâ luderet in conviviis eruditorum. Quan-

ta fuerit ejus sedulitas, inde æstimari potest, quod Quintilianum suâ manu integrum descripsit. Ipse significat se in Italia naturalem historiam Plinii diligenter legisse, fortassis occasione invitatus, quod in eo loco, facilius inquirere plantas potuit, & haud dubiè vidit Aristotelem & Theophrastum conversos à Gaza, quos cum legeret, Plinium adjungendum esse duxit, ut, unde Gaza latinas adpellationes sumpsisset, observaret. Hæc collatio plurimum ei profuit, ad augendam & rerum cognitionem & verborum copiam. Porro cum se diligenter expoliisset inter doctissimos homines, tandem in patriam rediit, ubi non diu hæsit. Nam aliquantò post reditum accersitus est Heidelbergam à Dalburgio Episcopo Vangionum & Pleningero, quem ipse Plinium nominat: cum his enim in Italia Rodolpho familiaritas summa fuerat, qui postea ambo pervenerant in aulam Principis Palatini Philippi, qui, ut erat splendidus & non rudis literarum, & magnâ comitate præditus, volebat aulam habere ornatam literatis hominibus. Dalburgius Cancellarius deinde factus est Vangionum Episcopus. Is Heidelbergam vocavit Rodolphum, seu
ut

ut ejus consuetudine se ipse ad rectè scribendum assuefaceret, seu ut juvenus haberet styli formatorem. Hujus Dalburgii contubernio usus est, quoad vixit. Et quanquam licuit esse otioso, tamen propter utilitatem juventutis, in Academia publicè docuit Græcè & Latinè. Nec duxit sibi parum honorificum esse, quanquam aulico, scholas habere.

Ut scholasticas operas nunc multileviter tincti literis fastidiunt, ut est hujus perverissimi seculi superbia. Adit crebrò disputationes omnium disciplinarum. In Philosophia emendabat ineptas persuasiones scholæ. Ibi etiam scripsit libros Dialecticos, ut artem repurgaret eamque è tenebris in lucem & in aciem educeret, usum videlicet monstrans. Senes Heidelbergæ narrant, mores ejus honestos & castos fuisse & à livore, malevolentia ac petulantia alienissimos. Non est solitus irritare morosos intempestivis reprehensionibus, ne quid sereret certaminum in schola, sæpè recitans, hospiti multa dissimulanda esse, ut Græcus versus inquit:

Ξένον δὲ σιγᾷ κρείττον ἢ κεκραγῆναι.

Consulebatur sæpè ab eruditioribus & in Philosophia & in aliis artibus. Multa ex

Ari-

Aristotele vertebat, & interpretabatur iis, qui ejus sententias sciscitabantur. Nemo tunc viderat libros Aristotelis de animalibus. Itaque pergratum erat ejus officium doctioribus, si quando aliquem insignem locum inde proferebat, ut cum de immortalitate humanæ animæ disputaretur, quid sensisset Aristoteles, magna cum admiratione excepta est illa sententia, prolata ex libro de generatione animalium: Mens extrinsecus accedit, non nascitur ex materia corporum. Interdum aliquid ex Arato de siderum positu, ortu & occasu studiosis impertiebat.

Nec deerat ejus officium Professoribus aliarum disciplinarum. Fortè inciderat disputatio inter Theologos & Jctos de hoc dicto: *Frustra servat Evangelium, qui non servat canones synodorum.* Hoc cum alii ad confirmandam superstitionem in ceremoniis detorquerent, alii *το πντὸν* esse durius quererentur & mitigandum aliquâ interpretatione dicerent; Rodolphus inquit: In universum in Juris interpretatione multum prodesse cognitionem historiarum & antiquitatis. Ac præsertim Ecclesiæ historias & veteres contentiones debere notas esse omnibus, ex quibus,

bus sæpè peti possit interpretatio veterum, dictorum. Synodi veteres, inquit, vocabant Canones tantum articulos doctrinæ dijudicatos in Synodis, non traditiones de ceremoniis. Nec dubium esse, quin hæc primum fuerit sententia hujus dicti, sed postea errore depravatum esse. Verum, est, Evangelium non servari ab iis, qui aspernantur decreta contra Samosatenum aut Arrium aut Macedonium facta. Nam vetustissimæ Synodi propter controversias dogmatum convocabantur, non de ceremoniis cumulandis. Quam indigna vox esset, dicere Christi fidem inutilem & inanem esse sine observatione omnium rituum humanorum? Lucem & vitam æternam in mentibus inchoatam extinguere, si aliqua ridicula ceremonia negligeretur? Addebat, tales ritus sæpe sine ullo peccato omitti posse. Hæc tam dextrâ interpretatione facilè satisfecit omnibus. Sæpe & in jure civili ea, quæ ab historiis petenda sunt, explicabat interrogantibus, ut locum de usuris centesimis: item, quid sit *ἐγγυον δίκην*, denique qui fuissent gradus veterum Romanorum judiciorum. In Theologia quid desideraverit, memini huc scribere Josquinum Gröningensem

sem senem, pietate & gravitate excellentem, se adolescentem interfuisse sermonibus Rodolphi & Wesseli, in quibus deplorarint Ecclesiæ tenebras & reprehenderint prophanationem in Missis, & coelibatum: Item disputaverint de justitia fidei, quid sit, quod Paulus toties inculcat, homines fide justos esse, non operibus. Scribebat Josquinus, apertè rejecisse eos Monachorum opinionem, quæ fingit, homines operibus justos esse: Item sensisse eos de humanis traditionibus, errare eos, qui affingunt illis opinionem cultus, & non posse violari, judicant. Nihil fingo, nam hæc ferè ad verbum huc scripsit Josquinus. Ac satis credibile est, eum diligenter disputasse de doctrina Christiana, præsertim cum esset familiaris Wesselo, cujus fuit summum ingenium: Ad quod amplissimam eruditionem in omnibus disciplinis adjunxit, & Græcæ & Ebraicæ linguæ cognitionem. Adhæc exercitatus fuit in certaminibus Religionis. Luteriâ pulsus propter taxatas superstitiones, venit Basileam; ibi pro Wesselo dixerunt Basilium Gröningum: Narrabatque Capnion, eum Theologiam, Græcas & Ebraicas literas eodem tempore tradidisse studiosis, si qui e-

um

um audire cupierant. Inde cùm in Belgium rediisset, sæpè adiit senem Rodolphus natus minor, sed in literis Latinis & Græcis eruditior & flagrans studio Christianæ doctrinæ. Idque ipse sæpè de se prædicat, se, quod reliquum esset ætatis, collocaturum esse in sacras literas : qui si vixisset, haud dubiè egregiam operam Ecclesiæ navasset. Quamquam & illa studia Ecclesiæ profuerunt, quod nostros homines ad meliorem discendi rationem revocavit. Id meritum non est leve ducendum. Sed redeo ad historiam.

Cùm ita viveret Heidelbergæ, ut eruditus & bonis omnibus charissimus esset, non solum in notitiam venit Ducis Palatini Philippi, sed etiam familiaritate ejus Princeps delectatus est ac sæpè eum ad graves deliberationes adhibuit. Cumque, ut fit, mentio interdum incideret veterum Imperiorum, ac Rodolphus commemoraret vel Græcas historias, vel Romanas, Princeps & verti sibi multa non solum ex historiis sed etiam ex Poëtis iussit, & petivit, sibi contexi integram seriem quatuor monarchiarum, ut ordinem rerum melius videre & incrementa atque inclinationes & harum causas considerare pos-

posset. Nam hæc exempla præsertim Principes monere de plurimis rebus possunt. Contextuit igitur Rodolphus eruditissimam Epitomen ex Bibliis & Herodoto, de Assyriorum & Persarum Imperio, de civilibus discordiis Græcarum civitatum ex Thucydide & Xenophonte, de Philippo & Alexandro, & successoribus, ex Diodoro & Polybio. Deinde lectissima quæque excerptit ex historiis Romanis. Postremò & Germanici regni res præcipuas collegit. Ac in eo scripto non solum laboravit, ut res tantas perspicuè narraret, sed etiam ut obiter legentem Principem pleraque moneret: qua in re apparuit, eum non modò literis, sed etiam civili prudentiâ excellere. Sed cum jam ætas maturuisset, cum jam lucubrationes Theologicas inchoasset, non multum supra quadragesimum annum egressus, rebus humanis exemptus est. Spero enim, immortalī lætitiâ donatum esse, cum legamus, eum piè sensisse de Christo ac studia ad gloriam Dei destinasse, & mores fuisse pios & honestos audiamus. Habetis historiam vitæ Rodolphi.

Nunc reliquum est, ut talis viri memoriam grati conservetis. Cogitetis, quan-

quantum fuerit ornamentum Germaniæ, quàm benè de literis meritis sit. Primus enim in Germania emendare genus sermonis cœpit & accendit Latinæ & Græcæ linguæ studia. Quare ei plurimum omnes debemus. Adolescentes etiam ejus admoniti tùm exemplis tùm dictis, prudentius de studiis judicare discant & ipsius imitentur diligentiam & sedulitatem, quâ infirmioribus ingeniis multò magis opus est, quàm illis Heroicis naturis, quibus, ut ita dicam, multa proveniunt ἀνήπορα. Consilium etiam ipsius in studiis considerate, quod videlicet non divulgavit artes naturâ copulatas, rerum doctrinam & eloquentiam, sed in utroque genere summâ animi atque ingenii contentione elaboravit, quod ut vos quoque faciatis, quantum possum, omnes adhortor. Et in hoc instituta sunt hæc scholastica exercitia, ut in utroque genere elaboremus, quod quidem ed faciendum est, ut Ecclesiæ ac Reipub. usui esse possimus. Nam nec rerum cognitio rectè comparari potest sine exercitatione dicendi, nec destituti rebus, idonei sunt ad seria negotia explicanda. Porro, si officium nostrum diligenter fecerimus, Deus etiam ornabit nos præmiis, ut Ecclesias, ita

Scholas, quæ sunt præcipua pars Ecclesiæ, conservabit, etiamsi negliguntur ab iis, qui præsunt, qui quidem longè errant. Propter Ecclesias & scholas, ipsi, & politiæ servantur. Quare vicissim nobis gratiam referre debebant: quod si non facient, Deus illos puniet, & tamen aliquem portum Ecclesiæ, scholis & nostro ordini ostendet, sicut promisit, se non defuturum iis, qui doctrinam Ecclesiæ utilem propagare & ornare student.

D I X I.

* * * * *

PRÆFATIO
PHILIPPI MELANCH-
THONIS

in Rodolphi Agricolæ li-
bros de Dialectica.

Eximiâ virtute & doctrinâ prædito,

D. Alardo Amstelredamo,

Philip. Melanchthon

S. D.

Habeo tibi gratiam, doctissime Alarde,
quod occasionem mihi offers, de Ro-
dolphi Agricolæ ea mandandi literis, quæ
mi-

mihi adolescenti, & quadam puerili cupiditate sæpè interroganti, duo gravissimi viri narrarunt, quibus cum Rodolpho non modò familiaritas, sed etiam quædam studiorum societas fuit, Capnio & Pallas Heidelbergensis, qui (ut ejus quædam scripta testantur) diligentius ac purius loqui solebat, & de artibus multò gravius judicabat, quàm cæteri ipsius Collegæ, qui tunc sacras literas enarrabant. Erat enim meo puero recens Heidelbergæ memoria Rodolphi. Nam Dalburgius Vangionum Episcopus, apud quem vixit Rodolphus, proximò annò ante bellum Bavaricum, florenti adhuc ætate è vita decessit, usus perpetuâ quâdam felicitate, qua etiam evocatum puto, ne spectator esset illarum calamitatum, quæ postea secutæ sunt. Porro non modò Dalburgii authoritas, sed (ut animadverti) etiam Plinii amicitia Rodolphum Heidelbergam pertraxit, quo cum Ferrariæ conjunctissimè vixerat. Sic autem vocabat Pleningerum, virum equestri natum loco & præstanti ingenio præditum. Vix enim ullæ sunt dulciores amicitia, quàm hæ scholasticæ, societate studiorum contractæ, quæ etiam postea allatæ ad Rempub. nonnihil momenti ad-

ferunt in multis gravissimisque negotiis, ut Solonis & Pisistrati amicitiam puerilem, profuisse tranquillitati Atticæ civitatis arbitrantur, & Eudemum cum Dione schola Platonis conjunxit. Sed omitto exempla. Memini autem me audire ex Pallante, fuisse mores Rodolphi castissimos & omnibus bonis viris probatos, adeò ut non modò propter famam doctrinæ, sed multò magis propter vitæ & morum gravitatem & (ut ipse referebat) singularem prudentiam & moderationem omnium actionum consuetudo ejus à præstantissimis viris expeteretur. Consulebatur ab omnium artium professoribus, si quis inciderat nodus, ad cujus explicationem opus erat aut historiarum aut Latinæ linguæ, aut Græcorum autorum cognitione. Itaque ingeniosi ab ipso admoniti, multa in Aristotele dexterius ac simplicius tractabant: Audierat enim Ferrariæ Theodorum Gazam, qui in Aristotelis doctrina excelluit. Cumque Heidelbergæ consuetudo fuerit (ut mihi videtur plena humanitatis) ut in publicis disputationibus Professores, si quando hærebat disputator, interfarentur, audio, sæpè difficiles nodos publicè à Rodolpho, de fato, de

de causis, de Entelechia & similes explicatos esse. Quare & disputationum cœtus propter ipsum erant frequentiores & ad eos confluebant non tantum scholastici, sed multò etiam studiosius grandiores natu, qui Academiæ præerant. Nec defuit ejus officium Jurisconsultis, amabat enim leges, & propter ipsarum dignitatem, & quia continere eas doctrinam, historias & bonam Philosophiæ partem affirmabat, denique mores & humanitatem utriusque civitatis, videlicet Atticæ & Romanæ, conspici magna ex parte in legibus dicebat: quare plerasque sine notitia antiquitatis intelligi posse negabat. Ostendebat & in Canonibus germanum sensum sæpè ex historiis & Ecclesiæ moribus petendum esse. Nam cùm ortum esset certamen de hoc dicto: *Frustra servant Evangelium, qui non servant canones*, & imperiti quidam disputarent, quam dura vox esset, si ad omnes ritus Ecclesiasticos transferatur; admonuit Rodolphus, Canones initio vocatos esse sententias Synodorum de dogmatibus, ut in Synodo Nicæna damna sunt errores Samosatani, Catharorum & Arii. De ta-

libus decretis rectè & propriè dici affirmabat, frustra servari Evangelium, si illi Canones non servantur, qui veram & firmam sententiam Scripturæ explicant de illis controversiis. Hanc se interpretationem à Rodolpho accepisse Pallas sæpè prædicabat, nunquam non adjiciens honorificam commemorationem de moribus & de eruditione Rodolphi. De Theologia verò solitus est accuratius disputare, ut satis appareret eum tota mente totòque animo amplecti & venerari Christianam religionem & abhorrere ab impietate. Fuerat enim aliquandiu familiaris civi suo Basilio Gröningo, Theologo Parrhisiensi, quem reversum ex Gallia Basileæ Capnio etiam se audivisse dicebat: qui quidem Basilium narrabat Græcam & Hebraicam linguam mediocriter calluisse, in Theologia verò & Medicina ac reliqua Philosophia facilè omnibus illius ætatis Professoribus antecelluisse. Accensus igitur Rodolphus Basiliæ doctrinâ, cumque etiam in Italia Theologos audisset, & ipse Scriptores Ecclesiasticos Græcos & Latinos excuteret, & si probabat voluntatem in recentioribus, qui summas rerum vidissent

sent in unum corpus ac methodum contrahendas esse : hanc enim docendi rationem necessariam esse in omni genere fatebatur, tamen iudicium, modum & puritatem non obscure desiderabat, ostendebatque, qui mores, quæ opiniones recentium temporum conveniant cum veteri Ecclesia, quæ non conveniant. Nihil fingo, nam mihi sermones quidam ipsius recitati sunt à viro optimo, καὶ ὅτι μάλιστα ἀξιόπιστος. Sæpè enim adjuvabat Theologos in reddendis Græcis sententiis Sacrorum librorum, ut in hoc dicto : *Et Deus erat verbum*, monebat, λόγον esse subiectum, ut vocant Dialectici, propter articulum, juxta Græci sermonis consuetudinem. Et hujusmodi alia multa. Hæc, ut studiosos juvarèt, comiter inter eruditos & graves viros disputabat, non rixabatur cum indoctis. Cum igitur procures aliquoties ejus doctrinam & mores Philippo Principi Palatino prædicassent, Princeps cupiens eum audire (magnoperè enim delectabatur eruditis sermonibus) compecti eum familiariter cœpit. Cumque primum de Græcis, Latinis, & Ecclesiasticis historiis multa seiscitatus esset, peti-

vit epitomen histori arum sibi componi. In hac audiui Rodolphum complexum esse ordine seriem imperiorum, initia, incrementa & inclinationes religionum & morum mutationes, collata etiam esse tempora Græcæ historiæ cum sacra. In id compendium contraxit electas materias maximè utiles, cum ex Poëtis, tum ex historicis Græcis, Herodoto, Thucydide, Xenophonte, Gemisto. Asperit & inter narrandum sententias ad movendum Principem de multis partibus Reipublicæ. Id scriptum valdè auxit Principis & procerum studia erga ipsum, cum non modò eruditionem ipsius, sed etiam singularem prudentiam, quæ lucebat in illis narrationibus de causis mutationum, quæ in imperiis accidunt, admirarentur. Quare postea sæpè in consilium de Repub. adhibitus est. Hæc memini, non rarò prædicare Capnionem & Pallantem, quæ multis de causis libenter recensui. Etsi enim eruditio Rodolphi judicari ex scriptis ipsius potest; tamen mores & vitæ consuetudinem, & testimonia magnorum virorum de ipso nosse adolescentibus prodest. Sæpè enim eruditorum exempla aliquid de studiis mo-
nent,

nent, ut quò dirigenda sit manus, (ut ità dicam) rectius prospiciant. Fortassis etiam magis admirabuntur & amabunt Rodolphum, si cògitabunt Gazæ & aliorum, doctorum virorum consuetudine usum esse. Cùm autem ejus monumenta plurimum conducant adolescentiæ studiis, præclare te de studiis mereri judico mi Alarde, quod sumptu & labore tuo edi curas, cùm cætera Rodolphi scripta, tùm libros ejus Dialecticos integros, qui hætenus mutili circumferuntur. Porro cùm Aristoteles vocet Dialecticos libros *ὀργανον*, satis admonet, hanc artem maximè necessariam esse: Lumen est enim omnium, non modò artium, sed & disputationum civilium & Ecclesiasticarum. Quare plurimum refert, adolescentiam in ea rectè & prudenter institui. Nec verò ulla extant recentia scripta de locis & usu Dialectices meliora & locupletiora Rodolphi libris. Proinde optimè te mereri de Republica judico, quod integros & emendatos edi curas, quos quidem velim omnes adolescentes, qui solidam eruditionem expetunt, assiduè & (ut Horatii verbis utar) nocturnà versare manu, versare

diurnâ. Benè vale ! Francofurti ; 28. die Martii Anno 1539.

Habetur hac Præfatio Tomo II. Præfationum & Orationum Phil. Melancthonis, p. m. 204. seqq. edit. Argent. A. MDXLIV. 8vo.

* * *

Gerb. Jo. Vossius de Historicis Latinis lib. III. c. VI. p. m. 566. seq. edit. Lugdun. Batav. A. MDCLII. in 4to.

RODOLPHUS AGRICOLA Jacobo Bergomati in Chronicis vocatur Rodolphus à Gröningen, nempe quia in Basson, pago juxta Gröningam, principem Frisiæ urbem, natus fuit : quod contigit circa annum clo ccccXLII. Puer Lovanii in Gymnasio Falconensi Philosophiæ operam dedit. Et cum Theologiæ rudimenta degustâret, in Gallias abiit, indeque in Italiam ; ubi Theodorum Gazam audivit. Postquam domum rediit, Syndicus factus est Reipublicæ Gröninganæ, ob cujus negotia missus in aulam Cæsaris Maximiliani, ubi cum semestri hæsisset, voti compos Gröningam reversus est. Exinde à variis, eosque inter Antverpiensi-

ensibus ad Scholæ præfecturam deposcebatur. Sed prætulit professionem Heidelbergensem, ubi Philosophiam triennium docuit, ac Græcas literas totâ Germaniâ excitavit. Vir fuit Latinè, Græcè & Hebraicè doctissimus, Philosophus summus atque idem admodum disertus, imò & Musicæ, picturæ aliarumque artium studiosissimus. Quæ scripserit, Bergomas, Tritthemius, & alii dicent. Inter alia, in gratiam Philippi, Electoris Palatini, contexuit Epitomen historicam de quatuor monarchiis, in qua & civilia monita admiscuit. Præterea consignavit vitam Francisci Petrarchæ. Idem vitam S. Annæ carmine fuit complexus. Quod poëmation etiam Gyraldo laudatur dialogo priori de sui temporis poëtis. Transferendo Dionysio Areopagitæ intentus, obiit Heidelbergæ anno cccc LXXXV. atque in habitu Franciscani apud Minoritas ibidem, ut præceperat, sepultus fuit. Epitaphium ei hoc condidit Hermolaus Barbarus:

Invida clausurunt hoc marmore fata Rodolpbum

Agricolam, Frisii spernque decusque soli.

Sci-

*Scilicet hoc vivo meruit Germania, lau-
dis*

*Quicquid habet Latium, Gracia quic-
quid habet.*

Viglius Zuichemus, Frisius & ipse, hæc ad-
junxit:

RODOLPHI FRISII AGRICOLÆ
MEMORIÆ POSUIT VIGLIUS
ZUICHEMUS. DEPONENTI
ANATHEMA. RELINQUENTI
BENEDICTIO.

Luculentum etiam Agricolæ hujus elogi-
um exstat apud Erasmum in Ciceroniano
suo : item in adagione : *Quid cani cum
balneo.* Sed elogium illud in editione,
Paulli Manutii non comparet. De eodem
ita Petrus Bembus lib. VI. Epist. ad Eraf-
mum : *Rodolphi Agricola scripta maxime
omnium, qui etate nostra scripserunt, mihi
quidem probantur.*

Plura vid. apud Jo. Jac. Boissardum in
Iconibus Virorum illustrium, doctrinâ &
eruditione præstantium, ad vivum effictis,
cum eorum Vitis descriptis, P. I. p. 172. seqq.
edit. Francof. ad Mœn. An. MDXCVII. 4to.
Adolphum Clarmundum in Vitis clariss.
in

in re lit. Virorum, P. VI. num. XXIV. p. 224. seqq. Georg. Hornium in Hist. Phil. lib. VI. c. VI. p. 306. &c.

SCRIPTA

Duobus distincta Tomis, edita sunt
Coloniæ Ann. 1539. fol.

Tomo I. continentur sequentia:

De Inventione Dialectica libri omnes,
recogniti & annotationibus illustrati.

De Universalibus quæstiones aliquot singulares.

Propædevmatum dialecticæ inventionis
opusculum, circumstantias sive attributa
personarum & rerum ad Rodolphi Locos
redacta, simul & exemplis aliquot explicata,
compendio pertractans.

Scholia in Orationem pro lege Manilia.

Tomo II. hæc habentur:

Aphthonii Sophistæ Progymnasmata, ab
Agricola conversa.

Prisciani Cæsariensis Præexercitamenta.

Commentariola in aliquot L. Annæi Senecæ Declamationes.

Orationes. (1) de nativitate, sive im-
mensa natalis Christi lætitia in laudem
Matthiæ Richili. (2) Oratio dicta in-
stu-

studiorum ad hyemem innovatione.

(3) Oratio gratulatoria, dicta Innocentio VIII.

Epistolæ. De quibus Morhofius Polyhist. lit. lib. I. c. XXIII. §. XXXIX. p. m. 304. edit. noviss. *Rodolphus Agricola vir doctissimus paucas scripsit Epistolas, quæ operi ejus inferuntur, non illas quidem indoctas, sed Ludovici Vivis judicio in multis emendandas. Nam si ipse sua emendasset, maximis quoque Veterum potuisset comparari.*

Parænesis Isocratis ad Demonicum, ejusdemque de regno.

Euciani libellus de non credendis delationibus, ejusdem Mycillus sive Gallus, Axiochus Platoni inscriptus de contemnenda morte.

Carmina & Epitaphia. &c.

Sunt ejus præterea :

Vita Francisci Petrarchæ.

Psalmi Davidis ex Ebræo conversi.

Scholîa in lib. V. Sev. Boëthii de Consolatione Philosophiæ, unâ cum Jo. Murelii Scholiis in eundem lib. edita Colonia 1535. *Vid. Clarmundus l.c. p. 227. seqq.*

DE

DE
VITA, STUDIIS, ITINE-
RIBUS, SCRIPTIS ET LA-
BORIBUS

V. CL.

HERMANNI
BUSCHII,

NOBILIS WESTPHALI,
Bonarum Literarum in in-
numeris propemodum Academiis

Scholisque illustribus Professoris,

Poëtæ, Oratoris & Philo-
sophi incomparabilis,

NARRATIO (*)

HERMANNI HAMEL-
MANNI,

S. S. Theol. Lic. Pastoris, ac Superin-
tendentis Oldenburgensis.

* Habetur hæc Narratio in Variis de Westphalia
Opusculis, à V. C. Joanne Goes, Westphalo,
Helmæstadii Anno MDCLXVIII. in 4to editis,
num. III. p. 28. seqq.

ET si diversæ olim fuerunt Buschiorum in Westphalia & vicinis locis familiæ & stemmata atque separata eorum, quoque fuerint insignia, tamen jam de Hermanni Buschii poëtæ & oratoris celeberrimi, qui ex veteri Buschiorum (quorum insigne erat Liliū album) familia nobili natus est, vita agemus, primum de cursu studiorum ejus dicturi. Pater hujus nostri Hermanni Buschii (qui inter majores suos septem habuit equites auratos, ex quibus Herbordus & Clamor Buschii præcipuè celebrantur, & de posteriori sic canit Alexander Hegius:

*Buschia clara domus fuit olim Clamoris
armis;*

*Nunc Hermanne tua est inclyta facta
cheli. &c.*

fuit Borchardus Busche, qui in comitatu Schovvenbergensi & finitimis locis habuit quidem bona hæreditaria, sed circa annum Domini 1460. tenuit oppignoratam arcem & præfecturam ditionis Monasteriensis Sassenborch (quam antea Dux & postea Cæsar Lotharius ædificaverat & contulerat suo affini Comiti de Lippia, sed cum exueretur Ducatibus Angariæ & Westphaliæ Henricus

ricus Leo à Colonienſi Præſule, hanc ad ſe
 vi pertraxit Monafterienſis præſes) & ha-
 buit conjugem Barbaram de Schedelich.
 Ex his conjugibus, veteris Nobilitatis per-
 ſonis, nati ſunt hi filii in arce prædicta,
 Henricus (qui Rhodum profeſtus & in ter-
 ra ſancta verſatus tandem ibi moritur)
 Hermannus hic noſter, Sergius, & Johan-
 nes (qui duo militiam ſecuti etiam ut mi-
 lites occubuere) atque Bocharus Jure-
 conſultus, qui erat Mindæ Cathedralis
 eccleſiæ Decanus, ad quem noſter aliquan-
 do Buſchius ſic ſcripſit in epigrammatis e-
 ditis.

*Quod vigili ſtudeas obſcura volumi-
 na cura*

*Frater, & à magnis edita jura
 viris*

Laudo &c. & fuit Bocharus frater Her-
 manni adeo literarum & linguarum ſtu-
 dioſus, ut in Græca lingua domi privatim
 aluerit præceptorem anno Domini 1525.
 Henricum Sibæum Olphenium. Burchar-
 dus moritur anno Domini 1542. Sed re-
 vertimur ad noſtrum Hermannum Buſchi-
 um, qui circa annum Domini 1468. na-
 ſcitur, & mox puer traditus in oppido

Warendorpio est disciplinæ, deinde commisit eum suo amico Rodolpho Langio tunc claro poëtæ, philosopho & canonico majoris Ecclesiæ Monasteriensis, Pater, qui eum in scholam Alexandri Hegii ablegavit, & singulariter Hegio commendavit. Habuit tunc in Hegii Monasteriensis Schola Daventriæ condiscipulos Erasmus Roterodamum, Joannem Murnelium, Joannem Cæsarium Juliæensem, professorem Coloniz, Ludolphum Heringum in urbe Hammone ludimagistrum, Hermannum Torrentinum Rectorem Syvallis, Jacobum Montanum Spirensen profitentem bonas literas Hervordiz, Joannem & Servatium Edicollios fratres, & Bartolomæum Coloniensem, postea cum Hegio & post eum profitentes utramque linguam Daventriæ, Timannum Camenerum scholæ Monasteriensis clariss. gubernatorem, Josephum Horlenium Rectorem Scholæ Hervordiensis, præceptorem Petri Mosellani, Doctorem Theologum Gerhardum Heckerum, Petrum Nehemium Drolshagium Tremoniz Rectorem, Petrum Gymnichium Aquensem Canonicum collegii Monasteriensis ad S. Martinum,

num, Joannem Ælium seniore trium Monasteriensium Episcoporum Cancellarium, item ex suis popularibus, Ortvinum Gratium, Bernhardum Mommium, Decanum ad S. Ludgerum, Ludolphum Bavineum, Joannem Oisthusium, Bernhardum Averduneum Jureconsultum, Joannem Modersonium Canonicum Ludgerianum, Henricum Morlagium Canonicum Martinianum, Joannem Iserlonium vicarium, Joannem Dobbium Scholasticum majoris ecclesiæ, Degenerum Witten, pastorem Jacobi, Bernhardum Tegederum Scholasticum Mauriti, Joannem Gravium, Vegium Critium, Bernhardum Gueringium notarium, Joannem Hagemannum Bibliothecarium Romæ, Joannem Rötgerum vicarium, Joannem Volsium patrem in conventu virginum Coloniae & Joannem Gymnicum typographum Coloniensem &c. Qui omnes in Schola famigeratissima Alexandri Hegii instructi sunt, & in viros doctrinâ celebres evaserunt, & plerique eorum aut scriptis claruerunt, aut à Murmellio, Buschio, Langio, aut Camenero aliisque celebrati & commendati sunt.

Postea in Hegii schola instituti sunt Antonius Tunicus, Ottho Beckmannus, Joannes Alexander Meppensis, Conradus Goclenius, Hermannus Tulichius, Alardus Amstelrodamus, Nicolaus Lesdorpheus Rector Gröningensis, Gerhardus Listrius Rhenensis, Joannes Peringius Buricensis & alii clarissimi & ex scriptis per Germaniam noti olim viri.

Hegius enim de consilio Rodolphi Langii primi Germaniæ poëtæ (qui elegantes versus scripsit etiam nondum nato Conrado Celte, unde apparet eos graviter errare, qui primum Germaniæ poëtam constituunt Celten) & Rodolphi Agricolæ, tunc reformare studia humanitatis Daventriæ cœpit, & per multos annos in maxima discipulorum frequentia, magna cum laude ibi scholam rexit, & eodem tempore in urbibus Hollandiæ Campensi, Alemaria, & Amstelrodamo, in scholis, literarum studia quoque tentavit reformare, & ad ipsos fontes Latinæ linguæ suos auditores deducere vir doctus Antonius Liber Susatensis, & hic non minus quàm Hegius erat à Rodolpho Agricola ad hoc instigatus & animatus. Nam Rodol-

dolphus Agricola primus in Germania commendare genus sermonis aggressus est & accendit Latinæ ac Græcæ linguæ studia, ac exercitia, sicut tunc temporis cepit quoque cum Rodolpho Agricola ex Italia reducere, veterem illam eleganter scribendi versus normam Rodolphus Langius vir nobilis & canonicus cathedralis Monasteriensis : atque uterque inflammaverunt Hegium & Liberum Susatensem, ut illi animosè pergerent ; quemadmodum hoc quoque ductu Rodolphi Agricolæ fecit in superiori Germania Ludovicus Dringeburgius Westphalus, præceptor Jacobi Wimpelingii, Conradi Celtis, Joannis Capnionis Reuchlini, Beati Rhenani, Joannis Sapidii, Stabii, Dalburgii, Bebelii, Bilibaldi Pircheimeri & aliorum.

Buschius noster in Schola Hegii multum profecit brevi tempore, quem Langius & Hegius commendatitiis scriptis miserunt postea ad Rodolphum Agricolam Phrisium (qui aliquando de eo adhuc versante in Schola Hegii dixerat, *tu habes poëticum caput, & celebris fies poëta*; Sicut etiam de Erasmo vaticinium produxerat, *tu eris magnus*, & de Murellio,

magna in te ingenii vis est) quem audivit, & habuit tunc Heidelbergæ omnes illos, quos recitavimus Ludovici Dringenbergii discipulos, condiscipulos, ubi etiam ei Pallas notus erat.

Deinde proficiscens Tubingam, ibidem in Academia contraxit familiaritatem cum Georgio Simlero, Jacobo Henrichmanno & Joanne Altensteig Grammaticis. Suasu verò Rodolphi Agricolæ cœpit legere & relegere scripta Ciceronis.

Et cum jam animam egisset Agricola, 1486. de consilio sui præceptoris & patroni Rodolphi Langii profectus est in Italiam, & ibi per aliquot annos vixit & familiaritatem contraxit cum summis ibi viris: Joanne Francisco Pico Mirandulano, Concordiæ Comite, Platina, Baptista Mantuanio, Zenobio Acciaolo, Marcó Antonio Sabellico, Aldo Manutio, Philippo Beroaldo, Hermolao Barbaro, Angelo Politiano, Hieronymo Donato, Marsilio Ficino, Leonardo Aretino & Joanne Baptista Egnatio, Petro Crinito, & cum multis aliis Italiæ claris viris, qui ejus ingenium & doctrinam ac dicendi promptitudinem admirati sunt. Ex Italia rediit in Germaniam &

sum-

sumpsit gradum Magisterii Heidelbergæ, & veniens Coloniam cœpit cum barbaris Theologis Jacobo Hoichstrato & Arnolde de Tungris rixari, sed cum illi prævalerent, discedit Coloniâ, & per totam Germaniam instituit profectionem.

Antequam ex Italia rediret, dum adhuc Romæ ageret, scripsit duos libros Epigrammatum vel Carminum ad Alexandrum Hegium præceptorem suum.

Jam verò reversus in Patriam, operâ Rodolphi Langii & Joannis Ælii Senioris, Cancellarii, datus est ei locus in aula Episcopi Monasteriensis, Henrici Comitis à Schvvartzburg, in cujus honorem scripsit tunc Epitaphium fratri Episcopi Günthero Comiti in Schvvartzburg, qui in oppugnatione arcis & propugnaculi Delmenhorstani ictus occubuerat.

Sed Buschius non diu hæsit in aula, verum Monasterio profectus est in Galliam, ubi contraxit familiaritatem cum Bovillo, Fortunato, Jacobo Fabro Stapulensi, Fausto Andrelino poëta, Guilielmo Budæo, aliis. Inde reversus in Germaniam cum istis quos recensui discipulis Ludovici Dringenbergii & Rodolphi Agricolæ, diversis

in locis superioris Germaniæ amicitiam inivit & studia purioris linguæ promovit, inprimis colebat & venerabatur Rodolphum Langium, qui ei omnis generis librorum exemplaria suppeditavit & instruxit multis modis. Deinde per superiorem & inferiorem Saxoniam, Misniam, Marchiam & Pomeraniam profectiorem instituit.

Sed ante profectiorem legerat in ædibus Langii omnia Grammaticorum commentaria, & Langii ductu omne genus carminum didicit, ideò & comœdias atque tragoedias tum Latinas tum Græcas, & in eis metra & pedes consideravit: & deinde quicquid Plautus, Terentius, Ennius, Seneca, Statius, Virgilius, Horatius, Lucanus, Persius, Juvenalis, Martialis, Ovidius, Catullus, Tibullus, Propertius, Aufonius, Prudentius, Claudianus, Severinus Boëtius, Prosper, Sedulius, Paulinus & alii veteres Poëtæ scripserunt & habuerunt, legit & examinavit, & multa ex illis proferre potuit, imò quò folio hæc & illa haberentur ad unguem tenebat.

In historiis versatissimus erat, nam in Bibliotheca

bibliotheca Langii, qui ex Italia tunc selectissimos quosque libros habebat translatos, evolvit Cæsaris, Salustii, Livii, Justinii, Orosii, Taciti, Valeriique Maximi historica scripta: Græcæ linguæ maximam cognitionem habuit, ideo apud Langium, percurrit Homeri, Hesiodi, Thucydidis, Herodoti, Herodiani, Euripidis, Aristotelis, Platonis & aliorum philosophorum opera: Ciceronis, Plinii, Auli Gellii, Quintiliani & aliorum scripta purissima, faciebat sibi familiarissima. Quicquid habebant veteres & recentes Grammatici, Priscianus, Varro, Diomedes, Caper, Phocas, Tortellius, Servius, Nonius Marcellus, Festus Pompejus, Donatus, Macrobius, Pomponius Lætus, Nicolaus Perottus, Petrus Marsus, Ambrosius Calepinus, Antonius Nebrissenfis, Sulpitius Verulanus, Antonius Mancinellus, Aldus Manutius, Joannes Despauterius & similes; hoc totum quasi devoraverat Buschius noster, & erat in omni scientiarum genere versatissimus. Ideò quocunq; se recipiebat, est ita ut lumen & rei literariæ fulcrum susceptus, cum admiratione ab omnibus auditus, & amantèr à studiosis ubique locorum exceptus.

Magna enim fuit in eo vis dicendi, magna Latinæ linguæ cognitio, elegantia pronunciandi & eximia promptitudo, ut animi cogitata eleganter & sonore proferret: tanta erant memoriæ dona in eo, ut ex poëtarum, philosophorum, historicorum, oratorum & grammaticorum scriptis integros libros, multas paginas, & folia recitare potuerit. Ea fuit in eo felicitas ingenii, ut omnia intelligeret & perciperet, & de omnibus disputaret & conferret: A professionibus tribus non erat quoque alienus: attingere interdum solebat scripta Jurisperitorum, & Medicorum: in Theologia post Biblia legit Hieronymi, Augustini, Ambrosii, Hilarii & similibus scripta diligenter.

Restat autem nunc, ut excellentium Germaniæ virorum, qui ante annos 60. floruerunt, testimonia de Buschio perspicua, ex quibus apertum fiet, quo in pretio habitus sit Buschius noster, proferamus.

Joachimus Camerarius scripsit publicè, suum præceptorem M. Georgium Hel-
tum (qui erat quoque Magister principis Anhaltini Georgii) recitare solitum fuisse
de

de Hermanno Buschio historiam, quem Heltus audierat anno Domini 1507. Lipsiæ epistolas Ciceronis, commentaria Cæsaris, Virgilii & Ovidii poëmata tantâ dextérité enarrantem, ut omnes auditores in tantâ tamen barbarie cognoscerent & admirarentur Hermannum Buschium, tam promptam Latinè scribendi & dicendi elegantiam, de quacunque re & in quovis negotio & coram quovis verba faciendi habuisse, ut nullus tunc alibi videretur esse, qui ei conferri posset, & dum quæreretur, quomodo eam sibi comparasset? Respondit, legendis & relegendis Ciceronis, de consilio Rodolphi Agricolæ, epistolis & scriptis sibi eam paratam esse. Deinde scribebat ex tempore carmen elegantissimum & eruditæ vetustati mirandum, ut si vel Virgilius vel Ovidius redissent, admirati eam in Buschio dextertatem fuissent, idè quoque à Georgio Spalatino tunc Lipsiæ ejus auditore interrogatus, quomodo illam extemporalem inscribendis versibus ad veterum imitationem accedentem quàm proximè felicitatem comparasset, hoc responsi dederat, se quidem Langii, Hegii & Rodolphi Agri-

gricolæ monitis & exemplis præmissis ince-
pisse, sed postea lectione, observatione
& imitatione veterum poetarum ita pro-
fecisse.

Rodolphus Langius (qui ex Josepho
& Ægesippo obsidionem & expugnatio-
nem Hierolymitanam carmine Heroico,
sicut etiam urbis Novesii cinctæ à Carolo
Burgundico obsidionem conscripsit) cit-
ca annum Domini 1496. in epigrammata,
Hermanni Buschii, sic præfatus est.

*Rodolphus Langius in Hermanni Bu-
schii, equestris ordinis, docti præclarique
adolescentis, suavissimi conterranei sui car-
mina, hoc dedit Epigramma, &c.* In illo
epigrammate inter alia & hæc extant car-
mina:

Hinc tua dulcifluo manans elegia le-
pore

A Sulmonensi nec procul ipsa chely
est.

Macte novâ juvenis venâ, senioque ve-
rendus

Quanta canes Phœbi tangere doctus
ebur.

Alexander Hegius ad Rodolphum Langium
& Hermannum Buschium equestris ordi-
nis

nīs viros, epigramma Anno 1494. scripsit,
ubi inter alia sic legitur:

Nil est quod fieri nequeat, jam ferre
Poëtas

Barbaria in media Westphalis ora
potest.

Langius hanc decorat majorum sanguine
clarus

Cum caneret laudes maxime Paule
tuas.

Buschius hanc modulis & stemmate clarus
honestat

Cum te virgo parens numine foeta
canit.

Vatum terra altrix tantorum Westphala
gaude.

Lumine te dextro docta Thalia videt &c.

Et sanè Langio & Hegio multum detulit, & quicquid eruditionis & boni habebat Buschius, hoc præcipuè istis duobus acceptum tulit, ideò in Eucharistico carmine, quo gratias agit Langio, sic scribit in titulo:

*Ad Rodolphum Langium, Canonicum,
Monasteriensem, Theologum, Philosophum,
Ord-*

Oratorem & Poëtam undecunque ornatissimum, &c. ubi inter alia sic canit:

Si cui nostra pias debet lyra carmine
grates

Si teneor studii cui dare dona mei,
Tu facis ignavos abeat ne segnis in annos
Vita &c.

item mox:

Te duce Musa favet, datur & mihi co-
pia multi

Codicis &c.

Idem libro Epigrammatum scripsit adhuc adolescens ex urbe Roma longam elegiam, in præconium doctissimi Rodolphi Langii Canonici Monasteriensis, de suo somnio, quod putarit se versatum esse in Bibliotheca Langii & ibi Latinos Græcosque oratores, philosophos & poëtas quasi viderit & perlustraverit: & in libro 2. Epigrammatum aliquoties ejus Bibliothecam, Lectionem multijugam, eruditionem præcipuam, atq; in versibus faciendis singularem venam & gratiam commendat & describit.

Alexandro Hegio inscripsit sua epigrammata juvenis admodum, & in dedicatoria epistola sic ait: Tuo nomini dedicavi hanc editionem, arbitratus, etiamsi

ea suavitate, eo ornatu, ea denique ubertate, ut poemata debent, carmina nostra non fluerent, tu ea facillimè pro tua in me benevolentia, quæ mihi à teneris annis, cum ludum tuum ingrederer, tuoque auspicio prima artis grammaticæ rudimenta imbiberem, perspectissima fuit, ab omni livoris morfu atque invidia vindicares.

Joan. Murmellius in libris *Moralium Elegiarum* libro 3. cap. vel elegia 1. sic canit de Buschio nostro:

Buschius Aonio satiatur pectore fonte

Versibus est patriæ gloria magna suæ.

Et quantum idem Joannes Murmellius detulerit nostro Buschio, patet ex ejusdem commentariis quæ in Persium scripsit, & libro secundo didascallicorum citat ipse Buschii epigramma, & vocat Buschium *totius Germaniæ decus*.

Eobanius Heflus Franckebergius a.o. Dom. 1506. sic juvenis de Buschio cecinit in epigram. edito:

Gloria Germanos inter præclara poëtas,

Et merito patriæ fama decusque tuæ.

Euricius Cordus (cujus multa exstant Epigrammata ad Buschium) Medicus & poë-

poëta libro 9. Epigrammatum sic scribit de
Hermanno Buschio;

Maximus es, certum est, quem fert Ger-
mania, vates,
Quem colit Aonius concelebratque
chorus.

Erasmus Roterodamus, (cujus multæ ex-
stant ad Buschium Epistolæ) in Ciceronia-
no sic de Buschio scribit : *Dedit & West-
phalia Hermannum Buschium in carmine,
pangendo felicem, cui in oratione soluta,
magna vis ingenii, lectio varia, judicium
acre, nervorum satis, sed compositio Quin-
tiliano propior quàm Ciceroni.*

Exstant in epistolis Joannis Reuchlini
& Joannis Trithemii Abbatis, multæ epi-
stolæ ad Buschium datæ, ex quibus testa-
tum fit, quod eum ut doctissimum &
absolutæ lectionis ac eruditionis virum ce-
lebraverint & coluerint.

Theodorus Vlsenius, Doctor medicus,
quem & Joannes Trithemius & Bartholo-
mæus Colonienſis, maximæ eruditionis
virum, multæ scientiæ & raræ peritiæ ho-
minem appellant, sic in quodam epi-
grammate suo de Buschio ante annos 79.
cecinit :

Buschius

Buschius interpres vatum, vatesque disertus,

Buschius est priscis nobilis ex atavis.

Buschius antiquis non cedit jure poetis,

Buschius agnovit carminis omne genus.

Item post pauca :

Buschius est Phoenix unica Teutonibus.

Hermannus Comes à Nevvenar est præpositus summi templi Coloniensis singularis historicus ante annos 70. in publica quadam epistola Buschium *doctissimum & dexterissimi ingenii virum* appellat.

Joannes Asticampianus poeta celebris suo tempore, in carminibus an. Dom. 1502. editis sic de Buschio scribit :

Inter Germanos foelix Germane poetas :

Concinnas nitidis carmina culta modis.

Joannes Gümnicus typographus Coloniae doctissimus, in decimationum Plautinarum Pemptades Hermanni Buschii præfatus, appellat Buschium undecunque doctissimum. Exstant Joannis Peringii, Josephi Horlenii, Antonii Tunicitii, Petri Nehemii, Timanni Cameneri, Petri A-

D

quen-

quenſis & multorum de Buſchii laudibus epigrammata.

Joh. Gaſtius vertens commentaria Germanicè ſcripta in Eccleſiaſtem Salomonis per Ioannem Brentium, in Latinam linguam, ſic in dedicatoria Epistoſa ad Philippum Landgravium Haſſiæ ao. Dom. 1527. ſcribit de Buſchio: *Habet ecce Celf. T. Hermannum Buſchium, qui vir, ob raram atque omnijugam ſuam eruditionem & pietatem, tunc etiam ætatis venerabile donum, non tam terra tua quam etiam totius Germania ſingulare aliquod decus, imò alter quiſpiam avi noſtri Ariſtarchus jure optimo haberi poteſt &c.*

Philippus Melanchthon in ſcripto contra Colonienſes Theologos gloriatur, quod inter alios profeſſores Colonienſis Academiae, Buſchium familiariter noverit: & in oratione, quam ſcripſit de vita Doctoris Joannis Bugenhagii Pomerani, quam recitavit Petrus Vincentius Vratiſlaviensis ſic ſcribit: *Cum Grammaticam & Muſicam didiciſſet Bugenhagius, in Academiam Gryphſwaldenſem miſſus eſt, ibi & tyrocinium lingue Latine melius habuit &c.* Et mox: *Erat natura non ſolum capax do-*
ctri-

Et rina sed etiam avida, & accendebant aviditatem tempora, quia Hegii Daventriensis & Rodolphi Agricola & Hermannii Buschii scriptis taxata erant solæca priorum temporum, & revocabatur juvenis ad diligentiam rectius loquendi &c.

Haftenus audivimus elogia à viris doctis de Buschio nostro pronunciata. Jam venimus ad ejus peregrinationes.

Ex Italia reversus auspicio Hermani Comitis de Nova aquila tunc Scholastici & postea præpositi Metropolitani, Herois doctissimi, Coloniae coepit puriores literas proponere : sed ut Bartholomæus Coloniensis & Joannes Æsticampianus Poëta, ob taxatas barbarorum Theologorum Sordes verborum in pronuntiatione & prælectionibus sunt operâ Jacobi Hochstrati, Arnoldi Tungerensis & Orthvini Gratii ex universitate ejecti, postquam Donatum Buschii commentariis illustratum, ubi in præfatione reprehenderat barbariem Theologorum Coloniensium, profitendo explicuerant : cessit quidem ultro furori sordidorum Magistrorum nostrorum Buschius, interim mox post discessum Buschii veniunt Coloniâ Georgius Sibutus

Professor Rhetorices , Joannes Cæsarius Philosophiæ, & Jacobus Greselius Dialectices assertores puriores, & nova de extirpanda barbarie auspicia in Academia jecerunt ; quamvis adhuc parum proficerent.

Sic Coloniâ discedens venit Hammonem, (quæ est urbs Westphaliæ celebris in amplissimo Comitatu de Marca) ubi in frequenti Schola Ludolphi Heringii viri doctiss, plurimum à Murmellio commendati & sui quondam condiscipuli , legit unam vel alteram epistolam Horatii non sine admiratione omnium eum audientium.

Mox in Patriæ suæ urbem primariam & metropolin Westphaliæ veniens, gratus erat hospes Langio, Murmellio, Camenero, Petro Aquensi, Peringio, Horlenio, Bavincko, Tunicio, Tegedero, Morlagio, Moderfonio, Mommio, Iserlonio, Dobbio, Gravio & quotquot tunc erant docti magnâ copiâ, reparationem linguæ Latinæ expectantes ibi, & simul meditantes : ubi loco Murmellii publicè explicat semel atque iterum Vergiliana aliquot poëmata, & non puduit omnes viros illos

illos clarissimos, prælegentem, in multitudine Scholasticorum magna Buschium audire.

Inde descendit Osnabrugam, ubi inter Cathedrales Canonicos habuit cognatos, cum quibus vixit familiariter & in Schola M. Joannis Fustii, audiente eum Joanne Grüthero tunc Conrectore & aliis, legit Satyram unam Persii.

Idem fecit quoque Bremæ & Hamburgi, ubi unam Orationem ex Livio jussu D. Alberti Crazii proposuit, & multum ex collegio & ordine civium audierunt cum voluptate.

Lubeca hymnum ex Prudentio explicuit, & Wismaria unam Eclogam Bucolicorum Vergilii interpretabatur. Tandem Rostochium venit, ubi inter primarios professores volebat videri Tilemannus Heverlingius. Buschius verò privatim aliquid ex Cicerone, tum ex Virgilio & Ovidio magnâ dexteritate proposuit, ubi venustatem carminis ac sermonis phrasas & elegantiam indicavit. Tunc statim juvenis cumulatim ad auditorium Buschii properavit & avidè ejus lectiones audiendo percepit. Cum verò ex Ascensii Badii

ineptis commentariis, Germanicis verbis
insulse in Schola paulò ante Juvenalem,
explicuisset Heverlingius, rogârunt aliquot
ex studiosis candidatâ Buschium, ut etiam
Juvenalis Satyras eis interpretaretur. Il-
lis gratificaturus præter prædictas lectio-
nes etiam assumit Juvenalis & Persii versus
enodandos: Ibi cum studiosi viderent
longè foeliciori venâ & longè majori
dexteritate istos Poëtas explicare Buschi-
um, & poëseos ac prosodiæ phrasés atque
elegantias dictionis non minus quam
morales sententias indicare, quàm He-
verlingium, contempserunt Heverlin-
gium, qui hoc pacto omni excidit gra-
tiâ & autoritate, quoniam ipsius oratio
erat sterilis & explicatio jejuna & inepta:
Buschii verò oratio mirâ suavitate fluebat;
ideo omnes studiosi ad unum confluebant
Buschium deserto Tilemanno Heverlin-
gio, eoque contempto. Hinc fit, ut mi-
ro in Buschium odio inflammetur Hever-
lingius & tandem hoc apud sui similes
idiotas & collegas effecit, ut Buschio pri-
mum publicæ in Academia inhiherentur
lectiones, & tandem semestri elapso, ut ei
discedendum ex urbe esset.

Hinc

Hinc fit ut Oestrum poëticum Hermannus Buschius contra Tilemannum Heverlingium scriberet & in lucem ederet, ubi inter alia & hi versus exstant :

A multis nostras tunc incunctanter ad
ædes

Itur, & ad limen grex studiosus adest.
Quicquid Heverlingus legit auditori-
bus, illud

Vulgari linguâ Teutonicaque docet,
Ergo ad Heverlingum pergat, meliore
relieto,

Discere qui Sordes barbariemque
velit.

Ex Rostochio comitantibus aliquot Scholasticis venit in novam Academiam Pomeraniæ Gryphisvaldianam, ubi literæ Autore Petro Ravennate Italo incipiebant purius florere, ideo ibi ex Prisciano Grammatico aliquid publicè prælegit, & Librum I. Lucani & commentaria Cæsaris, & habuit ibidem mediocrem auditorum frequentiam, inter quos etiam erat Joannes Bugenhagius, Petrus, Joannes & Bartholomæus Suavenii fratres; & cum ille adveniret, communi auctoritate inde Alexander Grammaticus, Gemma Gemma-

rum & Vocabularius ex quo, item Hollokot sunt exclusi, ideo quoque versilogum Mancinelli cœpit ibi prælegere.

Et cum ibi ferè per annum hæsisset, circa initium anni Domini 1505. discessit ex ea Academia & venit Francofurtum, ad Oderam Marchiæ, ubi Joannes Marchio Elector cogitarat erigere novam Academiam, quod tamen mox in effectum produxit filius Elector Joachimus primus, qui sequenti anno Academiam introduxit: ubi, quidem omnes cupiebant eum retinere certo stipendio, sed cum ibi reperiret acrem linguæ Latinæ reparatorem Jacobum Wimphelingum ad hoc singulariter conductum, qui etiam postea in ea, nova Academia an. D. 1516. gradum Licentiæ in Theologia sumsit, noluit ibi diu hære, sed tamen specimen edidit sui doni, legens Claudianum de raptu Proserpinæ, & Quintilianum in primis duobus libris. Pauco enim tempore, cum esset laboriosus & quotidie quatuor prælectionibus horas impenderet, multa potuit absolvere.

Inde discedit non sine mœrore præcipuorum Studioforum, & rectà se recipit
Erphur-

Erphurdiam, quò erat vocatus aliquoties literis Euritii Cordi, Theodori Vlsenii & Sturciadæ medicorum, & Jacobi Montani Spirensis, & Eobani Hefsi, ibi cum istis diu conversatus est, & prælegit Vergilii librum 6. Statii & Lucani aliquot libros, cum Nonnii & Antonii Illuminati Grammaticorum scriptis, & omnes isti cum multis studiosis audiverunt Buschium in scholis solerter docentem, & illo præsentem, vel etiam præsidente, omnes inepti & barbari scriptores, ut Alani & similium, barbarorum insulsi libri, sunt publicè abdicati.

Ad finem anni à nato Christo 1506. ex Erphurdia Lipsiam proficiscitur, & ibi multos auditores, qui postea in magnos evaserunt viros, habuit, Georgium Helium, Georgium Spalatinum, Andream Crappium & ex popularibus Joannem Rivium & Hermannum Tulichium Westphalos, ibi Spicilegium sententiarum ex 35. Philosophis collegit & eas cum Officiis Ciceronis contulit in prælectionibus, deinde cum ad auditorium publicum esset admissus legit quoque Epistolas Ciceronis, Tibulli & Propertii Carmina, & Al-

di Manutii Grammatica commentaria tunc
 primum evulgata : ibi diserta , acuta &
 suavis prælectio Hermanni Buschii omni-
 bus & singulis fuit gratissima. Hinc fa-
 ctum est, ut multi diversis editis Carmini-
 bus & scriptis Buschium celebraverint.
 Ideo Joannes Sturnus, qui cum suo
 condiscipulo Joanne Widenavero Egra-
 no, & Casparo Schlickio (qui ibi post Bu-
 schium Philosophiæ & artium Professores
 facti sunt) audivit prælegentem , sic scri-
 bit ad eum publico carmine :

Barbara quæ quondam fuerant Lipsiensia

Tempe

Nec nisi barbaricam docta sonare

Chelin,

Jam nunc Aoniis certant Hermanne Ca-
 moenis

Et rodolent Latiam te duce Calliopen.

Eodem tempore auditor erat Buschii M.
 Christianus Bojarius (qui postea factus est
 Frederici Electoris Saxoniae Cancellarius)
 qui sic de illo in publico scribit carmine,
 eodem tempore :

Buschio inexhaustas Juvenes jam pangite
 laudes

Et viridi è lauro præmia digna date ,

Qui

Qui vos excoluit Latîa Græcaque Mi-
nervâ

Vexit & huc Musas ex Helicone sacras.
Nam rogatu suorum auditorum etiam La-
scharis Grammaticam Græcam cum Phocyli-
dis sententiis Græcis proposuit; ideo idem
Bajoarius sic pergit de Buschio scribere in
publico epigrammate:

Barbara quæ fuerant, hæc fecit regna
Latina.

Castalidos Lipsiis hoc duce potat aquas.
Ergo canendus erit meritoque colendus
honore

Quo duce barbaries pestis acerba ruit.

Ideo Lipsiensis Academia debet in pri-
mis huic Buschio acceptum referre, quod
sit à barbarie foeda liberata.

Circa annum 1510. vocatur in novam
Academiam Witebergensem per Vincen-
tium Thamasium Ravennatem I. U. Do-
ctorem & ibidem professorem: Etsi verò
ibi esset poëta Italus Sbrulius, & similiter
Otto Beckmannus Westphalus poëtica-
tractaret, & eò se ex Lipsia conferrent cum
Buschio Tulichius & Crappius, tamen
cum Sbrulio certavit Buschius: quia ut
ibi

ibi Sbrulius Baptistæ Mantuani poëmata proponerebat; ita hic Vergilii, Lucani, Propertii, Tibulli & Ausonii carmina & Senecæ Tragœdias explicuit, & cum mirificè oblectaret auditores, & auditorium esset illi frequentius, quam Sbrulio, est coorta inter ipsos dissensio: Ideo Buschius regreditur Lipsiam, ubi interim priores barbari Lectores conspiraverant contra eum, ideo effecerunt operâ Hieronymi Emeseri, apud Ducem Georgium, ut An. D. 1511. cum Longicampiano mathematico ejiceretur.

Sic regreditur in Saxoniam subsistens Magdeburgi, & voluit quidem ibi legere, sed impeditur à barbaris, digressus Brunsvigam, ubi admittitur ut Prudentii aliquot hymnos explicaret, & toti Clero erat gratus.

Brunsvigâ discedens venit Hildesum ubi Canonicos aliquos habuit cognatos, cum quibus per mensem vixit, & ibidem specimen eruditionis edens prælegit epistolam Hieronymi ad Nepotianum.

Ex ea urbe confert se in Schovvenbergicum Comitatum in quo habebat bona hæreditaria, ex quibus cum annuos pro-

proventus consecutus esset, ut ad longa itinera perficienda paratior esset, abit Mindam ad fratrem Borchardum tunc electum Decanum in majori Collegio, ubi reperit Bartholomæum Coloniensem (qui & Coloniae & Daventriae Schvvollicque antea, ut erat vir suo tempore doctissimus, barbariem profligaverat & acriter contra barbaros certaverat) ibidem in schola gubernatorem scholasticæ juventutis agentem, & omnes ad meliorem frugem rei literariæ ducentem, de quo ante annos decem sic noster Buschius in publico carmine cecinerat:

Barbaries ægrum virosis faucibus orbem
Polluerat linguis sibila dira vomens.
Pejor Lernæjis nunquam fuit hydra cavernis

Fecerat hæc doctis publica damna
scholis,
Accinctus clavâ sed tu Tyrinthius alter
Sternis Cerberiam Bartholomææ feram.

Hinc te Romanâ jactat facundia linguâ
Murmurat & laudes Castalis unda
tuos.

Mindæ moritur Bartholomæus Colonienfis
pau-

pauper & cū ibi paululum respirasset Buschius, & Somnium Scipionis ex Macrobio in schola, petente fratre, prælegisset, & unam vel alteram epistolam ex Ovidio: confert se quoque Osnabrugam, ubi tunc reformavit linguam Latinam, sicut antea Svvolis fecerat post Hermannum Torrentinum, M. Joannes Alexander Meppensis, qui ut audierat Murmellium & Coloniae Caesarium, ita mirā quoque eloquentiā præditus politiores literas provexit: in cuius schola habuit orationem contra barbaros.

Mox recurrit Monasterium ad Langium & alios Veteres in scholis condiscipulos: Inde profectus Daventriam ad Aedicolios fratres, Gerhardumque Lystrium ubi quædam ex Aulo Gellio & aliquot epigrammata Martialis auditoribus proposuit.

Inde tendit Amstelrodamum, in qua Hollandiæ urbe primaria reperit Alardum Amstelrodamum, qui commentaria scripsit in Rodolphi Agricolæ libros tres de Inventionem Dialectica, & in tomos collegit Rodolphi scripta Coloniae edita, in cuius schola Porphyrii de prædicabilibus narratio-

tionem explicuit, & Petri Hispani ineptias refutavit atque auditoribus exhibuit unam Comœdiam Plauti.

Mox se recipit Alcmariam celebrem, Hollandiæ urbem, ubi tunc studia rexit Joannes Murmellius, & cum ipsum carmine aliquo recitato suis auditoribus commendasset, abiit Trajectum ad Gerhardum, Noviomagum historicum.

Cum eo pergit Lovanium, ubi in Academia reperit Adrianum Barlandum, Adrianum Trajectensem, (qui postea Cardinalis & demum Papa factus est) Jacobum Latomum, Franciscum Titelmanum, item, Conradum Goclenium & Hermannum Stuvium Westphalos, & insignes ibidem, cum Reschio linguæ Latinæ reformatores, (quorum priorem ejusque suaviloquentiam Erasmus Roterodamus, & posteriorem Murmellius insigniter & mirificè commendat in publicis scriptis) Nicolaum Cleonardum & Joannem Campensem Græcæ & Hebrææ linguæ restauratores aliosque plures, ibi proficitur Buschius ex Organo Aristotelis tractatum de prædicamentis: Rhetoricam Ciceronis ad Herennium cum aliquot epistolis ad Atticum, his adjecit Hesi-

Hesiodi librum primum, & Horatium de arte poëtica, & ita in utraque lingua specimen suæ eruditionis eximiae & præclaræ ibidem edidit, & cum admiratione & exultatione studiosorum auditus est.

Ex ea Academia se in Angliam recipit & ibi cum Joanne Coletto, Joanne Roffensi Episcopo, Thoma Moro, Vergilio Polydoro & aliis familiaritatem contraxit, & in schola nova Coleti & alibi in Academicis professus est, interea dum ex Anglia redit, proficiscens per inferiorem Germaniam, fit certior de morte Joannis Murellii subito Daventriæ extincti, de cujus obitu in itinere scribit publicum mœroris carmen ad Rodolphum Langium.

Interea revocaverat Coloniam Buschium præpositus summi templi, Hermannus Comes à Nevvenar, qui eum vehementer amavit, sic inquam revocatus à Comite novæ Aquilæ Hermanno Præposito, qui cupiebat literas inprimis Coloniae florere, ibi Catonis disticha & sua commentaria in Donatum edita repetiit, & aliquid ex Statio & Claudiano proponebat; legebat etiam Gellii aliquot libros & Plinii Epistolas. Et paulò ante ipsius reditum

M. An-

M. Andreas Canther gravissimè ibi quoque cum Joanne Cæsario taxaverat barbaram, Alexandri Galli grammaticam, eamque ex scholis quibusdam ejecerat. Sed Buschio se mox opponit Orthvvinus Gratus ejus olim condiscipulus & popularis, reprehendens hoc obliquè, quod Buschius in suis commentariis in Donatum scriptis, habebat, videlicet tale grammaticum scriptum magnis etiam Theologis, Doctoribus & Magistris necessarium, utile & fructiferum fore, idque fecit tam in lectionibus quam publicis scriptis.

Orthvvinus enim, vir alioqui non indotus, in gratiam barbarorum Theologorum, (aucupans opimam aliquam præbendam & beneficia Ecclesiastica) sese conjunxerat Jacobo Hochstrato Theologo & Magistro nostro, certanti contra Johannem Reuchlinum Capnionem, contra quem pro Hochstrato Lovanienses & Parisienses Theologi pronunciaverant. Interea dum utriusque causa ventilaretur Romæ, ubi patrocinium Reuchlini suscepit & ipsius actionem defendit Buschii amicus, Doctor utriusque Jur, Joannes à Wick, (qui postea anno D. 1533. in Vastennovv ut sanctus mar-

E

tyr,

tyr, tyrannicè est occisus à Canonicis Monasteriensibus, propterea quod ibi promovisset Evangelii doctrinam,) cadit causa Hochstratus, hinc fit ut sese conjungerent Præpositus Comes Neuvvenarius, Vlricus ab Hutten eques, Reuchlinus, & Buschius atque plures & epistolas obscurorum virorum ridiculas contexerent in invidiam Ortvini Gratii; qui multis scriptis defenderat Hochstratum: & hæc jam etiam in multorum manibus sunt.

Mox ibidem edidit Buschius commentaria in Claudiani carmina de raptu Proserpinæ, ad Adolphum Eickholtz Canonicum D. Virginis ad gradus, ubi in præfatione acriter insequitur Buschius Alexandrum Gallum Grammaticum, vehementer, ut inquit ille, laudatum à quibusdam ineptis & insulis Professoribus, blateratoribus & theologastris, quos optimo jure ibi perstringit, docens eos Coloniam tam esse impudentes, ut omnes oratores & poetas veteres, eosque probatos & ingenuos, ex mera inscitia oderint, cum tamen nemo sit, qui vel ad Jurisprudentiam, vel ad Theologiam, cæterasque Medicinæ & Philosophiæ partes pervenire possit vel sit
ido-

idoneus, qui non in meliori Grammatico & aliis politioris literaturæ scriptis versatus sit, quàm in Alexandri istius stabulo immundo, & qui aliter censeant, obtusos eos esse reputat. Interim sic pergit. Mī Adolphe, tales ita magno numero hic & alibi sunt, ut non solum Angulos quosdam, sed gymnasia, thermas, theatra, porticus, plateas & fora omnia, adeo ipsa etiam, templa repleant. Et sunt adeò arctissimè inter se confœderati adversus nos ipsos, qui veteris eloquentiæ studiosi sumus, nostraque humanitatis studia, ut putent nullum ad eximiam aliquam eruditionem pervenire posse, nisi in Alexandro Gallo versatus sit.

Idem Buschius edidit Decimationes Plautinas, ubi sic quoque contra Colonienses indoctos Sophistas scribit: Tu quod Cicero, quod Varro, quod Livius, quod Cæsar & Florus, quod Valerius, quod uterque Plinius & cæteri emunctissimi Scriptores locuti sunt, dubitas imitari, nisi conveniat ille Alexander. Hunc tu iudicās idoneum stolidè, qui de Vergilio aut Cicerone pronunciet. Quid si idem velis, ut sus Minervam doceat.

Cùm hæc & similia scriberet, & in lectionibus proferret Buschius, rursus relegatur ex Academia Colonienſi. Ita opéra fratris Præpoſiti Hermanni à Neuvenar, Wilhelmi Comitis in Neuvenar & Morſe, Domini in Bedber &c. promovetur, ut ſuſcipiatur in Rectorẽ & gubernatorem ſcholæ in inferiori Weſalia Clivorum, ubi Conrectorem habuit M. Jodocum Hetlagium, qui in patria urbe Oſnabruga Secretarium, Senatorem, Quæſtorem atque Conſulem poſtea egit.

Ibi conſcripſit Vallum Humanitatis, quod Coloniz typis ſuis evulgavit Joannes Gymnicus, qui hoc nomine apud Barbaros in periculum venit : ubi expreſſè gravi oratione in eos invehitur, qui veterem Coloniz Barbariem ſapiant. Et ita deinceps pergit : Quomodo quidam poëtriam (ſic enim ajunt iſti barbari barbære loquentes) & artes, puritatemque linguæ vituperent & tantum ab illis Grammaticis Alexandro & Eberhardo omnia peti velint, plus quàm notum eſt. Et mox. Quicunq; modo primam & ſecundam partem, ut vocant, Alexandri & compoſita verborum attigit, ſatis ſuperque jam ad omnes

omnes pandectarum libros & leges universas percipiendas idoneus auditor est. Imò si quid præterea in Latinis literis profecit, omninò id velut superfluum in eo damnatur : imo quanto quis rudior fuerit, tantò fermè aptior ad leges & canones censetur. O temporum inscitiam, ô quantis vitæ intenebris degitur ævum ? Divus Hieronymus propter Latinum sermonem se ab ipsis incunabulis inter Grammaticos Rhetoresque & Philosophos detritum esse dicit, ut sic posset esse utilis Ecclesiæ. At nunc prohi dolor optimæ indolis pueri & Ecclesiasticis quoque præficiendi officiis Grammaticos & Rhetores audire quotidianis propè convitiis prohibentur præter unum Alexandrum Gallum cum Glossa notabili Coloniz nata, quem si consultum profectui eorum vellent, quia se solos rectè consulere illis putant, prohibendi erant vel præcul aspicere, postea ait, esse quosdam Phormiones Coloniz qui Rhetoricam sub Grammatica primæ & secundæ partis comprehendant & ita ostendant se rem Philosophiæ ignorare. Et in præfatione ad Præpositum Hermannum Comitem de Nova Aquila, istum Heroz.

ait: penè solum studia bonarum literarum sola Coloniae colere &c.

Interim Joannes Casarius, Arnoldus Wesaliensis, Joannes Noviomagus, Joannes Mattheus Phrissemius coeperunt puriores postea literas Coloniae accendere & propagare.

Quanta verò & quam insulsa fuerit dictio & præceptio in Alexandro Gallo & Eberhardo, & quam absurda vocabula in Gemma Gemmarum & Hollokoth, aliisque ineptis scriptoribus, publicis scriptis inactivis testati sunt apud Italos Sulpitius Verulanus, Antonius Mancinellus, Antonius Illuminatus & Aldus Manutius; item apud Germanos, Rodolphus Agricola, Rodolphus Langius, Alexander Hegius, Erasmus Roterodamus, Jacobus Wimpelingius, Buschius noster & Joannes Murellius, qui posterior priorum testimonia in suo Scopario ad profligandam barbariem congescit.

Cum verò Buschius aperiret Scholam Wesaliae, ecce tunc sub Camenero, Murellio, Peringio, Horlenio, Tunicio & sanè sub multis aliis doctissimis viris ad annos sedecim floruerant literæ in urbe.

Mo-

Monasteriensi, item Svvollis sub Herman-
no Torrentino, Embricæ sub Ioanne Ælio
juniore, Tremonia sub Nehemio, & alibi
in aliis locis de quibus diximus; Wesa-
liam ad audiendum Buschium Coloniâ &
aliunde studiosi se conferunt.

Interea prodeunt Philippi Melanch-
thonis scripta, non tantum in causa reli-
gionis sed etiam in reparatione studiorum,
quæ Buschius avidè legit. Et cum Lutheri &
Philippi atque Bugenhagii Pomerani prod-
irent Theologica quoque scripta, cœpit illa
evolvere & animum ad Theologiam adjici-
cere, mirifico Zelo cognoscendæ verita-
tis, ideo in usum suæ scholæ colligit in or-
dinem primarias sententias ex Salomonis
& Jesu Sirach scriptis: & interea legit a-
vidè Biblica Scripta & veterum Patrum, ut
ex Græcis Cyrilli, Theophylacti Vulgarii
atque Chrysostomi, & tandem post turbas à
Carolo studio datas, cum Witebergam redi-
isset Lutherus, contulit se quoque in eam
Academiam noster Buschius, & invenit ibi
ex popularibus Professores Otthonem
Beckmannum (qui tamen propter religio-
nem deseruit mox vocationem Witebergæ
& rediit ad Papatum in Westphaliâ) & Her-

mannum Tulichium. Ibi omnibus & Theologis & Professoribus erat gratus hospes Buschius, qui ibi Fortunati, Sedulii, Prudentiis & imprimis Severini Boëtii carmina non vulgaria explicuit magno cum auditorum fructu, inter quos etiam reperi-
tus est saepe Melanchthon, & se eò contulit Petrus Mosellanus ad audiendum Buschium. Ibi eum tunc ex Westphalis audierunt, qui se cum ipso eò contulerant M. Rodolphus Mollerus, Homerus Buteranus, Henricus Sibæus Olphenius, Joannes Glandorpius & plures, qui postea mirificè & bonas litteras & ipsam pietatem in Westphalia propagarunt.

Et si verò in magnis Papatus tenebris, ille & Langius & Hegius educati & nati essent atque etiam Pontificia sacra ardentè secuti essent & publicis scriptis defendissent, tamen sub tantà caligine in fundamento perstiterunt, sicut carmina ab ipsis ante annos 70. plus minus scripta indicant. Rodolphi enim Langii pia carmina sunt hæc:

Hei mihi quàm lacerum crudeli vulnere
corpus,

Gloria Majestas quo latuere DEI?

Quò

Quò te Chrifte potens miserorum culpa
creator

Deduxit, flagris candida terga dares?
Utque latus ferro, sed acutis cuspide
spinis

Heu caput & clavis dñacerare manus?
Et terebrare pedes sacros qui sydera
calcant,

O dolor ô pietas sanguine cuncta man-
nant.

Ipse crucis duræ properabas lætus ad a-
ram,

Æthereas scandat pulvis & umbra do-
mos.

Funde igitur gemitus sudantia vulnera
cernens

Et scelera hoc studeas fonte lavare
miser.

Terribilis ne te vestitus fulmine iudex
Ingratum sternat mucroque vulnifi-
cus :

Ignivomos ponat vultus, sed morte
precare.

Egredientem animam fronsque sere-
na ferat &c.

Alexander Hegius inter alia sic de Chri-
sto scribit:

E §

Robu-

Robureo pressus trunco rex orbis Jesus
Fasce gravi venit namque levare suos.

Item de puero Jesu sic canit:
Alpha vocaris & ω, quia fons & clausu-
la rerum es.

Item:
Morte sua cœli portam patefecit Jesus, &c.

Et quæ Hermannus Buschius in Papa-
tu scripsit inter alia & hæc sunt carmina
ejus:

Quod mucrone latus lacerum; quæ bra-
chia cernis

Vel quos sanguineo rore rubere pe-
des?

Quas gens ecce manus duro furiata te-
rebro

Foderit heu ligno tenſaque crura
ſacro:

Quodque vides humile & nusquam ſine
vulnere corpus,

Hoc ſolum humanæ jura ſalutis habet.

Ex his verſibus apparet, etſi quædam vel ad
Sanctos, vel de alia ſuperſtitione ſcripſerint
in tantis tenebris Papifticis iſti tres magni
viri, quod tamen in fundamento religio-
nis

nis etiam tam superstitioso tempore manserint.

Interim dum agit Witebergæ Buschius, pergit se in Bibliis & lectionibus sanctorum Patrum diligenter exercere, & multa in religionis controversiis rectius intelligere quam antea.

Hinc deinceps factum est, ut dum Illustrissimus Princeps Philippus Hassiæ Landgravius cogitaret de Academia Marpurgi constituenda, atque ad ejus usum undique per Germaniam conquireret & convocaret viros doctrinâ & scriptis claros, & simul in consilium adhiberet D. Lutherum, Philippum & alios Witebergæ professores primarios, illi proposuerunt & honorificè commendarunt (ut multi etiam alii superioris Germaniæ viri docti faciebant) Principi, Hermannum Buschium, ut jam senem exercitissimum in omni scientiarum genere & hoc nomine clarissimum, qui plurimum lucis isti novæ Academiæ daturus esset. Ideo & solemniter & cum pompa quadam per Inclytum Landgraviæ Principem vocatur Marpurgum & pro felici ingressu, munere eximio & serico vestitu donatur, & tunc Historici mu-

munus sustinuit & tantisper in poësi tractavit poëtarum scripta quoque & quæ ad profodiam pertinent, donec eò vocaretur Eobanus Hessus Francobergius : & in ea Academia absolvit totum opus Livii & Cæsaris, & cum Gerardo Nôviomago, quem olim Trajecti in aula noverat, interdum etiam sacra tractavit & proposuit Augustini librum de Ecclesiasticis dogmatibus de fide ad Petrum, & librum Sapientiæ: interim omnes cum admiratione & voluptate audiverunt prælegentem senem Buschium.

Memini multos præstantissimos viros nobis aliquoties referentes, (inter quos erat Georgius Honderlagus Medicus Doctor, qui per Decennium in ea Academia hæserat continuo) quomodo Casparus Rodolphus Suevus Professor ibidem Dialectices (cujus etiam Dialectica exstat) licet semper infensissimus Westphalorum hostis fuerat, dixerat tamen, *ego etsi in Westphalos*; (tractaverat enim ipsum malè unus ex Westphalis Ludolphus Cothemanus Joannis filius Lemgovienensis) *valde malè affectus semper fuerim & adhuc sum, tamen si verum, fatear, non habuit hac Acad-*
cade-

cademia eloquentiores Professores quàm duos illos VVestphalos, Buschium, & Joannem Glandorpium Monasteriensem, qui Buschio in professione historiarum successerat. Buschius Anno D. 1529. libros duos de auctoritate verbi DEI, tam ex Patribus quam ex Scriptura Sacra diligentissimè collectos emisit.

Audivit quoque inter alios auditores etiam designatus, Lutherum cum Cinglio, & Philippum cum Oecolampadio conferentem, & memini Glandorpium nobis referentem, quod Monasterii propediem, in Sacramentariorum opinionem traxisset ipsum Rothmannus, nisi eo se contulisset Buschius, qui quoque dixerat se similiter fuisse propediem, Oecolampadii, Cinglii, Capitonis (quem in aula Moguntina noverat) & Bucerii sententiâ Sacramentariâ præoccupatum, & ferè istorum libris seductum, nisi coram audivisset Lutherum graviter refutantem Cinglii putida argumenta, & Philippum fallacias & absurditates in argumentis Oecolampadii indicantem, ab eo enim tempore, dixerat Buschius, ego perstabo in sententia Lutheri, & ut idem faceret Glandorpius, suaserat.

Mar-

Marpurgi optimi quique Professores (inter quos erant Joannes Fontius, Adamus Krafftius Fuldensis, Theologi) eò perduxerunt Buschium, ut ibi tandem senex iniret cum honesta puella matrimonium, & cum ea anno D. 1527. nuptias celebraret, ex qua genuit filium Hieronymum, qui paulò ante patrem occubuit Dulmone.

Cum verò Bernhardus Rothmannus inciperet causam Evangelii feliciter tractare Monasterii, Buschius eum variis consiliis & scriptis juvit & in proposito confirmavit. Verum cùm ille inciperet cum certis quibusdam Collegis rothizare, hoc est rei Sacramentariæ & Anabaptisticæ factioni se adjungere, rogarunt consules & senatores in urbe Monasterio Buschium, ut aliquos mitteret, qui cum puris Evangelii ministris, sectariis istis occurrerent, aut ut ipse se in Westphaliam reciperet, ut patriæ periclitanti succurreret. Ita ille jam pertæsus laborum, de hortatu reliquorum Theologorum, descendit cum familia in Westphaliam, ut Dulmone oppido ditioris Monasteriensis pedem figeret (habebat enim ibi aliqua hæreditaria bona ex matre.) Quò cùm venisset, mox cum e-

ocant Monasterium consules & senatores
metropolin Westphaliæ de consilio Syn-
ci Doctoris I. V. Joannis à Wick sancti
martyris : ubi adveniens omnia invenit
urbata ; vidit enim Rothmannum arro-
ntem triginta annorum juvenem , suis,
ribus à DEO excellenter ornatus erat,
onis & bonis spiritualibus abutentem, jam
perbire, suo indulgere ingenio, erigere
istas & inolescere. Amicè itaque cum
o privatim de omnibus turbis voluit con-
erre, sed videbatur senem Buschium, jam
men optimè de re literariâ & etiam de
cclesia meritum, juvenis Rothman ex me-
i insolentia & arroganti petulantia, cum
bi soli videretur sapere & se omnibus ho-
minibus doctiorem esse, licet illi multum
ebebat acceptum referre, contemnere &
ræ se vilifacere.

Senatus igitur cùm videretur amica
ompositio irrita fieri & esse, instituit in-
uria colloquium publicum 7. Augusti co-
am omnibus senatoribus & tribunis Anno
1.1533. In eo autem colloquio quid dixe-
t & egerit D. Buschius, jam breviter re-
ram : quamvis necesse erit, ut prius re-
enseatur quos collegas, quos quoque
ad.

adversarios, contra quos ei disputandum erat, habuerit ibidem Buschius.

Collegas habuit in ea disputatione Joannem Holthusium Ahusensem Patrem in domo fratrum, & ibidem procuratorem Theodorum Bredevortium, M. Joannem Glandorpium, Petrum Wirthemium, Brixium Nordanum, Arnoldum Belholdum quondam Judicem. Adversarios habuit Bernhardum Rothmannum, Joannem Cloprisium, Henricum Rollium, Goddefridum Stralen, Dionysium Vynen Distensem, & Hermannum Stapradam Anabaptisticae factionis assertores, quorum omnium nomine respondit in Colloquio Rothmannus. Conferebant coram senatu utriusque partis patroni idiomate Germanico, & quidem patrio, & singulorum verba in chartas relata sunt. Quae ego Hamelmannus aliquando Latina feci & in lucem dedi, interim relationem eorum, quae D. Mag. Buschius protulit, cum ad hanc historiam pertineant, subjiciemus, ut cognoscatur quo fructu Ecclesiae inservierit Hermannus Buschius:

Initium colloquii tale fecit Buschius :

Clarissimi & Prudentissimi Proceres, in celebri confessu congregati, ego quidem superiori anno vehementer gaudebam, & magna lætitia perfundebar, quod direm in patrii nostri soli urbe primaria, angelium Christi depositis abusibus progari, & Sacramenta citra ullam superstitionem juxta divinam institutionem trahi & erogari publicè in Ecclesiis : tum quoque ministerium Bernhardi Rothmanni hominis ingeniosi & facundi, de quo nec temporis multum spei conceperam, utulabar nostris Monasteriensibus, sed ea spes me fefellit & videtur gaudium in ærorem transmutatum esse : cum in unum casum res Ecclesiæ & Reipublicæ depulsa sit, ut nisi DEUS optimus max. hoc advertat, multum & damni & periculi utique immineat. Quod etiam mei meum Collegæ, confratres & amici colendissimi mihi astantes, æquâ lance trutinantes milititer vicem Ecclesiæ, & turbatum eip. statum deplorant, orantque mecum Ilium DEI sedentem ad dextram DEI Patris & dantem dona hominibus, tanquam

autotem veræ pacis, ut mitiget utrobique dolores, & Ecclesiæ concordiam in unitate fidei reipub. autem tranquillitatem clementer tribuat. Quod verò Senatus petit, faciemus nos bona fide id, quod bonos viros decet, in omni lenitate, gratificaturi libenter ejus prudentiæ, modò adversæ partis patroni, proferant de sua opinione propriam confessionem, an etiam in nova nuper suscepta sententia, & ea responsione vel apologetico scripto, quod non ita dudum conclusionibus & censuræ Theologorum Academiae Marpurgensis opposuerunt, perseverent, & sint propensi, ut de his nobiscum coram prudentiss. Senatu & providis tribunis conferant, idque amicè & modestè.

Cum se adversarii per Rothmannum splendidis verbis declarassent, sic pergit Buschius: Postquam Dn. Bernhardus suo & suorum Collegarum, amicorum nostrorum nomine, ad amicam nobiscum habendam collationem de duobus sacramentis, videlicet de Baptismo & Eucharistia, eâ tantum lege se offerat, ut ex verbo DEI transactio fiat, & veluti ipsi ex præscripto Senatus, se paratos dicunt, quod
ve-

nt locum dare veritati manifestæ si concantur : ita nos quoque non aliter exeamus affectos, quàm ut manifestis demonstrationibus verbi DEI convicti ultro ere non erubescamus, quod quidem tri mecum haud gravatim suscipiunt. erim rogamus, ut sicut nos agemus modè nostras partes absque rixis, altercane & tumultu, ita & quisque istorum cidè & sincerè agat, ne quoque ullus suo proposito pertinax & obstinatus pereret, sed ut luculenter suam quisque em apertè in verbo DEI fundatam teur. Quod ad nos attinet, ego quin & meo & meorum collegarum nomine respondeo, nihil nobis prius in voesse, quam hujusmodi fieri colloquium, quo placidè, modestè, sedatè & piè de ni re proposita differatur, ex verbo I, cui sanè nos cedere paratissimi sumus, modò id rectè & in germano sincere suo intellectu assumatur, explicet & intelligatur. Nos quidem omnia iemus quæ Christianos, modestos & pi viros decent, ideo ardentibus votis onus DEUM optimum max. non minus quam adversarii, ut celebrem hanc urbem

bem clementer ab omni malo protegat & in ea Ecclesiam ab omni errore, hæresi & diffidio tueatur.

Moxad hæc respondit homo impius Bernhardus Rothmannus, qui post colloquium furore percitus pedetentim abjectis tandem Bibliis, Enthusiasmo & novis raptibus agitabatur : imò abjecto legitimo suo officio factus est novi & Anabaptistici Regis orator, & deinde uno simul tempore sex conjuges conjunctim duxit, & sic suam horrendam impietatem prodidit. Sed ad hoc responsum Rothmanni auditum sic Apologiam texuit M. Hermannus Buschius pro felici causæ ingressu.

In nomine Domini amen! Dn. Bernharde, amice carissime & reliqui vos Domini præsentibus ab altera parte. Nos quidem valdè miramur, vos modò adversarios nostros, pro anathemate, & loco abominationis habere & reputare pædobaptismum coram DEO, & in ejus sancto aspectu, cum sanè hoc de nostra sententia videatur horrendum & obstupescendum. Nam, si hoc verum esset, sequeretur nos quidem omnes, quotquot infantes bapti-

ptizati sumus, esse abominationem, id-
e sane coram DEO ipso. Non minori
loque admiratione ducimur, quod ex ve-
ris collegis Dionysius referat, pædoba-
tismum in scripturis divinis nullum ha-
ere fundamentum: Ideo, si illud, quod
non expressis literis & syllabis habetur in
verbo DEI exsculptum, deberet esse abo-
minabile, juxta vestram sententiam, id est
anathema, ut dixit Rollias: tunc quoque
non legitur expressis verbis & nominatim
ibi explicitum, ut porrigatur mulieribus
ucharistiæ Sacramentum, cum tamen hoc
in antiquissima & nostra Ecclesia sit usi-
tatissimum, ergo est anathema, & abomi-
natio coram DEO. At hoc non potest ef-
fe verum, nisi fortè omnium temporum
doctores, unà cum Apostolis erraverint,
sed etiam vestrum argumentum non
potest esse verum. Deinde quoque nul-
bi in scripturis legitur, quod pædoba-
tismus dicatur abominatio vel anathe-
ma coram DEO esse, doceant igitur ad-
versarii, quomodo & quatenus possit esse
et nominari anathema & abominatio pædo-
baptismus?

Nos quidem fatemur in sacris literis

E 3

nulli-

nullibi expresse talibus syllabis & literis, vel iis verbis, aperte inquam exstare mandatum, quod infantes & pueri sint baptizandi. Interim consequentia & sensus hujus assensionis & sententiæ potest ex iis perspicue deduci & demonstrari. Cùm igitur adversarii velint, ut omnia ex Scripturis ita aperte approbentur; tunc quoque peto nobis demonstrari, quò in loco dicat scriptura pædobaptismum esse anathema coram DEO. Secundò, arbitror apud non contentiosos facile demonstrari posse ex rationibus & consequentia scripturarum, licitum esse infantum baptismum, ut vel inde sequatur nunquam appellari posse eundem anathema vel abominationem coram DEO. Legitur Exodi IV. quomodo puerum incircumcisum Moïsis, angelus lethali & gravi morbo percusserit, propterea, quod non esset à parentibus circumcisus; acceptà autem circumcissione à matre, revaluisse puerum: ex quo exemplo perspicue apparet: in pueris Sacramentum baptismi per se efficax & salutare esse, etiamsi isti ratione careant. Nam propterea non est necessarium, ut tantisper sacramentis priventur, donec

nec propriam habeant vocalem fidem
eri, quia alioqui etiam hoc non minus
veteri Testamento fuisset necessarium.
raham cum credidisset, accepto pri-
mo mandato de circumcisione, se qui-
n credentem DEO vocanti, circumci-
sit, filium autem infantem, nondum ha-
ntem vocalem fidem, octavo die nati-
vitatibus suarum circumcidit: Et hæc exempla
t perspicue in verbo DEI fundata, quæ
ugiis everti nequeunt. Sed hic fortè
cipient adversarii circumcisionem esse
veteris Testamenti, Baptismum esse novi
Testamenti sacramentum, ideoque rem
diversam. Sed utrumque Testamen-
tum unum nobis DEUM, unum Chri-
stum, unam fidem, & unam Ecclesiam
educat, nec aliâ fide isti, quotquot sal-
vi sunt sub veteri Testamento, quam eâ,
quæ & nostra est, salvari potuerunt. Et
illos spirituales potum bibisse & eam-
dem escam edidisse refert scriptura, ita
ut omnes sub nube baptizatos fuisset. 1. Cor. X.
fortè adversarii urgeant, circumcisi-
onem esse & dici fœdus & signaculum, ideo
quod esset. Sed idem quod de circumci-
sione dicitur, nostrâ concessione potest

etiam de baptismo dici, quoniam quod nobis baptismus est, id fuit circumcisio istis olim, & potest utrumque nobis etiam utrobique mysterium fidei, hoc est quasi analogon fidei esse, quia, ut prædicto loco asseritur, Apostolus populis veteris Testamenti assignat aliquem baptismum, ita quoque Philip. 3. nobis Christianis assignat circumcisionem aliquam, & ejus mysterium. Nos enim, ait, sumus circumcisio, qui Spiritu DEUM colimus, & gloriamur in Christo Jesu, & non confidimus in carne.

Unum adhuc propono argumentum, idque contra eos, qui dicunt paedobaptismum esse coram DEO abominationem & anathema, in sacra scriptura Deuteronomii sic legitur cap. XII. *Quod tibi precipio, ait DEUS, hoc tantum facito domino, nec addes ad illud, vel ei quicquam detrahes.* Jam verò qui paedobaptismum pro anathemate habent, addunt verbo DEI sine ullo dubio aliquid vel proferunt aliquid, quod non est in verbo DEI expresse fundatum. Ideo isti agunt contra mandatum DEI, prohibentes hoc quod nusquam à DEO legitur prohibitum &c.

Ad

Ad hæc argumenta, cum prolixâ commentatione respondisset Rothmannus, mox istas objectiones & effugia Rothmanni futanda, protulit Buschius hæc sequentia argumenta.

Ad exceptionem primam Dn. Bernardi, quod peccatum abominationis comm DE O in iis, qui ignoranter peccant, non sit per sese quædam abominatio, cuius rei dat exemplum de Missa Papistica, sic respondeo: Pro mea simplicitate fautor, quod hæc non satis assequar aut intelligam, nam quomodo abominatio non sit abominatio, & peccatum non peccatum; ego satis non percipio, & video hic mira effugia: interim ut sunt sæpè peccata, quæ nos vel non intelligimus, vel ignoramus, sicut David ait, *delicta quis intelligit, ab occultis meis munda me domine*: Ita nullum potest peccatum excusari. Ideò constanter adhuc retineo meam priorem sententiam, dicens, si juxta opinionem Dn. Bernardi & suorum collegarum pœdobaptismus nihil aliud esset, quam peccatum & abominatio, tunc nos omnes non ritè baptizati essemus aut essemus peccatum, vel abominatio. Interim baptismus per

se, non potest esse peccatum, pædobaptismus est juxta institutionem Christi peractus in pueris, ergo est baptismus, & ita non potest esse abominatio. De Missa jam nihil disputatur. Ad argumentum meum de circumcissione filii Moïsis, quod nihil respondeat adversarius, jam adnotari cupio à notariis.

Ad secundum effugium, quòd ex mea concessione conatus est adversarius eruere suam opinionem, quòd pædobaptismus propterea sit abominatio, postquam de eo nihil clarè & explicitè in sacris literis expressum habeatur, respondeo, me mirari, ita conari evadere adversarium. Interim ego constanter assero non esse opus, ut explicitum & externum certis suis syllabis comprehensum mandatum, aut verbum aliquod, pædobaptismus habeat, postquam prius adversariis opus sit vel inprimis, ut illi ante omnia in initio demonstrent expressis verbis per syllabas & literas ex sacris literis, pædobaptismum nominari & dici abominationem vel anathema, cum nos dicamus ne quidem illicitum vel interdictum aut prohibitum esse pædobaptismum.

Mul-

Multa quidem sunt, quæ piè credit & recipit Ecclesia Catholica, quæ tamen, artis Syllabis & literis expressis explicitè non ita exstant relata in sanctis scripturis: iterum istorum omnium sensus faciliè ex scripturarum consequentia potest erui, templum est virginitas Mariæ perpetua. einde quoque nusquam in sacris literis legitur, quod Apostoli baptizati sint, quamvis nil sit certi⁹ quàm eos baptizatos esse, postquam aliis baptisma contulerint, quod non cissent, nisi baptizati fuissent. Ità Virginitatem Mariæ ex consequentia scripturarum demonstrat contra Helvidium Hieronymus. Et diximus antea simili modo nusquam legi expresse, quod mulieribus debeat porgi sacramentum Eucharistiæ, tamen, propterea non sequitur, quod arceri à communione corporis & sanguinis debeant.

Satis quidem expresse ipsa figura baptismi in Veteri Testamento delineata nobis exprimit pœdobaptismum, postquam paulus dicat eos omnes in mari baptizatos esse. Nam cum illorum essent ad sexcenta millia hominum absque omni dubio & sine ulla exceptione plurimi inter eos infan-

infantes & pueri fuere, & propediem infiniti etiam pendentes ab uberibus matrum inter eos reperti sunt. Cum ergo scriptura illos omnes baptizatos dicat sub nube in mari, ideo etiam omnes pueri, infantes & in ulnis gestati ita baptizati sunt, & si hoc sub figura & velamine istis pueris accidit, quanto magis veritate manifesta, jam in novo Testamento nostri pueri baptizari debent, postquam delatum Evangelium sit ad omnes gentes, quas etiam sine exceptione, ut Matthæi ultimo capite legitur, baptizare debebant, ideo etiam sub eis quoque ipsarum infantes comprehensi sunt. Deinde ut scripturam dicis sæpe tantum virorum facere mentionem, quando tamen non excluduntur foeminae, ita rursum dico eatenus quoque non excludi puerulos, sed eos quasi includi vel subintelligi: Sicut Joannis VI. capite discubuerunt 5000. viri, & tamen ab eis non excluderentur mulierculæ & pueri, quia fit pueruli (græcè dicitur *παιδάριον*) mentio in textu, ideo Matthæi XIV. dicitur, præter mulieres & pueros, sicut etiam sequenti capite dicitur. Legimus etiam quosdam Patresfamilias cum suis baptizatos esse

esse, vel cum tota familia, ut Actus Apostolice testantur, ubi dicitur quod tota domus baptizata sint, ibi sub Patribus familias, subque ipsa familia, & sub domibus etiam infantes & pueri sunt comprehensi, & credo inde originem habere, quod hodie patroni, quos susceptores vocamus, adhibeantur baptizandis pueris: Postremo scimus hunc morem baptizandi pueros & infantes, jam inde à tempore Apostolorum, usque ad nos semper in Ecclesia servatum atque usitatum fuisse & adhuc esse: ideo valde & periculosum, & nostram sententiam, impium est dicere, paedobaptismum esse, impium quid, & Anathema. Esset quoque valde mirandum, quot à tot Doctoribus veteris ecclesie per sesquimille annos, vel etiam ab illustribus nostrae ætatis & ævi Theologis, nihil istorum esset observatum; ideo in his periculosis temporibus hoc merito debebat esse suspectum & profanum, quod à tempore Apostolorum usque ad nos nunquam in Ecclesia receptum & probatum fuit, sed tanquam novum & inauditum est, ideo merito rejicitur.

Hactenus pro paedobaptismo audi-
mus

mus differentem Hermannum Buschium coram Senatu Monasteriensi, & Tribunitia ibidem potestate.

Buschius verò, cum altero die prolixam refutationem eorum omnium, quæ pridie dicta erant à Rothmanno, coram Senatu, tardiusculè, & ita, ut possent eam excipere Notarii, recitaret, nec tamen pertexeret, quòd ut homo senex sedendo per IV. horas continuò, tum quoque dolore propter obstinatum adversariorum malitiam defatigatus, fessus, & lassus, cœpisset ægrotare. Ita descendens ex curia verè curis plenus, cum vix facerent pedes suum officium, undique in foro & per plateas, risui erat expositus phanaticis, qui bonum senem miserè vexabant, quasi esset elinguis factus, & tam à Domino punitus. Ita properat exire ex urbe & venit Dulmonem, ubi cum paulò ante ipsum extinctus esset filius Hieronymus, ipse moratur in ædibus consobrini sui Godofridi de Schedelich, Satrapæ Dulmonensis. Et sic in initio obsidionis Monasteriensis anno Domini 1534. placidè & feliciter in Christo obdormit, eo morbo, quem sibi Monasterii ex mœrore contraxerat : & alte-

post eum anno moritur conjux ejus eida.

Hactenus diximus de vita, laboribus, meritis, cursu vitæ, & fine viri clarissimi nobilis Hermanni Buschii, optimè de studio & ecclesia meriti. Nunc dicemus, quarum suorum monumenta in lucem deduxit.

Scripta quædam Conradus Gesnerus Bibliotheca, Lycostenes & Georgius Wilerus referunt. Hermanni Buschii commentaria in Donatum ex Prisciano, Diode, Servio, Capro, Agretio, Phoca, Perrone, Aldo, Perotto, Nebrissenfi &c. collecta & edita Basileæ per Thomam Plautum anno Domini 1540. (sicut antea Coloniae & Daventriæ & Monasterii erant cusa.)

Decimationes Plautinæ impressæ Coloniae: Epistola primam Persii Satyræ multiplicans, impressa Parisiis apud Wechem, & Coloniae apud Gymnicum. Ars memorativa nescitur an sit publicata. Valm humanitatis, qui liber est impressus Coloniae.

In Silium Italicum annotationes excusa: Basileæ apud Thomam Wolphium.

Com-

Commentarii in primum librum Martialis obscœnis carminibus rejectis, excusi Colonia. Hypanticon versibus Heroicis Antistiti Spirensi Georgio Palatino Rheni Comiti, super solemnī suo in Spiram ingressu, dicatum, Cratander, Basileæ anno Domini 1520, excudebat: Scripsit etiam epigrammatum libros tres, ex quibus tertius est Lipsiæ anno Domini 1504. excusus, (reliquos duos curaverant excudi Daventriæ & Monasterii Langius & Hegius anno Domini 1498.) Exstant ejus Annotationes in Juvenalem. Scripsit quoque de singulari auctoritate veteris ac novi Testamenti, Sacrorum ecclesiasticorum testimoniorum farrago in duos libros divisa & impressa. Marpurgi anno Domini 1529. Hactenus recensuimus, quæ ibi ex lucubrationibus Buschii exstent & recenseantur: addemus autem & ea quæ nos vidimus præterea adhuc.

Scripsit elegantissima commentaria in Claudianum impressa Colonia: Scripsit quoque carmen lugubre de obitu Joannis Murmellii, Daventriæ excusum: Scripsit & carmen de urbe Coloniensi, cui titulum fecit, Floram. Descripsit quoque
ur-

urbem Lipsiam publico carmine, in quod scripsit Philippus Novesianus Hasfurtinus commentaria, & carmen cum commentariis excusum est Lipsiæ anno Domini 1521. à Martino Herbipolensi. Scripsit gratulatorium carmen de adventu Erasmi Roterodami Coloniam, ibidem excusum. Scripsit Hecasticha ad Fredericum Trajectensem Episcopum, urbem Daventriam ingredientem, Daventriæ excusa. Brevia quoque Scholæ in Æneida Vergilianam scripsit: Item anno Domini 1498. scripsit de triplici Psalterio Mariæ ad Joannem Rincum carmen doctissimum Colonia excusum. Selegit quoque selectiores epistolas Ciceronis in usum Scholæ Wefaliensis: edidit etiam Orationem ad Clerum Coloniensem valdè doctam & ibidem excusam, quâ omnes Ecclesiasticos hortatur ad lectionem scripturarum. Edidit Lipsiæ anno Domini 1502. Spicilegium LIII. illustrium Philosophorum auctoritates vel sententias, & epigrammata quædam in laudem D. Virginis: Item Oestrum in Tilemannum Heverlingium Lipsiæ anno Domini 1506. editum. Scripsit etiam carmina de morte Wilhelmi Co-

mītis de Nova Aquila , ad filios Hermannum Præpositum & Wilhelmum Comitē in Morſa. Item de Catharina virgine, ad Hermannum Goſbachium : item gratulatoria carmina ad Hermannum Comitē Neuvenarium & Martinum Oedkempſem, Coloniae excuſa.

Scriptit & alia, quæ aliquando mihi viſa ſunt & tamen modo non occurrunt.

Ut autem hætenus de ſcriptis Hermannī Buſchii egimus , ita quoque docti Grammatici doctum de tribus Hermannis Weſtphaliæ luminibus carmen ſubjungemus. Is eſt Henricus Sibæus Olphenius, qui ſic ſcribit de iſtis :

Tres tulit inſignes nobis ſummeque peritōs

Hermānos nuper Weſtphala terra viros :

Buſchius eſt primus, vir nobilis atque poëta,

Quem colit Aonius Pieriusque chorus.

Alter adeſt docto lepidoque Tulichius ore

Grammaticus doctus, Rhetor & eximius.

Ter-

Tertius hinc sequitur vero cognomine
Bonnus,

Quod bonus ingenio, quod bonus ar-
te fuit,

Hic docuit multos sincero pectore Chri-
stum

Non hic vaniloquus non Thraaso ma-
gnus erat.

Simpliciter plebem docuit sine fraude
dolisve

Quod minimè faciunt, qui sua lucra
petunt:

Jam si quis quærit Patriam, natale so-
lumque

Hos nasci voluit quo DEUS omnifa-
tor:

Buschius ad fluvium genitus, quem Vare
videbas,

Sed non Romanis nuncia læta ferens:
Padera Tulichium nobis dat nobile flu-
men

Ingens qui patrii lausque decusque
soli:

Hæc dedit Bonnum fluvius non magnus,
at usu

Commodus, ut testis accola dives
erit.

Bibliothecam Buschii libris in Italia
passim editis splendidissimam cum cuperet
ejus cognatus vir doctus & nobilis Rotge-
rus Schmisingius Cathedralis Ecclesiæ Mo-
nasteriensis Decanus, transferri ad usum
publicum, autorque esset suo capitulo, ut
emeretur ab ipsis, scripsit ad fratrem Her-
manni Buschii Dn. Burchardum Buschium
Cathedralis ecclesiæ Decanum in urbe
Minda, verum is in honorem Patriæ, illam
Bibliothecam liberaliter donavit Capitu-
lo Cathedrali Monasteriensi.

* * * * *

CONCLUSIO

AD NOBILES FRATRES

DN. NICOLAUM,

ET

DN. OTTONEM

A MONICHAUSEN.

DN. SATRAPÆ ET CAPI-

TANEI LIBORII A MO-

NICHAUSEN

FILIOS.

Audi-

Audivistis jam nobiles, eximii & ornatissimi juvenes, vitam, genus, ortum, familiam, labores, certamina, doctrinam & mortem vestri cognati viri clarissimi & doctissimi atque æque nobilis Herois D. Hermannii Buschii inde ab ipsa ejus pueritia usque ad finem vitæ à nobis recitatam & prolixius declaratam ordine esse. Quantus igitur vir, quàm eruditus, quàm celebris, quàm ingeniosus, quàm facundus, quam acutus, quàm tersus, quàm purus, & quàm egregie versatus in omni genere autorum vester cognatus Buschius fuerit, nos quidem balbutiente lingua vel potius calamo, mediocriter explicuimus, & addidimus quomodo passim ipse in Germania literas Politiores & linguam Latinam ac Poësin restituerit, ut etiam fuit post Rodolphum Agricolam, Rodolphum Langium, & Alexandrum Hegium primus & præcipuus cum Conrado Celte & Ioanne Murmellio in Germania, poëta, & certè multum hinc inde præstitit primò in scholis & deinde in Ecclesiis, Buschius.

Buschio certè & multis Westphalis acceptum referat Germania, quod Latina lingua floreât ubique. Rodolphus Agricola

Frifius in terminis Weftphaliæ natus primum fecit initium reformationis Latinæ dictionis. Mox ejus erant focii eodem tempore, Alexander Hegius Weftphalus Daventriæ, Rodolphus Langius Monafterii in media Weftphalia, Antonius Liber Sufatensis Amftelrodami & Alcmariæ. Item in fuperiori Germania Ludovicus Dringeburgius Weftphalus cum Rodolpho fortiter incepit. Post illos Erasmus Roterdamus Hegii & Antonii Liberi Weftphalorum difcipulus, Bufchius, & Timannus Camenerus Weftphali & Joannes Murmellius, qui per omnem vitam non tantum profecit & fcripfit in literis politioribus quàm in media Weftphalia Monafterii. Jacobus Wimphelingius Dringenbergii difcipulus cum multis condifcipulis præftitit in fuperiori Germania idem. Deinde in inferiori Germania Conradus Goclenius & Gerhardus Liffrius uterque Weftphalus & Weftphalorum difcipuli Alardus Amftelrodamus & Hermannus Torrentinus: In Mifnia post illos Joannes Rivius & in fuperiori Saxonia Ottho Beckmannus & Hermannus Tulichius tres fimul Weftphali, qui bi erant reformatores linguæ Latinæ & interim

in prætereo eos omnes, quorum honor
est facta mentio in hac tota oratione.
certè Germania fateatur se Westpha-
multum debere & imprimis vestro co-
to & vestræ maternæ familiæ unico
endori Hermanno Buschio gratias agat,
nde merito ipsi gratiam habebit purior
lesia, quod ex fontibus Israël verita-
contra phanaticos fortiter defen-
it.

Cum igitur vivat jam in coelis sine o-
i dubio, ita quoque volui ut viveret in-
olis & Ecclesia adhuc nomen Buschii, ut
steritas eum celebraret & veneraretur
pro præstita opera illi gratias ageret.
est igitur Buschius honor & decus toti
estphaliæ, ita quoque suo generi & ve-
æ H. quæ ex ejus stemmate nobili & vete-
originem ducit, multum laudis adfert.
Item hoc unum vobis restat, ut ejus ex-
nplar ad imitationem vobis proponatis,
nde salutem in cœlo, & laudem apud li-
ratos atque in ecclesia reportabitis.

D I X I.

G 4

Plu-

Plura de Buschio vid. apud Melch. Adamum in Vitis Philosoph. p. 36. seq. edit. nov. in fol., Dav. Chytræum Orat. de Westphalia, apud Jo. Goes in Opusculis de Westphalia, p. m. 17. 18. Item in Epistola ad Henricum Meibomium, quâ ipsi de laurea poëtica gratulatur, apud eundem Goes l. c. p. m. 25. Thomam Crenium Animadvers. Philol. Hist. Part. XI. p. 263. seqq. Adde, si lubet, Diss. nostram de Meritis Westphalorum in Academiam Rostochiensensem, heic loci MDCCVII. hab. p. 40. seqq. &c. Scriptis ab Hamelmanno recensitis addi poterunt sequentia:

Commentarius in Lactantii Hymnum de resurrectione Christi. *Vid. Crenius Animadvers. P. IX. p. 281. seq.*

De Pædobaptismo Disp. habita Monasterii Westphalorum anno 1533. contra Berni Rothmannum & complices. ed. Monast. 1572. in 8. *Vid. Jo. Clessius in Elencho p. m. 17. fin. ut & Mart. Lipenius in Bibl. Theol. pag. 36. b.*

Carmina; quæ habentur in delic. Germ. p. 833. *Vid. Georg. Matth. Königius in Bibl. Vet. & nova, p. 145.*

ORA-

ORATIO
De
VITA ET OBITU
ARNOLDI
BURENII,

WESTPHALI,
onarum Literarum in A-
cademia Rostochienſi Profeſſoris
clariffimi,

in
Novi Reſtoris Academici
renunciatione

INNO MDLXXIIX. XVII. Cal.
NOVEMBRIS

Rostochii

habita

a

NATHANE CHYTRÆO. *

* Conſpicitur hæc Oratio in Volumine Orationum
Burenianarum, Rostochii anno M.D.LXXIX.
in 8vo ab eodem Chytræo editarum, ut & quami-
vis omiſſis quibusdam, in Variis, de Weſtphalia
ejuſque doctis aliquot Viris, Opusculis, Adnota-
tionibus à Jo. Goes Weſtphalo illuſtratis, Helmſt.
M DC. LXVIII. 4to. num. VIII. p. m. 136. ſeqq.

G 5

Sæpe

Sæpenuerò, dum in hoc Magistratu scholastico versatus sum & ratione officii illius mei, universum Reipubl. nostræ litterariæ corpus ejusque plagas & vulnera consideravi : Inter alia etiam cogitare mecum coepi, quænam potissimæ causæ essent petulantia & ferocia, quâ quodammodo infectam & imbutam esse nostræ ætatis juventutem, omnes subindè conqueruntur. Arbitrabar enim, causis illis inventis & perspectis, fore, ut remediorum quoque ratio aliqua, si non subito & in præsentia, saltem pedetentim, & ex aliquo temporis intervallo, multis viris gravibus & prudentibus contra has corruptelas unanimiter copiolas suas conjungentibus, posset uniri. In disquisitione autem illa non minimam equidem mali hujus causam esse deprehendi in parentibus, qui in domestica educatione suos ferè aut ipsi nimiam indulgentiam corrumpunt ; aut ab aliis vel fatuitate vel inani scientiæ persuasione depravari, vel etiam nimiam contumacia efferri sinunt, antequam eos fidis & eruditis præceptoribus rectè & commodè instituendas committant. Eadem accedebant quotidiana & ubique obvia scelerum exempla.

&

mala sœdalitia, quibus præclara & optimæ
dolus ingenia flagitiosè à lurconibus istis
bulis & impuris corrumpi, non sine ma-
mo & acerbissimo dolore, multò equi-
m sapius quam expedit, videmus & de-
oramus. Præterea eorum quoque ser-
monis, nescio quam laudandi, non rarò
amen inculcati, tùm recordabar: **Qui**
as rerum omnium confusiones & disci-
plinæ interitum fato cuidam adscribunt.
Quod ipsum verum si esset; incassum pro-
fectò hæc omnis toties à multis suscepta
flet cogitatio, eademque deinceps quo-
ue ridiculè à nobis susciperetur. De iis
nim, quæ fieri aut mutari non possunt,
nemo sapiens unquam deliberavit. Fri-
volam autem ne dicam impiam esse hanc
illorum opinionem, cum multa alia, tum
imprimis non paucarum adhuc scholarum
optimè constitutarum, & honesta discipli-
na, omnisque officii cultura florentium,
exempla manifestè convincunt. Nam ut
alias nostris hominibus non ignotas silen-
tio præteream; quid de Jesuitarum, quos
vocant, scholis qualiscunque alias religio-
nis illæ sint, dicemus? quæ profectò tam
variis & tam longè inter se diffitis in locis
pas-

passim constitutæ, non eam ubique disciplinæ severitatem, præceptorumque & auditorum in faciendis officiis scholasticis diligentiam & constantiam haberent; si omninò fatalis esset ista laxissimæ disciplinæ dissolutio. Quod enim isti in sua illa depravata religione hac in parte præstant & præstare possunt: Cur idipsum nos quoque, qui veræ religionis adminiculis abundamus, si modo id serio nobis curæ & cordi esset, efficere & præstare non possemus? Ego verò nos hac in parte non, tam fatalia quàm nostræ culpæ debita mala sustinere, non dubitaverim affirmare. Et etiamsi, ut dixi, neque parentes neque mala sodalitia extra culpam hic esse deprehendantur: tamen non minimas, imò vero potissimas hujus calamitatis causas penes gubernatorum scholasticorum πολυκοιρανίην, seu crebras Magistratum mutationes, præceptorumque lentitudinem & incuriam, mirumque quoddam omnibus placendi studium esse crediderim: quibus sublatis illa quoque moderationem aliquam brevi essent consecutura. Hi autem in officio faciendo ipsi somnolenti, & in disciplinæ ratione nequaquam constantes & inter

ter se concordēs cum sint : neque illa,
æ officii sunt, eâ , quâ par erat fide &
licitate expediri ab illis possunt : neque
pravatæ educationi, aut perniciosis so-
litiis finis, aut modus aliquis statui. Ac
dentur mihi ii, qui aliquid ad hanc di-
plinæ instaurationem conferre debe-
ant, quodammodo in quatruplici esse dif-
ferentia. Invenias enim non paucos, qui
prima rempub. & literariam & civilem hac
a parte juvandi voluntate sint præditi,
ui si quantum vellent, tantum etiam pos-
sent, præclarè admodum de nobis agere-
ur. Sunt etiam, quibus facultas egregia
non deesset ; si modò constantem quo-
que & propositi tenacem voluntatem ei-
lem adjungendam esse cogitarent. Alii
neque volunt, aut si maximè vellent, non
possunt, ullam in partem in hac genere
reipub. commodare, qui ob inscitiam & i-
gnorantiam excusandi fortè essent ; nisi
laudabiles aliorum hac in parte conatus
importunitate & proterviâ suâ ut pluri-
mum impedirent. His accedunt alii, ii-
que admodum, apud nos præsertim, pau-
ci, qui voluntatem egregiam, cum volun-
tate rem hanc utiliter peragendi simul ha-
beant

beant conjunctam. De quibus tantum, quantum argumenti ubertas & reipub. necessitas postulat, dicere in præsentia non est mihi propositum; Paucis igitur & quidem officii quo semestri hac functus sum ratione, hæc ulcera nostra, quod nemini publicarum utilitatum studioso, molestum aut grave esse potest, attingam, & ubi ea lateant, monstrabo: aliisque medicis, longè me peritioribus, curam ea aperiendi, expurgandi & sanandi relinquam: statim postea ad id, quod jam mihi sumpsi, dicendi argumentum accessurus. Facere autem non possum, quin ante omnia majorum nostrorum fidem, publicæque Academiæ utilitatis amorem, & in omnibus officii partibus sedulo obeundis, easdemque ad posteritatem quoque transferendis industriam & ardorem magnoperè commendem. Statuta enim vetera, si quis vir bonus, & amore officii & honestatis non omnino destitutus accuratè evolvat, is non sine admiratione & voluptate quoque cognoscit, quibus illi artibus & institutis, ad eum, qui aliquamdiu fuit, florem, Academiam hanc nostram perducere & evehere sint conati. In hac enim primi illi & anti-
que

virtutis ac fidei senes planè conspirasse
ex sese animadvertimus, ut post habitis
gratis utilitatibus & commodis, propriâ
gloriola neglecta, tantum ea, quæ pu-
tè honorifica & salutaria essent, cura-
t; Ideoque ut Sallustius loquitur, mala-
n artium insolentes, labori, diligentia
continentia, tanquam optimis & præstan-
tissimis artibus unicè incumbabant. Con-
cordia illis maxima erat, minima avaritia.
ges honestas & salutes ferendi & con-
servandi, iisdemque obedientiam præstan-
t, studium planè indefessum. Non enim,
quod passim fieri videmus, satis se Magi-
stratus & præceptorum officio functos esse
existimabant, si juventuti leges certas, se-
cundum quas viveret, præscripsissent; ipsi
interim, Achillis Hæbratiani instar, jura si-
bi nata negarent: Sed ante omnia ope-
ram dederunt, ut ipsi inter se unanimi
rempub. litterariam instaurandi, conservan-
di & ornandi studio inflammati, primò sibi
ipsi leges & statuta certa conficerent, qui-
bus Rectoris, Promotoris, Decani, & sin-
gulorum Doctorum Professorumque officia
continerentur. In ea confecta jam non
tantum ipsi jurabant, verum ita etiam ac-
curatè

curatè & studiosè omnia & singula dispiciebant, ut quilibet nolens volens in suo munere abeundo sedulus esse cogeretur, cum certos quasi operarum inspectores & exactores haberet : & sicubi cessaret latere omninò aut impunè evadere non posset. Rectori certè ipsi, ut eà quā oportet, fide & integritate, sine personarum respectu omnia ageret, tanquam Ephorus apud Lacedæmonios, & Censor apud Romanos, adjunctus erat Promotor, quem vocant: Peculiari juramento & poenā ad hoc ipsum obligatus, ut non solum in omnium Collegarum, verum ipsius quoque Rectoris actiones & officium aciem oculorum suorum intenderet : Et quemlibet nulla amicitiae aut cujuscunque alterius necessitudinis aut conjunctionis, ratione habita, si aut negligenter aut perperam quid faceret, graviter & severè moneret, & contra officium delinquere non cessantem toti concilio secundum statuta & leges, factum illius certò examinaturo & punitorio, ad tempus legibus præstitutum sine mora indicaret, nisi ipse neglecti officii nomine secundum easdem leges mulctari sine ulla exceptione vellet. His igitur legum

n vinculis & statutorum veterum can-
lis cum primo se ipsos & officium su-
maiores nostri anxîâ quadam curâ seriò
lulissent, & in eorum exsecutione inte-
: & incorruptè ipsi cum primis jam ver-
entur: tum demum adolescentes quo-
e fidei suæ commissos rectius, commo-
is & facilius in officio potuerunt & etiam
acti sunt continere. Jam verò postquam
gum illud legum & statutorum veterum
propriis cervicibus ipsi excussimus: Et
iod post mortem Josuæ Israëlitas fecisse
gimus, quilibet pro lubitu & arbitrio
o facit & omittit, quæ aut bona aut mala
dentur in oculis suis: Non mirum quo-
re est, maximam juventutis nostræ par-
em, eâ quâ videmus dissolutione effre-
em, inscitiâ agrestem, licentiâ indomi-
um, impietate flagitiosam, omnis officii
memoriam & curam tanquam rem se indi-
nam planè abjicere, legum edicta & Ma-
istratus auctoritatem cum supercilio quo-
iam contemnere, & stultis ac sceleratis
upiditatibus suis liberrimè frenos laxare.
sed ut ad distinctionem illam meam, de
qua paulò ante agebam, revertar: An-
non multos quotidie, viros alias satis bo-

H

nos,

nos, de hac disciplinæ laxatione conquere-
rentes, conatumque aliquem, eam non nihil
adstringendi ejusq; umbram qualemcunque
conservandi, suspicientes, audimus & vide-
mus? Sed eorum aliqui neque ita eru-
diti & intelligentes sunt, neque ejus no-
minis & auctoritatis, ut id quod cupiunt
perficere etiam possint. Reperias etiam
ibidem nonnullos, ex veteris ignorantiae
latebris nondum planè eluctatos, qui tamen
interim mirificè sibi placeant, atque ideò
aliorum, & in disciplinæ & in studiorum
ratione meliora monentium, voces ex alto
despiciant, suasque illas glandes flori fa-
rinæ, ubique jam obvio, longissimè præ-
ferant. Usque adeò difficulter *ἱσχυρογνώ-
μονες* illi possunt, quæ juvenes didicere, se-
nes perdenda fateri. His proximi erant,
quos dicebam posse quidem, sed non
velle hac in parte constanter publicæ uti-
litatis causa elaborare. Quorum non
paucos, verum quidem est, ita multipli-
cibus negotiis occupari, ut eò nomine ex-
cusationem mereri posse viderentur; nisi
& hæc facere oporteret & illa non omit-
tere: Et nisi curæ istæ laboresque ipso-
rum privatam ferè potius quam publicam
uti-

utilitatem spectarent. Privata autem publicis longissimè postponenda esse in ore est omnium.

Utinam id quod dicitur, re ipsa quoque aliquo saltem modo præstaretur: tum profectò hæc veteris disciplinæ restitutio, non planè tanquam desperata negligeretur; si præsertim ad curam hujus rei accederent, viri intelligentes simul & magnanimi, suamque mentem in publicas tantum reipubl. litterariæ utilitates defixam habentes, qui neque adulatorum blanditiis & susurris, neque improborum calumniis aut obrectationibus, neque patronorum licentiæ odio aut malevolentia, ab honesto suo proposito se paterentur dimoveri. Qui enim sentinam istam & fecem reipubl. scholasticæ nolunt ante omnia exhaustire, qui fucos ab apibus non audent sejungere, qui neminem ex collegis aut aliis volunt offendere, neminem punire; sed de sua lenitate, indulgentia, & torpedine potius, quam de amore disciplinæ, de justitia & severitate apud adolescentulos sui admiratores & alios gloriari: Illi ad hoc de quo agimus efficiendum, minimè sunt idonei. Neque est,

quod ii, qui maximis in dignitatibus sunt collocati & laborum suorum præmia percipiunt amplissima, rem hanc, ut unicè necessariam, ita maximè quoque difficilem & juventuti exosam, ad solos Philosophiæ doctores velint rejicere. Æque enim illi atque hi, id quod officium postulat, facere tenentur. Æque in honorem & emolumenta Academiae jurarunt: Æque neglecti officii rationes gravissimas, justissimo judici reddere aliquando cogentur. Venio nunc ad eos, quos neque velle neque etiam posse quicquam in hoc genere manifestum est: Quorum plerique ipsi ab ineunte ætate vel indulgentiâ parentum infatuati, vel à pædagogis indoctis & arrogantibus magna mercede ut nihil scaperent, instituti, ita paulatim adoleverunt, ut neque quid disciplina honesta aut litteræ humaniores essent, unquam possent animadvertere, multò minus his viis ad veram & salutarem eruditionem pervenire. Hi postea nihilominus publicis officiis & functionibus, sicuti vulgò fit, adhibiti, ut nullos se doctiores & meliores, plerosque autem omnes sui quam simillimos, aut etiam deteriores efficiant;

à disciplina & optimarum artium studiis in-
tempestivè admodùm adolescentulos ad
altiora abducunt : omnia quæ astringunt
alii, ipsi relaxant : De collegarum seve-
ritate apud discipulos conqueruntur, & in-
epti Clitiphonis Terentiani instar, multò
se, cum iisdem officiis fungerentur, aut
leniores jam fuisse, aut certè, si quando
iis adhibeantur : multò placabiliores esse
futuros, impudenter clamitant. Miser-
rîmi certè homunciones, quinecumbam
officii ullam unquam viderint, nec gu-
stum ullum veræ laudis & eruditionis un-
quam perceperint. At quantò his & præ-
stantiores & meliores sunt ii, quos quar-
to loco paulò antè commemorabam : ni-
mirum qui ab ineunte ætate domestica &
scholastica disciplina ad veræ virtutis & e-
ruditionis studium assuefacti, & ad easdem
feliciter perducti ; ideam illam seu ima-
ginem veteris disciplinæ & studiorum suo-
rum constanter adhuc animo circumfe-
runt, & ardore quodam juvandi rem-
publ. inflammati, ad eundem modum a-
lios quoque suæ informationi commissos
ad metam optatam volunt, & nisi ab aliis
impediantur, Deo juvante possunt per-

ducere. Quorum in numero, qui admodum exiguus, ut sunt omnia præclara, semper fuit, non immerito, imò iustissime & maxima sua cum laude omniumque honestorum virorum approbatione nomen suum profiteri poterit Vir optimus & doctissimus, & olim honestæ disciplinæ in hac Academia instaurator & vindex, ARNOLDUS BURENIUS. Cujus ego tum sæpè alias, tum verè quotiescunque apud Plautum Comicum lepidissimum lego verba, illa, quæ in Bacchidibus Lydo cuidam, petulantis & indulgentia paternâ, corrupti adolescentis pædagogo, de laxissima ejus ætatis disciplina conquerenti, eamque cum veterum severitate conferenti, attribuit, soleo recordari. Eodem enim modo vir aliquis cordatus hujus juventutis, dissolutionem & ferociam, cum illius, quæ tum fuit, continentia & modestia conferens, his verbis parentes & præceptores parum sui officii memores posset compellare :

*Heus tu, qui pro tam corrupto dicis causam
filio
Eademne erat hæc disciplina cum tu adoles-
cens eras!*

Nego

Nego tibi hoc annis viginti fuisse primis co-
pis,

Digitum longè à padagogo pedem ut efferres
adibus.

Ante solem exorientem nisi in palastram ve-
neras,

Gymnasi præfecto baud mediocres pœnas
penderes.

Ibi cursu, luctando, hasta, disco, pugil-
latu, pilâ,

Saliendo se exercebant magis, quam scor-
to aut suavis.

Indè de bippodroma & palestra ubi revenisses
domum,

Cinctilopracinctus in sella apud Magistratum
affideres,

Tum librum legeres: si unam peccavisses syl-
labam,

Fieret corium tam maculosum, quam est nu-
tricis pallium.

At nunc priusquam septuennis est, si cum at-
tingas manu

Ex templo puer padagogo tabulâ dirumpit
caput,

Cum patrem adeas postulatum; puero sic dicit
pater,

Noster esto: dum te poteris defensore injuria.

*Provocatur pædagogus. Ebo senex minimi
precii,*

*Ne attingas puerum istâ causâ quando fe-
cit strenuè.*

*It magister quasi lucerna uncto expletus lin-
teo,*

*Itur illinc jure dicto : isthoccine pacto
potest*

*Inbibere imperium magister, si ipse primus
vapulet?*

His inquam & similibus verbis vir aliquis gravis & cordatus nostræ ætatis parentes & magistros posset compellare : Meminerunt enim nonnulli ex iis quoque, qui hic præsentés sunt, quanta temporibus Burenianis in plerisque adolescentibus fuerit præceptorum observantia : in omnibus sui officii partibus sedulitas : Cum quodam prolubio conjuncta obedientia : discendi & proficiendi, magistrisque gratificandi mira cupiditas : in admonitionibus denique & objurgationibus perferendis insignis patientia. Quibus cum si quis nostræ juventutis, quos paulò antè quoque attigi mores indomitos & vivendi rationem planè dissolutam (imprimisque spiritum istum efferum & barbaricum, qui jam non
mo-

modò in dictis factisque ætatis istius florentis, verùm etiam in vultu, oculis, oratione, vestitu, incessu, omnibusque adeò totius corporis gestibus se prodit) comparaverit; profectò omnia illa aut jam exulare, aut saltem sine re nomina inania esse, meritò affirmarit. Cum autem laudabilis in plerisque omnibus tam patriis quam exteris Academiis consuetudo sit, ut quilibet sui ordinis & professionis viros præstantes etiam post mortem celebret: non abs re facturum me existimavi, si hoc tempore, quo publicè aliquid dicendi necessitas mihi imponitur, potissimum de ARNOLDO BURENIO orationem haberem. Non enim solum bonarum litterarum Professor primarius in hac Academia fuit Burenus: Verùm iis quoque, quæ à bono & fideli præceptore proficisci possunt, beneficiis, peculiari modo mihi ipsi est devinctus; ut sine crimine animi ingrati, quod omnium criminum maximè detestabile est, id ipsum honestè negligere non possim. Feci autem id eò quoque libentius, quod existimarem meam hanc qualemcunque oratiunculam, aliis Burenii discipulis, longè me eloquentioribus, incitamento

H ; fore,

fore, ut in præceptoris sui vitam accuratius inquirerent, ejusque laudes encomiis uberioribus persequerentur. Idque ut faciant majorem in modum peto. Interea dum melius aliquid & splendidius illi elaborent: Vestrum erit, tenuitatem hanc meam boni consulere: & mihi de viro optimo optimeque de hac schola merito, dicenti, animis æquis & benevolis auscultare.

In patria autem & parentibus Burenii commemorandis prolixus non ero, quod si facere consueverunt, qui laudandos sibi sumserunt viros propriâ virtute minus illustres. Eorum enim genus & proavos, & quæ ipsi non fecerunt, tanquam propria sint aliundè mutantur; atque ita fucò quodam auditoribus suis imponunt. Sicuti enim parum refert quales majores tui fuerint, si ipse nullius sis precii: ita non magni interest, quibus majoribus editus sis, si modo ipse virtute præ aliis mortalibus excellas.

Ἀνδραγαθίας enim non *πατρυαθίας* rationem habendam, rex Antigonus monebat. Et Euripidi is nobilis esse videtur, qui justitia & aliis virtutibus conspicuus

cuus sit ; eum verò qui iisdem destituatur, ignobilem censeret , licet à patre etiam, quàm ipse Jupiter sit meliore , genus suum deducat. Idem alibi homines natura fortes & justos , quamvis è servis natos nobiliores esse ducit , quam ignavos & injustos , inani avitæ nobilitatis gloria turgidos. Quæ omnia non idèò commemorò , ut vel generis antiquitatem & splendorem in viris nobilibus & generosis extenuem ; vel familiam è qua Burenus noster natus est , nimis aut obscuram aut objectam fuisse arguam. Scio enim generis nobilitatem eximium virtutis ornamentum esse : & parentes Burenii id vitæ genus notum esse coluisse, quo nihil melius, nihil uberius, nihil dulcius, nihil homine libero dignius esse Cicero asseruit: qui ipse alibi eandem vitam *parsimonie, diligentie & justitie magistræ* non dubitavit.

Etenim parens Burenii Themhardus agricola peritus & industrius fuit, (olim autem, quod ex Catone liquet, quem ita laudassent, amplissimè laudasse existimabant) is villam suam benè ædificatam, habuit in agro Angrivariorum, jam præ-

suli

suli Monasteriensi subjecto, cui vicinum est oppidulum Burenium, in quo sacra frequentare, & si quæ opus essent coëmere parentes Burenii solebant, à quo ipso oppidulo, tanquam fundo natali maximè vicino, Arnoldus noster cognomen suum est consecutus. Natus est autem anno Christi millesimo quadringentesimo, octogesimo quinto, circiter Calend. Febr. quo ipso die ante annos viginti sex Suinfurti in Franconia natus erat primus Germaniæ poëta Conradus Celtes, ab ipso Friderico Imperatore lauro coronatus, qui post præcipuas Italiæ & Germaniæ Academias, perlustratas, aliquamdiu in hac quoque schola commoratus esse perhibetur. Educatio Burenii procul dubio gravis, honesta & sobria; atque adeò generi vitæ consentanea fuit. Hanc enim si parentes neglexissent, nequaquam ad eam doctrinæ & virtutis præstantiam Burenius pervenire potuisset.

Sicuti igitur si splendidum aliquod ædificium contempleris; non dubitas architectum quempiam industrium fuisse, qui prima ejus jecerit fundamenta, quibus tota reliqua moles tuto inniteretur:

Aut

Aut sicuti hortos vel agros fructibus uberes intuens, certò statuere potes, hortulanum aut villicum aliquem eis operam & laborera culturæ suæ impendisse : ita etiam cum virum aliquem virtute & eruditione præ aliis conspicuum, qualis fuit Burenus, cognoscimus ; ambigere minus debemus, quin à teneris statim unguiculis ad laudabilem vivendi rationem à parentibus aut aliis sit traductus. Educatione enim, quæ veræ virtutis & sapientiæ fundamentum est, neglectâ, de omni virtutis & doctrinæ excellentia omninò est desperandum. Accurata igitur educatione & domestica disciplina ad virtutem & diligentiam assuefactus adolescentulus Burenus, tandem tribus fratribus & sorore una domi relicta, primò in scholam Suolensem, deindè Monasteriensem, quæ tum inter florentissimas non postrema censebantur, se contulit, ibique prima linguarum & artium elementa, quibus ætas illa ad humanitatem informari solet, ita cupidè imbibit : ut ingeniosissimos quoque condiscipulos facilè æquaret : eorumque multas longissimo post se intervallo paulatim relinqueret. Erat enim corpore satis

tis firmo, robusto & laborum patiente Burenus, eoque nec in extraordinariam proceritatem elato; nec ad nimiam humilitatem depresso: neque etiam nimis gracili aut pinguedine supra modum deformi: sed inter utrumque statura ejus medium obtinebat. Ingenium peracrum erat & probum: memoria fidelis & prompta: quam etiam ætate ingravescente Burenus non deseruisse meminimus, cum quæ doceret, omnia memoriter pronuntiare soleret. Animus ipse ad pietatem, gravitatem, temperantiam, verecundiam, moderationem, prudentiam & imprimis *ἡθικόν* illud, quod tantopere commendant, factus videbatur. Quo circa minimè mirum est, si & præceptoribus & condiscipulis quam charissimus fuisse perhibeatur.

Cum ergo primarum artium & linguarum fundamenta hoc modo feliciter jecisset Burenus: & judicio jam esset confirmatori: de vitæ genere deligendo maturè secum cœpit deliberare. In qua ipsa consultatione, pro ingenii sui solertia, probè procul dubio animadvertit, ad opes & honores contendentibus jurisprudentiam

tiam ferè viam sternere : Artem quoque medicam benè cognitam & feliciter exercitatam infructuosam non esse. Sed tamen hujus cum alienis miseriis perpetuò conflictantis molestias ; illius quæ sui ferè juris nunquam est , dubium in maxima fortunæ inconstantia splendorem ; utriusque autem , sicuti jam ferè exercentur *μικροπρέπειαν καὶ ἀνελευθερίαν* considerans : satius esse existimavit , mediocritate sua contentum , intra philosophiæ metas se continere : quam vel lucri causa linguam & calamum venalem habere : & ad alterius quasi nutum semper vivere : & interim maximis vitæ fortunarumque periculis expositum nunquam sibi ipsi & necessitatibus suis posse vacare. Non defuerunt procul dubio eo ipso tempore homines animi pusilli & angusti, qui lucro omnium rerum precia æstimantes , illud nobilissimæ Poëtæ Hetrusci, aut aliquid huic simile Burenio occinuerunt :

Quid Sapiam sequeris nudam & rerum omnium egenam ?

Tam rarè tritum cur pede carpis iter ?

Quin

*Quin potius, quo turba ruunt, pete lucra
& honores*

*Omnia, qui nummos est modo nactus,
habet.*

Quibus tamen generosus Burenii animus minimè fractus est, sed quo pauciores hujus itineris socios habere se animadverterit, eo se voti compotem majorem gloriam consecuturum esse prævidebat. Ideoque quantò vehementius illi instarent; tantò ipse studiosius & constantius honestissimum hoc propositum suum sibi urgendum esse statuebat. Certò sibi persuadens, nobiliores esse eas artes, quæ sapientiæ, virtuti, honestæ institutioni, vitæque & morum emendationi inservirent: quæque suam excellentiam magis in rei veritate, quàm in opinione vulgi sitam haberent: quàm eos, quæ vel in bonis corporis tuendis, vel dirimendis litibus, pecuniæ & aliarum fortunæ bonorum fugaciam causa exortis, occupatæ, primum præ aliis locum, quo jure quave injuria sibi vendicarent.

Hoc igitur tam honorifico de bonis literis & studiis philosophicis judicio concepto Burenus, majori etiam animi ingeniique con-

contentione iisdem sibi statuit invigilandum. Ideoque anno Christi millesimo quingentesimo octavo, ætatis verò suæ vigesimo tertio, in Academiam Wittebergensem sexennio ante à Friderico Saxonie septemviro primum fundatam, & paulatim jam præ cæteris efflorescentem sese contulit : ibique totos quindecim annos ferè continuè est commoratus ; eosque in studiis & virtute progressus fecit ; ita vitam & mores suos omnibus viris honestis probavit : ut non solum Luthero veræ religionis instauratori carus esset ; verùm etiam ad interiorem & domesticam Philippi Melanchthonis consuetudinem aditum sibi patefaceret. Et quidem Melanchthoni, ingeniorum & morum censori acerrimo, ita perspectus & probatus fuit Burenus, ut cum anno millesimo quingentesimo vigesimo quarto optimus & beneficentissimus Princeps Megapolitanus Henricus quem, Pacificatorem honestissimo sanè cognomine appellant, generosissimæ indolis filio suo Magno magistrum & custodem inquireret ; præter cæteros Burenus is esse visus sit, cui tantum ingenium erudendum informandumque rectè committeretur.

I

tur.

tur, Commendatus igitur illustrissimo Principi Henrico, in aulam ejus venit Burenius, annum tum agens trigessimum nonum. Et sicuti Phoenix Achillem, ita ipse Magnus illum alumnum suum paulatim instituit, verborum orator rerumque effector ut esset. Neque enim Latinam solum Græcamque linguam principem ingeniosissimum docuit: in quarum qualicunque intellectu summa eruditio posita esse, falso existimatur: Sed illis eas quoque philosophiæ partes, quæ bonum virum & principem πολιτικὸν καὶ βασιλικὸν informant & perficiunt, ex auctoribus optimis & vetustissimis adjunxit. Quâ institutione, Deo conatus præceptoris fidelissimi fortunante, factum tandem est, ut ad eam præstantiam princeps Magnus perveniret: ut inter omnes ejus ætatis Germaniæ principes doctrinæ & eloquentiæ laude paucissimos ei conferre, antepondere possent neminem. Sicuti igitur Nathani, vati inter Ebræos non ignobili, jam tum temporis, & nunc etiam ad omnem posteritatem gloriosum est, quod adolescentis Salomonis, unius omnium mortalium regis sapientissimi præceptor fuerit, eique etiam jussu patris

tris

tris regiam coronam imposuerit : ita etiam Burenio nostro vivo & mortuo perhonorificum est, tam eximium & singularem disciplinæ suæ alumnum huic provinciae informasse. O felices populos Megapolitanos, si hoc tanto bono, singulari Dei beneficio, operâ tum Burenii concesso, diutius vobis frui licuisset ! Verum ut optima quæque minimè diuturna esse consueverunt : ita ille quoque sapientissimus & patriæ carissimus Princeps, in ipso flore ætatis suæ, sub extremam Patris optimi caniciem, est extinctus : Neque minus Patriæ universæ, quam parenti jam senio confecto, qui biennio post statim filium secutus est, sui desiderium reliquit.

Antequam tamen aulâ Henrici Ducis Megapolitani excederet, effecerat jam, sicuti revera magis publicarum quàm privatarum utilitatum studiosus erat Burenus, ut spes aliqua instaurationis huic Academiæ, aliquamdiu planè tam à docentibus quam à discipulis desertæ, affulgeret. Cum enim anno Christi millesimo quingentesimo decimo octavo horribili peste schola hæc nostra dissiparetur : eoque ipso tempore in Academia Wittebergeni Lutherus Pontificis in-

dulgentias , quas vocant , venales cœpisset carpere : & in vicino Francofordiensi gymnasio Conradus Wimpina Luthero se opposueret : adolescentes , quod ferè fit , novitatis studiosi , potissimum in duas istas tum recens fundatas academias se conferebant. Quo circa factum est , ut hic toto penè decennio exigua admodum frequentia , quin aliquamdiu etiam mera solitudo esset. Hac clade perspecta Burenus , utpote qui quanto thesauro & ornamento Megapolitana regio spoliata esset , unus præ aliis rectissimè intelligeret : hortari cœpit illustrissimum Principem Magnum disciplinæ suæ alumnum , ipsumque aded patrem sui principis Henricum , ut aliquam cogitationem & curam restituendæ hujus Academiæ , susciperent. Et ne virorum benè doctorum & præstantium , quorum revera omnibus ætatibus exiguus admodum numerus fuit , inopiam aulici fortè possent prætereundum : atque ita institutum hoc laudatissimorum principum impedire : Ipse Burenus , cujus doctrina , fides , gravitas & integritas toto jam sexennio & principibus , & aulæ , & toti provinciæ satis innotuerat : ipse inquam pollicetur illustrissimis

simis Ducibus Megapolitanis, se, si velint, in Academiam hanc planè tum collapsam, commigraturum; ejusque, si quæ ex calamitoso naufragio reliquæ essent, tabulas collecturum esse.

Assentientibus igitur honestissimo huic proposito optimis Principibus, relictâ tandem aula, in hanc urbem venit Burenus, anno Christi millesimo quingentesimo trigésimo, ætatis vero suæ quadragesimo quinto. Cumq; invenisset hic Academiam planè desertam, necessariò privatas primò scholas habuit, donec mediocri paullatim multitudine iterum huc confluentē, publicas quoque prælectiones posset inchoare. Eventus autem instituto huic Bureniano præclarè respondit. Ejus enim sedulitate, industria, fide, & in docendo felicitate perspectâ; cognitâ etiam disciplinæ, ubique ferè jam tum quoque labescentis severitate: nullibi libentius quam apud Burenium, viri in vicinis regionibus & urbibus nobiles & primarii, præsertim si qui intelligentiores essent, institui volebant. Tantum enim abest, ut gravis & constans disciplina, frequentiam & florem scholarum imminuat: ut etiam uno hoc modo

potissimum crescere & vigere deprehendantur. Quoniam enim prudentes & honestos parentes magis cupidè liberos suos ablegare velle consentaneum est ? quàm ea in loca, de quibus constet, fore, ut ibi à malis sodalitiis & licentia, quàm omnes deteriores sumus, tuti, in officio contineantur : neque inde deteriores & indoctiores, (quod equidem multò quàm vellemus sapius videmus contingere) sed potius meliores eruditioresque ad suos revertantur. Id quod tum temporis in scholis Burenii maximè fuit conspicuum, ut honorificentissimum de eo Melanchthonis præsagium verissimum fuisse experientia confirmavit. Inter alia enim quæ publicè nonnunquam Arnoldo suo tribuit elogia, hoc quoque pro ingenii sui perspicaciâ Philippum Melanchthonem de Burenio dixisse ferunt, *Ubi Arnoldus ibi schola.* Quasi diceret ; nunquam scholam benè constitutam & florentem ei loco defuturam, in qua Arnoldus vivere, docere, & disciplinæ præesse instituisset. Non enim vulgarem illum & sophisticum dicendi modum sequebatur Burenus ; ut vel propriæ eruditionis & eloquentiæ ostentatione contentus, de profectu

fectu auditorum parum esset sollicitus: vel in hoc unum intentus esset, ut quâdam astutiâ & calliditate, cum garriendi audacia conjuncta, adolescentes omnis officii ignaros, & modestiæ expertes, imbueret: Sed hac in parte Socraticum quiddam senex optimus obtinebat. Non enim innocentissimus ille morum vitæque magister Socrates præpropere nimis urgebat, ut familiares & auditores sui vel splendidè dicendo, vel præclara facinora designando, vel etiam machinas tam bellicas, quam alias machinando præ cæteris subito excellerent, id, inquam, non præpropere urgebat Socrates: Sed ante hæc omnia σωφροσύνη, seu continentia, modestia & moderatione, cum prudentia viri boni conjuncta animos juvenum imbuendos esse, censebat. Etiam si enim quis ipso Alcibiade rebus industriè gerendis præstantior, ipso denique Ulyssæ machinationibus excogitandis esset astutior: tamen si aurea illa σωφροσύνη destitueretur, tantò eum injustiorem & majori ad nocendum facultate armatum censebat; quanto vel eloquentia, vel rerum agendarum industria, vel machinarum omnis generis excogita-

tionem, præstantior esse perhiberetur. Sunt enim hæc omnia eorum in bonorum numero, quorum usus anceps & ambiguus esse à viris intelligentibus, usu & experientia edoctis, affirmatur: Nimirum ut qui rectè eis uti norint, eis bona sint, qui non norint, mala.

Ut autem institutum hoc laudabile susciperet, inque eo constanter perseveraret Burenus, cum rei ipsius veritas, firmissimis nitens rationibus; tum verò eorum, qui diversum sequerentur damna & detrimenta publicè illata & accepta efficiebant. Viderat enim vir prudentissimus & quotidie adhuc videbat, quam utiles ecclesiis & rebus publ. essent oratores illi novi, stulti, adolescentuli, qui ab ineunte ætate nulla disciplina domiti, nulla laudabili doctrina & assuefactione in usus vitæ humanæ exculi, nulla affectuum & cupiditatum moderatione mitigati: sed tantum dono impudentiæ & loquacitatis armati, subito, tanquam fungi una nocte pileati, ad functiones publicas, magno cum impetu & supercilio erumperent, & paulatim stultæ plebeculæ concursu & admiratione inflati, rebus novis studerent: sæpè non necessaria

ria

ria molirentur : alios longè se prudentiores oppugnarent : atque pro sententiis sapè etiam falsissimis ita impotenter pugnarent ; ut vel cœlum terræ miscere , vel patriam , rempubl. ecclesiam & scholas evertere mallent & pessundare ; quam ab opinione semel animo concepta vel latum unguem declinare. Hos ; inquam. *σωφροσύνης* in prima ætate neglectæ fructus esse , & ex hac una veluti scaturigine omnes turbas , contentiones , jurgia , imò miseras & calamitates ecclesiarum , scholarum & rerumpubl. plerasque omnes oriri , Burenii exactissimè intelligebat. Idcoque , ut quantum in se esset , obviam huic malo iret ; adolescentes fidei suæ commissos gravi admodum & severa disciplina in officio continebat ; non solum ut hoc modo spiritus & impetus illorum frangeret : Verùm etiam ut ad obedientiam à prima ætate assuefacti , moderatius postea de se ipsis sentirent , aliis mitius imperarent : & in omni vita *sophrosynen* illam sibi proponerent colendam. Fieri enim non potest , ut is laudabiliter alios regat , qui ipse nulli unquam didicit parere. Ejus vero consilii sui rationes ex optimis au-

ctoribus Cicerone & Aristotele illis insinua-
bat: & quid aliquando ex obtemperazione
hac utilitatis & ex contumacia incommo-
di percepturi essent, jam tum præmone-
bat. Ingenui & tractabiles qui erant, eos
amicè admodum complectebatur, illisque
quasi stimulis adhibitis ad strenuè pergen-
dum incitabat, degeneres autem & fra-
ctarios, si rationibus non posset, jam objur-
gationibus, jam minis, nonnunquam et-
iam plagis adhibitis meliores efficere co-
nabatur. Et ut res eò felicius succede-
ret, neve vel otii ignavi, vel computa-
tionum, vel malorum sodalitiolorum oc-
casiones haberent; ipse discipulis suis di-
es noctesque, tanquam custos & exactor
operarum incorruptissimus, perpetuò ad-
erat: & quod boni patrisfamilias esse
Aristoteles in Oeconomicis dicit, ipse
primus omnium mane surgebat, postre-
mus vesperi cubitum ibat: primo dilu-
culo, signo dato, ad ordinarios studiorum
labores simul omnes excitabat: somno-
lenti deindè & ignavis molestus esse non
desinebat, priusquam ad officium eos com-
pulisset. Non rarò etiam, quando velle-
ctiones repetendæ, vel stylus exercendus
esset;

esset; fores collegii Aquilæ ita claudere solebat; ut exitus indè nemini pateret: atque ita evagandi & discurrendi licentia omnibus adimeretur. Post cœnam, non quod jam ferè faciunt, in multam noctem poculis indulgere, aut cauponas invisere suos sinebat; sed eos maturè domi esse jubebat. Et ut scire posset, quos sibi obtemperantes, quos immorigeros haberet: semper, sine ulla exceptione, duobus mensibus æstivis Junio & Julio, hora nona, reliquis verò omnibus, sive æstivi sive hiberni essent, in puncto octavæ fores Collegii sui occludebat, ac tum ostiatim circumiens, in singulos nominatim inquirebat: absentesque accuratè observabat: censuræ & objurgationi posttridianæ certissimè subjiciendos. Itaque quoque sobriè & accuratè ipse vivebat: ita se ipsum & mores suos, quo discipulis exemplo essent, conformabat: ut in omni virtutis & humanitatis officio, Philosophiam habuisse videretur non dicendi magistrum, sed faciendi. Non defuerunt equidem iis quoque temporibus homines sceleratè effrenes & impuri, qui alios, sui quam similes (hæc enim natura est improbitatis) esse cuperent:

rent: & qui passim clamitarent, non esse hanc veram liberam Academiam, sed bacchantium (ut jam quoque de domibus, in quibus umbra aliqua veteris disciplinæ reliqua est, loquuntur) ergastulum & carnicinam. Et etiamsi his quasi lenociniis nonnulli à disciplina Burenii alieniores facti, in licentiæ & libidinum tabernas nonnunquam traduci se paterentur: tamen Burenus in honesto suo proposito constanter perseveravit, & perseverare etiam potuit, cum collegas tum & paucos admodum, & sibi *ὁμόφρονι οὖμῳ* conjunctissimos haberet. Semper enim paucis facilius est gravis & honestæ disciplinæ administratio; quam multis & inter se ipsos dissidentibus. Cum videlicet inter ipsos collegas quoque sunt, qui improbitatis patrocinium suscipiunt: discipulos contra præceptores fideles clanculum armant: atque ita quod hi magno cum labore vix tandem adstrinxerunt; id ipsi, & quidem nullo negotio, relaxant: quod hi ædificaverunt, id ipsi denuò malitiosè demoluntur. De disciplina vero scholæ Burenianæ, ne supra modum excreseat oratio, nihil dicam amplius: cum gravi & luculen-

ta oratione , rationes sui consilii ipse publicè aperuerit : & sycophantarum calumnias egregiè refutarit. Quam quidem ipsam orationem tanti fecit Philippus Melanchthon , ut eam non solùm primo edendam insigni admodum & Burenio honorifica præfatione cohonestarit : verùm postea quoque , ut loco quasi illustriori collocata magis innotesceret , in quartum suarum declamationum tomum , ubi adhuc legitur , eandem curarit referendam. Quos verò auctores privatim & publicè explicare , & auditoribus suis unicè commendare , soleret , non paucos ex collegis probè arbitror meminisse. Inprimis autem Ethicis Aristotelis , & libris officiorum Ciceronis delectabatur , quos plurimum ad vitam & mores hominum , ut ii & meliores & prudentiores fiant , excolendos , facere in confesso est. Et quidem liber Ethicorum Aristotelis Burenii , quem his diebus , in manibus habui , ita omnibus sui partibus tritus ; ita glossematis breviusculis est repletus : ut possessoris in hunc librum amor , & in eo evolvendo diligentia & assiduitas ex eo faciliè deprehendatur. His accedebant libri de legibus , de oratore ,

item

item Orationes & Epistolæ , & inprimis
prolixa illa ad Quintum fratrem epistola ,
quâ omne boni , clementis & moderati
gubernatoris officium est complexus. O-
rationes quoque in publicarum prælectio-
num , nuptiarum , funerum aut aliis sole-
mnitatibus præclaras & non paucas habuit,
quarum nonnullæ adhuc reliquæ sunt ; non-
nullæ ab ingrato quodam ipsius discipulo
compilatæ , fortè alicubi adhuc occultan-
tur. Eæ verò ipsæ quæ supersunt , quam-
vis & breves admodum sint , & numero
non multæ , tamen si quis intelligens ea-
rum inventionem & elocutionem conside-
ret : fateri cogitur , minimè eas vulgares
esse ; sed sicuti gemmæ & uniones catillum
molarem & saxa etiam ponderosissima pre-
cio vincunt : ita has quantumvis breves ,
immensa quoque multorum aliorum volu-
mina bonitate & elegancia sua superare.
Præter eam autem , quam modo dixi , ora-
tionem de disciplina scholæ Rostochiensis ,
in meas manus & conspectum venit bella
& insignis oratio , quam in funere Henri-
ci Ducis Megapolitani iussus fuerat habere :
sed cum raucedine tum ipsi molestâ impedi-
retur : editam postea orationem illustrissi-

mo & optimo Principi Joanni Alberto exhibuit. Procul dubio etiam Duce[m] Magnum discipulum olim suum eodem post mortem honore affecit, quam tamen orationem, quantumvis accuratè inquirens, investigare nondum potui. Aliam tamen non minus insignem, non sine maxima voluptate nuper legi, quâ præsul[is] Monasteriensis auctor est, si optimè de suis subditis mereri, & verissimam sibi etiam à morte gloriam relinquere velit; ut ante omnia scholam benè constitutam in Angri-variis aperiri curet: & qualis ea esse debeat, ingeniosa quadam efformatione, *πρόπλασμα* & quasi specimen futuri operis exhibente, tanquam artifex præstans oculis legentium subjicit. Quod ipsum quoque opusculum, & quidem non immerito, insigni admodum ejusdem Melanchthonis procemiò est cohonestatum, in quo inter alia, hoc quoque elogium, his ipsis quæ sequuntur verbis, Burenio suo vir optimus & doctissimus attribuit. *Laudanda est, inquit, omnium voluntas, qui animos hominum ad hanc cogitationem curamque excitant, & studia literarum accendunt. Fit autem hoc gravissimè & splendidissimè*
bac

hac oratione Arnoldi Burenii, viri honesti, docti & eloquentis. Quare & boni voluntatem & consilium ejus probaturi sunt, & docti laudabunt orationis formam, copiam & splendorem. Scio in Arnolando ingenium esse ad virtutem ac decus & ad maximarum artium studia natura incitatum: scio mores esse honestissimos, & officii plenos: & magnam doctrinæ copiam ac varietatem: ac propter hæc ornamenta cum & diligo & veneror: sed ad has virtutes magnum decus accedit, quod eloquentiam suam confert ad Ecclesiæ utilitatem. Hæc igitur tum de suo Burenio Philippus.

His posterius accessit gravis & accuratè elaborata oratio, ipsa quoque Wittebergæ jussu Melanchthonis impressa (nam alias non faciliè quidquam suorum edi Burenius concedebat) qua oratione illustrissimo nostro Principi Udalrico, hujus Academiæ Cancellario, & nutritori benignissimo gratulatur, deducta in matrimonium clarissima Principe nostra Elisabetha, cujus heroinæ pietatem, prudentiam, pudicitiam, & alias virtutes multiplices in eadem oratione penicillo quasi ingenii sui luculenrer expressit. Fa-

xit Deus, ut horum optimorum Principum tutela & patrocinio frui nobis quam diutissimè liceat ! Commentarios etiam in plerasque orationes & alios quosdam M. Tullii libros conscripserat ; qui ipsi quoque cum reliquis ejus libris optimis & præcipuis, virorumque clarissimorum hinc inde ad Burenium missis, & ab eo diligenter asservatis epistolis, eandem fortunam sunt expertæ.

Cum enim à laboribus docendi adversa valetudine aliquamdiu avocaretur, ita ut domi manere, & à collegio Aquilæ, ubi bibliothecam & museum suum habebat, satis diu abstinere cogeretur : nec tamen de sanitate recuperanda ita desperaret, quin ad labores officii sui, quod unicè expetebat, aliquando reditum se esse, arbitraretur : ut bibliotheca sua loco moveretur concedere noluit. Hac occasione oblata, discipulus quidam ejus domesticus, homo sceleratè ingratus, furtim museum Burenianum ingressus, omnia quæ ibi optima inveniret abstulit, & hæredibus pulpita & pluteos penè inanes & vacuos reliquit. Quod quantum dolorem optimo & benè merito seni, si modo re-

K

scivit,

scivit, attulerit; rectissimè si intelligunt, qui librorum minimè vulgarium, & monumentorum sibi charissimorum, amicè cum aliis communicatorum, eodem modo jacturam subindè patiuntur. Non enim etiamnum ejus generis Laverniones desunt, qui hanc præceptoribus, optimè de se mereri cupientibus, ingratissimam referant gratiam. Inter alia sua *κειμήλια* cum primis habuerat Burenus fasciculum satis grandem, numerosas admodum Philippi Melanchthonis ad se epistolas continentem, qui ipse etiam in furtiva illa compilatione evanuit. Duæ tantum in bibliothecæ reliquiis ejus generis epistolæ repertæ sunt, quarum alteram in aulam tum recens profecto Burenio misit Philippus: alteram scripsit Calendis Februarii anno millesimo quingentesimo trigesimo quarto, cum ille integrum jam triennium scholas in hac urbe habuisset. Quia autem epistola illa Melanchthonis planè elegans est, & singularibus erga Burenium amoris & benevolentiae notis insignis; atque adeò ex tanta epistolarum copia una quasi superstes est: facere non possum, quin ejus partem aliquam huic narrationi inseram, eamque quantum

tum in me est, deinceps ab interitu studium conservare. Verba igitur suavissimæ copistolæ, cujus epigraphæ *virum optimum*, Burenium appellat, hæc sunt : *Quod rarius ad te scribo, Arnolde optime, quidvis potius in causa esse velim putes, quam oblivionem tui erga me amoris, atque officiorum tuorum.* Ego verò mi Arnolde, incredibili desiderio tui afficior, quoties suavitatis ac doctrinæ tuæ mihi venit in mentem; ac sæpè fortunam utriusque accusare soleo, quod non licet nobis amicitia nostrâ coram frui, nunc præsertim, & cum oblationem ex studiis majorem capere possimus; & plusculum opis offerre reip. literariæ: postquam & tu veteris philosophiæ studio flagras; & ego me planè in hoc ipsum, doctrinæ genus abdere constitui. Nullam ingravescenti ætati jucundio rem miseriarum levationem reperio. Itaque scribimus jam *Ποικίλῃ*, quæ non solum illas usitatas scholarum præceptiunculas contineat; sed sit repleta eruditiss. disputationibus, sumptis cum ex Galeno, tum ex aliis literis, quæ & ad multas vitæ partes profunt; & benè institutis ingenii pariunt voluptates suavissimas. Sed hæc aliàs copiosius. Redeo jam

ad epistola caput, πειράσω προσέλκειν σε πό-
θε πρὸς ἡμεδαποὺς, εἰ τύχοι. *Cæterum ego*
ipse mihi etiam latebras quero, atque uti-
nam una possemus alicubi commodè latita-
re. Benè ac feliciter vale. Hæc igitur tum
Philippus Burenio. Cui etiam, annis satis
multis interjectis, libellum suum ethicum
insigni admodum præfatione opusculo illi
præfixa, in veri & sinceri amoris, etiam ad
posteror, duraturum testimonium voluit
consecrare. Qui quidem honor, quam-
vis in hoc seculi undiquaque scripturientis
pruritu non magnus esse videatur; cum-
jam obstreperis istis dedicationibus nihil
ferè sit vulgarius; nihil viris moderatis &
intelligentibus magis exosum: tamen si
& scriptoris auctoritatem, & sincerum af-
fectum, & muneris ipsius bonitatem con-
sideremus; non possumus non statuere, de-
dicationem istam Burenio & vivo jam ho-
norificam extitisse; eidemque etiam mor-
tuo ad omnem posteritatem gloriosam esse
futuram. Præsertim apud eos, qui inge-
nia excellentia ab inverecundis discernere,
& quid distent æra lupinis possunt dijudi-
care. Titulum Magisterii philosophici æ-
tate jam admodum profecta (neque enim
tum,

tum, quod jam fit, amplissimo hoc titulo pueros insignire leges sinebant) petiit Burenus: non quod ex eo plusculum suæ virtuti & doctrinæ honoris & ornamenti accessurum arbitraretur; ipsis enim ejus sollemnitatis arbitris & doctior jam erat & clarior: sed ut consuetudinibus academicis modestè obtemperaret; suoque exemplo ad præceptorum reverentiam, & honesta eorum testimonia merito suo consequendi studium, juventutem invitaret. Anno igitur millesimo quingentesimo trigesimo nono, die vigesimo sexto Martii, ætatis verò suæ anno quinquagesimo quarto, bonarum artium Magister in nostra hac Academia, & forte in hac ipsa cathedra pronunciatus est Arnoldus Burenus; ab Engberto Harlemo, tum collegii Philosophici antistite, ita quidem, ut præ aliis omnibus primum locum haberet Burenus: ultimum verò Henricus Arsenius, quem studiis invigilantem, unum hominem agentem, commodantem quibus posset, nocentem nemini, atque adeò in extrema quoque senectute satis valentem commodè, multos etiam ex adolescentioribus hic vidisse minime dubito.

Eodem anno Burenus uxorem suam Annam, matronam lectissimam, & honesti civis Johannis Schroteri filiam legitimo matrimonio sibi conjunxit, cum qua amantissimè & suavissimè vixit annos viginti septem. Florentem enim ætatem rectius Musarum & Philosophiæ amoribus, suo quodam judicio & procul dubio non sine causis certis maluit impendere. Conjugium tamen etiam in illa *παράκλησις* minimè ei contigit sterile, quod præter filium unum patri cognominem, in prima infantia extinctum, & filias jam pridem sepultas; tres ejus filiæ, paternæ virtutis ac moderationis quasi imagines adhuc superstites, & primariis in hac republ. adolescentibus nuptæ, è quibus etiam nepotes Burenio jam nati sunt, abundè testantur. Verùm vivos celebrare hoc quidem tempore non est mei instituti. Ad mortuos igitur revertor, in quibus facere non possum, quin probi illius viri, & ut ea tempora ferebant, mathematici non ineruditi, Henrici Welpii Lingensis, Burenii popularis, faciam mentionem; qui paulò antequam uxorem duceret Burenus, ipse quoque bonarum artium magister recens in Wittebergenſi
Gy-

Gymnasio declaratus, huc concesserat: Cum quo ita familiariter & conjunctè vixit Burenus, ut ferè alter ab alterius latere, nunquam discederet. Eum autem sibi collegam in domo Aquilæ conjunxerat Arnoldus; ut ætate sua jam ingravescente, & prioribus laboribus sustinendis impari, tamen adolentes suæ disciplinæ concrediti non negligerentur. Sicuti etiam aliquot annis interjectis filiam suam natu maximam, hac potissimum conditione Josepho Wurtzlero Professori Physico uxorem dare voluit: si is seriò sanctèque promitteret, se labores institutionis & gubernationis disciplinæ privatæ, in collegio Aquilæ, eodem quo ipse fecisset modo, deinceps subitum & continuaturum esse. Sed de Welpio dicere cœperam, ejusque arctissimam & planè indissolubilem cum Burenio conjunctionem prædicare. Cujus dum recordor, memini etiam fuisse, tum temporis viros doctrinâ & judicio insignes, qui duos istos præstantes viros, inter vetera amicorum paria commemorare, eorumque perpetuam & summam conjunctionem maximo huic academici uui & ornameto esse, asserere non dubi-

tarent. Sicuti etiam auctor libelli, qui catalogum & historias præcipuarum in Europa Academiæ summam complectitur, inter omnes alios tum Rostochiensis Scholæ professores, ipsum Burenium ornatissimum hujus Gymnasii ornamentum, & quidem verissimè dicere non erubuit. Quemadmodum autem omnibus ætatibus viris virtute & sapientiâ præ aliis eminentibus, æmuli quoque & obrectatores sui non defuerunt: ita Burenio quoque à communi illa omnium conditione; nihil contigit præcipuum aut singulare. Cum enim Ciceronis & Aristotelis libros, ratione professionis suæ, perpetuò in manibus haberet, eosque quòd rectissimè atque, adèò necessariò sit, juventuti accuratissimè commendatos sedulò admodum interpretaretur: non defuerunt, si Diis placet, religiosuli nonnulli, qui eum propterea minus honorificè de sacris literis sentire clamitarent. Quasi vero fieri non posset, ut suo tempore & loco sacra non, negligerentur. Neque enim Ciceroni & Aristoteli suo ita affixus erat Burenus; ut interea libros sacros & animæ suæ salutem sibi, statueret negligendam. Testantur
id

id libri ipsius theologici, & inprimis prophetæ Regii Psalterium Græcum, in quarto, ut vocant, typis grandiusculis ab Aldo Manutio avo Venetiis impressum, quod quàm crebro ab eo & lectum & relectum sit, & manuum & calamorum vestigia adhuc reliqua cumulatè declarant. Eodem modo sacra cum Biblia integrè evolvisse, domestici illius testantur. Neque enim tam laborabat Burenus, ut pius & religiosus esse videretur. Id enim ab hypocrisis & superstitione parum abesse non ignorabat, quam ut revera talis esset. Ideoque etiam si non palam & ad ostentationem sacra tractaret: tamen domi & intra parietes musei sui, & aliàs ubi solus esset, quod Redemptor quoque noster præcipit faciendum, pietatis & precationum sacrarum non obliviscebatur. Imò ego ipse, licet adolescentulus tum essem, quod hisce meis auribus ex ore Burenii audiui, verissimè testari possum. Mense enim quodam, si rectè memini, autumnali, cum manè duabus aut tribus ante lucem horis, à præceptore tum meo nescio quò ablegatus, casu forum hoc latinum tacitus & sine strepitu transirem; in Burenium ex a-

liquo satis longo intervallo incidi, sub dio per tenebras nocturnas inambulantem, & clara distinctaque voce, quæ miram quandam animi intentionem ipsa pronuntiatione indicaret, recitantem orationem, quam ab unico Doctore & Servatore nostro traditam & acceptam, dominicam appellamus: cui mox psalmos, & alia nonnulla ex sacris memoriter subjungebat. Solum enim se esse arbitrabatur: & circumquaque nullorum adhuc lychnorum ardentium indicia conspiciebantur. Quod si servus ille Terentianus, cum ex improviso mulieri cuidam intervenisset; eamque pudicam & sedulam tum invenisset: ex eo vel maximè sciri potuisse asseverat, quo illa studio alias quoque viro absente vitam exigere soleret: quod ea res, cotidianæ vitæ consuetudinem, quæ cujusque ingenium ut sit maximè declarat, existimandi copiam dedisset: an non hic quoque, aut nusquam alibi, sciri potuit, undè studiorum & laborum suorum initium quotidie facere Burenus soleret? cum fortè illi ipsi, viri integerrimi reprehensores, pri-diana sobrietate adhuc graves, tum temporis vel altum adhuc sterterent: vel cer-
tè

tè non ita piè & devotè labores suos inchoarent. Pietatis profecto & sophrosynes ratione plurimè suppetebant Burenio, quæ calumniatores isti ab eo, tanquam à senè, & præceptore suo merito potius discere debuissent, quam de eo innocentè ita falsò impudenterque detrahere. Fuerunt etiam qui nescio quæ alia in Burenio desiderarent, qui tamen nec ingenio, nec eloquentia, nec pietate sincera, ullam in partem cum eo essent conferendi: quique plura & magis culpanda vel unico die ipsi designarent; quam quisquam in tota Burenii vita jure posset reprehendere. Quo ipso vituperationis modo, non tantum non imminui virorum præstantium gloriam; verum etiam amplificari & confirmari solere omnes boni intelligunt. Discipulos certè Burenii, adultos jam, non paucos audiui, qui pro fideli institutione immortales illi gratias agerent. Vidi etiam qui ex animo dolerent, se eam quam meritò debuissent, præceptori fidelissimo obedientiam non præstitisse: quique etiam cum gemitu optarent, aureum illum florem ætatis, quem olim tam nequiter neglexissent, restitui sibi posse. Inveniuntur enim

dentius inter Christianos poëtas veteres
facile princeps, quodam in loco patientiam
omnium reliquarum virtutum ornamen-
tum, aut potius complementum & perfe-
ctionem esse judicat, quando dicit:

*Et vidua est virtus quam non patientia
firmat.*

Hæc igitur ipsa quoque, ne maneat Burenii
virtutes fuisse quis existimet, præsertim in
morbo illius satis diuturno, admodum in-
signis & egregia eluxit: Dolores enim il-
los, profecto omni opinione acerbiores,
non solum citra omnem impatientiæ su-
spicionem; verum etiam cum quadam a-
nimi & vultus quoque hilaritate pertulit:
& amicis nonnunquam se invisentibus, &
de valetudine percunctantibus, semper
respondit: se Deo suo benignissimo pro
tam leni & paterna castigatione ex animo
gratias agere. Toto etiam illo invaletu-
dinis suæ tempore assiduus admodum &
ardens in precibus fuit: & quamdiu per
imbecillitatem corporis potuit, libros sa-
cros, & imprimis psalmos ipse accuratissi-
mè evolvit. Postea cum per se non pos-
set, in re eadem aliorum usus est opera.
Præcipuè autem delectari videbatur psal-
mo

mo trigesimo quarto, quo propheta regius celebrat providentiam & benignitatem Dei erga eos, qui ab hominibus deserti, & calamitatibus ac mœrore fracti ad ejus misericordiam supplices confugiunt. Item quinquagesimo primo, continente deprecationem hominis peccata sua verè agnoscens, & sibi ea propter Christum unicum Servatorem condonari postulans; Item centesimo tertio, quo suavissimè, plus quam paterna Dei erga genus humanum, misericordia celebratur: eidemque pro beneficiis, quæ ille quotidie in nos liberalissimè confert, singulares aguntur gratiæ. His accedebat caput Esaia quinquagesimum tertium, in quo ille non tanquam vates, sed ut *αὐτόπτης* supplicium & cruciatus Redemptoris nostri exponit, quem ait nostra scelera pro propriis agnovisse, eaque suo sanguine expiavisse, ut ejus vibicibus & vulneribus nos sanaremur. Canticis quoque vernaculis, maxime à Luthero compositis, mirificè afficiebatur, easque cum filiabus libentissimè cantillabat. Inprimis verò, cum senis illius Simeonis, Christum Servatorem amplexu suo cupidissimè continentis, suavissimeque e-

un-

undem deosculantis hymnum, vel ipse caneret, vel alios canentes audiret; manibus in cœlum sublatis, & aliis quoque signis hilaritatem testantibus, satis indicabat, se ejusdem cum Simeone migrationis felicitis percupidum esse. Quam quidem eum assidue solitum meditari, illud quoque indicio esse potest, quod multis ante mortem annis ipse, aliàs à tali mercatura omnino alienissimus, asseres coëmit, è quibus sibi pie defuncto domestici urnam feralem, quod etiam factum est, confici curarent. Sex ante obitum septimanis continuè decubuit, sanâ tamen mente & animo sibi constante, ad extremum usque halitum præditus. Duobus aut tribus ante mortem diebus, quod per instantem jam, agonem potissimum in silentio & spe fortitudinem suam existimaret, parum admodum locutus est. Ministro tamen Ecclesiæ, qui sub finem ipsi aderat, rogante, ut si sine incommodo suo posset, semel adhuc fidei suæ confessionem, ederet, hilari vultu & voce, omnibus qui aderant audientibus, lingua vernacula respondit: se, ut antea, ita deinceps quoque, nomini Domini & Servatoris nostri

con-

constanter adhæsurum : atque ita paulò post optimus ille & doctissimus senex, de tota hac Academia & plurimorum studiis præclarè meritus animam suam placidissimè exhalavit, anno Christi millesimo, quingentesimo, sexagesimo sexto, mensis Augusti die decima sexta, ætatis verò suæ, anno octogesimo primo, quo ipso die Parisiis ante annos viginti sex diem suum obierat Guilielmus Budæus, vir non Galliæ modo totius, sed universæ etiam Europæ longè doctissimus, sed cum nostro tamen Burenio sermonis puri candore & elegantia (Budæi enim stylus ferreus ab eruditis perhibetur) nequaquam comparandus. Exuvie Burenii, discipulorum & popularium mœstissimorum humeris, comitatu satis honesto & frequenti, elatæ sunt, in templum hujus urbis primarium, Matri semper virgini sacrum, ubi in media ferè area, quæ est inter suggestum & portam templi meridionalem, concione prius funebri habita, in spem optatissimæ resurrectionis, honorificè depositæ sunt : & donec animæ jam beatissimæ iterum conjungantur, placidè quiescent.

Memoriam interim nominis clarissimi,
mi,

mi, & meritorum, quibus plurimos in hac academia & alibi cumulavit, recordationem, nulla unquam delebit oblivio. Multo enim Burenio nostro honestius, multo ad bonæ famæ & existimationis perpetuitatem gloriōsius est, quod plerique omnes, qui nunc in finitimis regionibus & urbibus ad ecclesiarum & rerum publ. gubernacula, magna sua cum laude, & aliorum, utilitate sedent, ferè è schola & disciplinā Burenii prodierunt : quam si vel bellator strenuus multas cruentas ex hostibus victorias reportasset : vel Christum & Religionem quæstui, aut linguam, calamum, & leges venales habendo, maximas, suis opes & thesauros reliquisset. Præsul quidem ille Misnensis, quem annales ejus urbis, anno Christi millesimo sexagesimo ibidem Ecclesiæ profuisse memorant, haud dubiè in maximis suis divitiis magnopere sibi placuit, cum monetæ quam sacrarum litterarum & gregis sibi commissi studiofior, pecuniæ contemplandæ & numerandæ gratia, subindè in conclavi quodam domi se includeret ; eoque spectaculo solus, jucundè admodum frui soleret. Sed cum tandem aliquandò, post horrendos

clamores, idem ille antistes, fractâ cervice, colore tetro & abominando, à ministris accurrentibus, auro suo incubans inventus est mortuus; tum demum exemplo suo sanè terribili satis declaravit, quanto-perè ἀπλησία illa à tali officio aliena esset: quantopere item Deo placeret: qualemque ad posteros gloriam relinqueret. Jurisconsultus etiam ille Senensis, in monumento marmoreo, quod Pisis in campo sancto, quem vocant, sibi vivus adhuc admodum magnificè extrui curavit, valdè ad posteros honorificum sibi fore est arbitratus, si in epitaphio suo, satis equidem ineptè gloriretur, de mille & quingentis aureis coronatis, quos pro lectura, ut vocat, annua, præ aliis à republ. Florentina primus esset consecutus. Beatum quoque se procul dubio existimavit archiaterus ille Ludovici undecimi Regis Galliarum, de quo Cominæus scribit, eum decem aureorum millia mensui tantum stipendii loco à Rege suo accipere non erubuisse. Verùm omnium istorum pecunia, quod fieri solere quotidie experimur, ab eorum morte jam pridem procul dubio evanuit. Cum interim

Bure-

Burenus, & alii ei similes; mediocritate sua, quod vera in Deum Patrem beneficentissimum pietas, & frugalitas cum *αὐταρξία* conjuncta efficit, contenti; hujusmodi facultates post se relinquant, quæ publicè magis quam privatim prosint: & in quas nihil tyrannis, nihil furibus, nihil incendiis, nihil quod omnia consumit tempori, nihil denique morti ipsi juris aut potestatis esse possit. Verùm temporis angustiam prohibemur, quo minus hæc evolvamus accuratius. Jam igitur quod institutæ orationis proprium est, harum, quas tam avidè nonnulli expetunt, deliciarum ita satur, ut nullius mei rei major unquam ceperit satietas: Magistratum hunc meum semestrem cupidissimè depono, vobisque adolescentes studiosissimi significo, unanimi senatus Academiae consensu semestris hujus hiberni Rectorem electum esse virum & Medicum clarissimum Doct. Petrum Memmium, Collegam & amicum nostrum observandum. Tu igitur Magnifice Domine Rector, pro consueto hujus solemnitatis more, cathedram hanc conscendes, & usitato juramento tuam fidem & integritatem, de

qua tamen minimè dubito, religioſè Academia huic noſtræ obſtringes.

JURAMENTUM.

Ut autem hæc ipſa novi Magiſtratus declaratio conſpectior eſſet & illuſtrior, ritus quosdam Majores noſtri, in eadem adhiberi voluerunt, qui quidem non inanes geſticulationes eſſent, ſed de primariis illuſtris hujus officii partibus Rectorem admonerent.

SCEPTRA.

Sceptra igitur primò tibi trado, quæ dignitatis regiæ, tam in ſacris quam in profanis ſcriptoribus indicia haberi non ignoras. Et quidem Homerus ſceptrum illud Agamemnonis ab ipſo Jove, internuncio Mercurio, primum Pelopi datum, & ab eo deinceps ad poſteros Reges Argivos delatum eſſe aſſerit, ut oſtendat, non humana ſed divina auctoritate regna conſtitui & conſervari. Bina vero ſceptra in ſcholis Regiis Rectori uſitatè præferri ſolent, ut eorum alterò bonos ſibi defendendos, alterò improbos coërcendos eſſe meminerit.

LEGES.

Deindè ut ſciret quoque Rector, quibus fini-

finibus potestas sua circumscripta esset, & intra quas veluti metas seipsum & subditos suos deberet continere : Leges ei certas in publica hac solemnitate repræsentari voluerunt ; quibus & ipse sedulò cumprimis obtemperaret, & ad obedientiam iis præstandam alios quoque, si tractabiles essent, amicis cohortationibus incitaret, si contumaciores, sine prosopolepsia severè impelleret. Eas igitur ipsas tuæ quoque executioni seriæ trado & commendo.

MATRICULA.

Præterea ut scire posset, quinam suæ jurisdictioni subjecti essent, & in quos vel patrocinium, vel animadversio sua se extenderet : omnes eos, qui jam inde usque ab initio Academiæ hujus Rectoribus nomina sua dederunt, in his membranis, quas matriculam vulgò vocant, Majores nostri consignarunt: quos ipsos unà cum hoc libro tibi exhibeo, ut & eos, qui jam in præsentia subditi tui sunt, agnoscas & in eorundem numerum plures, qui deinceps se offerent, recipias.

SIGILLUM.

Sigillum quoque veritatis & fidei simulacrum de manu in manum tibi trado,

quo & litteras, diplomata, & edicta publica communire, & veritati, ubi opus erit, testimonium perhibere, atque ita tibi etiam absenti, tanquam præsens esses, fidem queas conciliare. Quod igitur M. Cicero Quintum fratrem de annulo signatorio monet, erit sigillum hoc, non ut vas aliquod omnium manibus & usui expositum, sed tanquam ipse tu: Non ministrabit voluntati alienæ, ut facile quorumcunque arbitrio omnia obsignentur: sed tuæ auctoritatis Collegarumque iudicii veri & sinceri erit τεκμήριον.

CISTELLA.

Quia etiam notitia antiquitatis & rerum jam pridem in eadem republ. deliberatarum, scriptarum & gestarum, gubernatori omninò necessaria est: Cistellam hanc, in qua transactiones, codicilli, rationes, epistolæ & alia nonnulla acta publica memoriæ causa asservantur, custodiæ tuæ fidei porrigo & commendo.

VOTUM.

Postremo immortales uni & vero Deo, Patri Domini & Servatoris nostri Jesu Christi, gratias habeo & ago, quod hanc Academiam in extremo hoc maris Balthici litore,

tore, inter varios aquilonum turbines & multiplices fluctuum procellas, instar nidi halcyonis scopulo affixi, totos jam centum quinquaginta novem annos clementer conservavit, eumque cum gemitu & votis supplicibus oro, ut eandem deinceps quoque præsertim extremis his & periculi plenissimis temporibus, quibus omnia bona & laudabilia quæ sunt, ruinam minantur, benevolè defendat, neque eam, quod nimis sæpè jam factum est, vel peste, qua tamen undique circumdamur, dissipari: vel tumultibus bellicis, quorum etiam non planè ignari sumus, vastari sinat. Sed ut in publicis hisce & fatalibus, quas nos quoque non minus quam vel Belgæ, vel Livones, vel Hungari meriti sumus, pœnis misericordiæ suæ recordetur, & ipse, supremus hujus Academiae Rector, Reip. Consul, Ecclesiæ Episcopus & singularum domuum paterfamilias perpetuo sit & maneat, semestremque hunc Magistratum tuum ad nominis sui gloriam & discentium, ac docentium felicitatem atque salutem benigne fortunet.

D I X I.

L 4

Plu-

* * *

Plura de Burenio vid. apud Jo. Caselium
in Epist. ad Jo. Reccium, in Opusc. de West-
phalia à Jo. Goes Helmst. editis, anno 1668.
p. 175. seq. add. Diss. nostra de Meritis West-
phalorum in Academiam Rostochiensem,
Sect. III. p. 37. seqq. & Schediasma de Eru-
ditis clim. maximo denatis p. 10. seq. &c.

* * *

EPITAPHIUM
ARNOLDI BURENII,
scriptum

à

NATHANE CHYTRÆO.

PHILLYRIDES JACET HIC, NON THES-
SALUS ILLE, SED IDEM
GENTI HUIC, QUI GRAJIS THESSA-
LUS ILLE FUIT.

FORMATOR JUVENUM LINGUÆ MO-
RUMQUE MAGISTER,
SOCRATICQUE CAPUT, NORMA
DECUSQUE CHORI.
BURENIUM DICO, CUJUS DOCTRI-
NA FIDESQUE

HUJUS ERAT COLUMEN, VITA, VI-
GORQUE SCHOLÆ.

DUL-

DULCIS ERAT CICERONEÆ VOX
 ÆMULA LINGUÆ,
 ET SUMMUS CHRISTO DICERE
 GRATA LABOR.
 QUOD SI SIGNIFERUM CHIRONIS
 SIDERA PINGUNT,
 QUANTA ERIT IN COELIS GLORIA
 BURENII.

*

*

*

S C R I P T A.

Orationes Burenii unô Volumine edidit
 Nathan Chytræus, hoc titulô:

*Arnoldi Burenii, Viri Clariff., Orationes.
 De Vita Burenii Oratio Nathanis Chytræi;
 unâ cum aliis quibusdam hætenus deside-
 ratis Orattonibus. Rosſochii, Typis Stepba-
 ni Myliandri Anno M.D.LXXIX. 8vo.*

Orationum Burenianarum hæc est se-
 ries :

Oratio ad Episcopum Monasteriensem
 de Scholis litterariis in Westphalia con-
 stituendis.

Oratio de ordine discendi & honorum
scholasticorum gradibus.

Oratio de Litterarum humanitatis digni-
tate & usu.

Oratio de disciplina Academiae Rostochi-
ensis, contra Sycophantas & calumniatores
malevolos.

Oratio in funere illustrissimi Henrici,
Ducis Megapolitani.

Oratio, quâ Illustrissimo Principi, Me-
gapolensium Duci, de Domina Elisabetha,
clarissima Principe, nata ex regia Dano-
rum stirpe, in Matrimonium ducta, gra-
tulatur.

*De cæteris ejus scriptis nunquam editis
videri potest Oratio Chytrai.*

JOAN.

JOANNIS CASELII
AD
GREGORIUM BERS-
MANNUM
V. CL.
EPISTOLA,
MEMORIAM
HENRICI MENSINGII,
Optimi & doctissimi
adolescentis,
complectens.*

* Legitur hæc Epistola inter Caselianas, quæ cum Victorianis uno Volumine evulgatæ sunt, (sub Titulo : Clarissimorum Philosophorum, Petri Victorii & Joannis Caselii Epistolæ lectu dignissimæ, Francof. Anno M.D.XCVII. in 8vo.) p. m. 267. seqq. Exstat quoque separatim excusa, unâ cum Programmate funebri & amicorum carminibus, Rostochii M. D. LXXX. in 8.

GRE-

GREGORIO BERSMANNO

S. D.

JOANNES CASELIUS.

DEdi ad te, Bersmanne, nescio quid proximè littérarum. Subitò enim scribendum erat. Ut plurimum enim litteras poscere tabellarii solent, quando velut è carceribus jamjà excursuri sunt, & panè dixerim avolaturi. Id erat mense altero. Jam verò mearum rerum haberes uberrimum interpretem, Henricum Mensingium nostrum, si, quod in animo habebat, jamque ingressus erat iter, perficere ipsi licuisset. Dederam enim permulta ei in mandatis ad te. Cui enim rectius quam familiari? ne Epistolæ quidem. Verum id secus accidit, ut nec ille nobis potuerit gratificari, & ego tibi tam cognitu acerbum, quàm scriptu mihi de eo nuncium, ad te perscribere necesse habeam. Amisimus namque adolescentem carissimum, summum utriusque cultorem. Valdè autem eum amavimus. (tutò enim, ut de me, ità de te quoque id affirmare posse mihi videor.) non tàm, quod ab eo nos diligenter observari intelligeremus,

et si

etsi neque hoc nihil causæ esset, quando vix cujusquam ea est vel asperitas vel immanitas, ut hunc, à quo diligatur, oderit, quàm quod justas ejus amandi eas causas habuimus, quæ apud omnes homines conciliatrices benevolentiae esse solent. Vis enim maxima est probitatis & modestiæ in adolescentia, maximè apud spectatos viros: nec mirum, cum sæpè etiam vel nefarios hostes in admirationem sui, species virtutis excitet. Proinde nihil videatur absurdius, quàm si nos eam non capiamur, cujus studium profiteri non dubitamus. Quis enim credat, ullum esse sapientiæ studium, à virtute separatum, aut remotum? Neque tamen ignoramus, animi bonorum, quæ sit inter ipsa affinitas, quæque differentia. Velim autem, quæ mentis sunt bonis, semper comitari altera, quæ consilii morum atque vitæ perhibentur: quod inprimis optavit perpetuo optimus humanæ vitæ auctor Socrates. Sanè & hæc & illa admirabilia & divina sunt. Hinc igitur non sine causa evenit, & aliter fieri non potest, ut boni iidemque docti viri, (non dico doctissimos, ne me in doctis numerare existimes eos, qui-

quibus vulgus & imperiti veluti sceptrum & diadema sapientiæ deferunt) & sancta quadam conjuratione, respiciente veritatem, & utilitatem publicam, se inter se sincerè colant, & virtutis bonæque doctrinæ deditos sincerè ament. Non jam persequar, quæ nobis inter nos velimus & debeamus: quos profectò certis vestigiis ad probitatem & litteras ingredi videmus, eos sine dubitatione, uti dixi, amamus: omnibus nostris opibus juvandos statuimus: erudiendo, monendo, cohortando, quacunque alia ratione: procurentibus in spatio gratulamur: si quid ipsorum honestis obstet conatibus, conamur amoliri: etiam ipsorum infelicitatem dolemus, ut libero- rum. Talem te esse erga tuos alumnos, non dubito: me talem fuisse erga meos, à multis jam annis ipse mihi testis sum apud me iocuples; neque desunt tamen, qui meum erga se animum, cœteraque beneficia, prædicent. Cum autem æque amicissimè fuerimus affecti erga Henricum Mensingium, parem dolorem ex ipsius casu capimus. Præmaturè nobis ereptus est, sed multo magis studiis opt. artium, id est utilitati publicæ. Si enim ullus ordo servit
com-

communi vitæ hominum ; hic certè no-
ster est. Nemo enim est nostri ordinis re-
vera , quin & quibus cum vitam agit &
longè etiam diffitis plurimis , & præfenti
seculo , & posteritati etiam serviat , egre-
giè : quod fortasse neque vulgo in univer-
sum , neque multis regibus persuaseri-
mus : Nos tamen hoc intelligere nostra
interest , ut pulchritudine nostræ vitæ ge-
neris confirmati , ut negligamur , ut prema-
mur , ut rideamur , locum in acie non de-
feramus , sed omnem barbariem , ejusque
socias aut gemellas sorores , inscitiam , ma-
litiâ , & quicquid incommodat rectæ ra-
tioni vitæ , sedulo profligare pergamus.
Sed redeo ad Mensingium , qui quoni-
am occasionem , mihi dedit ad scri-
bendum , non indulgebo dolori , ne-
que id faciam , quod nostræ litteræ prohi-
bent , ut me frustra animi angam : sed in
multis malis hoc quoque feram , & ratione
medebor huic quamvis recenti plagæ , ad
ea convertens animum , quibus & ipse
animus alitur maximè , & homo non e-
vertitur. Neque ille velit , nos aliter hic
nos gerere ; non nolit autem de se nos di-
cere , quæ cum vera sint , tum nostrum er-

ga ipsum amorem testentur : neque hoc improbet, qui ex hujus epistolæ lectione fructum aliquem capiat, & vel exemplo vel doctrina animo informetur : Neque te pigeat, quæ maximam partem noværis, recognoscere, & mecum tacitè considerare, quare si nunc voluptatis nihil parare nobis possumus, minuemus tamen molestiam. Sed in cæteris non expectas, ut de iis bonis Mensingii multum verborum faciam, quæ fortunæ potius non ipsius propria fuerint. Sed neque tamen quid habuit plebeium in animo, neque à majoribus. Primum enim utraque ipsius patria est adprimè nobilis. Ducas enim legitimè poterat agnoscere : unam ubi ipse esset in lucem editus, hanc civitatem, in qua mihi vivere satis commodum est, celebrem & negotiatorum frequentia & doctrinæ studiis : alteram, nobilissimum hujus oræ maritimæ emporium, & principem civitatum ad mare versus boream confœderatarum, Lubecam, quæ nomine *Ευνοίας* & apud longinquas gentes benè audit, & ab acribus vitæ hominum censoribus magnopere prædicatur. In ea ejus proavus Bernardus Bamauerus, equi-

equitis aurati dignitate præstans, quæ illo seculo propterea magna erat, quod non nisi fortissimis viris & benè meritis de Patria tribueretur, & consulatum cum laude gessit, & quo tempore Lubecenses regnum Suecorum occuparant, cum imperio arcem Stockholmam tenuit. Huic nepos ex filia natus & ipse Lubecæ est Bernardus Mensingius, qui cum esset in inclyta illa civitate apud honestissimos homines liberaliter educatus, & liberalibus disciplinis expoliri cœptus; iisdem se totum dedit, tantumque in studiis sapientiæ profecit, ut bonas literas de auctoritate Senatus nostræ reipublicæ in hac Academia publicè docuerit, etiamnum superstes, cum ipse primum huc venirem. Hoc patre, homine doctissimo, & matre femina primaria, filia hujus reipublicæ consulis, Henricus natus est. Sed mihi hoc felicius videtur fuisse, non tam quod istis parentibus, quod tamen neque ipse leve esse duco, quando rarò humillima in altum ad veram dignitatem evehuntur, quàm quod inter Musas & natus primum & subito educatus fuit. Erant enim ei & alii propinqui viri litteris clari, primum avunculus,

M lus,

lus, Henricus Varenius, qui & ipse doctrinas mathematicas dictas, in eadem hac nostra Academia docet, & matertera maritus Augustinus Ratca, jurisconsultus, de quibus ut de amicis, & vicinis, illo quoque collega parcius loquor. Neque enim homines ab omni arrogantia remoti, aliud volunt: neque meum est, videri velle audientium aliquid auribus dare. Cum autem puer admodum, ita tamen tingi coeptus litteris ab ultima infantia, patrem amisisset; partim naturam suam, partim exemplum parentis, partim voluntatem propinquorum secutus, totum se illis libenter addixit. Tutorum etiam auctoritas apud adolescentem plurimum, uti debuit, valuit, primum avunculi, qui ipse in litteris omnem ætatem ageret, deinde Balthasaris Guly, consulis, & Andreæ Masonis, senatoris, quos ego homines, ordinis amplissimi magni facio, uti par est, tum ob humanitatem & singularem erga me benevolentiam, tum ob bonarum litterarum scientiam, quibus in hac potissimum Academia, id quod æquissima voluntate præ se ferunt, atque iccirco cum nostro ordine sunt convictissimi, animos suos præ-

præclarè excoluerunt ante, quàm ad rempublicam accederent. Itaque ipsorum & usus major est & dignitas. Quam autem & hi & amici cæteri, de pueri ingenio spem conceperant; eam in dies magis confirmavit, cum omnibus modestiam in moribus probaret, & in utraque lingua multum proficeret: atque ipsi tum commodum fuit Lubecæ discere ex optimo Magistro Jobo Magdeburgo. Æqualium nemo adolescentulum superavit, æquavere pauci: id quod mihi ex ipsius condiscipulis ipsimet retulerunt. Postquam autem & in illa schola, & in hac Academia bonæ doctrinæ initia quædam accepit; cœpit ille statim non adumbratæ alicujus scientiæ cupiditate flagrare. Cum enim à nobis moneretur, non esse illas veras litteras, quibus hodie satis multi ostentatores se pro sapientibus in vulgus venditant; facilè manus dedit, & subito credidit, se, etsi jam didicisset illa bonarum artium elementa, manibus jam trita omnium, vix dum tamen bonas litteras primoribus, quod ajunt, labris delibasse: quæ teneret, habebat, ut erant, pro puerilibus: quæ videret veteri illo & à philosophis in perpetuum repudiato, so-

phistico more in speciem proponi ; ea negligebat & procul à se abiciebat. Quædam enim pestis, uti scis, in Gallia, nobis pueris, invasit in bonas litteras, non inelegans primo aspectu, inscitix tamen patrona, mater ignaviæ, veritatis negligens, jactatrix dementis cujusdam sapientiæ : ea, quod sciam, Alpes non transiit : neque enim illas ineptias animadvertimus in Italia : Sed ex agro Gallico serpsit per Germaniam, & scholas, in quibus pueri instituuntur ; infecit sanè multas, è quibus ad nos sæpè scioli veniunt, loquaci inscitia satis armati, ubi primum dicendi occasionem arripuerint : quod equidem doleo, sed magis doleo, quam dico, perversam rationem, in regias etiam scholas vel irrepere vel irruere. Vide quid non ausit impudentia ; etsi nonnulla est etiam, nostrane, an quorundam nostri ordinis culpa ? qui illam auctoritate nostra non serio semperque coërceamus : neque tamen non video, aliam & multa importuniorem & potentio rem nobis obistere, quæ denuò novum barbariæ imperium molitur. Sed ne à Mensingio evager longius : ille nequaquam in foribus impingens, neque aut
judi-

judicio aut cupiditate alucinans, statim se, ad viros doctos contulit, à quibus ad bene beateque in societate mortali vivendum, quod non temere pollicetur Philosophia rectè erudiretur. Delegerat autem sibi virum gravem, eundemque doctissimum, Nathanem Chytræum unum ex meis intimis, amicum verò etiam tuum, ad cujus judicium & mores conformaret, & porrò inchoata studia dirigeret. Ejus quoque domi sponte vivebat, ut admonitionem expectere, objurgationem etiam non refugere videretur. Quid igitur mirum, si multum, si brevi, eo ingenio adolescens, ea cupiditate, eo studio, illo duce, proficeret? præsertim cum ferè quotidie in scribendo exerceretur. Jàm tùm autem & solutam numeris, & ligatam orationem ita egregiè componebat, ut & subito ætatem istam, & se indies superaret. Multum faciebat ad eam rem, quod plebeiarum velutique tabernariarum scriptorum nihil attingeret, versaret autem sedulo omnes Romanos aureos illius ætatis scriptores: neque eos percurreret, ut sit, sed consideraret, ut eorum mentem plenius intelligeret: quod quo facilius consequere-

tur; tum quod ipsum fugeret, vel ex æqualibus vel ex hominibus doctis sciscitabatur, tum interpretes, quos probari nobis intelligebat, simul legebat. Persequendas verò etiam sibi Græcas litteras putabat, & cognoscendos illos perennes fontes sapientiæ. Græca igitur monumenta quæ poterat, legebat per se: alia audiebat cum privatim tum publicè explicari: denique, cum scriptores, optimos illos quidem, sed ad intelligendum non cuiusvis faciles (in iis erat proximè Lyricorum ille princeps Pindarus) communi studio cognosceremus, homines aliquot eruditi, uno interpretandi molestiam suscipiente, ceteris nihilominus suas cogitationes ad sententiam, è qua unus altervè haud facilè emergeret, confirmantibus; impetravit ipse quoque à nobis facile cum perpauca præclari ingenii & acris studii adolescentibus, ut una interesset nostris illis scholis singularibus, fruereturque nobiscum una dulcissimis animi epulis. Non enim in philosophum ordinem cadit, vel cum paribus non communicare de litteris, vel minoribus earum communicationem invidere: utrumque Sophistarum proprium esse existimetur; & commodis suis & falsæ auctoritatis con-

ti consulentium, non veritati & societati mortalium. Ceterum contenti sunt plerique hac eruditione, ut tincti leviter ceteris scientiis, animos lectione poematum, orationum, historiarum in perpetuum oblectent, & se ad vitam civilem instruant egregiè, inque ea rectè colenda mirificè confirment. Utinam nemo vel regnum gubernet, vel aliquod in Rep. munus gerat, nisi vel hisce tantum studiis, sanè tam jucundis quàm utilibus, & imbutus. & quod per negotia liceat, in perpetuum occupatus. Tanti ego hac facio, & pluris adeo quam multa, iis quæstuosiora, etsi hac sola ferè nunc in precio sunt. Quanquam igitur illis quoque mirificè hic adolescens caperetur, eaque coleret summa diligentia, neque unquam, quoad viveret, abjicienda aut seponenda putaret: tamen, in iis tantum pedem sibi figendum non putabat, sed ad subtiliores, sublimiores, & diviniore quoque scientias, tum naturæ præstantiâ, tum judicii bonitate rapiebatur, à quibus tamen multi ingenii imbecillitate, vel impatientia laboris fugiunt, alii deterrentur magnitudine & difficultate ipsius operis: quod tantum est, quan-

tū summum omnium bonorum, quæ homines nostræ opera nobis comparare possumus, æstimari debet. Quod si rem ipsam assequi numquam possis; nonne hic animus omni laude dignus esse videatur? necesse est enim eum esse non vilem, qui despiciat quæcunque sunt in fortunæ potestate posita: contra divinum esse, qui vera bona in bonis sola ponat, omnesque nervos intendat ad ea consequenda. Non igitur abs re adolescentem nostrum, etiam exemptum rebus humanis, amore prosequimur: quem ego erga illum ostendere alia ratione non possum, quam si non tibi, etsi ad te potissimum scribens, sed aliis adolescentibus, liberalium artium studiosis, illius mentem consiliumque exposuero, uti institui. Etenim ille veræ laudis præmiique suorum laborum expers non erit, & hi habebunt exemplum nobile, quod imitentur. Exemplorum etenim quæ proba sunt, rectè etiam pro regulis habebimus, quando nisi vel cum his convenirent, vel ad ea proximè accederent, proba nequaquam existimarentur. Sed quo me abripit scriptionis quasi æstus? Volui esse non ita longus: & quanquam plu-

plura etiam scripsi, quam volebam initio, tamen non possum inchoata præcidere & tu meæ verbositati veniam dabis, præsertim ex amissi adolescentis desiderio natæ. Ut multos ego vidi, neque tu fortè pauciores, qui doctores vel non audiendos putarent, sibimet se satis idoneos magistros fore rati, vel non audirent sedulo, freti ingenio, vel quosvis audirent, sive eos certe, quibus alios operam dare, cernerent, nullo usi consilio in rebus suis. Contra Mensingius & rectè putabat, in scientiis esse, quas sine diserto interprete ne ingeniosissimus quidem perdidicerit, neque illum audiendum oscitanter, quod si quem, quæ præmitti necesse esse, fugissent, is intelligentiam sequentium nunquam adipisceretur: videbat deinde quæ ex quo rectissimè, quo item & tempore & ordine acciperet. Itaque cæteris non quidem contemptis, tamen præ aliis, ut dixi, Nathanem sibi sumpsit, me quoque audivit, sed diligentissimè Henricum Brucæum logica, geographica, astronomica, physica, cum luculenta suavitate divinitus explicantem. Est enim hic vir multiplicis bonæ doctrinæ copîa instructus, & re-

conditis litteris præditus, præter artis medicæ peritiâ, in qua quantum excellat, in meo ipſius corpore ſæpius experior, quàm me amici experiri velint: ſed tamen ſecundum eſt, ſi non ſemper firmiter valeas, ſacire valetudinis ruinas utcumque poſſe: quique in ea re nobis ſerviat, magis etiam videatur colendus, quàm Æſculapius. De eo, ne videar pluſculum amicitia largiri, etſi hic locus poſtulabat, non dicam amplius, ne etiam ipſi moleſtus ſim, qui intra modum malit prædicari, licet eum nunquam ſatis laudavero. Quod etiam tuam diſciplinam non aſpernatus ſit, tute ſcis & ego gaudeo, cum quod eo homine uſus eſt, qui principe loco ſumma cum laude elegantiores litteras, quæ humanitatis appellatione hodie meritò celebrantur, in academia veſtra doceas, tum quod ita ſtatuiſmus de hiſce, quas dixi litteris, earumque innocentiam junctiſſimis animis adverſus ingruentem barbariem fortiter propulſamus. Sub hujus enim belluæ ſignis militant multi, qui exuviis doctrinæ amicti, ſibi dominatum & opes paſſim parant. Quantum verò res umbræ, veritas opinioni præſtat, tantò majore laude dignus eſt, qui eſſe doctus,

aus, quàm credi cupiat. Cum autem hic adolescens ad sapientiam non adumbratam contenderet, ita se in hoc præclaro suo instituto gessit: Verum haud scio, an ex iis, quæ dixi, ejus animus ita patuerit, ut ex hoc uno, quod toto animo se ad Aristotelis, summi illius & optimi omnium doctissimorum præceptoris, monumenta cognoscenda conferebat. Hoc enim qui serio & constanter faciat, eum posthabere omnia studio sapientiæ credibile est. Quascumque poterat opes, huc sibi comparabat: propterea cum eruditis æqualibus studia sua quotidie communicabat: doctores, quos dixi, omni attentione audiebat: interpretes summi magistri, quos nactus erat, legebat: quos non habebat, inquirebat undique: etiam eos, qui inquinatius scripserant, ut quamvis politæ orationis semper fuisset studiosissimus, tamen non sermonis solum elegantia capi, sed multo maximè eum optimarum scientiarum studio teneri constaret. Cum autem ejus aliquando accuratè & pereruditè scriptam epistolam legissem, de ipso optimè ominari cœpi, & futurum aliquando in doctissimis Germaniæ hominibus di-

cere non fui veritus, si eum fata superesse, nobis sinerent : neque hæc divinatio, quod post magis sensi, me fefellisset, nisi è medio hoc cursu eum eripuisset fati violentia. In Philosophiæ studiis vitam transigere decreverat : & se præterea, de consilio potissimum meo, arti medicæ dedere, quo & suæ valetudinis, quæ non firma admodum esse videretur, rationem hoc magis & rectius haberet. Hæc agens, hæc meditans, vixit vitam suo loco, ordine, ætate dignam : quæ vita si ipsi brevis contigit, melior fuit, multis in ignavia, somno, turpi voluptate, luxu, & simili vitiorum genere actis seculis. Namque multo magis refert bene vixisse, quam diu : quin sapientes eos ne quidem vixisse arbitratos accepimus, qui benè recteque vitam non instituissent, etiamsi omnibus fortunæ bonis cumulati, omnes cupiditates explevisent suas. Non quæram in hoc luctu consolationum aliquid, quæ nobis in promptu esse perpetuò debent : & propter ea hoc minus faciam, ne meam inopiam tibi ostentare velle videar. Abundas enim ipse hoc genere. Si quis dolor est, noster est, & nostra causa, & iccirco maximè moderan-

randus. Non enim malè cum iis agitur, qui cum benè vixissent, vel paucos annos, vel longam ætatem, quæ tamen brevis esse censetur, quoniam finem habet aliquem, ex incommodis vitæ mortalium, maximè hujus tempestatis, quæ vel solo futurarum calamitatum metu misera est, eripiuntur: immò optimè agitur, quorum animi ad beatorum sedes migrant, quo omnes, ut Christianæ pietatis oraculis edocti sumus, suspirare debemus. Sed cum plura scripserim, quàm ad te debuerim, multa, quæ non debuerim; iterum rogo, ut huic meo errori, quem in te amarem, veniam des. De aliis rebus, cum erit utrique commodius: potissimum autem de communibus litteris, & nostra causa, quo meliores ipsimet evadamus, & publica, ut honesto otio perfruantur litterarum beneficio plures etiam populi, & posteritatis denique, cujus bonos tam decet habere rationem, quàm nostri habuerunt ex majoribus nostris viri optimi. Nihil puto esse dignius homine, nihil humanitati magis consentaneum: nisi forte, si quid est veræ humanitatis, in hoc veluti opere, non solum consilio, totum vertitur:

tur: quæ omninò mea est de hac re sententia. Vale, Rostochio non. April. CIO IO XXC.

EPICEDIUM.

ERgò etiam è cursu ad Musas & Apollinis arces,
Egregios animi mors juvenes retrahit!
 Injèctaque manu crudelibus occulit umbris,
Phæbo ipsi sacros Pieridumque choro!
 Id certè interitus nimis heu Mensingus acerbo
Edocet, & cautum quemlibet esse jubet.
 Nam via virtutis si non impervia morti est;
Sunt metuenda aliis quanta pericla viis?

NATHAN CHYTRÆUS.

ALIUD.

OCcidit, in quo me felicem rebar, amicus,
Corculum, & ipse sua flos juvenum patria.
 Quem Phæbus simul, & nata genetrice Moneta,
Unò eòdemque omnes deperiere modo.
 Qui Phæbum contra impensè Musasque colebat:
Optimus is cultu nam perhibetur amor.
 Et quis adhuc siccis ea fata reponit ocellis?
Quis me sublata nolit amicitia
 Et tanta Aonidum cladis meminisse? nisi is, qui
Damna decusque uno condit habetque locò.
 Nulla dividie sic sunt, ut amoris, acerbæ,
Si penitus quis dilexit & ex animo.

Nulla

*Nulla nocent tantis facta impia detrimentis,
Quam sava in Musas si qua licent Atropo.
Ergò ego perpetuis tam tristia fata querelis
Aut doleam aut meritò dicar amasse minus:
Hoc equidem haud dici optarim: nam Dii mihi
testes,
Ut mi erat is vitâ carior atque oculis.
Non adeò quod utroque fuit, quæ maxima certè.
Laus in amore omni est, consule natus avo.
Nec quod erat Sophia mystes, nostrumque Lycæum
Illius erudiit Pallados arte pater.
Sed quoniam eximias divino in pectore dotes
Attonitus longò tempore suspicerem:
Quando communes excercebamus opellas
Musarum à teneris unguibus ad studia,
Isque oculos juvenum in se jam converterat omnes,
Eque aliis doctorem ora diserta locis.
Nempe ea causa fuit justî mihi semper amoris,
Digna vel una omnes jungere amicitias.
Hujus Mensingi solum de nomine fata
Si querar, officium dicar obisse meum.
Cætera, cui meritas operoso carmine laudes
Texere erit, melius videris, & celebret,
Non idèò fidis toties iteranda ab amicis,
Ne novus ex veteri vulnere luctus eat.*

ALBERTUS CLAMPIUS.

DE
VITA, OBITU,
Atque ORIGINE
V. CL.
JOANNIS CA-
SELII,
PROGRAMMA*
in
Academia Julia
Anno clō 15 cXIII.
P. P.

à
PRORECTORE,
JOANNE SIGFRIDO,
Med. D. & P.P.

-
- * Præmissum est Programma præsens Operi Epistolico Caseliano, à CL. Viro, Justo à Dransfeld, edito, Francofurti An.M.DC LXXXVII. in 8vo.

PRO-

PRORECTOR
JOANNES SIGFRIDUS,
Medicinæ D. P. P.

& Senatus Academiæ Juliæ
Studiosæ juventuti
Salutem.

Vixit Collega noster, ut antea semper,
ita etiam nunc nobis omnibus ve-
nerandus senex, JOHANNES CA-
SELIUS : & exequias, Lectores, hodiè i-
bimus: quas non tantùm huic Academiæ,
sed omnibus ubique doctis acerbissimas &
luctuosissimas scimus futurâs. Adeste, &
frequentes ducite funus illius viri, cujus
morti ipsam, cum Virtute & gratiis, eru-
ditionem illacrumasse credimus. Nemo
est vestrum, qui aureum senem non sit ad-
miratus : Nemo, qui, si nostro arbitrio
Deus opt. max. fata mortalium permisisset,
sententiam rogatus, ex animo dicturus non
fuerit, ne quidem hâc tam grandi ætate e-
um mori, par esse, qui, quod in se fuisset, to-
ta vita benè merendo ipse sibi, quam pote-
rat, æternitatem invenisset & constituisset.

N

Quam

Quamdiu enim erit alicujus eruditionis apud posteros vel tenuis sensus, & quousque nomen suum Gratia intelligent, **VIVIT CASELIUS**. Itaque quanquam fieri non potest, quin omnes nos valdè afficiat atque percellat etiam hujus viri obitus, & nostrum vestrumque plurimorumque ubique gentium optimus quisque à se vix obtinebit, quin vel saltem lacrimis ei parentet: tamen neminem vestrum huc ad luctum vel lessum vocamus. Florentur illi, quorum tota vita sibi ipsi fuit sepulchrum, quos fuisse quidem dicere possis, vixisse autem nequaquam. **CASELIUS NOSTER VIXIT**, id est, ea egit, quæ verè erant sapientis, cujus vivere proprium est: ut videlicet & intelligeret, quæ faciendæ essent, & omnibus officiorum generibus, quæcunque ab homine in singulos universosque homines conferri possunt, unicuique ubi vis locorum præsto esset. Ita enim statuebat, ad universos quidem mortales pertinere, inprimis tamen nostri ordinis quemlibet hoc agere debere, ut pro se unusquisque dispiceret, quæ maximè ad vitam humanam facerent, eamque perficerent. Hæc ille cum diligentissimè investigasset ipse,

ipse, non patiebatur quemquam suorum, in hac cura esse negligentem. Quod primum sicuti cum multis fortè habuit commune, qui & ipsi de summo bono solliciti fuerint, ita in altero paucissimos sectatores invenit. Nam & doceri ea voluit & vita exprimi, quæ quisque fieri debere, comperisset. Rectius enim exemplis quam verbis institui homines putabat. Quare si quid faciendum esse moneret, suo exemplo præibat, si quid vitandum, nunquam in eo deprehendebatur, à quo alios arceret, ut ita magno quidem cum fructu à discipulis audiretur docens, majorem tamen emolumento facientem ea illi ipsi viderent & mirarentur, quæ tanto exemplo sibi imitanda esse vel inviti cogerentur fateri. Non ferebat itaque de officiis disputantes, quos videret primos ab iis, quæ docuissent, desciscere, & dolebat etiam, si quem de rebus ad Religionem Christianam pertinentibus verba facientem audiret, cujus doctrinam statim vita & mores ipsius refutarent. Totus in rebus ipsis piè honestè atque omnino rectè gerendis, & ad hæc omnia edocenda juventute, occupatus erat CASBLIUS, ut verbis non crederet,

neque quicquam seriò agi putaret, si facta & omnis vita cum dictis & præceptis & justificationibus non convenirent. Hæc perpetua fuit optimi senis Philosophia : hæc ejus ad mortem usque & penè in ipsa quæque morte meditatio & exercitatio. Hinc tantum illius tota vita alios juvandi studium, ut non, sicut ille imperator, diem, sed horam se perdidisse crederet, si quæ fortè esset elapsa, in qua nihil beneficii aut officii expendisset. Atque erat etiam in ipso morbo unica innocentissimi senis querela, quod nemini in lecto decumbens prodesse posset. Quis igitur miretur, cum tali animo placuisse Imperatoribus, Regibus, Principibus & Nobilissimis Viris, cum omnes, & summi ordinis, & alii quoque inferiores, sed magni judicii homines, quibus ideò curæ esset Respubl., semper haberent, quod ab eo discerent. De scriptis enim ejus si dicere incipiamus, atque ea commendare velimus, profectò vobis injuriam faciamus, in quorum manibus pleraque esse scimus, tam eleganti doctrina tantaque prudentia referta, ut summos homines adeoque dūces ipsos in mediis belli tumultibus ea oblectasse & tenuisse constet. Sed
de

de CASELIO nostro pauca dicere non patitur ejus dignitas, multa autem brevi pagella non possumus.

Clarum illi & pernobile genus fuit ab ipsis atavis, nobilissima videlicet Chesseliorum in Geldria sive in Sicambria, ut veteribus nomina fuere, familia orto. Ei propinquas esse sive fuisse accepimus ejusdem ordinis plures alias, iis locis illo tempore, & partim etiam nunc florentes, Chrichobachiorum, Vambachiorum, Holtomoliorum, Althofiorum, Mervichiorum. Arx adhuc propè ripam Mosæ fluvii in Colle sita nomen familiæ retinet, Chesselium dicta: quamquam, & veterum Romanorum exemplo ad latinam linguam accommodatius, & amissis avitis bonis & summorum virorum hortatu, CASELIUS appellari maluit. Longa procul dubio fuit majorum ejus series, cum eum, quem nos primum ex monumentis hætenus apprehendere potuimus, ob res in bello & pace fortiter provideque gestas, vocarint Gotthardum Magnum, qui Sigismundo imperante, ex tribus suæ conditionis, nobilibus nimirum, uxoribus suscepit octodecim filios: quos & liberaliter educavit, ut plu-

ti summum omnium bonorum, quæ homines nostrapte opera nobis comparare possumus, æstimari debet. Quod si rem ipsam assequi numquam possis; nonne hic animus omni laude dignus esse videatur? necesse est enim eum esse non vilem, qui despiciat quæcunque sunt in fortunæ potestate posita: contra divinum esse, qui vera bona in bonis sola ponat, omnesque nervos intendat ad ea consequenda. Non igitur abs re adolescentem nostrum, etiam exemptum rebus humanis, amore prosequimur: quem ego erga illum ostendere alia ratione non possum, quam si non tibi, etsi ad te potissimum scribens, sed aliis adolescentibus, liberalium artium studiosis, illius mentem consiliumque exposuero, uti institui. Etenim ille veræ laudis præmiique suorum laborum expertus non erit, & hi habebunt exemplum nobile, quod imitentur. Exemplorum etenim quæ proba sunt, rectè etiam pro regulis habebimus, quando nisi vel cum his convenirent, vel ad ea proximè accederent, proba nequaquam existimarentur. Sed quo me abripit scriptionis quasi æstus? Volui esse non ita longus: & quanquam plu-

plura etiam scripsi, quam volebam initio, tamen non possum inchoata præcidere & tu meæ verbositati veniant dabis, præsertim ex amissi adolescentis desiderio natæ. Ut multos ego vidi, neque tu fortè pauciores, qui doctores vel non audiendos putarent, sibi met se satis idoneos magistros fore rati, vel non audirent sedulo, freti ingenio, vel quosvis audirent, sive eos certe, quibus alios operam dare, cernerent, nullo usi consilio in rebus suis. Contra Mensingius & rectè putabat, in scientiis esse, quas sine diserto interprete ne ingeniosissimus quidem perdidicerit, neque illum audiendum oscitanter, quod si quem, quæ præmitti necesse esse, fugissent, is intelligentiam sequentium nunquam adipisceretur: videbat deinde quæ ex quo rectissimè, quo item & tempore & ordine acciperet. Itaque cæteris non quidem contemptis, tamen præ aliis, ut dixi, Nathanem sibi sumpsit, me quoque audivit, sed diligentissimè Henricum Brucæum logica, geographica, astronomica, physica, cum luculenta suavitate divinitus explicantem. Est enim hic vir multiplicis bonæ doctrinæ copîa instructus, & re-

conditis litteris præditus, præter artis medicæ peritiâ, in qua quantum excellat, in meo ipſius corpore ſæpius experior, quàm me amici experiri velint: ſed tamen ſecundum eſt, ſi non ſemper firmiter valeas, ſarcire valetudinis ruinas utcumque poſſe: quique in ea re nobis ſerviat, magis etiam videatur colendus, quàm Æſculapius. De eo, ne videar pluſculum amicitia largiri, eſſi hic locus poſtulabat, non dicam amplius, ne etiam ipſi moleſtus ſim, qui intra modum malit prædicari, licet eum nunquam ſatis laudavero. Quod etiam tuam diſciplinam non aſpernatus ſit, tute ſcis & ego gaudeo, cum quod eo homine uſus eſt, qui principe loco ſumma cum laude elegantiores litteras, quæ humanitatis appellatione hodie meritò celebrantur, in academia veſtra doceas, tum quod ita ſtatuiſus de hiſce, quas dixi litteris, earumque innocentiam junctiſſimis animis adverſus ingruentem barbariem fortiter propulſamus. Sub hujus enim belluæ ſignis militant multi, qui exuviis doctrinæ amicti, ſibi dominatum & opes paſſim parant. Quantum verò res umbræ, veritas opinioni præſtat, tantò majore laude dignus eſt, qui eſſe doctus,

Æus, quàm credi cupiat. Cum autem hic adolescens ad sapientiam non adumbratam contenderet, ita se in hoc præclaro suo instituto gessit: Verum haud scio, an ex iis, quæ dixi, ejus animus ita patuerit, ut ex hoc uno, quod toto animo se ad Aristotelis, summi illius & optimi omnium doctissimorum præceptoris, monumenta cognoscenda conferebat. Hoc enim qui serio & constanter faciat, cum posthabere omnia studio sapientiæ credibile est. Quascumque poterat opes, huc sibi comparabat: propterea cum eruditis æqualibus studia sua quotidie communicabat: doctores, quos dixi, omni attentione audiebat: interpretes summi magistri, quos nactus erat, legebat: quos non habebat, inquirebat undique: etiam eos, qui inquinatius scripserant, ut quamvis politæ orationis semper fuisset studiosissimus, tamen non sermonis solum elegantia capi, sed multo maximè eum optimarum scientiarum studio teneri constaret. Cum autem ejus aliquando accuratè & pereruditè scriptam epistolam legissem; de ipso optime ominari cœpi, & futurum aliquando indoctissimis Germaniæ hominibus di-

cere non fui veritus, si eum fata superesse, nobis sinerent : neque hæc divinatio, quod post magis sensi, me fefellisset, nisi è medio hoc cursu eum eripuisset fati violentia. In Philosophiæ studiis vitam transigere decreverat : & se præterea, de consilio potissimum meo, arti medicæ dedere, quo & suæ valetudinis, quæ non firma admodum esse videretur, rationem hoc magis & rectius haberet. Hæc agens, hæc meditans, vixit vitam suo loco, ordine, ætate dignam : quæ vita si ipsi brevis contigit, melior fuit, multis in ignavia, somno, turpi voluptate, luxu, & simili vitiorum genere actis seculis. Namque multo magis refert bene vixisse, quam diu : quin sapientes eos ne quidem vixisse arbitratos accepimus, qui benè recteque vitam non instituissent, etiamsi omnibus fortunæ bonis cumulati, omnes cupiditates explevisent suas. Non quæram in hoc luctu consolationum aliquid, quæ nobis in promptu esse perpetuò debent : & propter ea hoc minus faciam, ne meam inopiam tibi ostentare velle videar. Abundas enim ipse hoc genere. Si quis dolor est, noster est, & nostra causa, & ideo maximè moderan-

randus. Non enim malè cum iis agitur, qui cum benè vixissent, vel paucos annos, vel longam ætatem, quæ tamen brevis esse censetur, quoniam finem habet aliquem, ex incommodis vitæ mortalium, maximè hujus tempestatis, quæ vel solo futurarum calamitatum metu misera est, eripiuntur: immò optimè agitur, quorum animi ad beatorum sedes migrant, quo omnes, ut Christianæ pietatis oraculis edocti sumus, suspirare debemus. Sed cum plura scripserim, quàm ad te debuerim, multa, quæ non debuerim; iterum rogo, ut huic meo errori, quem in te amarem, veniam des. De aliis rebus, cum erit utrique commodius: potissimum autem de communibus litteris, & nostra causa, quo meliores ipsimet evadamus, & publica, ut honesto otio perfruantur litterarum beneficio plures etiam populi, & posteritatis denique, cujus bonos tam decet habere rationem, quàm nostri habuerunt ex majoribus nostris viri optimi. Nihil puto esse dignius homine, nihil humanitati magis consentaneum: nisi forte, si quid est veræ humanitatis, in hoc veluti opere, non solum consilio, totum vertitur:

tur: quæ omninò mea est de hac re sententia. Vale, Rostochio non. April. CIO IO XXC.

EPICEDIUM.

ERgò etiam è cursu ad Musas & Apollinīs arces,
 Egregios animi mors juvenes retrahit!
 Injēctaque manu crudelibus occulit umbris,
 Phæbo ipsi sacros Pieridumque choro!
 Id certè interitus nimis heu Mensingus acerbo
 Edocet, & cautum quemlibet esse jubet.
 Nam via virtutis si non impervia morti est;
 Sunt metuenda aliis quanta pericla viis?

NATHAN CHYTRÆUS.

ALIUD.

OCcidit, in quo me felicem rebar, amicus,
 Corculum, & ipse sua flos juvenum patria.
 Quem Phæbus simul, & nata genetrice Moneta,
 Unò eòdemque omnes deperiere modo.
 Qui Phæbum contra impensè Musasque colebat:
 Optimus is cultu nam perhibetur amor.
 Et quis adhuc siccis ea fata reponit ocellis?
 Quis me sublata nolit amicitia
 Et tantæ Aonidum cladis meminisse? nisi is, qui
 Damna decusque uno condit habetque loco.
 Nulla dividia sic sunt, ut amoris, acerba,
 Si penitus quis dilexit & ex animo.

Nulla

Nulla nocent tantis facta impia detrimentis,
Quam seve in Musas si qua licent Atropo.
Ergo ego perpetuis tam tristia fata querelis
Aut doleam aut merito dicar amasse minus:
Hoc equidem haud dici optarim: nam Dii mihi
testes,
Ut mihi erat is vita carior atque oculis.
Non adeo quod utroque fuit, quae maxima certe.
Laus in amore omni est, consule natus avo.
Nec quod erat Sophia mystes, nostrumque Lycæum
Illius erudiit Pallados arte pater.
Sed quoniam eximias divino in pectore dotes
Attonitus longò tempore suspicerem:
Quando communes excerpébamus opellas
Musarum à teneris unguibus ad studia,
Isque oculos juvenum in se jam converterat omnes,
Eque aliis doctòrum ora diserta locis.
Nempe ea causa fuit justì mihi semper amoris,
Digna vel una omnes jungere amicitias.
Hujus Mensingi solum de nomine fata
Si querar, officium dicar obisse meum.
Cetera, cui meritis operoso carmine laudes
Texere erit, melius videris, & celebret,
Non ideo fidis toties iteranda ab amicis,
Ne novus ex veteri vulnere luctus eat.

ALBERTUS CLAMPIUS.

DE

DE
VITA, OBITU,
Atque ORIGINE
V. CL.
JOANNIS CA-
SELII,
PROGRAMMA*

in
Academia Julia
Anno cld lō cXIII.
P. P.

à
PRORECTORE,
JOANNE SIGFRIDO,
Med. D. & P.P.

-
- * Præmissum est Programma præsens Operi Epi-
stolico Caseliano, à CL. Viro, Justo à. Drans-
feld, edito, Francofurti An. M. DC LXXXVII.
in 8vo.

PRO-

PRORECTOR
JOANNES SIGFRIDUS,
Medicinæ D. P. P.

& Senatus Academiæ Juliæ

Studiosæ juventuti

Salutem.

Vixit Collega noster, ut antea semper,
ita etiam nunc nobis omnibus ve-
nerandus senex, JOHANNES CA-
SELIIUS : & exequias, Lectores, hodiè i-
bimus: quas non tantùm huic Academiæ,
sed omnibus ubique doctis acerbissimas &
luctuosissimas scimus futurâs. Adeste, &
frequentes ducite funus illius viri, cujus
morti ipsam, cum Virtute & gratiis, eru-
ditionem illacrumasse credimus. Nemo
est vestrum, qui aureum senem non sit ad-
miratus : Nemo, qui, si nostro arbitrio
Deus opt. max. fata mortalium permisisset,
sententiam rogatus, ex animo dicturus non
fuerit, ne quidem hâc tam grandi ætate e-
um mori, par esse, qui, quod in se fuisset, to-
ta vita benè merendo ipse sibi, quam pote-
rat, æternitatem invenisset & constituisset.

N

Quam

Quamdiu enim erit alicujus eruditionis apud posteros vel tenuis sensus, & quousque nomen suum Gratia intelligent, **VIVET CASELIUS**. Itaque quanquam fieri non potest, quin omnes nos valdè afficiat atque percellat etiam hujus viri obitus, & nostrum vestrumque plurimorumque ubique gentium optimus quisque à se vix obtinebit, quin vel saltem lacrimis ei parentet: tamen neminem vestrum huc ad luctum vel lessum vocamus. Plorentur illi, quorum tota vita sibi ipsi fuit sepulchrum, quos fuisse quidem dicere possis, vixisse autem nequaquam. **CASELIUS NOSTER VIXIT**, id est; ea egit, quæ verè erant sapientis, cujus vivere proprium est: ut videlicet & intelligeret, quæ faciendæ essent, & omnibus officiorum generibus, quæcunque ab homine in singulos universosque homines conferri possunt, unicuique ubi-vis locorum præsto esset. Ita enim statuebat, ad universos quidem mortales pertinere, in primis tamen nostri ordinis quemlibet hoc agere debere, ut pro se unusquisque dispiceret, quæ maximè ad vitam humanam facerent, eamque perficerent. Hæc ille cum diligentissimè investigasset ipse,

ipse, non patiebatur quemquam suorum, in hac cura esse negligentem. Quod primum sicuti, cum multis fortè habuit commune, qui & ipsi de summo bono solliciti fuerint, ita in altero paucissimos sectatores invenit. Nam & doceri ea voluit & vita exprimi, quæ quisque fieri debere comperisset. Rectius enim exemplis quam verbis institui homines putabat. Quare si quid faciendum esse moneret, suo exemplo præibat, si quid vitandum, nunquam in eo deprehendebatur, à quo alios arceret, ut ita magno quidem cum fructu à discipulis audiretur docens, majorem tamen emolumento facientem ea illi ipsi viderent & mirarentur, quæ tanto exemplo sibi imitanda esse vel inviti cogerentur fateri. Non ferebat itaque de officiis disputantes, quos videret primos ab iis, quæ docuissent, desciscere, & dolebat etiam, si quem de rebus ad Religionem Christianam pertinentibus verba facientem audiret, cujus doctrinam statim vita & mores ipsius refutarent. Totus in rebus ipsis piè honestè atque omninò rectè gerendis, & ad hæc omnia edocenda juventute, occupatus erat CASELIUS, ut verbis non crederet,

neque quicquam seriò agi putaret, si facta & omnis vita cum dictis & præceptis & jactationibus non convenirent. Hæc perpetua fuit optimi senis Philosophia : hæc ejus ad mortem usque & penè in ipsa quoque morte meditatio & exercitatio. Hinc tantum illius tota vita alios juvandi studium, ut non, sicut ille imperator, diem, sed horam se perdidisse crederet, si quæ fortè esset elapsa, in qua nihil beneficii aut officii expendisset. Atque erat etiam in ipso morbo unica innocentissimi senis querela, quod nemini in lecto decumbens prodesse posset. Quis igitur miretur, cum tali animo placuisse Imperatoribus, Regibus, Principibus & Nobilissimis Viris, cum omnes, & summi ordinis, & alii quoque inferiores, sed magni judicii homines, quibus idè curæ esset Respubl., semper haberent, quod ab eo discerent. De scriptis enim ejus si dicere incipiamus, atque ea commendare velimus, profectò vobis injuriam faciamus, in quorum manibus pleraque esse scimus, tam eleganti doctrina tantaque prudentia referta, ut summos homines adeoque dūces ipsos in mediis belli tumultibus ea oblectasse & tenuisse constet. Sed
de

de CASELIO nostro pauca dicere non patitur ejus dignitas, multa autem brevi pagella non possumus.

Clarum illi & pernobile genus fuit ab ipsis atavis, nobilissima videlicet Chesseliorum in Geldria sive in Sicambris, ut veteribus nomina fuere, familia orto. Ei propinquas esse sive fuisse accepimus ejusdem ordinis plures alias, iis locis illo tempore, & partim etiam nunc florentes, Chrichobachiorum, Vambachiorum, Holtomiorum, Althofiorum, Mervichiorum. Arx adhuc propè ripam Mosæ fluvii in Colle sita nomen familiæ retinet, Chesselium dicta: quamquam, & veterum Romanorum exemplo ad latinam linguam accommodatius, & amissis avitis bonis & summorum virorum hortatu, CASELIUS appellari maluit. Longa procul dubio fuit majorum ejus series, cum eum, quem nos primum ex monumentis hactenus deprehendere potuimus, ob res in bello & pace fortiter provideque gestas, vocarint Gotthardum Magnum, qui Sigismundo imperante, ex tribus suæ conditionis, nobilibus nimirum, uxoribus suscepit octodecim filios: quos & liberaliter educavit, ut plu-

res in aulis Principum & in bellis floruerint, maximè Caroli Burgundionum Ducis ætate, cœteri ad sacerdotia similesque rerum sacrarum functiones adhibiti fuerint. Inter hos fuit Volquinus à Chesselio, qui amore captus filiaë fortunati civis Brachtenis, à patris Petri Endeni, nomine, Petræ, (sive Petronellam eam nominare malimus) dictæ, ex agro transit ad oppidanam vitam, nihilominus cum suis avitum nomen & dignitatem retinens. Suscepit ex ea filios duos, Gothardum & Petrum, filias autem tres, Sophiam, Lucretiam & Adelleidam : ex quibus Lucretia ad majorum ordinis gentem se contulit, nupta cuidam è familia Chisphusiorum : sicuti tandem etiam Adelleida, quam uxorem duxit Leoardus Hogius : tertia, Sophia, oblata sibi, honestissima tamen, sorte contenta, fuit, quando civem Venloënssem Gerardum Bescheidium cognomine Volquinum, hoc à socero (ut aliquando fit) adeptum, maritum accepit. Gothardus ille, Gothardi, Magni nepos, Volquini alterius filius, Senis nostri avus fuit, qui, etiamsi provectiore ætate conjugem Margaritam Piddelliam, duxisset, undecim tamen ex ea suscepit liberos,

beros, septem filios, filias autem quatuor: quorum aliqui infantes mortui, ceteri, partim militiam secuti, partim amplis longisque mercaturis dediti, ut mos est Sicambris, ac plerisque Belgis vicinisque, etiam sæpè nobilibus. Omnes verò illi suo quisque bono loco fuere. In his Matthias est natus quintus, JOHANNIS CASELII pater, homo boni ingenii, optimè eruditus, integri placidique animi. Multa virum optimum ac præstantissimum exercuerunt adversa. Cum enim propter belli calamitates, & deindè acerbissimas de religione Christiana dissensiones excitatas, quæ etiam nunc durant, è patria excessisset, non parvo tempore in Anglia, atque etiam in Scotia aliquamdiu vixit, ausus quoque in Hispaniam trajicere, sine metu cujuscunque, etiam vel maximi iis locis hujus sententiæ hominibus imminentis infortunii: quod & fortè optavit vir præstantissimus. Litteræ profectò ejus amorem quendam pietatis eximium spirant.

Hoc habuit magnum, (ut & filius, de quo loquimur, præsertim quia initio puer admodum abs parentibus aliò translatus, omnium ferè in illa patris modestia diu i-

gnarus fuit) quod contemptis cogitationibus, quas plerique de progenitoribus suis nimis stolidè servant, ille se totum religioni tradiderit : & cujus causa ærumnas toleraret, Servatorem nostrum prædicavit, & doctrinam ab eo per summum nostri amorem propagatum publicè professus est. Ex hac vita discessit Gottingæ, anno ætatis, ut conjicimus LXXXIIX. Hujus maximus natus filius fuit JOHANNES CASELIUS, natus hoc, quem dixi, patre, matre autem, CATHARINA CALEBRADEA, foemina primariæ familiæ, quæ, cum nonaginta quinque annorum esset, & multas calamitates difficillimis temporibus cum marito pertulisset, mortua est Arxlebi, qui vicinus nobis locus est, apud filium natum minimum DANIELEM. Ejus verò Calebradeorum familiæ, præter paucos propinquos, inter quos Sc ligeri & Dransfeldii, atque præter hos etiam affines, inter quos Rhumanni, vestigia vix ulla sunt. Natus illi fuerat JOANNES noster CASELIUS anno millesimo quingentesimo tricesimo tertio, qui iis locis, quibus parens exul fuerat, Göttingæ nimirum, Northheimii & Gandersheimii, ut etiam North-

Northusæ, initia bonarum litterarum coluit, heic imprimis præceptore Neandro, viro clarissimo.

Postea Wittebergam se contulit, Philippo Melanchthoni & omnibus doctis viris plures annos semper valdè familiaris & carissimus : ut & deindè Lipsiæ magno illi Camerario. Illic Philosophicæ scientiæ, ut & aliquot annis post Imperatore, Maximiliano II. poëseos laurea, & tam ab hoc quam à Rodolfo II. Nobilitatis avitæ renovatione ornatus est. Posteaquam etiam, Lipsiæ, Rostochii & Francofurti ad Viadrum, bonam ætatis partem transegisset in omnis generis litteris, hinc in Italiam, ejus visendæ, & eruditionis augendæ gratia, bis profectus est, atque in ambabus illis peregrinationibus sic satis diu ibi studiorum causa, etiam antea eruditissimus, moratus, voluntate imprimis & impulsu JOANNIS ALBERTI Megapolensium Ducis, cui, ut eruditionis perpolitæ maximo amatori & propagatori, ingenium ejus & virtutis studium innotuerat. Prius iter Italicum mense VI. li, anno CIO IO LX. suscepit, quando recta, quantum quidem locorum, per quæ transeundum fuit, aliorumque vicinorum.

contemplatio permisit, Bononiam contendit. Ibi celeberrimis ejus loci Jctis, ut antea alibi, operam dedit, & præterea, in omni litterarum genere viro omnibus notissimo, Carolo Sigonio. Quando autem satis diu eo loco constitisset, Florentiam transiit, ubi item magni illius Petri Victorii passim gentium cognitam reconditiorem eruditionem & insignem virtutem admiratus, ei non solum assiduus quotidianusque ac carissimus, sed & diuturnus auditor permanfit. Indè, peragratis visisque ceteris florentissimæ regionis partibus, in Megapolin rediit anno CIO IO LXIII. Reverso cum à Ducibus Megapolitanorum decreta fuisset Philosophiæ & Eloquentiæ professio, Rostochium ideò III. Nonas Quinct. eodem an. CIO IO LXIII. profectus est: eamque suscepit statim, & cum magno juventutis profectu, ut initio, ita deinceps obiit; Interventit autem illis locis pestilens lues: quamobrem permissu Principis sui in Italiam iterum abiit, initio anni CIO IO LXV. ut studiis antea feliciter cultis porro plus augmenti adjiceret. Ibi ferè triennium exegit, ut plurimum cum Victorio, homine magnæ ætatis: qui clarissimus apud omnes,

omnes, summæque autoritatis haberetur ab omnibus per omnem Europam, & populorum & eruditionis principibus. Pisis utriusque Juris (cui cum operam diligentissimam impendisset, postea tamen, naturæ suæ conditione explorata, studium illud omisit) Doctor renunciatus est publicè, autoritate amplissimi Jctorum ordinis, nemine omnium dissentiente, adhibitis solennibus ritibus, post præmissas usitatas atque in hoc genere necessarias disquisitiones: idque V. Cal. Febr. anno CIA MDLXVI. Reliquit in Italia celeberrimos viros sibi amicissimos, Petrum Victorium, Paullum Manutium, Joannem Vincentium Pinellum, Carolum Oricellarium, Carolum Sigonium, M. Antonium Muretum, Petrum Angelium, hujusque fratrem, Antonium, Bargas, Onuphrium Panvinium, Hieronymum Mæium, Cyriacum Strozam & multos alios, quorum nomina hæc charta vix capiat, quibus omnibus deinceps percarus semper mansit. Inprimis autem Victorii consuetudo illi magno bono fuit, quod & ipse cum summa præceptoris veneratione semper agnovit. Coluit verò illic etiam & audivit Jctos, inprimis Bovium

vium & Bargalinum Bononiæ, Calæfatum, Ciofium & Plautium, Pisis. Præter alia hoc nostri homines hujus optimi senis laboribus & studiis debent, quod genuinam illam Philosophiam partim ab aliquot seculis per eorum complures, quos vulgò scholasticos vocant, maximè in Italia, excitatam propagatamque, partim, atque elegantius quidem, excultam & deditam passim à Græcis exulibus, Gaza, Trapezuntio, Philelso, & qui hos cæterosque ejus gentis secuti sunt, Ficino, Politiano, Mirandula, Barbaro, Victorio & aliis, in Italia porrò didicit, atque in ejus penetralia quam plurimos perduxit. Ex Italia subfinem anni CIO IO LXVII. ad munus suum rediit Rostochium. Neque multò post in aulam accitus ad Principis Johannis Alberti, quem ante summi, atque ob beneficia in litteratos, meritissimi honoris causa, nominavimus, filium, Joannem, ultra impuberes annos progressum docendum, eo se recepit, atque hoc officio, summâ cum laude atque applausu omnium, quadriennium functus est, cum neque de diuturniore tempore actum esset. Læto animo se illinc aulicarum molestiarum pertæsus,

ræsus, adulto jam etiam discipulo, in Aca-
demiâ recepit, ut porro juventuti prodes-
set publicè ac privatim, ut certè profuit
maximè rebus ipsis testibus. Interea verò
dùm illic moraretur, anno CIO IO LXXI. prid.
Cal. IIX. br. uxorem duxit Magnifici & Am-
plissimi viri, Andreæ Mylii, Ducum Mega-
polensium Consiliarii primarii, filiam,
Gertrudem, ex qua suscepit Joannem Ul-
ricum, Margaritam, Clarissimi Viri Colle-
gæ nostri Theodori Adamii Conjugem,
Annam Sophiam, quæ & ipsa præstantissi-
mo viro Theodoro Hupæo nupsit, Joan-
nem Carolum, Joannem Guilielmum,
Elisabetham, Joannem Julium, Joannem
Andream, & Helenam. Concesserunt o-
mnes fatis, præter Margaritam. Uxorem
amisit IV. Eid. Februar. anno CIO IO XXCIII.
Indè viduus mansit, dùm vixit, liberis sem-
per à noverca metuens, non minimo tam
diurnæ continentia & in suos pietatis ex-
emplo. Cum autem ingens viri esset fama,
non potuit ea latere Principem, in cujus
territorio natus erat: Ducem, inquam,
nostrum Julium, beatæ memoriæ; præ-
sertim cum Academiâ hanc condidisset;
& magnis præmiis doctissimos quosque
homi-

homines huc invitaret, à quo etiam vocatus fuit CASELIUS, sed, quod eum amaret dux Megapolensium, Joannes Albertus, atque ex aliquo intervallo intervenire mors optimi illius Principis nostri, tunc quidem huc non venit CASELIUS. Nectamen minus hæsit in animo successoris maximi Herois nostri HENRICI JULII: cui ex celebritate nominis, & scriptis, & præsentis aliquoties sermonibus, notissimus erat. Is ergo, pro summa heroïci ingenii bonitate, non quievit, priusquam illum huic patriæ suæ restitueret. Vixit itaque hæc totos viginti & quatuor annos, omnibus bonis carissimus, parens studioforum adolescentum, atque in his, præter plurimum aliorum morem, etiam inopum: quorum tam multi hodiè per eum florent, ut nullam credamus in Europa nationem esse, quæ magno nostro seni multis propterea nominibus obligata non sit. Passus etiam hæc suos est manes. Ut enim de reliquis nihil dicamus, per mortes suorum iit pænè solus omnibus suis superstes. Postremo, ætate porius, quam morbo confectus, hac mense ad diem V. Eid. paulò ante vespèram in vera filii Dei agnitione,

tione, & liberationis ex hac miseriaum-
valle flagrantissima expectatione, piè &
tranquillè obiit: postquam mensibus su-
perioribus aliquot longè solito infirmior
esse cœpisset, maximè tribus ultimis:
quare tandem ab ægritudine dejectus, dies
plusculos in fatali lecto se continuit, do-
nec, non valentibus defatigati pectoris vi-
ribus moribundo jam cordi ministerio suo
amplius præsto esse, ita expiravit. Gra-
tias Deo opt. max. debent plurimi mortali-
um, adjuti ab hoc viro atque ornat, quod
ei ad tantam ætatem pervenire licuit,
quantam ipse sibi ne sperare quidem, alii
verò tam imbecilli corpori vix optare
ausi fuerint: quanquam ipse sibi quoque
hac in re non defuit, qui quotidiano cor-
poris motu & perpetuo temperantiæ stu-
dio adversus ancipitem valetudinem sem-
per se muniverit. Exequias magno viro
hodiè, ut intellexistis, ibimus. Adeste
etiam vos frequentes, & ultimum ei huma-
nitatis officium præstate, qui humanitate
& officiis plerosque mortales superavit.
Valeté! P. P. in Acad. Julia A. D. XVI,
Calend. Majas.

Documentum Publicum

*De V. C. L.***JOANNE CASELIO,**

In Academia Pisana utriusque Juris
Doctore legitimis modis ac ritibus
renunciato.

IN DEI nomine Amen. Antonius de
Prædis de Consilice Canonicus Raven-
natis J. U. D. & Protonotarius Aposto-
licus, Illustrissimi ac Reverendissimi Domini,
Domini ANGELI NICCOLINI, miseratione
divina tituli Sancti Callisti Sanctæ Romanæ
Ecclesiæ Presbyteri Cardinalis, Archiepisco-
pi Pisani; Sardinæ & Corsicæ Primatis,
nec non *Pisani almi Gymnasii Cancellarii
Apostolica Cesareaque auctoritate dignissimi,*
in spiritualibus ac temporalibus Vicarius
generalis, ad omnia & singula specialiter
ab eodem constitutus & deputatus, uni-
versis & singulis Christi fidelibus tam cleri-
cis quam laicis præsentibus nostras inspectu-
ris salutem in Domino sempiternam. A
majoribus nostris rectè quidem ac sapien-
ter institutum est, ut homines principio
rudes, ac omnis artis scientiæque exper-
tes,

tes, si (quod illorum proprium est) æterna immortaliaque investigare, perspicere ac cognoscere vellent, dignis præmiis, perpetuis laudibus summisque honoribus afficerentur: cum honos alat artes, cunctique incendantur ad studia gloriæ. Verum cum cognitio quælibet bona sit & honesta, illa tamen longè præclarior, sublimior, illustriorque censeretur debet, quæ majori ornamento, commodo, honorique mortalibus esse potest. Hæc enim urbes condere, populos regere, societates tueri, aliena non appetere, ac sua cuique tribuere præmonstravit. Hæc una est, qua præditi verè sapientes, immortales, fortunatique meritò dici possunt. Hujus sectatores, ut cæterarum disciplinarum sunt utiliores, sic, etiam majoribus sunt præmiis, laudibus & honoribus cumulandi. Ejus igitur præstantia motus Magnificus & Præstantissimus Vir, Dominus JOANNES CASELIUS, Matthiæ filius, Gottingensis Brunsvigius: quem virtus ejus eximia, sui que probatissimi ac laudatissimi mores omnibus exhibent admirandum, colendum, & venerandum, cum omnibus liberalibus artibus superioribus proximè elapsis temporibus operam.

O

prius

prius diligentissimè navasset, quæ hujus veluti præludia semper existimaverat, in hanc sanctissimam J. U. scientiam oculos tandem, mentem animumque direxit, quam ut toto pectore amplecteretur, abstinuit Cerere & Bacho, sudavit & alsit, natale solum, amicos, parentesque reliquit, & in celeberrimis Lipsiaca, Rostochiana, Francofordiana ad Viadrum atque Bononiensi academiiis tanta cura, studio, diligentia atque solertia per plures annos legibus insudavit, ut ad Cleanthis Aristophanisque lucernam vigilasse ab omnibus crederetur. Postremò doctissimorum virorum & excellentissimorum J. U. D. qui in hoc almo Pisano eadem profitentur jura Gymnasio, fama excitus, ut suorum laborum optata, condignaue præmia consequeretur, Pisas se contulit, horum auspicio tantum Deo dante profecit, ut in literaria arena pugnare acriter, jugulum petere, subtiliter, graviter, ornateque disputare ab omnibus judicaretur. Quamobrem Magnifici ac Excellentissimi J. U. D. illustris Dominus Petrus Calæfatus, Pisanus, Dominus Camillus Plautius, Fontanellatensis, Dominus Antonius Ciosius, Florentinus, & Dominus

nus Donatus Malegonnella, Florentinus, Promotores sui, in eodem Pisano almo publicè legentes jura Gymnasio, ipsum coram nobis legitimè præsentarunt, asseverantes hunc in Doctorum albo, jure adscribi, ac longo, arduo, tremebundoque examini in tanto doctissimorum virorum collegio meritò admitti posse. Igitur à nobis puncta illi de more, helterna die, hora vigesima prima assignata fuerunt infra scripta, videlicet *in jure Pontificio, c. Quoniam velina, XII. q. 1. & c. Ecclesia sanctæ Mariæ, de consitut. In jure autem Cesareo l. Quod quis sciens, ff. de cond. indeb. & l. Non est novum C. de eden. quæ præsentì infra scripta die, hora etiam supra scripta, veluti in Arcopagitarum concilio, coram nobis, & omnibus aliis Excellentissimis Pisani almi studii supra scripti J. U. D. ut examini interessent hujusmodi, ex nostra parte vocatis, in infra scripto loco, & habitis, ita doctè legit, ita subtiliter declaravit, ita J. U. D. eorundem omnium argumenta (quæ ænigmata potius dixeris) contra se formata memoriter repetiit & apertè dissolvit, ita per duas horas cum maxima omnium admiratione omnia doctorum munia excoluit, ut uno omnium placido ore,*

candido animo , parique consensu ipsorum , nemine penitus discrepante , dignissimus meritò fuerit existimatus , ut Pontificii Cæsareique Juris ornamentis , gradu , insignibusque feliciter , honestaretur. Nos igitur Antonius de Prædis supra scriptus de comuni concordia consilio , consensu & unanimi voluntate eorundem omnium Excellentissimorum J. U. D. Pisani almi Gymnasii prælibati legali debito ac sufficienti numero collegialiter congregatorum eundem Magnificum Dominum JOANNEM CASELIUM super cathedram constitutum in nostri & aliorum præsentia diligenter examinatum , simul & approbatum diximus , pronunciavimus & declaravimus sufficientissimum doctissimum & meritissimum ad habendum , consequendum , & obtinendum licentiam , publicum gradum , & solita doctoratus insignia J. U. facultatibus supra scriptis. Illique tunc auctoritate superius plenissimè demandata , qua in hac parte fungimur , uti meritissimo J. U. D. in eisdem legendi , docendi , consulendi , interpretandi , examinandi ac judicandi , cathedram magistralem ac Doctoralem ascendendi , illamque regendi , ceterosque docto-

doctoreos actus & magistrales Pisis & ubique locorum ac terrarum publicè exercendi, plenam, liberam, ac commodam potestatem, licentiam & facultatem cedimus, damus & concedimus, per has nostras ipsum **Magnificum Dominum JOANNEM CASELIUM** pronunciantes, affirmantes & declarantes J. U. Excellentissimum esse Doctorem. Receptis postremò per eum ab eodem Excellentissimo ac Illustri J. U. D. D. Domino Petro Calzafato compromotore suo supra scripto, ac aliorum suorum compromotorum nomine, ipsorum jurium & gradus solitis Doctoratus insignibus, libro scilicet clauso, mox aperto, birretoque vice laureæ ejus capiti imposito, ac inde annuli aurei subarratione, cum osculo pacis, paternalibus, magistralibusque benedictionibus, qui omnibus sic publicè insignitus & coronatus, felici coronetur in patria, per viventem in secula. In quorum omnium & singulorum fidem robur ac testimonium præmissorum præsens hoc publicum instrumentum authenticum in se continens privilegium per Ser. Alexandrum Monticellum notarium nostrum & archiepiscopalis Pisagæ curiæ Cancellarium infra scri-

ptum, rogari & subscribi iussimus, sigillique
ejusdem Illustrissimi ac Reverendissimi Pi-
sani Archiepiscopi appensione munitum.
Datum Pisis in palatio Archiepiscopali in au-
la superiori coram & presentibus ibidem
Nobilibus ac Magnificis viris, Domino Joa-
chimo Bassevicio Megapolensi, Domino
Joachimo Jacobo Hundt à Lauterbach in,
Kaltemberg Bavarò, Domino Joanne He-
ctore Schad de Mittelbibrach Bavarò, Do-
mino Joanne Erasmo Flossero Norico, Do-
mino Joanne Schaubero Oenipotano Tiro-
lensi, Domino Joanne Gailingo Norico, Do-
mino Nicolao Calzafato Pisano, Domino
Damiano Lomellino Genuensi, & quam-
plurimis aliis testibus ad prædicta vocatis,
habitis & rogatis, Dominicæ Incarnationis
anno M. D. LXVI. Indictione Nona stilo
Pisano atque Romano. Florentino verò
1565. & die XXVIII. mensis Januarii. Pon-
tificatus sanctissimi Patris nostri Pii divina
providentia Papæ Quinti, anno primo, re-
gnante Serenissimo Principe Maximiliano
Secundo, Dei gratia Romanorum Impe-
ratore, Dominante Illustrissimo ac Ex-
cellentissimo Principe nostro Cosmo Me-
dices Florentinorum atque Senensium Du-
ce se-

ce secundo, summè felicissimo & inclyto
paci moderatore.

Ego Alexander f. Cap. Sebast. de
Monticellis cuivis & Notarius pù-
blicus, adpræfens Cancellar. Archi-
episcopi die prædictis rogatus te-
stor. Laus Deo.

* * *

Petrus Victorius, Italarum omnium,
judice Oberto Gifanio Comm. in Eth. Arist.
p. 617., doctissimus, (vid. & CL. Thomas
Crenius Animadversionum Philol. Histor.
P. III. c. II. p. 60.) in Epistola ad Johannem
Albertum, Megapolensium Ducem, Flo-
rentiæ V. Kal. Quintil. Anno M. D. LXVII.
data, quæ habetur inter Victorianas, unâ
cum Caselianis editas, p. m. 62. seqq. edit.
Francof. M. D. XCVII. in 8vo., sequentibus
Caselium commendat:

Unus autem eorum est, qui nunc ad Te
revertitur, Caselius, vir optimus & insigni-
bus animi dotibus ornatus. Eum ego val-
dè diligo, ac meritò quidem facio: cùm
enim ille raris quibusdam ingenii bonis in-
structus sit; probitate ac verâ virtute,

non inferior est aliquo : cepique ego ex ipsius consuetudine (vixit enim omni hoc tempore mecum satis familiariter) voluptatem incredibilem. Cum verò ille mihi omnibus rebus semper probatus fuerit, inprimis amavi in eo fidem singularem, cupiditatemque ingentem tuæ voluntati commodisque omnibus viribus opibusque serviendi. Quod autem ad ingenii ipsius magnitudinem eruditionemque artium reconditarum facit, hoc est meum de illo iudicium, ut cum hæc nostrâ ætate Germania tulerit plures doctissimos viros, & qui ipsi magnum honorem laboribus suis pepererunt, sperem, hunc, si vixerit & persequi optima studia potuerit, parem ipsis laude ac gloria futurum. Neque ego nunc hoc dico, laudoque illum tibi, ut gratiæ aliquid honorisque ipsi apud te conciliem. Recordor enim, me cum prudentissimo Principe ac honestissimo loqui, apud quem nimis turpe foret mentiri; neque aliquid est, quod tam à moribus meis alienum sit, quam vanitas : sed ut animo meo satisfaciam, ac, quod intus habeo, liberè proferam. Cum igitur scire cupias, qui publicè doce-

re istic humaniores litteras & ingenuas omnes artes queat, non video, qui melius, quàm Caselius, sustinere hanc personam, possit. Cur autem, quod domi tuæ habes, aliunde petas? Nobilissimis enim quoque adolescentibus & summo loco natis posse hunc tradere idoneam disciplinam, arbitror, vel potius cognitum & exploratum habeo. Nam & moribus est optimis, & libros etiam Aristotelis de vita ac moribus, nec non quos idem scripsit de optima republica, accuratè legit: sententias autem ipsorum omnes eum cognitæ ac valdè tritas habere, perspexi ex crebro sermone, quem inter nos habuimus de his gravibus studiis, sed plures etiam partes eorum librorum mecum diligenter ponderavit. &c.

Plura de Caselio judicia legi possunt in Cl. Jac. Burckhardi, ad Celeb. Böhmerum, de Jo. Caselii meritis, Epistola; quæ cum scriptorum simul Caselianorum recensum complectatur satis accuratum, non ingratum Lectoribus fore putavi, si integra hæc illa exhiberetur.

DE
Viri Clarissimi
IOANNIS CASELII
Præclaris erga bonas lit-
teras meritis,
Ejusque
Lucubrationum
Magnopere desiderata adhuc e-
ditione

EPISTOLA

Ad
Virum Celeberrimum
IVSTVM CHRISTO-
PHORVM BOEHMERVM,
Polit. & Eloqu. in Academia Julia
Profess. Meritiss.

SCRIPTA

a
IACOBO BVRCKHARD,
Sultzbaco-Palatino.

Vir Celeberrime,

Quotiescunq; mecum recordor, quanta humanitate quadriennio fere, abhinc, cum ex academia Ienensi in inclitam Iuliam commigrarem, a TE sim exceptus, valde adhuc gaudeo: vehementius tamen latandum puto, quando de singulari beneuolentia cogito, quam pertempus, quo ibi commoratus sum, in me contulisti, cum exigua studia mea quam maxime velles adiuta. Neque vero leues gaudendi causas habere mihi videor, qui a doctoribus diligi multum mea interesse, numquam non credidi. Biennium amplius est, cum Iulia relictâ in Fridericianam abiit; sed tantum abest, ut mihi tum fauere desieris, ut absentis etiam causa TE non minus velle, multis posthac modis ostendere haud dubitaris. Equidem per litteras adhuc testificatum iui, quanti hunc TVVM in me æstimem fauorem: sed tamen officio non prius satisfacere me posse arbitratus sum, quam publice etiam declarassem, quantum TIBI ego sim deuinctus. Id præstandi defuit adhuc facultas, donec non ita pridem in bibliotheca Augusta quam plurimas

mas *Casellii* lucubrationes reperi, inter quas & eæ fuerant, quæ iamdudum a me erant quæsitæ. Iustus tum mihi iterum dolor incessit, quod scripta ista difficillime hodie inuenirentur, cum tamen nemo eruditorum sit, quin existimet, plurimum ex tanti viri monumentis expectari posse utilitatis, si in multorum essent manibus. Augebatur dolor hic, cum in animum reuocarem, quid TV, VIR CELEBERRIME, responderis mihi, vbi præclara TVA institutione adhuc fruens sciscitabar, an spes superesset, Caseliana collecta abs TE editum iri; qua spe multi hodieque tenentur, siquidem in academia Ienensi id sibi penitus persuadent. cuius rei *Cl. Iochius* testis esse potest. (a) Editio Caselianorum scriptorum, respondebas mihi tum, optanda magis est, quam speranda; quo responso vehementer dolui, & licet dolorem numquam plane deposuerim: is tamen me tum maxime attigit rursus, cum scripta ista in laudata bibliotheca viderem, considerans, quam paucissimos esse, qui thesauro hoc perfrui hodie queant. Denique cum reputassem, quot clarissimi viri superiori sæculo fuerint, qui lucubrationes, quas

Casse-

(a) Prodr. biblioth. polit. pag. 32.

Casellius separatim quondam emisit, coniunctim edere proposuerint sibi, & ego de ipsa editione penitus ferme desperare cœpi, cum perpendissem simul, quid sit, cur ea toties frustra sit suscepta.

Vt igitur TIBI me plurimum debere publice testificandi nanciscerer occasionem, magni *Casellii* egregia erga bonas litteras merita in epistola ad TE scripta breui exponere, & de causis simul, quæ prohibere videntur, quo minus scripta eius tam facile edi possint, quam multi fortasse sibi persuadent, agere constitui, ipsorum monumentorum, quotquot in diuersis bibliothecis inuestigare ac consequi licuit, catalogo adiecto. Id quidem mihi plane non sumo, vt tanti viri, quantus *Casellius* fuit, vitæ imaginem exprimam: maior ab illo requiritur eruditio, qui clari cuiusdam viri vitam digne conatur perscribere: id quod TE etiam antehac docere memini. *Camerarii* requiruntur, *Gassendi*, *Rigaltii*, *Casellii* dicendi silva desideratur atque vbertas. Neque longam viri laudationem conscribere animus est: vir ab summis ingeniis laudatus mea laude prorsus non indiget. Magnus *Casaubonus* laudibus eum ornare ne ausus quidem est, vtpote qui oneri huic

huic ferendo imparem se putabat. (b) quare, si ego id conarer, temerarius maxime essem, tamque audax, ut nemo umquam magis. Virtus per se consistens nusquam latet, ita, ut nullum prorsus præconem desiderare videatur. Admirabilis etiam *Casellii* virtus, & magna ex ea orta gloria omnes cultioris Europæ partes ita peragrarunt, ut nullum tempus hanc obscurare, nedum extinguere valuerit. Merita dumtaxat viri adumbraturus, neutiquam vero expressurus sum; idque etiam maxime ob causam, ut observantia, qua TIBI, VIR celeberrime, obstrictus sum, publicum exstet specimen. Spe enim non ducor, *Casellii* gloriam leui hac mea epistola auctum iri, quæ tanta esse videtur, ut amplificari non queat. Scribendi hoc argumentum TIBI non ingratum fore, confido, cum non ignorem, quanti a TE fiat *Casellianum* nomen: etiamsi nihil prorsus protulero, quod TE fugiat. Quid enim eum, qui *Casellii* merita cognita penitus habet atque perspecta, qui eximia ingenii huius monumenta omnibus assidue commendare solet, hac in re fugere potest? Benigne itaque pro singulari TVA facilitate & pristina in me beneuolen-

(b) ep. 454. edit. Græv. 1656.

uolentia epistolam accipies. Non argumenti tractationem, sed scribentis respicies animum; cuius cum tenues admodum vires noveris, TE nihil, nisi quod tenue est atque exile, ab eo expectaturum spero. satis habuero, si epistolam ut grati animi testem beneuole acceperis.

Casellii vitam pluribus me persecuturum esse negavi: etiamsi quam maxime id vellem, epistola istam minus caperet. Breuiter explicata est programme publico, quo Prorektor *Io. Sigfridus*, Medicinæ Doctor, ad funus optimi viri efferendum academiciæ *Julia* ciues inuitauit. (c) hoc *Conradus Horneius*, gratus per complures annos *Casellii* discipulus, maximam partem excerptum nobis dedit: (d) qui antea in obitum grauissimi senis *Græcum* etiam carmen conscripserat, quo genus eius atque vitam designauit. (e) Eodem isto programme usus itidem est *Melchior Adamus*. Quædam insuper de *Casellii* vita ac moribus ex idyllio *Græco*, quod *Laurentius Rhodomanus* in natalem eius con-

- (c) 1613. 4. Hoc *Cl. Iustus a Dransfeld* *Casellii* epistolis, quas edidit, præfixit (d) *Casellii* operibus politicis præmissum (e) *Cl. Dransfeld*, *Casellii* poematibus illud adiecit.

contextuit, (*f*) cognosci possunt. Neque excellentes *Casellii* virtutes multis verbis prædicandas decreui. Prædicatum eas iuit *Christophorus Heidmanus* oratiuncula, quam in funere fidelis huius præceptoris sui altero post exsequias diè habuit. (*g*) Præter virtutem sapientiam in viro laudat atque doctrinam; inter virtutes singularem pietatem eluxisse confirmans, quam hodieque ardentissimæ ipsius preces, ac meditationes piæ maxime quodammodo testari queunt, quas & Græce & Latine vario carminis genere componere consuevit, cuiusmodi idem *Heidmanus* collectas edidit. (*b*) Ex pietate plurimæ promanarunt virtutes aliæ: hæc effecit, ut tristiores casus, qui ei in extrema etiam senectute contigerunt, fortiter ferens in diuina acquieuerit voluntate. Sic optimorum, quos superstites adhuc habebat, filiorum, *Ioannis Vlrici*, & *Ioannis Caroli*, tulit obitum: quorum vterque ingenio fuerat singulari, ita in litteris educatus, ut parentis expectationi abunde satisfecisset; Germania Italiaque peragrata tantam sibi comparauerant doctrinam, ut nihil restare

am.

(*f*) Witteb. 1602. 4. (*g*) Helmst. 1613. 4. (*b*) ib. 1625, & 1634. 12.

amplius videretur, quam ut de patria bene mererentur, & parens operum spectator esset. *Io. Carolus* decessit, cum pater octogessimum prope ingressus erat annum, qui morte hac nihil acerbius umquam sibi accidisse fassus est: (i) in tanta tamen moestitia summi imperatoris se subiecit decreto. Modestia porro in viro summa fuit, & singularis plane vitæ integritas: hanc in *Caselio* miratus semper est *Iosephus Scaliger*, (k) præsertim cum in Germanis maxime eam desideraret. Per duas eximias has virtutes invidiam, quæ virtutem, ut corpus umbra, sequitur, vicit, harum ope inimicos superavit, eorumque propulsavit impetus. Humanitas etiam eius incredibilis fuisse dicitur: enimvero litteras, quæ ab humanitate nomen habent, docens commissurus non erat, ut inhumanus cuiquam videretur. Quam humaniter hospites, non ex Germania solum, sed e nulla non Europæ partium ipsū convenientes, exceperit, multi testes produci possent: & domus & animus viri patebat istis. Breuitati cum studeam,

P

deam,

(i) ep. ad *Adolph. Frid. & Io. Albert*, Duces Megap. orat. funebr. *Andr. Mylii* præf. (k) ep. 272. p. 566. edit. Elzevir.

set, vtpote cui consuetudine eius decem, amplius annos vti licuit, per quod temporis spatium vitam atque mores penitus potuit inspicere.

Prius tamen, quam præclara *Caseli* nostri in bonas literas adumbrem merita, ac summorum virorum de exquisita eius doctrina adferam testimonia, non ab re fore arbitror, si tempus, quo clarum hoc Germaniæ lumen, exortum sit, vno verbo adnotauero, ostendens simul, sub quibus magistris tantum accreuerit. Gættinga satis celebris Saxoniae huius inferioris ciuitas anno MDCCCXXXIII, xv. Kal. Iun. lumen hoc protulit, quæ parenti, *Matthiæ Caselio*, cuius maiores nobilitate generis atque gloria in Geldria maxime olim floruerant, tutus existerat portus, postquam ob funesta religionis dissidia, vt turbulenta tum erant tempora, in remotissimis regionibus diu exsulasset. Teneræ ætatis primum, deinde animarum curam commiserat ei ciuitas hæc, quam, quoad vixit, fideliter sustinuit. Hic prout nihil intermittebat, quo optimi Ioannis sui, qui filius erat natu maximus, consuleret saluti, omnibus doctrinis, quibus tenera ætas impertiri debet, erudiendum eum curauit,

nihil magis exoptans, quam vt illorum maxime, qui ipsa doctrina scribendique facultate clarum adepti fuerant nomen, similis olim euaderet. *Melanchthonem* ob eam rem, *Camerarium* atque *Sturmium* quotidie in ore habebat, quorum fama filius adfici iamtum videbatur. Infelicem vero hic existimauit se postea, quam intellexit, se puerum in probos quidem, nec tamen doctos satis sollertesque incidisse magistros, qui discipulis minus necessaria, & quæ nullius momenti, inculcare, eosque in rebus, quas pueri vno mense, & paruo etiam negotio cognoscere potuissent, annos retinere consueuerant. Prima tamen litterarum rudimenta se commode satis in *Gandersheimensi* ludo, cuius moderator *Christophorus Noricus* tum fuerat, se didicisse, semper posthac lætatus est. Illum enim, qui ab infantia necessaria quæque recte nos doceat, magnam mereri gratiam, laudemque singularem apud intelligentes inuenire, opinabatur: cuius sententiæ adeo pertinax erat, vt qui pueros clare & distincto sono litteras pronunciare, & earundem figuras minus sordide pingere doceat, præmium præ aliis, aut certe non tenue, decernendum ei iudicaret,

caret, sæpius deplorans, huic muneri vilissimum quemque præfici, & bona, quæ maximum vsum habeant, in minimis cense-ri; quo calligraphiam referebat: cuius participem se non fuisse, vehementer do-luit. hinc enim factum esse dicit, (n) vt in scribendo minus creber aliena plerumque manu vti debuerit. Misit denique pater optimum prolem Northusam, vt ibi *Basilii Fabri*, & *Michaelis Neandri*, clarissimorum virorum, vteretur institutione. quorum hic Ilfeldianum postea monasterium pro-bitate sua singularique doctrina mirum in- modum illustravit, cum ibi excellenti sua, qua utebatur, docendi ratione tantum, *Caselio* testante, profecisset, vt Neandrici, quando in academias veniebant, plerisque statim aliis præstarent. talis in primis fuerat modo laudatus *Rhodomanus*, quem cum priscis & elegantissimis ingeniis comparan- dum censuit *Caselius*. Hic quidem *Caseli- us* noster & *Fabro* & *Neandro* multum se debere professus est; sed, quod vehemen- ter doluit, ante tempus a patre in re necessa- ria domum est reuocatus, ita, vt Græcæ lin- guæ non tam cognitionem, quam amorem,

P 3

quod

(n) ep. ad Io. Reccium. C. 1. b.

quod rei tamen principum est, secum referret. Vtraque denique lingua sic cognita, ut ad Græca studio adspiraret suo, Latina intelligeret, in academias cogitavit, postquam in patriæ etiam gymnasio, quod tum institui cœperat, per tempus fuerat versatus. Wittebergam primum abiit, *Melanchthonis* præcipue excitatus fama, ubi magno huic viro ac reliquis academix doctoribus gratus semper fuit acceptusque. Id, cum maturiori esset iudicio, ægre maxime tulit, se nimium pudorem, qui nemini vsui esset, in academiam secum tulisse: prohibuisse enim hunc, ut neminem de tractandis studiis suis consuluerit. Præter *Melanchthonem* in academia hac præ ceteris admiratus est *Vitum Vinsamium* atque *Georgium Cracovium*, quorum vtrumque Græcos scriptores frequenti admodum auditorio interpretatum esse, dicit. (o) Cum futuræ gloriæ suæ firma satis fundamenta Wittebergæ iecisset, Lipsiâ commigravit, ut magni *Camerarii* etiam frueretur eruditione. Atque ita duo obtigerunt *Caselio* doctores, ut si ipse fingere eos voluisset, neque perfectiores reminisci, neque meliores potuisset consequi. quod ipse opti-

(o) in *Néw E.* 4. b.

optime cognouit, quando *Melanchthonem* atque *Camerarium* viros nominat, qui virtute atque litteris ita excelluerint, ut omnium, quos Germania umquam doctos protulit, vere appellentur principes. illum enim tanta fuisse doctrina, fide, bonitate, animique moderatione, confirmat, (p) ut communis Germaniæ præceptor meritissimo vursurpetur: hunc vero cum ob variæ, bonæ, ac elegantis doctrinæ diuitias, tum ob gravitatem morum, consiliique copiam magnum iure cognominari. (q) Vtriusque eximia erga meliores litteras merita carminibus prædicauit, quæ in obitum eorum pro singulari sua in præceptores pietate & Græcè & Latine composuit (r)

Postquam Francofurti etiam ad Oderam atque Rostochii in litteras incubuisset, & doctorum in vtraque academia conciliaisset sibi fauorem, quem *Ioannes Bocerius*, Rostochiensis professor, peculiari elegia declarauit: (s) Musas ultra Alpes habitantes inuisere constituit, iubente id in primis *Io. Alberto*, Duce

P 4

Mega-

(p) epitaph. *Borchold.* A 3. (q) in *Néw E 3.* (r) illius carmine Latino, *ταμείας* inscr. prolegom. in *Thucyd.* interpr. adiect. huic epitaphium Græce conscripsit *Witteb.* 1560. 4. (s) eid. epitaph. addita est.

Megapol. qui gentes suas ad humanitatem, atque litteras magis perduxisse videtur, postquam cum fratre *Vlrico* Rostochiensem academiam restauravit, quæ iniquitate superiorum temporum pæne collapsa diu satis neglecta iacuerat. Ducis huius erga litteras munificentissimi clementiam ingenii quodam specimine comparauerat sibi *Caselius*. nam cum optimus princeps, prout prudens ingeniorum censor erat, elegans eius ingenium ex specimine isto cognouisset, fovendum id decrevit. quemadmodum adolescentem in suis posthac aluit, nihil plane, quod ad studia opus erat, ei denegans. Fecit cum *Caselius*, quod obsequentissimum dedit clientem; utpote qui abundè deinceps commonstrabat, beneficia ista a principe melius collocari non potuisse. quod *Camerarius* etiam cum aliis principi persuaserat, (1) comprobans, ipsum ex *Casellii* moderatione, humanitate, doctrinæ eruditione magnam percepturum esse voluptatem. Gratum animum erga magnum hunc euergetam suum perpetuo ostendit, in cuius laudem duas post obitum eius orationes confecit, quibus eum ut illustre boni principis exem-

(1) ep. famil. p. 7. edit. Wechel, 1583. 8.

exemplum proponit. (u) Cum igitur benignissimus princeps clientis huius sui studia omni modo adiuta vellet, isti, ut in Italiam abiret, suaserat; ibi enim illa, quæ in tot Germaniæ academiis didicisset, confirmari atque adaugeri posse existimabat. An voluntati principis hac in re obtemperandum esset, tantum abest, ut *Caselius* diu deliberaret, ut summa cum lætitia opportunam hanc studiis suis consulendi occasionem arripuerit; qui non ignorabat, quantum peregrinationes tempestive atque prudenter susceptæ adferrent utilitatis: homines scilicet non elegantiores modo, sed ad vitæ etiam officia promptiores istis reddi, sciebat. Nec fugiebat eum, Italiam humanæ sapientiæ, ipsiusque humanitatis domicilium tum haberi, ex quo & morum & orationis elegantia, gravitas in vita, constantia animi, ac prudentiæ plurimum referri posset. Hanc regionem qui viseret, is *Caseli* tempore præclare rebus suis prospicere putabatur; qui ex aduerso istam neque vidisset, neque cognouisset, eum de orbe terrarum, & vita hominum neque accepisse, neque intelligere quicquam, credebant.

P 5

Pri-

(u) vid. infra, ubi de scriptis Caselianis agitur.

Prius vero quam iter hoc suum ingrederetur *Caselius*, ut academiam Wittebergensem, in qua philosophiam magister renunciatus erat, gratum se praeberet, elegiam ad academiam, amicos, atque comites edidit, qua discedens istos valere iussit. (v)

Ingens, ipso *Caselio* fatente, (x) felicitas est, magistrum inuenire, qui, quarum rerum sitientissimi sumus, eas & sibi sciat, & dextre nobiscum possit communicare. Cum illum, qui litteras male didicerit, easque minus recte tradere queat, quos erudiendos suscepit, vel sui similes, vel deteriores reddere necesse sit. *Caselius* igitur felicissimus putandus est, qui, postquam in Germania *Melanchthonem* atque *Cammerarium*, summos viros, studiorum nactus fuerat moderatores, in Italia viros quoque inuenerit, qui istos doctrinae humanitatisque studio, si non superare, æquiparare certe videbantur. Cum in Italiam venisset, legum quidem studium minime neglexit, praesertim tum, cum Bononiae commoreretur; ubi studium hoc maxime adhuc florebat, cum iam ante doceri ibi coepisset, quam

(v) Witteb. 1560. 4. cum epitaph. *Melanch.*

(x) proleg. in Ethic. Arist. interpr. C 4.

quam humaniores litteræ renascerentur. verumtamen cum genius, siue inueterata iam cogitatio ipsum haud deseruisset, illos cum primis Bononiæ adibat, quos doctrina dicendique facultate præstare audiuerat. Princeps horum *Carolus Sigonius* fuit, qui etsi facundia valere credebatur, & egregius humanitatis fuerat cultor, cuius monumenta puro & magnifico stilo scripta essent. tali tamen eum in docendo infantia, qualem schola facile respuat, fuisse, *Caselius* asserit; (γ) qui *Franciscum* etiam *Robertellum*, acerrimum *Sigonii* inimicum, auditores promissis potius tenentem, quam doctrinæ vbertate erudientem cognouerat: actione de reliquo atque memoria hunc valuisset, dicit, (z) vt cum admiratione omnium peroraret. Postquam Bononiæ *Sigonio* carus admodum per tempus vixerat *Caselius*, Florentiam discessit, *Victorii* potissimum gloria permotus. cuius excellentem doctrinam *Daniel Schulenburgius*, qui ei cum aliis duobus Germanis operam tum dabat, *Caselio* ita per litteras prædicarat, vt ad vltiorem

(γ) ep. ad *Andr. Mylium*, in coll. *Dransfeld.* pag. 653. (z) ibid. & in *Rhetore*, pag. 56. edit. *Hornei.*

rem peregrinationem accincto iam persuaserit, ut consilio mutato Florentiam sese conferret. Erant scilicet *Casellii* ætate in amplissimis Italiæ urbibus academia, ubi Latinæ & Græcæ litteræ cum quibusdam philosophiæ partibus accurate docebantur. Sic *Petrus Victorius* Florentiæ, quæ ad expoliendam linguam humanitatemque spectabant, tum docebat. cuius domus uti privatum Lyceum a civibus & peregrinis, adultioris iam ætatis, frequentabatur: publico enim loco, cum vir ex prima nobilitate esset atque senator, lectiones instituebat nullas, Germani mirifice virum hunc suspiciebant, quem litteras non ad utilitatem aut gloriam suam, sed ad amplissimos humanæ vitæ usus docere nouerant: quos vicissim præ ceteris gentibus magni etiam faciebat *Victorius*, qui multos eorum fortes repererat, veraces constantesque, & ipsius virtutis cultores maximos. ob insignes has animi dotes nostrum in primis *Casellium* dilexit; cuius cum rara ingenii bona & suauissimos mores perspexisset, familiariter eo uti cœpit, ex consuetudine ipsius incredibilem capiens voluptatem. Nulla tamen alia re *Casellius* magis se commendauerat *Victorio*, quam Græcæ lin-

linguæ notitia : hac ad tanti viri cognitionem aditum facillime patefecit sibi munivitque. Quanti clarissimum hoc Italiæ fides ingenium & reconditam *Caseli* eruditionem æstimarit, epistolæ, quas ad ipsum aliosque Germanos scripsit, optime adhuc testantur. Etsi Germania sæculo isto plures doctissimos viros protulerat, qui patriæ magnum honorem laboribus suis pepere-
runt: laude tamen atque gloria *Caseli* parem istis futurum, *Victorius* iam tum prædixerat. (a) quæ coniectura eum plane non fefellit. Neque vero *Caseli* *Victorium* non celebrauit, nulla non occasione com-
monstrans, quantum ei deberet: virtutes eius & amplissima in rem litterariam merita posteritati commendauit elogia, quod defuncto conscripsit. Cum *Victoriū* hunc suum audire cœpisset *Caseli*, multa, quæ ab initio scire & sequi oportuisset, nescire se, intelligebat. quare in alterum etiam annum præstantissimo hoc doctore usus est. Italiam tum peragrauit, vnde ingenii opibus onustus in Germaniam denique reuersus, magnum *Camerarium* iterum saluta-
vit, ex quo solo pane viro, quæ ad interio-

res

(a) lib. II, c. p. 6, p. 63, edit. Francoff.

res litteras pertinerent, disci tum potuisse, ex familiari eius sermone cognouit; id quod inexploratum ipsi antea fuerat. enimuero ætas *Caseliū* audaciorem nunc faciebat, ut homines propius inspiceret, diuinum plane agnoscens beneficiū, se iuuenem Italianam adiisse, ubi non anni magis, quam exempla ipsum erudiuerant. Cum magno hoc *Camerario*, cuius verbis atque exemplo se valde confirmatum fatetur, (b) & ætate, & statu corporis, & sermone, & bonitate & varietate optimarum disciplinarum, & seueritate vitæ *Victorium* comparauit *Caselius*; nullam tamen æmulationem reuera inter ipsos fuisse, putat, nisi quis æmulationem dixerit, quod cum *Victorius* in monumentis *Camerarii* vidisset passim, cum in mathematicis disciplinis progressum esse, quod hospites e Germania de eo etiam confirmabant, ipse sexagenario maior ad relictā in adolescentia studia se retulerit, ut quotidie eo nomine virum litteris istis pereruditum adiret; denique etiam *Hipparchi* quædam, & alia non publicata ante, *Achillis Statii*, eodem facientia ederet. Ex tanta vitæ studiorumque similitudine veram inter ipsos natam esse

(b) πολιτευσ. pag. 217, 218, edit. *Hornei*.

esse amicitiam, inquit *Caselius*, (c) & tanta constantem animorum conjunctionem, ut alter de alterius virtute præclare recteque sentiret, & alter alterum exquisitis laudibus affectum suspiceret.

In commemorandis *Casellii* præceptoribus longior paullo fui: adducendos eos putavi, ut appareret, quanta vir hac in re usus sit felicitate. siquidem, ut iam dixi, magnum omnino est, quos in quolibet doctrinæ genere duces habeamus. id quod summum iudicavit ipse *Caselius*, & eo maius, quo rarius & sapientiæ cultori optabilius id esset. Facilius etiam de doctrina eius iudicari nunc posse arbitror, quando ex superioribus patet, tantos eum habuisse doctores ut, qui tam excellentibus animi ingeniique dotibus exornatus erat, non doctus fieri non potuerit. *Caselio* igitur sub præstantissimis istis ducibus tam bene formato, & peregrinatione exculpto maxime, nihil deesse nunc videbatur, præter bene merendi facultatem. hanc Rostochii inuenit amplissimam. Nam cum ex Italia ad Principem *Io. Albertum*, suum & communem Musarum patronum, rediens, eruditionis specimen

(c) elog. *Bartol. Richii* A. 2. b.

contexit, (f) cognosci possunt. Neque excellentes *Casellii* virtutes multis verbis prædicandas decreui. Prædicatum eas iuit *Christophorus Heidmanus* oratiuncula, quam in funere fidelis huius præceptoris sui altero post exsequias diè habuit. (g) Præter virtutem sapientiam in viro laudat atque doctrinam; inter virtutes singularem pietatem eluxisse confirmans, quam hodieque ardentissimæ ipsius preces, ac meditationes piæ maxime quodammodo testari queunt, quas & Græce & Latine vario carminis genere componere consuevit, cuiusmodi idem *Heidmanus* collectas edidit. (b) Ex pietate plurimæ promanarunt virtutes aliæ: hæc effecit, ut tristiores casus, qui ei in extrema etiam senectute contigerunt, fortiter ferens in diuina acquieuerit voluntate. Sic optimorum, quos superstites adhuc habebat, filiorum, *Ioannis Vlrici*, & *Ioannis Caroli*, tulit obitum: quorum vterque ingenio fuerat singulari, ita in litteris educatus, ut parentis expectationi abunde satisfacisset; Germania Italiaque peragrata tantam sibi comparauerant doctrinam, ut nihil restare

am-

(f) Witteb. 1602. 4. (g) Helmst. 1613. 4. (b) ib. 1625, & 1634. 12.

amplius videretur, quàm ut de patria bene mererentur, & parens operum spectator esset. *Io. Carolus* decessit, cum pater octogessimum prope ingressus erat annum, qui morte hac nihil acerbius umquam sibi accidisse fassus est: (i) in tanta tamen mœstitia summi imperatoris se subiecit decreto. Modestia porro in viro summa fuit, & singularis plane vitæ integritas: hanc in *Caselio* miratus semper est *Iosephus Scaliger*, (k) præsertim cum in Germanis maxime eam desideraret. Per duas eximias has virtutes invidiâ, quæ virtutem, ut corpus umbra, sequitur, vicit, harum ope inimicos superavit, eorumque propulsavit impetus. Humanitas etiam eius incredibilis fuisse dicitur: enimvero litteras, quæ ab humanitate nomen habent, docens commissurus non erat, ut inhumanus cuiquam videretur. Quam humaniter hospites, non ex Germania solum, sed e nulla non Europæ partium ipsûm conuenientes, exceperit, multi testes produci possent: & domus & animus viri patebat istis. Breuitati cum stu-

P

deam,

(i) ep. ad *Adolph. Frid. & Io. Albert*. Duces Megap. orat. funebr. *Andr. Mylii* præf. (k) ep. 272. p. 566. edit. Elzevir.

set, utpote cui consuetudine eius decem-
amplius annos uti licuit, per quod temporis
spatium vitam atque mores penitus potuit
inspicere.

Prius tamen, quam præclara *Casellii* nostri
in bonas literas adumbrem merita, ac sum-
morum virorum de exquisita eius doctrina
adferam testimonia, non ab re fore arbitror,
si tempus, quo clarum hoc Germaniæ lu-
men, exortum sit, vno verbo adnotauero,
ostendens simul, sub quibus magistris tan-
tum accreuerit. Gœttinga satis celebris Sa-
xonix huius inferioris ciuitas anno MD-
CXXXIII, xv. Kal. Iun. lumen hoc protulit,
quæ parenti, *Matthiæ Caselio*, cuius maio-
res nobilitate generis atque gloria in Gel-
dria maxime olim floruerant, tutus exstite-
rat portus, postquam ob funesta religionis
dissidia, ut turbulenta tum erant tempora,
in remotissimis regionibus diu exsulasset.
Teneræ ætatis primum, deinde animarum
curam commiserat ei ciuitas hæc, quam,
quoad vixit, fideliter sustinuit. Hic prout
nihil intermittebat, quo optimi Ioannis sui,
qui filius erat natu maximus, consuleret sa-
luti, omnibus doctrinis, quibus tenera ætas
impertiri debet, erudiendum eum curauit,

nihil magis exoptans, quam ut illorum maxime, qui ipsa doctrina scribendique facilitate clarum adepti fuerant nomen, similis olim euaderet. *Melanchthonem* ob eam rem, *Camerarium* atque *Sturmium* quotidie in ore habebat, quorum fama filius adfici iamtum videbatur. Infelicem vero hic existimavit se postea, quam intellexit, se puerum in probos quidem, nec tamen doctos satis sollertesque incidisse magistros, qui discipulis minus necessaria, & quæ nullius momenti, inculcare, eosque in rebus, quas pueri vno mense, & paruo etiam negotio cognoscere potuissent, annos retinere consueverant. Prima tamen litterarum rudimenta se commode satis in *Gandersheimensi* ludo, cuius moderator *Christophorus Noricus* tum fuerat, se didicisse, semper posthac lætatus est. Illum enim, qui ab infantia necessaria quæque recte nos doceat, magnam mereri gratiam, laudemque singularem apud intelligentes inuenire, opinabatur: cuius sententiæ adeo pertinax erat, ut qui pueros clare & distincto sono litteras pronunciare, & earundem figuras minus sordide pingere doceat, præmium præ aliis, aut certe non tenue, decernendum ei iudicaret,

caret, sæpius deplorans, huic muneri vilissimum quemque præfici, & bona, quæ maximum vsum habeant, in minimis censeri; quo calligraphiam referebat: cuius participem se non fuisse, vehementer doluit. hinc enim factum esse dicit, (n) vt inscribendo minus creber aliena plerumque manu vti debuerit. Misit denique pater optimum prolem Northusam, vt ibi *Basilii Fabri*, & *Michaelis Neandri*, clarissimorum virorum, vteretur institutione. quorum hic Ilfeldianum postea monasterium probitate sua singularique doctrina mirum in modum illustrauit, cum ibi excellenti sua, qua utebatur, docendi ratione tantum, *Caselio* testante, profecisset, vt Neandrici, quando in academias veniebant, plerisque statim aliis præstarent. talis in primis fuerat modo laudatus *Rhodomanus*, quem cum priscis & elegantissimis ingeniis comparandum censuit *Caselius*. Hic quidem *Caselius* noster & *Fabro* & *Neandro* multum se debere professus est; sed, quod vehementer doluit, ante tempus a patre in re necessaria domum est reuocatus, ita, vt Græcæ linguæ non tam cognitionem, quam amorem,

P 3

quod

(n) ep. ad Io. Reccium. C. 2. b.

quod rei tamen principum est, secum referret. Vtraque denique lingua sic cognita, ut ad Græca studio adspiraret suo, Latina intelligeret, in academias cogitavit, postquam in patriæ etiam gymnasio, quod tum institui cœperat, per tempus fuerat versatus. Wittebergam primum abiit, *Melanchthonis* præcipue excitatus fama, ubi magno huic viro ac reliquis academiciæ doctoribus gratus semper fuit acceptusque. Id, cum maturiori esset iudicio, ægre maxime tulit, se nimium pudorem, qui nemini vsui esset, in academiam secum tulisse: prohibuisse enim hunc, ut neminem de tractandis studiis suis consuluerit. Præter *Melanchthonem* in academia hac præ ceteris admiratus est *Vitum Vinsamium* atque *Georgium Cracovium*, quorum vtrumque Græcos scriptores frequenti admodum auditorio interpretatum esse, dicit. (o) Cum futuræ gloriæ suæ firma satis fundamenta Wittebergæ iecisset, Lipsiâ commigravit, ut magni *Camerarii* etiam frueretur eruditione. Atque ita duo obtigerunt *Caselio* doctores, ut si ipse fingere eos voluisset, neque perfectiores reminisci, neque meliores potuisset consequi. quod ipse opti-

(o) in N^{ew} E. 4. b.

optime cognouit, quando *Melanchthonem* atque *Camerarium* viros nominat, qui virtute atque litteris ita excelluerint, vt omnium, quos Germania vniquam doctos protulit, vere appellentur principes. illum enim tanta fuisse doctrina, fide, bonitate, animique moderatione, confirmat, (p) vt communis Germaniæ præceptor meritissimo vrsurpetur: hunc vero cum ob variæ, bonæ, ac elegantis doctrinæ diuitias, tum ob gravitatem morum, consiliique copiam magnum iure cognominari. (q) Vtriusque eximia erga meliores litteras merita carminibus prædicauit, quæ in obitum eorum pro singulari sua in præceptores pietate & Græcè & Latine composuit (r)

Postquam Francofurti etiam ad Oderam atque Rostochii in litteras incubuisset, & doctorum in vtraque academia conciliaffet sibi fauorem, quem *Ioannes Bocerus*, Rostochiensis professor, peculiari elegia declarauit: (s) Musas vltra Alpes habitantes inuisere constituit, iubente id in primis *Io. Alberto*, Duce

P 4

Mega-

(p) epitaph. *Borchold.* A 3. (q) in *Néon* E 3. (r) illius carmine Latino, *ταπεινάς* inscr. prolegom. in *Thucyd.* interpr. adiect. huic epitaphium Græce conscripsit *Witteb.* 1560. 4. (s) eid. epitaph. addita est,

exemplum proponit. (u) Cum igitur benignissimus princeps clientis huius sui studia omni modo adiuta vellet, isti, ut in Italiam abiret, suaserat; ibi enim illa, quæ in tot Germaniæ academiis didicisset, confirmari atque adaugeri posse existimabat. An voluntati principis hac in re obtemperandum esset, tantum abest, ut *Caselius* diu deliberaret, ut summa cum lætitia opportunam hanc studiis suis consulendi occasionem arripuerit; qui non ignorabat, quantum peregrinationes tempestive atque prudenter susceptæ adferrent utilitatis: homines scilicet non elegantiores modo, sed ad vitæ etiam officia promptiores istis reddi, sciebat. Nec fugiebat eum, Italiam humanæ sapientiæ, ipsiusque humanitatis domicilium tum haberi, ex quo & morum & orationis elegantia, gravitas in vita, constantia animi, ac prudentiæ plurimum referri posset. Hanc regionem qui viseret, is *Caseliæ* tempore præclare rebus suis prospicere putabatur; qui ex aduerso istam neque vidisset, neque cognouisset, eum de orbe terrarum, & vita hominum neque accepisse, neque intelligere quicquam, credebant.

P 5

Pri-

(u) vid. infra, ubi de scriptis Caselianis agitur.

Prius vero quam iter hoc suum ingredere-
tur *Caselius*, ut academiae Wittebergensi, in
qua philosophiae magister renunciatus erat,
gratum se praeberet, elegiam ad academi-
am, amicos, atque comites edidit, qua disce-
dens istos valere iussit. (v)

Ingens, ipso *Caselio* fatente, (x) felicitas
est, magistrum inuenire, qui, quarum re-
rum sitientissimi sumus, eas & sibi sciat, &
dextre nobiscum possit communicare.
Cum illum, qui litteras male didicerit, eas-
que minus recte tradere queat, quos erudi-
endos suscepit, vel sui similes, vel deterio-
res reddere necesse sit. *Caselius* igitur fe-
licissimus putandus est, qui, postquam in
Germania *Melanchthonem* atque *Camera-
rium*, summos viros, studiorum nactus fue-
rat moderatores, in Italia viros quoque in-
venerit, qui istos doctrinae humanitatisque
studio, si non superare, æquiparare certe
videbantur. Cum in Italiam venisset, le-
gum quidem studium minime neglexit,
praesertim tum, cum Bononiae commora-
retur; ubi studium hoc maxime adhuc flo-
rebat, cum iam ante doceri ibi coepisset,
quam

(v) Witteb. 1560. 4. cum epitaph. *Melanch.*

(x) proleg. in Ethic. Arist. interpr. C 4.

quam humaniores litteræ renascerentur. verumtamen cum genius, siue inueterata iam cogitatio ipsum haud deseruisset, illos cum primis Bononiæ adibat, quos doctrina dicendique facultate præstare audiuerat. Princeps horum *Carolus Sigonius* fuit, qui etsi facundia valere credebatur, & egregius humanitatis fuerat cultor, cuius monumenta puro & magnifico stilo scripta essent. tali tamen cum in docendo infantia, qualem schola facile respuat, fuisse, *Caselius* asserit; (y) qui *Franciscum* etiam *Robortellum*, acerrimum *Sigonii* inimicum, auditores promissis potius tenentem, quam doctrinæ vbertate erudientem cognouerat: actione de reliquo atque memoria hunc valuisse, dicit, (z) vt cum admiratione omnium peroraret. Postquam Bononiæ *Sigonio* carus admodum per tempus vixerat *Caselius*, Florentiam discessit, *Victorii* potissimum gloria permotus. cuius excellentem doctrinam *Daniel Schulenburgius*, qui ei cum aliis duobus Germanis operam tum dabat, *Caselio* ita per litteras prædicarat, vt ad vltiorem

(y) ep. ad *Andr. Mylium*, in coll. *Dransfeld*. pag. 653. (z) ibid. & in *Rhetore*, pag. 56. edit. *Hornei*.

rem peregrinationem accincto iam persuaserit, ut consilio mutato Florentiam sese conferret. Erant scilicet *Casellii* ætate in amplissimis Italiæ urbibus academia, ubi Latinæ & Græcæ litteræ cum quibusdam philosophiæ partibus accurate docebantur. Sic *Petrus Victorius* Florentiæ, quæ ad expoliendam linguam humanitatemque spectabant, tum docebat. cuius domus uti privatum Lyceum a ciuibus & peregrinis, adultioris iam ætatis, frequentabatur: publico enim loco, cum vir ex prima nobilitate esset atque senator, lectiones instituebat nullas, Germani mirifice virum hunc suspiciebant, quem litteras non ad utilitatem aut gloriam suam, sed ad amplissimos humanæ vitæ usus docere nouerant: quos vicissim præ ceteris gentibus magni etiam faciebat *Victorius*, qui multos eorum fortes repererat, veraces constantesque, & ipsius virtutis cultores maximos. ob insignes has animi dotes nostrum in primis *Casellium* dilexit; cuius cum rara ingenii bona & suauissimos mores perspexisset, familiariter eo uti cœpit, ex consuetudine ipsius incredibilem capiens voluptatem. Nulla tamen alia re *Casellius* magis se commendauerat *Victorio*, quam Græcæ lin-

linguæ notitia : hac ad tanti viri cognitionem aditum facillime patefecit sibi munivitque. Quanti clarissimum hoc Italiæ fides ingenium & reconditam *Caseli* eruditionem æstimarit, epistolæ, quas ad ipsum aliosque Germanos scripsit, optime adhuc testantur. Etsi Germania sæculo isto plures doctissimos viros protulerat, qui patriæ magnum honorem laboribus suis pepere-
runt: laude tamen atque gloria *Caseli* parem istis futurum, *Victorius* iam tum prædixerat. (a) quæ coniectura eum plane non fefellit. Neque vero *Caselius Victorium* non celebrauit, nulla non occasione commonstrans, quantum ei deberet: virtutes eius & amplissima in rem litterariam merita posteritati commendauit elogia, quod defuncto conscripsit. Cum *Victoriū* hunc suum audire cœpisset *Caselius*, multa, quæ ab initio scire & sequi oportuisset, nescire se, intelligebat. quare in alterum etiam animum præstantissimo hoc doctore vsus est. Italiam tum peragravit, vnde ingenii opibus onustus in Germaniam denique reuersus, magnum *Camerarium* iterum salutavit, ex quo solo pæne viro, quæ ad interio-
res

(a) lib. II, c. p. 6, p. 63, edit. Francof.

res litteras pertinerent, disci tum potuisse, ex familiari eius sermone cognouit; id quod inexploratum ipsi antea fuerat. enim uero ætas *Caseliū* audaciorem nunc faciebat, ut homines propius inspiceret, diuinum plane agnoscens beneficiū, se iuuenem Italiam adiisse, ubi non anni magis, quam exempla ipsum erudiuerant. Cum magno hoc *Camerario*, cuius verbis atque exemplo se valde confirmatum fatetur, (b) & ætate, & statu corporis, & sermone, & bonitate & varietate optimarum disciplinarum, & seueritate vitæ *Victorium* comparauit *Caselius*; nullam tamen æmulationem reuera inter ipsos fuisse, putat, nisi quis æmulationem dixerit, quod cum *Victorius* in monumentis *Camerarii* vidisset passim, eum in mathematicis disciplinis progressum esse, quod hospites e Germania de eo etiam confirmabant, ipse sexagenario maior ad relictā in adolescentia studia se retulerit, ut quotidie eo nomine virum litteris istis pereruditum adiret; denique etiam *Hipparchi* quædam, & alia non publicata ante, *Achillis Statii*, eodem facientia ederet. Ex tanta vitæ studiorumque similitudine veram inter ipsos natam esse

(b) πολίτευς. pag. 217, 218, edit. Horney.

esse amicitiam, inquit *Casellius*, (c) & tanta constantem animorum conjunctionem, ut alter de alterius virtute præclare recteque sentiret, & alter alterum exquisitis laudibus affectum suspiceret.

In commemorandis *Casellii* præceptoribus longior paullo fui: adducendos eos putavi, ut appareret, quanta vir hac in re usus sit felicitate. siquidem, ut iam dixi, magnum omnino est, quos in quolibet doctrinæ genere duces habeamus. id quod summum iudicavit ipse *Casellius*, & eo maius, quo rarius & sapientiæ cultori optabilius id esset. Facilius etiam de doctrina eius iudicari nunc posse arbitror, quando ex superioribus patet, tantos eum habuisse doctores ut, qui tam excellentibus animi ingeniique dotibus exornatus erat, non doctus fieri non potuerit. *Casellio* igitur sub præstantissimis istis ducibus tam bene formato, & peregrinatione exculpto maxime, nihil deesse nunc videbatur, præter bene merendi facultatem. hanc Rostochii inuenit amplissimam. Nam cum ex Italia ad Principem *Io. Albertum*, suum & communem Musarum patronum, rediens, eruditionis specimen

(c) *eleg. Bartol, Richii A. 2. b.*

men edere ab eo iussus esset, illa, in quibus potissimam operam suam diligentiamque posuerat adhuc, Rostochii docere cœpit: dicendi videlicet artem veterum tradebat more, & *Aristotelis* de vita ac moribus libros fideliter interpretabatur. qui cum omni cogitatione in id ferebatur, ut discen- tium animos excoleret atque linguas, multa præter ea alia eodem spectantia & publi- ce & domi diligentissime explicabat. Cum biennium fere in academia hac sic docuis- set, ut omne, quod in se erat, in studioso- rum usum contulerit, urbs per seditionem, turbata est, & morbus exortus epidemicus. Ciuibus academicis ea re dissipatis, *Cas- selius* euergetæ sui concessu Alpes denuo transiit. optimus nempe vir, licet docendi munere iam fungeretur: nihil tamen de discendi labore remittendum existima- bat, (d) cum non minus hoc, quam illud, perpetuum sibi esse oportere iudicaret, quando numquam, in longissima etiam vita, desit, quod discendi cupidus porro cognoscere queat. Equidem parum ab- fuit, quin vir, propter tam multa & tam magna animi atque ingenii bona grandio-

τεα-

(d) πολιτευσ. l. c.

re ætate dignus, in itinere mortuus esset. (e) Bononiæ scilicet in magnum vitæ discrimen subito incidit, cum sæuo periculosoque morbo ita corripereetur, ut medici aliquando de salute eius desperarent. *Philippum Belevitium*, fidissimum veluti Achatem, præsto sibi tum fuisse, prædicat. Quamprimum morbi vis aliquantum remiserat, Florentiam, infirmo adhuc corpore, summaque hieme, deportandum se curavit, Gallicum Belgicumque iter, quod constituerat, confecturus. Verum itineris labor, magnaque tempestatum varietas reliquias morbi ita in ipsum commouerant, ut *Victorii* in primis sui hortatu Florentiæ aliquatundiu subsisteret, de altero itinere desperans: *Victorius* enim veteri huic amico suo omnia boni viri ac veri amici officia tum præstitit iterum, nec vlla in re, quoad ibi commoratus est, defuit. Valetudinis periculum facturum in amplissimas Italiæ vrbes excurrit demum *Caselius*, ubi & veteres amicitias, quas cum clarissimis viris coniunxerat antehac, renouavit, firmioresque reddidit, & novas contraxit; utpote qui doctum

(e) *Victorius* lib. I, ep. ad German. miss. 12.
p. m. 51, 52.

Etum neminem sciens præteribat. Enimvero, quo pluribus placere se videbat, eo pluribus cupiebat innotescere, quod ipsum ad amplioris doctrinæ probitatisque studium calcar sibi esse sentiebat. Mirum igitur non est, si cum doctissimis Italiæ viris familiaritas ei intercessit. Præter enim *Victorium* atque *Sigonium*, qui sæpius iam a me laudati sunt, *Paulum Manutium*, *Marcum Antonium Muretum*, *Vincentium Pinellum*, *Onuphrium Panuinium*, *Franciscum Robortellum*, *Petrum Angelium Bargeum*, *Melchiorem Guilandinum*, *Antonium Riccobonum*, & quam plurimos alios, qui maxima eruditi orbis erant lumina, sibi habebat amicissimos: quorum amicitia per litteras deinceps altæ sunt magisque confirmatæ. *Casellum* vna cum elegantioribus litteris iuri etiam ciuili operam dedisse, supra iam commemoratum est: Bononiæ præcipue superioribus annis in illud incubuerat. Iam cum Pisas venisset, Iureconsulti, qui ibi erant, eum in ordinem suum summa voluntate retulerunt, (f) cum intellexissent, legum

(f) Vid. Documentum publ. de *Caselio* in acad. Pisan. iuris doctore renunciato, Helmst. 1613. 4. a Cl. *Dransfeld*, Casel. epist. præfix.

gum ciuiliū disciplinæ Bononiæ ipsum studuisse. Etsi aperte fatebatur, se ab eo tempore legum studium remissius tractasse, quod ad quietiorem & vitam & doctrinam natus maxime aptusque sibi visus esset (ff). Postquam triennium fere in Italia iterum commoratus, sermonem, quo ibi loquuntur, ita, *Victorio* teste, (g) didicerat, ut in media Etruria natus altusque videretur, de reditu in Germaniam cogitauit. Nam lues interea Rostochii sublata erat, & tumultus etiam sopitus.

Italia relicta, per comitatum Tirolensem, Austriam atque Saxoniam Rostochium petiit; quo itinere multos iterum novos amicos sibi parauit: primum locum inter eos tenuisse videtur *Ioannes Crato* cum *Augerio Gislenio Busbequio* & *Hugone Blotio*. *Cratonem* eleganter doctum atque disertum virum, cuius eximium erga se studium honorifice semper prædicauit, humanitatis in rebus secundis insigne exemplum habuit, qui cum merito suo apud tres Impe-

Q 2

rato-

(ff) vid. epistola ad *Io. Schofferum*, quæ reperitur inter epistolas eiusdem *Schofferi* poematibus adiectas, ubi plures *Casclii* epistolæ occurrunt alibi non comparentes. (g) lib. III. ep. I.

ratores multum valeret, doctos viros apud istos in gratiam posuerit. Quemadmodum, pro singulari sua in eos, qui Latinam linguam, cuius studio mirifice tenebatur, rectius excolebant, beneuolentia effecit, ut Imperator *Maximilianus II.* de *Caselio* cognoscens, generis nobilitatem a maioribus acceptam quidem, sed temporum acerbitate debilitatem adhuc, ipsi restitueret: (b) qui lauru etiam poetica ipsum donauit. Ingentibus igitur doctrinae diuitiis auctus, amicorum copia abundans, amplissimis laborum praemiis honoribusque condecoratus, Rostochium tandem rediit *Caselius* noster, de studiosa iuuentute praeclare porro meriturus. Verum non ita multo post, quam munus hoc suum obierat, in aulam Megapolitanam accitus est, ut *Io. Alberti* filiorum educationi praeset. Officio hoc quatuor annos diligenter admodum perfunctus in academiam se recepit, qua conditione in aulam peruenerat. Fortuna aulae participem sic fecerat *Caselium*. Quae etsi perbenigne egerat cum illo: non tenere tamen, nedum ad se denuo pellicere illum valuit; cum ab otio, in quo ferias numquam egit, declinandum sibi non putas-

(b) ep. ad *Arnisaum* B 2.

tasset. Hoc cum frui iterum cœpisset, illa, quæ sibi magno studio atque laboribus in bonis litteris comparauerat adhuc, liberalissime cum iuuentute communicabat; non committens, ut hæc discendi, quam ipse eius adiuuandæ cupidior videretur. hanc ob causam id quotidie agebat porro, ut qua fide par esset, & quanta posset diligentia, quæ ex usu iuuentutis esse iudicabat, lectione ac meditatione conquireret denuo inueniretque. Explicanda sibi sumebat non falsa, non friuola, sed lectissima quæque ex veterum monumentis, quibus animos, mores, vitam & orationem iuuentutis formaret: namque id, quod iuuentutem doceret, suum esse negabat, sed tum ex monumentis veterum, tum ex sermonibus doctissimorum acceptum, ita tamen, ut ad præsentem statum sæculumque diligenter respexerit; cum omnia omni tempori accurate haud conueniant. Quomodo iuuentus ex ipsis potius fontibus haurire, quam riuulos consectari debeat, sic monstrabat, qui magna cum modestia de se confirmauit, (i) vix quemquam ex veteribus Græcis optimæ notæ scriptoribus ex-

Q 3

stare,

(i) proœm. in lib. Aristot. de optimo statu reip. Az.

stare, cuius non aliquam saltem partem ita pertractarit in academia hac, ut, in quo ingenium eius constaret ac diligentia, intelligi potuerit. Ista docendi ratio, quæ solidam, non adumbratam eruditionem parit, eadem est, quam secuti sunt præstantissimi magistri. *Melanchthon* eam secutus est, *Sturmius* atque *Camerarius*, quibus viris nihil excellentius Germaniam habuisse, ostensum est. Consulto solos produco Germanos, cum patria nostra tam sterilis non sit, ut nulla ingenia adferre queat, unde aliis exempla, quæ imitentur, sumere liceat; qualis nonnullis gentibus adhuc visa est. Equidem non doctrina tantum præbat *Caselius* iuventuti, sed cum operam daret, ut hæc non tam eruditior, quam melior evaderet, sedulo etiam ostendebat, sine animi integritate atque innocentia, & præ iis nihil esse ceteras, quamvis egregias disciplinas. Neque vero id iuventutem docebat solum, sed ipse virtutis erat studiosissimus; illos optimos ducens magistros, qui id, quod docent, ipsi faciant, & alumnos suos non minus factis, quam oratione erudiant perficiantque. Hæc *Casellii* & collegarum, quos habebat præclaros, in docendo sol-

ler-

lertia fecit vt academia Rostochiensis, quæ tantopere adhuc contempta fuerat, nulli vicinarum bonitate nunc cederet, a plurimis frequentata. Doctrinæ fama tam claros nunc habebat doctores, vt *Caseli* ætate sex doctissimi viri in Iuliam ad docendi munus sint euocati. (k)

Iulius nempe Dux gloriosissimæ recodationis viros doctrina præstantissimos in academiam recens ab se conditam amplis propositis præmiis accire gestiebat. Priuilegia academix nondum promulgata erant, cum in principis senatu *Caseli*, vt hominis eruditi & tot annos in docendo magna cum laude versati, fieret mentio: Princeps, qui ciuibus potissimum vti decreuerat, eum arcesse statim iussit; cui, cum venisset, consilium suum exposuit, perliberaliter iam cum eo tractans. *Caselius* cum inuito *Io. Alberto*, Megapolitano Duce, a quo tanta beneficia a puero acceperat, Rostochiensem academiam, cuius magnum adhuc ornamentum fuerat, relinquere nollet, ea conditione operam suam condicebat, si Princeps hic assentiretur: quare de mutatione hac submisit eum com-

Q 4

pel-

(k) Hos nominat in laudat, *Io. Alberti* D 2.

pellauit; cuius caussa ipse Dux *Iulius* ad eundem iam antea scripserat. A quo etsi *Caselius*, quod volebat, impetrauerat, sic, ut de migratione certus iam esset: hæc tamen, nescio a quo, præter opinionem impedita est, ut indignante etiam Duce *Iulio* locum tum mutare non posset. Quinque præteribant anni, & aliud ex alio obstabat, quo minus *Helmastadium* migrare ei liceret. Dux interea & litteris & oratione voluntatem *Caseli*, ornandi iterum iterumque declarauerat, migrationem valde vrgens. Cum denique res eo loci esset, ut *Caselius* profectionem moliretur denuo, munificentissimus *Iulix* conditor rebus humanis exemptus est. Sed tamen nec filius *Henricus Iulius*, academiæ conseruator benignissimus, quamprimum ad rempublicam accessit, virum non arcessiuit, quem ad munus istud capeffendum serio paratum, patriæque amantissimum simul & litteris & sermone dudum cognouerat. Cum igitur patriæ, cui maxime obstrictus esset, officia diutius deneganda non putaret, omnem tum abiecit cunctationem, & *Rostochiensem* academiæ demum reliquit, cum viginti septem annos ita docuisset in ea, ut
nihil

nihil intermisisset plane, quod ad barbariem ex oratione, animis ac moribus iuventutis extirpandam, & ad virtutis humanitatisque, & veræ ac elegantis doctrinæ propagationem facere videbatur.

Ex hoc tempore inclita Iulia *Casellium*, merito ostentare cœpit; quæ adhuc fateatur (1), sua omnino interesse memoriam huius viri sanctam apud se observari; tanquam Iouis Statoris veræ philosophiæ ac bonarum litterarum, cui magnos istos progressus, quos ipsa in solidioribus & elegantioribus quibusque studiis præ aliis academiiis fecisse videatur, etiamnum, debeat. Si in Germania academia est, quæ omnibus bonis effloruit disciplinis, quæ in omni scientiarum genere magnos doctores habuit, Iulia certe est. Ut de illis tantum in præsentia dicam, qui de bonis litteris præclare meriti sunt. Quantopere in ea floruerunt *Meibomii*, *Reineccii*, atque *Conringii*, qui historiæ tantum addiderunt lucis, ut nemo unquam plus? Incomparabiles etiam præter *Casellium* in philosophia ac dicendi arte magistros habuit, quorum multi ex

Q 5

ipsum

(1) epist. *Conringii* de scriptis *Casel*, ad *Dransfeld*, sub fin. & *Morhof*. Polyh. lib. I. pag. 298.

ipsius prodierunt schola, omnes vero vestigiis eius institerunt. Inter quos *Heidmani* sunt, *Martini*, *Horneii*, *Scheurlai*, *Schaderi*, & iam laudati *Conringii*, aliique, doctrina ita conspicui, ut exteræ etiam gentes eorum quosdam ipsi inuiderint. Neque vero hodie nullis laudibus floret, *TVA*, *VIR* celeberrime, eloquentia gaudet atque doctrina, qui magni etiam in primis *Casellii* exemplum TIBI imitandum proponis. Ut autem eo, unde digressus sum, redeam: qualis *Casellio* in adiuuanda iuuentute animus fuit *Rostochii*, talis etiam nunc ei erat *Helmæstadii*. Quemadmodum istic laborem fugit nullum, sed dies noctesque pro iuuentutis utilitate excubuit, sic neque heic intermittebat nunc quicquam, quo sermo & animus eius ad vitæ cultum formari poterat. Ad summam, delato muneri sic præerat, ut nemo melius: ore docebat, scriptis atque exemplo. Qui studiorum gratia in academiam venerant, illos ad literas colendas vel inuitabat, vel confirmabat in proposito, vel in rectam, si deflexerant, reducebat viam. Domus propterea optimi viri numquam ab illis vacua erat, qui consuetudine eius fruerentur & in litte-

litte-

litteris vterentur consilio, quod an rectum esset, nemo omnium dubitabat. Enimvero inter omnes constabat iam, ipsum, quod ad iuventutis ad virtutem & litteras educationem pertineret, optime perspectum habere, fideliter etiam diserteque id aperire. Quare reges, principes, & qui nobilitate generis maxime florebant, non de institutione modo filiorum cum eo agere, filiisque studiorum moderatores ab eo expetere non dubitabant, sed filios etiam ipsos in academiam mittebant, ut *Caseli* cum primis curæ traderentur atque fidei, apud quem in consuetudine æqualium animos doctrina imbuerent, vitamque elegantia morum instruerent ac modestia, quibuscunque virtutibus adsuæfacti reliquis. Nec vero hos ex disciplina sua inanes abisse putat, (m) cum neque astutia, aut falsa scientiæ opinione, neque alio studio, quam veritatis, officii, aut boni publici, fuerint imbuti. Vniuersam sic pæne Germaniam finitimosque populos exemplo, consiliis, præceptisque suis erudiuit tum *Caselius*, (n) de litteris optime merens, quod

(m) ep. ad *Adr. Alpheum* A 2. b. (n) *Morhof. Polyh.* l. c.

quod istis certos euergetas hoc modo conciliaret. Neque præsentem tantum, sed futuram etiam rem publicam deuinxit sibi, quod plurimos ad antiquitatis veræque sapientiæ genium formarit, quorum aliquos eo etiam in litteris ascendisse sibi persuasit, quo neque sibi met ipsi progredi licuerit, horum nonnulli ad ludos litterarios in amplissimas vrbes missi sunt, alii ad illustria pædagogia, de quibus emendandis amplificandisque ipse sæpius consulebatur: sicut Gœttingense in hodiernum vsque diem de salutaribus maxime consiliis, quæ ad emendandum ipsum impertiuir, magnopere adhuc lætatur. Ad academiarum alii profecti sunt magisteria: quo prudentiores etiam ac disertiores homines in principum ciuitatumque senatum ab se venirent, vehementer studuit.

Quæ cum ita sint, fieri aliter non potuit, quam vt *Caseli* nomen vbique terrarum ingenii laudibus maxime effloresceret. *Galli, Belge, Angli, Dani, Poloni*, eruditionem viri admirati, diligentissime eum obseruabant, amicitiamque eius experebant per litteras; multi cognoscendi eius gratia adueniebant. Quantopere *Ita-*
li

li ingenii eius animique dotes suspexerint, supra iam comprobatum est: bona eorum, opinio, quam superioribus iamtum annis ceperant de eo, mirifice adhuc erat confirmata. Quanti omnium nationum harum excellentissimi viri fecerint *Casellium*, epistolæ, quas ad ipsum dederunt, satis etiamnum declarant. Lucubrationes adeo suas ad ipsum mittere consueverant, (o) vt corrigeret eas suamque perscriberet sententiam. Tanta viri erat estimatio. Præter virtutem & limatum iudicium purum ac candidum dicendi genus in eo demirabantur. Si *Hugonem Grotium* & *Iosephum Scaligerum* id fecisse probaue- ro, nulla præterea testimonia desideratum iri confido; cum vterque omnium instar facile esse queat. Ille cum cognouisset, *Casellium* a *Cordesio*, præstantissimo isto Canonico, tanti, quanti mereretur, fieri, magnopere gauisus est, adfirmans, (p) *Casellium* virum fuisse, qui iudicio & dictionis nitore, ac, quod præcipuum, non fucata virtutis studio multum valuerit. *Scaliger*, prudens vniuersæ doctrinæ, huiusque cul-
torum

(o) *Casaubon*, ep. 455. (p.) ep. 329, editio Amstel. 1687, in fol.

torum censor, eundem virum existimauit, (q) qui in illis, quos melior natura formasset, familiam duceret, qui sermonis elegantia atque doctrina omnes valeret prouocare. Hæc Caselianæ orationis pura, casta atque Romana indoles *Scaligerum* ita affecit, vt nihil magis, quam adeo luculentam esse confirmabat, (r) vt, qui Ciceroniani sæculi genium, quem paucissimi adsequerentur, in ista non cognosceret, quid sit Latine scribere ignoraret. Vtinam *Stephani Doleti* ætas in *Caseli* tempora incidisset, aliter fortasse, de Germanis sensisset. Nam suo tempore dicere haud erubuit, nullum e Germania prodiisse, qui puro vsus esset stilo. (s) Cuius rei causam se inuenisse putat, quando adfirmare conatur, (t) Germanis nimiam illam Latine loquendi cupiditatem, & quotidianum vsum, hoc attulisse vitium, vt multo doctius ac elegantius loquerentur, quam scriberent. Accedere eo, quod inter grauitatem, quæ scriptis ac lucubrationibus inesse debeat, & fami-

(q) ep. 272. pag. 566. edit. Elzeuir. (r) ep. 270. p. m. 561. (s) *Morhof.* de conscrib. epist. p. m. 45. (t) dialog. de imitat. Cicer. pag. 95. edit. Lugd. 1535. 4.

familiaire colloquium nullum faciant discrimen. Exterorum multos conspirata sapius ambitione in Germanici nominis inuidia ita consentire, vt clam, palam laudes Germanorum imminutum eant, certum est; & *Bæclerus* etiam testis huius rei est grauiissimus. (u) Fecerunt id superiori sæculo ex Gallis quidam, qui Germanos tantis consecrati sunt conuitiis, vt ipsi Galli ægre ferre videantur, fuisse inter se homines, qui nationem, cui tot egregia inuenta debeantur, tam acerba affecerint iniuria. Memoratum *Doletum* idem consilium habuisse, vt Germanorum laudes obscuraret, adfirmare ego non dubito. Itali etiam minus honorifice de Germanis hac in re quondam iudicarunt. *Archintus*, Patricius Mediolanensis, Germaniam barbaram adeo vocat, (x) horridamque, quæ Latino- rum vocabula ignoret. Inuidi hi ac iniuriosi maxime homines vnico nunc, si opus esset, *Caseli* exemplo conuinci possent: non autem digni sunt, qui pluribus verbis conuincantur; præsertim cum vtraque gens alia atque antea de Germanis posthac sentire

(u) adnotat. in Vellei. Paterc. p. m. 64. (x) in præfat. epist. *Aeneæ Syluii*, præm.

tire cœperit: licet Cl. *Bailletus Doletus*, populari suo, quodammodo adhuc adstipulari videatur. (y) Quicquid vero Galli de Germanis maledice dixerint, quicquid contumeliose de iis locuti fuerint Itali: satis esse puto, Germaniam nostram *Casellios* tulisse, *Sturmios*, *Camerarios*, *Scioppios*, *Buchneros*, *Bœcleros*, *Grauios*, aliosque, quos cum Gallorum *Muretis* atque *Strebaeis*, cum Italorum *Manutiis*, *Politianis*, *Bembis*, *Sadoletis*, ac *Raleariis* comparare, quos cum nasuto isto *Doletus* in certamen mittere queat. Ad præsens quod attinet tempus, an gentes istæ magnifice adhuc de tantis linguæ Latinæ cultoribus iactare & ostentare se possint, valde dubito. Italos *Casellii* iam ætate Latini sermonis ceperat satietas: quanti iste a Gallis hodie fiat, nemo est, qui ignoret.

Germani quantopere *Casellii* huius sui doctrinam & dilucidum præcipue orationis genus admirati sint, pluribus testimoniis commonstrare non attinet. Non possum tamen, quin *Scioppii* adferam iudicium. qui etsi ab omnibus bene non audiat, sic, ut alii miram eius & exactam iudicii vim

in

(y) tom. I. Iudic. p. 277.

in æstimandis aliorum scriptis vehementer laudent; alii e contrario ingenii maligni & oris maledicentissimi hominem istum appellent, qui propter invidas ac iniurias calumnias, quas in optimos præstantissimosque viros congefisset, canis Grammaticus iure nuncupetur: (2) non male tamen de melioribus litteris meritus videtur, cum purioris Latini sermonis gravis fuerit vindex. Singula etiam eius de viris eruditus iudicia nemo temere reiecerit, præsertim si fuerint, qui cum eo conveniant, uti in hoc de *Caselio* iudicio. Tantam huic in utraque lingua & omni politiore literatura eruditionem fuisse, dicit, (a) *ve* ne *Victorius* quidem, & vir omnium iudicio ipsoque ævo suo maior, *Ioachimus Camerarius*, collaudare satis eum potuerint. Enimuero ut Latinis, sic Græcis etiam litteris, quas Musarum præcipuum nartheicum habuit, quo ipsas pretiosas gemmas & uniones lucidissimos, omnem denique mundum suum diligenter custodiant, erat doctissimus: cui *Natban Chytraeus* in solida Græcæ linguæ cognitione tantum tribue-

R

rat,

(2) vid. *Th. Pope Blount. Cens. Aut. p. m. 986.*

(a) *Suspect. lection. lib. V. ep. 17.*

rat, vt perpaucos ætate ista pares, nemi-
nem vero superiorem ipsi fuisse, credide-
rit. (b) Vt Græcæ litteræ in Germania flo-
rerent, magnis *Caseli* laboribus effectum
esse, summus *Casaubonus* testis est; (c) qui
simul confirmat, puriorem præterea ac
veram philosophiam per eundem ibi con-
seruatam esse. Omnibus certe viribus
contendit, ne *Petri Rami* docendi ratio in
Germaniæ scholas irreperet, vtpote quæ
doctioribus minus probabatur. Ciuilem
porro prudentiam a Romani iuris peritia,
quæ in nomen illud improbo passim ausu
inuolauerat, *Caseli* maxime studio vindi-
catam esse, incomparabilis *Conringius* ad-
firmat: (d) aperte scilicet auditoribus suis
explanauit, quid inter politicum intersit,
iurisconsultum atque oratorem; qui sin-
gulorum campus, & quam distincti fines
sint, omnium fere, primus exposuit. Si
quis, quæ hætenus dicta sunt, reputaue-
rit, illum plane non miraturum puto, cum
Caseli in monumentis eruditorum nomi-
natus fuerit immortalis memoriæ vir,
(e) ve-

(b) præf. *Casel.* Græc. gramm. progymn. præfix.

(c) ep. 375. (d) præf. *Naudæi* bibliograph.
polit. præm,

(e) veræ & antiquæ doctrinæ ac probitatis
 adfertor vnicus, (f) alter Germaniæ Me-
 lanchthon, (g) Germaniæ Phoenix, (h) Sa-
 xoniæ inferioris Socrates, (i) magnus in
 solida doctrina suo tempore Hercules,
 (k) Musarum delictum, (l) totius Germa-
 niæ, immo Europæ gloria, (m) & quæ sunt
 præconia alia: cuiusmodi multa occurrunt
 in allocutionibus *Cl. Iusti a Dransfeld* non
 ita pridem editis, inter quæ & illud est,
 quod *Casaubonus* tribuit *Caselio*, quando
 eum omnis eruditionis appellat parentem.
 Immo si quis elogia hæc cum viri contule-
 rit meritis, illa plane non inuiderit ei, cum
 merita tanta omnino fiat, vt omnium lau-
 des longissime adhuc superare videantur.
 Nec quicquam tam magnificum de ipso
 prædicari posse *Scaliger* testatur, (n), quod

R 2

sum-

(e) *cl. Cren.* Animaduers. philolog. & histor.
 P. I, p. 4. (f) *Conr. Rittershus.* Comment. in
 Saluian. p. 82. (g) *Cren.* c. I. *Horneius* in
 præf. op. *Casel.* & *Ernst.* libror. *Caselian.* di-
 str. b. (i) *Heidman.* orat. in fun. *Casel.* (k) *Mor-*
hof. Polyh. lib. II. p. 455. (l) celeb. *Schurtz-*
fleisch. dissert. de meritis German. in Græc.
 litt. p. 7. (m) Id. (n) *Confutat. fabul. Bur-*
donum p. 410. edit. *Elzeuir.* 1617. 12. vbi
 duæ *Caseli* epistolæ, ad ipsum *Scaligerum* scri-
 ptæ, adducuntur, quas alibi inuenire non potui.

summæ ipsius virtutes non exsuperarint.

Neminem igitur inficias iterum arbitror, *Casellii* memoriam vniuersæ Germaniæ merito eius caram esse ac sempiternam, cum paucissimos similes eius habuerit, tantumque ei debeat, quantum ciuium propemodum nulli: qui, eodem *Scaligero* teste, (o) vir probitate ac eruditione insignis fuerit, candore Germanus, stilo Romanus. *Scaligero* hoc defuncto non male penitus cum litteris actum iri *Casaubonus* credebatur, (p) quamdiu *Casellius* superstes esset. Ob eam rem exoptabat, vt Germani tanto bono diutissime adhuc fruerentur. Eruditi enim solum fere, *Casellium* viuere tum arbitrabantur, qui de aureo illo sæculo, quo Italia, Gallia atque Germania honestis artibus floruerint, reliquus esset. (q) Vnde facile coniiciendum est, quantam Germania & vniuersus eruditus orbis iacturam tum fecerit, cum optimus senex anno MDCCXIII, Id. April. (r) non violen-

(o) ibid. (p) in epistola manuscripta, editam enim nondum reperi. (q) *Scalig* ep. 272. (r) operarum igitur erratum esse videtur, quando *Baillet* Iudic. T. II. P. I, p. 319. *Casellius* a. 1633. mortuus dicitur,

lencia morborum, sed senectute potius confectus, octogenarius prope decessisset, postquam in Italia viginti quatuor circiter annos supra laudato modo docuisset. Bonarum tamen litterarum cultoribus solatium relictum adhuc erat: in finitimas quippe & longinquas maxime regiones viros solide doctos miserat *Casellius*, quibus doctrinam de manu quasi in manum tradiderat, ut cum posteris eam communicarent; per hos, vita quamvis defunctus, patriam plurimum adhuc adiuuabat. Et quod maximum solatium erat, exquisita ingenii ipsius monumenta supererant: quæ, *Morbosio* iudice, (f) inter litteraria Germaniæ cimelia merito referenda sunt: horum ope & nobis doctrina ac utilissimis præceptis eius in hunc usque diem perfrui adhuc licet, ita, ut optime de patria mereri nondum penitus cessarit: nam id sedulo egit providens maxime vir, ut non magis de paucis in præsentem, quam de re publica ad posteritatem promeretur. In monumentis his suis studiose operam se dedisse asseuerat, (t) ne somnia quædam vulgo vendicaret, sed quæ a priscis sapientibus &

R 3

suæ

(f) *Polyh.* lib. I. p. 298. (t) in *Neto* A 2, b.

suæ ætatis doctissimis viris accepta, in ipso
 vitæ usu recta esse deprehenderit; hæc de-
 mum nec obscura, nec sordido orationis
 genere exposita in publicos se edidisse v-
 sus. Nihil profecto, nisi utile, nihil nisi
 egregium expectari poterat a tanto viro,
 qui, ut *Scioppius* testatur, (u) non ad scri-
 bendum properabat, eruditissima scripta
 sua premere, & esse, quam videri doctior
 præoptans: qui litteras non ad utilitatem
 suam aut gloriam, sed ad amplos humanæ
 vitæ usus docebat, quod ipse de *Victorio* o-
 lim prædicauerat. Equidem de *Caselli* lu-
 cubrationibus non ex mole, sed ex præstan-
 tia, quam solam boni censores respiciunt,
 iudicandum est. Istas enim non ad fa-
 mam, sed ad publicam utilitatem compa-
 ratas volebat; non tam rem litterariam or-
 nare iis, quam vitæ mortalium cupiebat
 prodesse. Plurimos ætatis suæ scriptores
 illud non intellexisse, ipse miratus est, qui
 male prodigi verborum volumina obtru-
 dere maluissent, quam sapientiæ impertire
 paginam; quasi plaustrum fœni in altum
 exstructum pusilla arcula gemmis referta
 pluris esset æstimanda: hoc idem est, quod
 Galli

(u) Susp. lect. lib. V, ep. 17.

Galli apud Germanos maxime improbare solent. (x) Sæpiissime iam laudatus *Casaubonus* cum Caselianarum lucubrationum quasdam perlegisset, doctas eas cognovit atque elaboratas, planeque pro illa opinione, quam de auctoris præstantia antea conceperat; adeo, ut quamvis *Iosephus Scaliger* plura, quam *Caselius*, scripsisset, huius tamen laudem non minorem esse censeret. (y)

Caselianæ lucubrationes, etiamsi, ut modo dictum est, plurimorum potius utilitati, quam aucupandæ nominis claritudini destinatæ fuerant: auctoris tamen ingenium per florentissimas Europæ regiones tantopere nobilitatum istis esse *Heidmanus* asserit, (z) ut nemo fuerit, quin eius tam in soluta, quam ligata oratione venustatem amarit; quin aureum prorsus animum post fata etiam auctoris sit exosculatus: doctissimum ac præstantissimum quemque delectatum istis esse atque eruditum. Id futurum sic sperabat *Heidmanus*, quamdiu scripta viri inter homines

R 4

fue-

(x) Baillet Indic. T. I, p. 278. (y) ep. 256, & 375.

(z) in præf. enchirid. piar. meditat. & Casel. lib. de ludo litter. aperiend. præmiss.

fuerint; fore autem hæc, quoad ipsæ literæ in aliquo futuræ essent pretio. Si igitur tam excellentis ingenii monumentorum catalogum in præsentī dederō, me non malam gratiam meriturum confido; præsertim cum ista hodie vix in instructissimis etiam bibliothecis, nedum in tabernis librariis, inueniantur: & tantum præter ea abest, vt bibliothecæ huiusmodi cuncta adseruent, vt bibliotheca Augusta, quam plurimis Europæ bibliothecis palmam præripere constat, permultis destituatur. Neque vero academiæ Iuliæ bibliotheca omnia depromit; cum tamē facile quis persuadere sibi potuisset, egregii huius viri lucubrationes in vtraque istarum ad vnam omnes reperiri posse, quod ipse Helmæstadii docuerit. Causa, quamobrem istæ tam raro inueniantur, hæc esse videtur, quod exempla nequaquam ita sunt multiplicata; vt bibliopolis rem istis facere licuisset. Nam cum nullo non tempore plurimi fuerint, qui elegantiora studia despiciatui duxerunt, tamquam indigna, in quibus tempus collocaretur: sic etiam multos tum fuisse, ipse *Caselius* negat, (a) qui
lucu-

(a) Φιλοζεν. I 2.

lucubrationes legissent suas. Enimvero pauci admodum eo volebant, quo omni studio pergere expediuisset: sed plerique doctrinæ umbras secuti, solaque opinione contenti, eo statim conferebant se, unde plus lucri adfulgebat. Id quod non mirum admodum videbatur *Caselio*, siquidem elegantissima etiam ingenia, cum cernerent, non solum præmii nihil propositum, sed ne incredibilium quidem laborum minutam sperandam esse mercedulam, a cultu studiorum deterrita, ad artes quæstuosiores tempestiue se conferrent. Ne tamen ab se conscripta nemo legeret, se plurima suo ære edidisse confirmat, quorum exempla familiaribus donaret. Cum iis etiam, qui inani sapientiæ persuasionem non occæcati vera non fastidirent, magnopere consultum cuperet, concessit quoque, ut commentationes suæ a fortunatioribus, ad quos eas scriptas subinde mittere consueuerat, eadem publicarentur conditione, ut exempla scilicet cum familiaribus communicarent.

Summus quidem *Conringius* ad cl. *Iustum a Dransfeld* de scriptis Caselianis epistolam exarauit, quæ publici iuris ab hoc deinceps
R 5 facta

facta est: (b) verum de solis propemodum epistolis in ea agere proposuit sibi; & strictim id insuper facit breviterque. Perfectionius quid dedit nobis celeberrimus *Henricus Ernstius*; *Casellii* nempe librorum in certas classes distributionem. (c) Sed cum hæc minus etiam inventu facilis sit, eique multa adhuc scripta desint plane: quod ipse *Ernstius* fatetur, quando non dubitat, quin magna adhuc scriptorum pars reliqua sit, quæ ipse non viderit: deterreri me non passus sum, quo minus catalogum denuo conficerem. Accedit eo, quod clarissimus hic vir oppido paucis locum addiderit annumque, quo singula typis sint exscripta. Veterum denique libellis a *Caselio* ex Græco in Latinum translatis *Polybii*, *Athenæi*, *Platonis* aliorumque loca quædam adiecit; ita, ut quæ *Casellius* separatim ediderit, & quæ aliis lucubrationibus suis inseruerit tantum, finive earum adnexerit, difficulter admodum in distributione ista dignoscantur. Vnde apparet, cl. *Ernstio* in animo non fuisse, lucubrationum, quæ seorsim prodierunt dare catalogum; distributionem dumtaxat, ad quam *Caselliana* scri-

(b) *Casellii* epist. præmiss. (c) *Hamburg.* 1651. 4.

scripta in lucem emittere decreuerat, editurus erat: nam cum speraret fore, vt paulo post efficere posset, quod sibi proposuerat, catalogo eiusmodi opus esse non putabat. Cum autem omnis fere spes decolasse iam videatur, monumenta Caseliana coniunctim editum iri, quod infra pluribus demonstraturus sum, indicem eorum componere constitui, vt tituli saltem pluribus innotescant; si modo extiterint, qui hac legere non fuerint grauati. Ex solis etiam titulis quilibet statim intellexerit, quantam operam posuerit auctor in adiuuandis litteris, quantum in extirpanda barbarie posuerit studii. Equidem tantum mihi non sumo, vt persuadere cuiquam velim, omnia ac singula *Casellii* scripta cognita me habere, quamuis multa satis adduxero, quæ in *Ernstii* catalogo plane non indicantur. Si hic, qui à *Casellio* fuit dilectus, qui ex bibliotheca *Heidmani*, quem *Casellii* consuetudine plurimos annos usum esse, supra dixi, magnam scriptorum sibi comparauit partem: si, inquam, *Ernstius* hic non omnia scripta vidit, multo minus mirum videri poterit, cum nonnulla notitiam sugerint meam. TVI, VIR cele-

celeberrime, iudicii erit, quænam a me omiſſa ſint. Diligenter quidem, & quantum in me fuit, inueſtigauit: quæ in laudariſ bibliothecis non inueni, in aliis quaſiui, & publicis & priuatis: quæ tamen adduco, quam pauciſſimis exceptis, inſpexi omnia. Vnum adhuc præmonendum puto, me ſcilicet non ſingularum præfationum, episto-larum, carminumque daturum eſſe indicem, qualem *Ernstius* dare conſtituerat, epiſtola, ſi hoc facturum eſſem, in volumen excreſceret, neque id a me quemquam deſideraturum ſpero. Sed cum *Casellius* vel ſapientum ſententias e tenebris erutas in publicum diligenti opera propoſuerit, vel ipſe, quæ ad rem facere putabat, ſcribendo ſic perſecutus; & veterum & recentiorum commentationes, in quas edendas ſtudii ac operæ aliquid contulit; primum commemoraturus ſum, deinde libellos, quos ipſe elaborauit, orationes, præcipua programmata, & ſi quæ aliæ majores paullo fuerint lucubrationes. Nec vero episto-larum carminumque volumina ante & poſt mortem auctoris in lucem edita ſilentio ſum prætermiſſurus.

Ad ordinem in recensendis lucubrationibus

bus hisce seruandum quod attinet , non male me facturum puto , si eas illo ordine proposuero , quo ipse *Caselinus* tum , cum quid scripserit strictim narraret , (d) usus est. Quæ a veteribus , & ab aliis , qui vestigiis veterum institissent , acceperit , ea ad præsentem rerum statum accommodata , quæ potuerit ratione optima , se tradidisse ait ; nec falsa primum , sed ex illo tempore in alterum fere sæculum explicatiora & accommodatiora simul , siue de vna aut altera lingua , siue de pœsi , siue de eloquentia , siue de historia , siue de doctrina de moribus , siue de ratione ciuili docuisset aliquid aut perscripisset. cetera suis artificibus illustranda se reliquisse. Hic ipse ordo est , quem ego sequendum decreui ; licet non ignorem , alios alium tenuisse , ita , vt quidam Caseliana in politica distribuerint , oratoria , philologica , apologetica , epistolica & poetica ; quidam diuisionem fecerint in plures adhuc dissectam partes. Sed parum interesse puto , quo ordine ea protulero , si modo distinctius paullo id a me factum fuerit. sic etiam futurum existimo , si ordinem

ab

(d) In laudibus *Magno Zamoscio* a *Rhodomano* ipsoque *Caselio* conscript. G. 4, a.

ab ipso *Caselio* adhibitum instituerō. Prius vero, quam id faciam, duos catalogos nominare necesse habeo, qui aliquoties a me citabuntur. Primum ipse *Casellius* publicavit; (e) lucubrations nonnullas prelo adhuc subiiciendas in eo recensens, quarum tamen minima pars lucem aspexit. illarum, quæ editæ non sunt, plerasque suo etiam proferam loco, quindecim dumtaxat dialogos, quibus de educatione in litteris ad virtutem agere constituerat, generatim iam ex istis commemoraturus; præter quos septem & decem omnino lucubrations ibi promittit. Alter catalogus editus non est, quo *Casellii* manuscripta Sora Danorum in Iuliam recepta enumerantur. Helmsstadium academix Soranæ duos celeberrimos viros dedisse, constat, quorum vterque sæpe hætenus a me laudatus, sæpius tamen adhuc laudandus est: *Heidmanum* intelligo atque *Ernstium*. Hi cum Casellianas lucubrations plurimi æstimarent, omnes, quas modo cunque adipisci poterant, collegerunt: *Heidmanus* in primis plurima *Casellii* manuscripta conquisiuerat; & hæc eadem esse videntur, quæ Iulia demum academia

mia ex Sorana impetrauit. catalogum hunc bibliotheca Augusta cum reliquis Helmstädiensis bibliothecæ catalogis manuscriptoris adseruat.

Casellium, vt iuuentus haberet, quæ sequeretur, sapientum sententias e tenebris diligenter erutas in vsum publicum proposuisse, dixi. id factum ab eo est, quando & veterum & recentiorum monumenta publici fecit iuris, iisque; vel præfationem, vel interpretationem, vel notas deniq; addidit. GRAECORVM MONUMENTA ipsius studio atque cura edita primum recensebo. Talia sunt I. GREGORII NAZIANZENI *poematum quædam selectiora*, in vsum Græcæ linguæ & sinceræ pietatis studiosorum seorsum edita. (f) II. Eiusdem GREGORII duæ *orationes*, quarum una ad *Eunomianos* est. (g) III. altera rationem reddit, *cur in Pontum fugerit*. IV. B. GREGORII NTSSeni *ad Eustathiam, Ambrosiam, & Basilissam epistola*, primum in Germania edita. (b) V. HOMERI *Αἶναι*, siue *no-*
nus

(f) Rostoch. 1582. 4. Cum omnia fere Caselliana scripta, in forma, vt loquuntur, quarta impressa sint, in octaua editis formam dumtaxat additurus sum. (g) Helmst 1603. (b) Helmst. 1607.

nus Iliados liber. Sine interpretatione omnia hæc edita sunt : Nazianzeni tamen poematibus & Nysseni epistolæ Latinas, orationi vero ad Eunomianos Græcam præfixit epistolam. In Gregorii Nazianzeni cum primis lectione multus fuit *Caselius*, ut eum in rebus arduis atque diuinis proprie diserteque exprimendis imitaretur. Attulerat secum ex Italia scholia vetusta, in eundem librum IX Iliados Homeri Græce confecta, quæ apud *Victorium* ex MSto describenda sibi curauerat. hæc donauit postmodum *Horneio*; qui cum oppido erudita ea cognouisset, primus publicauit. (k) VI. ABSCHYLI *septem ad Thebas duces*, Tragedia; in Latinum sermonem conuersa cum animaduersionibus. (l) VII. DIONIS CHRYSOSTOMI *de exercitatione oratoria* brevis quidem, sed lectu tamen utilis oratio, Græce emendatior edita, cum notis quibusdam criticis. (m) VIII. ARISTOTELIS *de arte dicendi libri tres*, quam emendatissime editi, & quam diligentissime correcti iuxta editionem *Petri Victorii*. (n) longum ad Ducem *Henricum Iulium* præmissum est pro-

(k) Helmst. 1620, 8. (l) Rost. 1581. (m) ib. 1589.
(n) Rost. 1577. 8.

proœmium. *Caroli Sigonii* interpretatio
seorsum a *Caselio* etiam publicata est, adie-
cta ad auditores præfatione. (a) Primum
librum rhet. Græcè iam separatim antea e-
diderat, cum longo ad auditores de studio-
rum impedimentis proœmio, diuersæque
lectionis indice. (p) *Jacobus Bongarsius* de
Caseli quadam rhet. Aristot. interpretatio-
ne mentionem facit. (q) ego verò nihil de
hac comperire potui. an *Sigonii* forte in-
terpretationem, quam a *Casello* editam
iam citaui, intellexerit, ego adfirmare no-
lo. Vidi equidem *Caseli* adnotata in li-
brum primum rhetor. Aristot. manu scripta.
& memoratur (r) impressum trium libro-
rum exemplum, cui in margine *Caseli* ite-
dem notæ additæ sunt manuscriptæ. cuius-
modi exemplum bibliotheca etiam Carpzo-
viana olim habuit. Sed notæ hæ, quantum
ego scio, non sunt publicatæ. IX. DEME-
TRIVS PHALEREVS, de elocutione, Græcè. (s)

S

Per-

(a) ib. eodem anno & Helmst. 1634, 8. (p) Wit-
teb. 1564, 8. (q) ep. ad Io. Kirchmanum, quæ
inter eas, quas *P. Burmannus* ex biblioth. Gu-
dian. edidit, est LVIII. (r) in catalogo MSc
biblioth. Helmst. supra citato. (s) Rost. 1583.
8. quibusd. exemplis annus additus est 84.

Persuaserat sibi *Caselius*, se primum in Germania edidisse hunc auctorem: sed *Bæclerus* adnotavit, (t) eundem Basileæ Græce & Latine triginta fere annis ante prodiisse, postquam *Victorius* primus omnium in Italia eum edidisset. (u) A *Caselio* tamen X. GREGORII NAZIANZENI *epistola Græca de conscribendis epistolis* primum publicata est, (x) quam Florentiæ *Arnoldus Arlenius* cum ipso communicauerat. Phalereo eam posthac adiunxit, quod in hoc multa de nota epistolica traderentur præcepta. De commentario, quem in eundem Phalereum conscripsit, infra sermo erit. XI. SOPATRI in *Aristidis pro rhetorica orationes prolegomenis Latinum Scholion adnexum*. XII. AESCHINIS *epistola*, Græce, quam emendatissimæ editæ, emendationibus quibusdam in fine adiectis. (y) Subiunctæ sunt ARISTOTELIS *epistola* cum duabus *Philippi Macedonis* & una *Alexandri M.* XIII. CHIONIS *Heracleota epistola*, Gr. (z) Iuuenem fortissimum Chionem appellat *Caselius*, quem optimis disciplinis imbuerit ipse *Plato*.

(t) de Scriptor. Gr. & Latin. p. 31. edit. Francof.

(u) 1554. (x) Rost. circa a. 1569. (y) Rost.

1578. 8. (z) 1583. ib.

to. cuius epistolæ perelegantes essent atque eruditæ. XIV. PHALARIDIS, *Agrigentinarum tyranni, epistola*, Gr. (a) has quidem *Caselius Eilhardo Lubino* edendas commisit, postquam ipse septem annis ante edere eas cœperat. XV. THEMISTII *oratio*, quæ *Bassanista & Philosophus* inscribitur, Gr. (b) cum Græco ad *Io. Pouiscium*, proœmio. In orationem hanc peculiare publicavit programma. XVI. Eiusdem *de amicitia oratio*. Vtramque nec non reliquas Themistii orationes sapientiæ eloquentiæque refertas esse, iudicavit *Caselius*. XVII. *Vituperatio philosophiæ ex Gorgia PLATONIS*, Gr. (c) XVIII. MAXIMI TYRII *commentatio*, quemadmodum discernendus sit adulator ab amico, in Latinam linguam translata. (d) Quam ipso hoc anno Ienæ denuo edidit *Io. Henr. Ackerus* cum tribus *Casellii* epistolis, quarum duæ in centuria etiam ista, quam *Fuchti*us emisit comprehenduntur. Tyrii hunc locum a *Plutarcho* egregie tractatum esse in præfatione adfirmat *Caselius*; se quoque eam ob rem constituisse, operam aliquando in hoc *Plutarchi* libro explicando colloca-

S 2

re.

- (a) ib. 1597. 8. (b) Helmst. 1605. (c) Rost. 1587.
(d) Helmst. 1590.

re, an collocata sit dubito, liber certe. quantum mihi constat, ab eo emissus non est. Duo quidem alii PLVTARCHI libelli ab ipso in lucem sunt prolati, quorum alter XIX. *de curiositate* est, quem bis Græce, (e) denique Latine etiam conuersum edidit, adiectis notis quibusdam, quæ ad aliquot locorum illustrationem facere videbantur. (f) XX. Alter PLVTARCHI liber est *de loquacitate*, Latine redditus, & scholiis quibusdam illustratus, cum præmio ad auditores, (g) XXI. LVCIANI *Calumnia*, Gr. cui loca quædam ex *Herodoto*, *Diodoro Siculo*, atque *Plutarcho* hæc spectantia adiuncta sunt, cum longiore ad *Ernestum ab Honroda* epistola. (h) Latine etiam posthac prodiit hæc *Luciani Calumnia* cum *Casellii* scholiis. (i) XXII. CEBBTIS *Thebani tabula*, Gr. cum epistola ad eundem *Ernestum ab Honroda* scripta. (k) Post mortem *Casellii* cum versione & notis ipsius ex *Geuerharti Elmenhorstii* bibliotheca edita est, (l) XXIII. GALENI aureolus libellus: *Quomodo quis & dignoscat & sanet animi sui adfectus*, ac-

(e) Rost. 1388. & Helmst. 1590, 8 (f) Helmst. 1595. (g) Rost. 1589. (h) Helmst. 1594. (i) ibid. 1595. (k) ibid. 1594, (l) Lugd. Bat. 1618, 4.

accurate emendatus. hunc Græce primum, (m) deinde Latine confectum (n) publicavit. XXIV. XENOPHONTIS *de dictis & factis memorabilibus Socratis* libri quatuor, in Latinam linguam translati. (o) Græce etiam postea editi. (p) XXV. Eiusdem XENOPHONTIS *Cyri pædia* liber primus, (q) secundus cum politicis locorum, aliquot explicationibus, (r) tertius (s) atque quintus. (t) Serenissimus Dux Iulius, cum in Cyri pædia hac iusti imperii ideam contineri accepisset, ut *Casellius* eam suo stilo educationi Henrici Iulii Latinam faceret, mandavit. Quare tenui, nec obscuro stilo eam reddidisse se dicit, (u) ut & Principis confuleret ætati, & ne a Xenophonte simplicitate longe recederet. Versionem hanc cum absoluta *Camerarii*, aut nitida *Gabrielii* comparandâ esse, pro singulari sua modestia negat. si modo reliquorum etiam librorum interpretationem, quam promiserat, reliquisset. XXVI. Eiusdem porro XENOPHONTIS *Agésilæus*. (x) quem Latine etiam interpreta-

S 3

tus

- (m) Helmst. 1592. (n) ibid. 1596. (o) Rost. 1576.
 (p) ibid. 1589. (q) Helmst. 1590. (r) Rost. 1579.
 (s) ibid. 1582. (t) 1587. (u) præf. lib. I. (x)
 Rost. 1577.

tus Eberhardo, *Præsuli Lubecensi*, longiore epistola dedicavit. XXVII. DIONIS CHRYSOSTOMI *de Regno libri quatuor*, Gr. cum emendationibus atque explicationibus quibusdam. (y) libros hos *Casellii* socer, *Andreas Mylius*, eleganter interpretatus est. (z) XXVIII. ALEXANDRI APHRODISIENSIS *de facto liber*, cum Latina interpretatione. (a) XXIX. PLATONIS *legum proœmium* Gr. cum epistola ad *Zernemanos*. (b) Proœmii huius explicationem pollicitus erat cum commentario. XXX. *Magnificencia & Magnanimitas ex ARISTOTELIS libro de vita & moribus quarto explicata*. (c) Aristotelis verbis interpretatio & scholia longiora addita sunt, proœmio ad *Fridericum II*, *Daniæ* regem, præmisso. *Aristotelis* ethicorum librum primum explicatum esse a *Casellio*, ex epistola ad *Isach. Fridericum Marchionem Brandenb.* scripta colligo: ipsum vero librum ut viderem, mihi non contigit. *M. Antonini Philosophi* librorum, quos ipse ad se scripsit, primi explicationem dare proposuerat sibi. *Theognidem* præterea commentariis illustratum promiserat. (d)

Sed

(y) ib. 584, 8. (z) ib. 578, 4. (a) Rost. 1588. (b) Helmst. 1594. (c) Rost. 1587. (d) in catalog. 1594. edit.

Sed nihil horum vidi. ANTONINI *Aulicus* commemorandus adhuc videtur, quem Latine translatum seorsum edidit (e) cum epistola ad *Adamum Crusium* & *Antonini* diuino dogmate versibus comprehenso. ipse *Aulicus* cum paucis verbis constet, aliis quoque lucubrationibus eum adiecit; quem admodum *Aulicum* a *Polybio* adumbratum adiunxit etiam quibusdam.

Hæc sunt Græcorum monumenta, quæ *Casellius* in vsum iuuentutis vulgauit atque interpretatus est, animum eius, mores atque linguam per ista formaturus; qui totamente in id incumberebat, vt teneros animos ad veterum opera amanda alliceret, ex quibus arculis quasi sapientia tuto depromeretur. Me omnia attulisse, ita, vt nulum plane præter ista ab eo publicatum sit, si adfirmarem, audacter nimis id a me dictum foret, nimis temere confirmatum. attuli ego, quoquot reperire potui. ROMANORVM pauciora, immo nulla fere monumenta sunt, in quibus edendis optimo viro opera quædam posita fuerit ad ipsos fontes discendi cupidos ducere fortasse maluit. licet non negarit, ex riuis flu-

S 4

mini-

(e) Helmst. 1604.

minibusque copiosora interdum hauriri posse, neque tamen forte meliora. Neminem scilicet omnium Romanorum hodie in manibus nos habere arbitratus est, quin pleraque ex Græcorum fontibus haurerit, nec quemquam eorum fuisse putat, quin a Græcis plurimum se sumpsisse videri voluerit; adeo, ut quo quis inde plus ad se transtulerat, hoc melior semper haberetur. Apud SENECA M vberissima sapientiae præcepta inueniri cum cognouisset, ut discipulorum manibus iste diligenter versaretur, exoptabat. quo facilius igitur ad intelligendum eum peruenirent, librorum septem, quos *de beneficiis* scripsit, primum edidit, publice eum explicaturus. cui criticas quasdam coniecturas in fine adiecit. (f) *Scholion* præterea confecit *de oratoribus & philosophis*, quorum mentionem facit M. TULLIUS in proœmio *de officiis*. Nomen quidem suum *Caseli* non addidit; sed ipsum auctorem esse coniicio, quod pluribus exemplis, quæ vidi, nomen suum manu adscripserit. Et hoc ipsum signum est, quod in superioribus quibusdam Græcorum monumentis, quæ *Caseli* nomen

(f) Helmst. 1592.

men præ se non ferebant, adduxit me, ut crederem, eum ipsum esse, qui ista publicavit; præterquam quod *Cl. Ernstius* eundem plerorumque istorum fecerit auctorem.

Casellium VIRORVM, qui EIVSDEM ÆTATIS fuerint, præstantiores quasdam lucubrationes, præfatione istis præmissa, typis iterum exscribendas curasse, supra commemoravi. Harum præcipuæ quarum sint, breui etiam sum indicaturus. Studio ipsius prodierunt I. IOACH. CAMERARII *Capita pietatis Christianæ versibus Grecis expressa.* (ff) quæ *Casellius* in præfatione libellum vocat aureolum totque gemmis pretiosis, quot ipse verbis constet, exornatum. II. IO. CASÆ *carmina & orationes pleraque Thucydidis in Latinum sermonem ab eodem conuersa.* (g) Quinquaginta circiter annis ante primus ediderat ea *Victorius*. *Casæ* huius scripta impense laudat *Casellius*, confirmans, sapientum vetustatem illa redolere, nihil in iis infantiae uspiam, nihil sordium, nihil loquacitatis in carminibus istis puræ &

S 5

lucu-

(ff) Rost. 1576. vid. *Rittershus.* Comment. in *Saluian.* p. 82. (g) Helmst. 1610.

luculentæ orationis esse exempla, optimæ ista esse notæ: orationes etiam, quas Rostochii separatim iam ediderat, (b) diligenter & præclare in Latinum sermonem conuersas esse ait, ita vt nulla melior exister interpretatio. *Casam* enim recte ac ornate dicendi scribendique facultate nemini doctissimorum fuisse secundum, qui vel ex veteribus multos superare videatur.

III. GABR. FAERNI *Fabula Æsopica centum*. (i) Has *Siluius Antonianus*, *Caseli* amicus, Romæ primus ediderat: qui *Caselio* de auctore multa narrauit coram: virum scilicet eum fuisse summa innocentia, qui perpolitâ fatis, immo vetustatem quamdam spirantia edidisset monumenta, aliquot etiam auctores veteres ad manuscripta exempla emendasset. Sed, quantum *Caselius* sciebat, præter emendationes in *Philippicas Ciceronis*, ac in *Terentium*, nihil earum vigiliarum editum tum fuerat. Fabulas istas ita præclare scriptas esse, *Caselius* inquit, vt veterem Latinitatem, veteresque Romanos sales sapiant, & cuique ætati lectu vtilissimæ sint, iucundissimæque.

IV. PETRI ANGELII BARGÆI, *quo ordine*

(b) 1584. (i) Rost. 1569.

*ne scriptorum historia Romana monumenta
legenda sint; libellus. (k) Bargaum eiusque
fratrem Caselius Pisis cognouerat. Petrum
Angelium hominem appellat omni libera-
lis doctrinæ genere politum, & poetam
præstantissimum, cuius libellus iste, exi-
guus licet, vtilitate tamen pretiosus sit, &
res gestas Romani Imperii inuestigantibus
filum velut Ariadnæ. V. CAR. SIGONIVS
de vita & rebus gestis P. Scipionis Aemiliani:
(l) Vitam hanc Caselii monitu Bononiæ edi-
derat primum Sigonius. Præter bellum Puni-
cum tertium, & excidium Numantiæ, per-
multa in Romanæ historiæ scriptore deside-
rata in libro hoc reperiri, censet Caselius, quæ
cognoscere laboremus, & ex quibus mini-
me vulgariter informemur. VI. ADR. TVR-
NEBI de vino liber. (m) longum Caselii pro-
œmium præmissum est ad Theodorum Fa-
rensbach. Cuius sumptu commentationi-
cula hæc a Caselio iterum publicata est,
postquam Lutetiæ primum prodierat. Mul-
tus ibi est Caselius in laudando Turnebo,
integrius eo, eruditius, disertiusque quic-
quam fuisse negans, ad cuius monumenta
ipse*

(k) Rost. 1576. (l) ibid. 1583. (m) Helm.
1605.

ipse numquam accessisset, quin in multis doctior, confirmator in ceteris abierit. Istam de vino commentatiunculam neminem sine fructu lecturum sperat: vnam certe ex lectione eius redundaturam fore vtilitatem; ut temperantiam scilicet pluris faciamus, & virtuti huic vitæque sobriæ maximis de causis nos dedamus. VII. PETRI VICTORII *epistolarum ad Germanos missarum libri tres*: hos primus edidit Caselius. (n) Molestè tulit Bæclerus, (o) & peregrinæ insolentiæ, inuidiæque gentilis insigne specimen habuit, quod in magni viri, (per quem quin *Victorius* intelligatur a Bæclero, nemo dubitat,) epistolis, quas ipse ad alios & alii ad ipsum scripserant, ex Caselianis pluribus ne vna quidem luci redita sit. Cuius rei causam non aliam fuisse, quam quod doctissimi viri patria & gens haud placuerit, non conicere, sed compertum se habere adfirmat. Luculenta videlicet bona, quæ Deus Germaniæ munifica manu cumularit, vrere ambitiosos spiritus. *Præfationes* etiam præfigere consue-

(n) Rost. 1577. 4. Francof. 1597. 8. & Sedin. 1604. (o) Adnotat. in Vellei. Paterc. p. m. 64.

suevit *Casellius* libris, in quibus edendis ipse operæ præterea nihil collocarat. Tales præfixit *Ioannis Casa Galateo*, siue de morum honestate & elegantia libro, ex Italico in Latinum verso a *Nathane Chytrao*; & *Valentini Schindleri Lexico pentaglotto*. Illa, quæ *Aldi Manutii* phrasibus præmissa est, *Casellii* præfatio statim pluribus a me laudabitur verbis. Præterire hic non queo *Adriani Turnebi* censuram de instituto *Petri Rami* Græce conscriptam, quæ Lutetiæ primum edita, *Casellii* vero, ut coniiicio, studio iterum publicata est *Helmæstadii*; (p) qui *Parasiti* etiam epitaphium ex *Brissonio* depromptum in lucem protulit.

Veterum recentiorumque monumentis, in quorum editionem operæ aliquid contulit *Casellius*, enumeratis, ad lucubrationes progrediendum est, quas ipse veterum maxime vestigia secutus elaboravit, non ut chartas compleret gloriamque consecraretur, sed ut proferret, quæ publice prodes-
sent. Supra indicato ordine, quo etiam hætenus aliqua ex parte usus sum, istas recensebo, prolaturus primum quas DE LINGVIS addiscendis reliquit nobis. Græcam
atque

atque Latinam linguam Minervæ arculas appellavit, in quibus sapientia opes condidisset suas.) Quarum utramque cum suam tempore negligi videret, vehementer doluit. Græcam linguam ita neglectam iam tum fuisse dicit, (q) ut pauci discerent eam, plurimi fastidirent, ut cultores eius præ aliis contemnerentur, quos tamen se adolescente cum primis in honore habitos esse testatur. Latinam etiam linguam sic iacuisse, ut pleræque academiæ vix balbutirent, iuventus miserandum in modum eam disceret. Qui primos litteratorum canones tum non violasset, eum linguam præclare intelligere sibi visum, Romanorum similem se existimasse. ut proprietatem, munditiam atque elegantiam linguæ nossent, ita paucis studio fuisse, quasi ex veteri sæculo scriptorum exsticisset nullus. Hæc cum cognosceret optimus vir, rationem iniit, quemadmodum Latinas Græcasque litteras excitaret iterum; ore atque scriptis istas vindicatum ibat, & ut melioris notæ scriptores iuventus diu multumque

in

(q) in *Næv* E 2. & *Cohort.* ad Latin. sermon. disc. Fr. edit. *Heidman.* & ep. ad lo. *Ern. Hoim.* *Gallen.* libello præfix.

in manibus haberet, operam dabat studiose. Cum Wittebergæ adhuc commoraretur, id omni studio agere iam cœpit; vbi *Græcæ grammaticæ progymnasmata* summa facilitate ab se tradita & *Bernb. Buggenbagen* dedicata publicavit. (r) *Nathan Chytraus*, qui ista denuo deinceps edidit, (s) concisa quidem, sed dilucida tamen breuitate convenientissimum libellum vocat progymnasmata ista; (t) in quo singulari quadam dexteritate prudentique consilio omnia conscripta essent atque digesta. Quoad docendi muneri præfuit posthac *Caselius* nihil intermisit, quo plures ad Græcam linguam addiscendam alliceret. Optimos scriptores hunc etiam simul in finem diligentissime expositos publicavit. In plurimis lucubrationibus, quas edebat, linguæ demonstrabat usum, publicis programmatis Græcarum disciplinarum cultores colaudans. Non minus vero de Latinæ linguæ studio excitando sollicitus, ad perdiscendam eam auditores suos magnopere stimulavit, id cum primis *cohortatione* ista ad *Latinum sermonem accuratius paullo* dis-

(r) Witteb. 1560. (s) Rost. 1581. (t) in dedicat. præmiss.

discendum (u) fecit. Cuius cum nulla exempla *Heidmani* iam tempore exstarent amplius, ita, vt multi istam cum aliis *Caselianis* describerent, is cum *Latinae* linguae cultoribus illam denuo communicauit. (x) Huc etiam spectat longa ista *Caseli* praefatio, quae *Aldi Manutii* phrasibus *Latinae linguae* praefixa est, quam me pluribus laudaturum esse paullo ante promisi. Ego quidem istam non meis laudabo verbis, sed celeberrimi *Crenii* de ea iudicium proferam, (y) qui studiorum methodis, quas edidit, inseruit eam. Quod *Latina* lingua aut negligatur tantopere, aut aliter, ac conueniebat, discatur, atque non tantum ab adolescentibus, sed & ab aliis, qui eius se egregios magistros profiteantur, perperam tractetur, ingenuis litteris magnam perniciem creari, *Caselius* ibi tam solide, laudato *Crenio* iudice, tamque erudite docet, vt dissertatio haec auro carior sit, minimeque supprimenda. *Ioannem de Preux*, bibliopolam *Parisiensem*, *Aldi* Ma-

(u) Helmst. 1605. *Turnebi* libello de viuo adiecta. (x) Goslar. 1617. 4. cum aliis *Caseli* scriptis (y) *Animaduersi. philol. & histor.* P. 1. pag. 4. seq.

Manutii Phrases cum doctissima hac *Casellii* præfatione ex Colonienſi editione (2) deſumpta, publicaffe, (a) idem clariffimus vir oftendit; valde de reliquo conquerens, quod iſta in omnibus inſequentibus editionibus ſtupida ignorantia & diſſoluta quadam incuria ſit omiſſa. In pluribus enim editionibus ſe offendiſſe præfationem hanc, negat. Ego offendi etiam iſtam in editione Lipſienſi, (b) ubi *Martini Hayneccii* præfationibus adiuncta eſt. Huc denique pertinet *Casellii de Latina lingua pronunciatione commentatio*, (c) cum additamento ad ſcholarum curatores. Subiunctus etiam eſt locus ex *Matth. Marci Dabercuſii*, quem accuratiſſimum ætatis ſuæ grammaticorum appellat, commentatiuncula; quo multa vocabula recensentur, quorum apud optimos ſcriptores uſus fuerit, etiamſi regulis videantur aduerſari. Suam tandem *lucubratiunculam ad Grammaticodidaſcalos* adiecit quoque *Casellius*, quam libello grammatico, cuius auctorem non nominat,

T

nat,

- (2) 1593. (a) 1594. (b) 1613. 8. (c) Helmſtadii, 1611, 8. & Hannoueræ 1651. 8. cum *Manutii* orthograph. epitom. reliquis iſtis *Casellianis* ſciunctis.

nat, antea præfixerat: docet ea, quemadmodum prima Latinæ grammaticæ elementa tradenda sint.

POETICA nihil dulcius esse, multis locis comprobatur *Caselius*, qui peculiarem de argumento hoc conscripsit *orationem*: (d) Solatium temporis, informationem morum, prudentiæ eloquentiæque magistram eam esse, sapientum suffragiis demonstrat. (e) Ipsa hac arte tantum excelluit *Caselius*, ut optimis Germaniæ poetis merito adnumeretur. Versus, quos composuit ab omni furo & ambitione remotos esse, *Iosephus Scaliger* testis est, (f) qui plurimum Romanæ illius priscae simplicitatis suauitatisque Catullianæ habeant. Carmina sua, quæ, Latine & Græce composuit, lucubrationibus plerumque adiecit aliis, quædam tamen separatim etiam emisit. Cum vero nihil prorsus scripserit *Caselius*, nisi quo alii erudiantur, quodque publice profit; sic & carminibus his suis teneram ætatem ad Latinas Græcasque litteras, morum præterea probitatem concitare studuit,

(d) Rost. 1569. Hamb. 1618. 8. Helmst. 1638. 4.

(e) epist. a *Dransfeld*. edit. pag. 475. (f) ep. 270.

duit, ad acerrimum honestatis virtutisque studium iis in primis exhortans. Id cum clarissimi viri animaduerterent, vt ista in plurium manus peruenirent, laborarunt. Primus, qui id fecit, *Henricus Hudemanus* est, qui *carmina Caselii gnomica Græca & Latina* ex scriptis eius selecta edidit. (g) Hunc secutus est *Christophorus Heidmanus*, qui eiusdem *carmina quadam sacra Latina*, pio studio ac diuerso metro expressa, cum *Flaminii* de rebus diuinis carminibus publicauit. (b) quorum magna pars inedita adhuc latitauerat. Quod viri ingenium, qui in religionem atque Deum ipsum animus fuerit, ex sacris his carminibus perspicui posse, autumat *Heidmanus*. (i) Denique *cl. Iustus a Dransfeld* poematum *Græcorum & Latinorum centuriam*, quæ partim antehac sparsim, partim nunquam in lucem emissa fuerant, hinc inde collegit & interpretatus est. (k) Cum tamen plurima adhuc viri poemata

T 2

mel-

(g) Hamb. 1624. 8. (b) Helmst. 1625. & 1634. 12. in epist. *Conringii* ad *Dransfeld*, de scriptis *Caselian*. *Heidmanus* cum *Hudemano*, operarum fortasse errore, confundi videtur. (i) in præfat. (k) Gœtting. 1668. & 1672. 8.

mellei, vt *Conringius* loquitur, (l) ac pro-
 bi saporis huc illuc vagentur, idem claris-
 simus *Dransfeldius* aliquot adhuc centurias
 promiserat. Quid editionem impediuerit,
 ego ignoro. Confecit inter alia *Caselius*
carmen Νύχθημερον inscriptum, quo docet,
 quibus rebus & studiis tam noctem quam
 diem occupare deceat adolescentem, qui
 in genuinis studiosis nomen profiteatur
 suum. Hoc postquam a *Caselio* ipso pri-
 mum editum fuerat, (m) *Hudemanus* (n)
 deinde atque *Dransfeldius* (o) idem denuo
 publicarunt: *Henricus* vero *Vagetius* lucu-
 lentum in istud edidit *commentarium*. (p)
 Inter quindecim dialogos a *Caselio* promissos,
 quorum in superioribus mentio facta est,
 vndecimo, si prodiissent, de *lectione* egisset
poetarum. *Græcorum* præterea *Latinorum*-
que epigrammatum libros promiserat *Caseli-*
us. Sed quantum ego scio, neque dialo-
 gus prodiit, neque epigrammatum libri;
 quibus nihil gratius obtingere potuisset
 poeticæ studiosis. Non prætereunda heic
 videtur longa ad *Ernestum ab Hoim* *epistola*,
 (q) qua

(l) in citat. epist. (m) πολιτευσομ. adiect. (n)
 inter carmina Casel. gnom. (o) in fine oper.
 epistol. (p) Hamb. 1673. 8.

(q) qua multis verbis agitur, quid *Homerus ad educationem in plerisque humane vite partibus conferat*, si quis in lectione eius sedulo & dextre versetur: Græce conscripta est epistola hæc, Latina tamen addita versione. *Programma* etiam huc pertinet, quo ad audiendum *Homerum* inuitavit, (r) & *Perioche libri Homerica Iliados X*, (s) quam superioribus etiam inferere potuissem. In hac, resecto poetico verborum ornatu, sententiæ nervos suo arbitratu representat.

ELOQVENTIAM a poetica adiuuari, paullo ante *Casellii* probavi verbis, cum numerosam orationem argumentorum verborumque suppeditet copiam: eloquentiæ enim bonum non tam ex dicendi magistris, quam ex bonis scriptoribus & ipsa philosophia augendum censet *Casellius*; (t) cum ista, si rerum inanis sit, præter loquacitatem nihil habeat. Ineptos proinde ducit atque absurdos, qui potiore parte omissa artem hanc docere se profiteantur. Hos

T 3

ta-

- (q) *Φιλοξεν.* subiunct. Latina versio inter epistolas etiam reperitur a *Dransfeld.* edit. pag. 218. (r) *Φιλοξεν.* adiect. (s) *Rost.* 1580. 8. (t) *oper. epist.* a *Dransf.* edit. pag. 462.

tamen ineptiis & absurditate ab illis adhuc vinci, putat, qui pueros in arenam disputantium, vel quasi in rostra ad orandum producant, quibus ætas rerum in oculos incurrentium cognitionem deneget. Licet vero eloquentia ab *Aristotelo*, huiusque in præceptis, & in orando *Demosthenis* æmulo, *Cicerone*, præcipue discenda sit: a *Demetrio* tamen *Phalereo*, haud vulgaria etiam bene diccendi præcepta tradi, confirmat; nam etiam si inscriptio nihil aliud, quam dictionis rationem polliceatur: multa alia reconditoris in eo esse doctrinæ, sine qua ipsa dicendi ars mutila, nuda, & inops prorsus existimanda. Scriptorem hunc a *Caselio* Græce editum esse, ex superioribus patet. Sermo nunc erit de *libro*, quem ipse *Casellius de elocutione* composuit, siue suo potius arbitrato Latine tradidit: (u) namque *Phalereum* istum in plurimis secutus est. Qui cum maximus olim elocutionis amator fuerit excultorque diligentissimus, *Casellius* librum istum suum *Phalereum* inscripsit. Magni viri, ut omnia *Caselliana*, sic & hunc librum mirifice collaudant, insignem, (x) elegantissimum, (y) eru-

(u) Rost. 1585. 4. (x) *Bæler*, biblioth. curios. C. i. b.

(y) eruditissimum (z) cum appellantes commentarium. Cui supra laudata *Nazianzeni epistola* cum adnotationibus a *Caselio* addita est. *Rhetor* porro, siue *de Magistro dicendi lucubratiuncula* (a) commemoranda est. Celeberrimus *Georgius Schubartus*, academiae *Ienensis* maximum antehac ornamentum, meus, sed quod valde doleo, per breue admodum tempus, præceptor, post fata etiam venerandus, hunc de eloquentiæ fundamentis libellum cum cura studiosæ iuuentuti insinuandum iudicauit. (b) Duæ hæ *Caseli* commentationes cum rariores factæ essent, *Horneius* in capita distributas recudi eas curauit, (c) iisque *Caseli* operum, quæ collecta edidit, alteram constituit partem. *Caselius* quidem *Philorhetora* etiam promisit, (d) in quo iuuentuti ostendere voluerat, quemadmodum e carceribus per directum spaciū ad eloquentiæ metam peruenire debeat. Verum lucem is non aspexit, id quod maxime dolendum est. Altera commentatiuncula,

T 4

quam

(y) id. de Script. Græc. & Lat. p. 31. (z) *Morbof. de conscr. epist.* p. m. 31. (a) Helmst. 1596. (b) in prælection MStis. (c) *Francof.* 1633. 8. (d) in program, *Rhetori* præfix.

quam animo iam designatam iuventuti pollicitus erat, (e) est *Εγχειρίδις* siue *de recta interpretandi* & cum certo fructu bonos scriptores legendi *ratione*. Huius iacturam *Sturmi* de ratione linguæ Latinæ resoluendæ opusculum compensare quodammodo posse, laudatus iam *Schubartus* existimat. Dialogorum, quos *Casellius* edere voluisse dixi, decimum tertium *de eloquentia* conscribere decreuerat. Sed his in lucem non emissis, prioribus contentissimus oportet. Egregia etiam præcepta, quæ epistolis ac reliquis vigiliis suis hac de re passim admisit, desiderium, quod promissis istis suis commouit, minuere fortasse poterunt. *Cl. Ernstius* mentionem facit *tabularum rhetoricarum*, quarum *Casellius* auctor sit. Sed inuenire ego istas nusquam potui. *Tabulas* quidem *unius trium artis dicendi partium, elocutionis*, (f) inueni; in quibus etsi *Casellii* nomen inscriptum non sit: eum tamen auctorem esse, coniecere quis facile posset: an vero *Ernstii* istæ tabulæ rhetoricæ eadem sint, valde dubito. Lucubratiuncula tandem, quæ huc etiam pertinere videtur, est *περὶ τοῦ βέλους*, siue
pane-

(e) ibid. & in Νέω F. 3. (f) Helmst. 1591. 8.

panegyrici, de tribus humanæ felicitatis gradibus, modestia, prudentia, atque sanctimonia, *delineatio*. (g)

HISTORIA cum oratori exempla suppetet, quibus auditores doceat, moveat atque delectet; dubium non est, quin eloquentiæ studioso accurate sit cognoscenda. Eam ob rem *Caselius*, quoties occasio ipsi data est, iuventutem ad omnium temporum, omniumque gentium historias percipiendas allicere studuit, præsertim quando historicorum principes ei interpretabatur. id longiori insuper in *Thucydidis interpretationem proœmio* (h) fecit: quale etiam in *concionum Thucydidearum explicationem* (i) edidit; quod *Cl. Crenius*, iustus Caselianorum æstimator, denuo publicavit, (k) cum cognovisset, esse nonnullos, qui elegantia atque utilitate proœmii capti, manu id describerent. *Casellium* historiam magnopere subleuatam voluisse, ista quoque & veterum & recentiorum monumenta, quæ typis iterum exscribenda curavit, supra a me commemorata, declarant. Quan-

T 5

tum

(g) *ibid.* 1613. (h) *Rost.* 1576. (i) *ibid.* 1587.

(k) *Animadvers. philolog. & historic.* T. I, p. 76 & 77.

tum historia ad civilem maxime prudentiam conferat, auditoribus suis non minus diligenter commonstravit. Cum ea non vitam solum moresque hominum patefaciat, sed multa etiam doceat, quæ ad vitam priuatam, regnorum, rerumque publicarum gubernationem pertineant; cum exempla præter ea atque consilia de omnibus, quæcunque inter mortales gerantur, subministret, illum non prorsus aberrare putabat, qui historiam pro ipsa politica habuerit, neque eum, qui sola historia instructus fultusque esset, sic, ut eam non animi gratia legerit, sed ad vitam sapienter accommodarit, ad negotia imparatum accedere existimabat. (l)

CIVILEM SCIENTIAM hanc, cuius basin alteram de vita ac moribus doctrinam habuit, plurimum adiuuare studuit *Caselius*, ita, ut *Conringius* principem ad civilis doctrinæ scriptorum lectionem ductorem ipsum appellet atque magistrum. (m) Lucubrationes, quibus iuuentuti ad utramque istam scientiam viam muniuit, multæ sunt. Pertinent huc I. *Paradoxa duo in educatione* ne

(l) in laud. Zamoscii L. 3 & epist. ad Cernicou, B 2.

(m) epist. citat. ad Dransfeld.

ne Principum: (n) vnum de victu, de reliquo splendore alterum, *ad* nobilissimum virum, *Abrahamum Bellinum*, Principis Wirtembergici aulae magistrum. Paradoxorum nomine librum se nuncupasse dicit, quod quædam ibi recenseantur, quæ plerisque admirabilia videri queant atque noua, & quæ quamquam ex intima veritate deprompta sint, multitudinis opinioni maxime tamen aduersentur. II. Προπολιτικός: (o) Quid per hunc intelligat, in ipso statim titulo explicat: *politicorum* scilicet *prolegomena* intelligere se, dicit, non iuuentuti solum, quæ ad rempublicam se paret, sed nonnullis etiam in re publica iam versantibus profutura. III. Πολιτευσόμενος: Quem admodum primarius, idemque ingeniosus adolescens mature & recte edusetur ad rem publicam. (p) Tres hæ Caselii commentationes opera eius politica ab Horneio coniunctim edita (q) conficiunt. Qui in capita eas distinxit, singulisque brevia addidit argumenta: Optandum esset, vt ne duo ista ad ciuilis disciplinae auditores programmata, quæ Caselius ultimæ commentationi adiecerat

(n) Helmst. 1600. (o) ibid. cod. 2. (p) ibid. 1607.

(q) Francof. 1631, 8.

cerat, omisisset. hic enim de iuventutis salute maxime sollicitus, omnibus, quæ modo conscripsit, adpersit semper, quibus animus eius, si non erudiret, confirmaret certe. Paradoxis istis addenda videtur IV. *de studiis principum oratio*, (r) cuiusmodi tres in scholis habuit, sed hanc, quæ media fuerat, perscribendam tantum putavit. V. *Aula Magister*. (s) Quodnam officium huius sit *Adami Crusii* exemplo commonstravit, qui Henrico Iulio a consiliis primum, deinde Friderici Hulderici, & Megapolitanae denique aulae magister fuerat. quam ob causam lucubratio *Κεκοσιάδης* etiam ab eo inscripta est. VI. *Ευγενής*. siue de Nobilitate libellus ad Io. Leznerum. (f) De nobilitate generis recte sentire, multum interesse, dicit ibi *Caselius*, ad consilia enim in vita recte instituenda id pertinere. VII. *De nobilium negotiatorum dignitate*, studiisque liberalibus, & de singularibus illius ordinis erga vniuersum genus humanum & rem litterariam meritis ad *Matth. Ouerbecium*, *διάσκεψις*. (t) VIII. *Φιλόζενος*. siue de præroga-

(r) *Lard. M. Zamoscii* addit. I, 5, b. (s) *Helmst.* 1609.

(f) *Helmst.* 1600. (t) ib. 1609, & in op. epist. Dransfeld, p. 957.

rogatiua ciuium in tribuendis honoribus, præmiis & quibusque commodis publicis. *ad Ducem Henricum Iulium.* (u) IX. *Felicitas Luneburgi, ad Georgium Schumacher.* (x) Lucubratiunculam hanc refero huc, quod non ad laudes modo ciuitatis conducatur, sed alios quoque instruat, qui probum sequi velint exemplum. Ad doctrinam de vita & moribus pertinet *de tribus virtutibus cognatis, quarum in consuetudine humana perpetuus usus est, commentatiuncula,* (y) cum tribus *orationibus*, quarum prima inscribitur Γενεθλιακός, siue *de Disciplina.* (z) altera Πειθαρχικός, siue *de Obedientia,* (a) tertia denique *de Modestia* agit. (b) hæc in academia Iulia habita est, cum v. cl. *Henr. Meibomius* magisterii philosophici dignitatem quibusdam decreuisset. Neque varia *programmata* ista silentio prætereunda sunt; exempli gratia, quæ in *Aristotelis ethicorum,* (c) eiusdem *de vita ac moribus* (d) & *de optimo rei publicæ statu* (e) *librorum interpretationem* proposuit: item *ad sinceram*
ami-

(u) Helmst. 1609. (x) ibid. 1612. (y) *Casa Galatea* a N. Chytraeo vers. præfixa. (z) Helmst. 1593. (a) ibid. 1596. (b) ibid. 1621. (c) Rost. 1575. (d) ibid. 1569. aliud Helmst. 1593. (e) Rost. 1587.

amicitia cultores, (f) & quod *Dionysius* publicatum est (ff) programma. *Triclinii* etiam *inscriptionem* publicauit, (g) qua regulas quasdam in vita obseruandas tradit. Quid causæ fuerit, cur *Caselius* opusculorum suorum titulos Græcos plerumque esse voluerit, interrogare quis posset. Causam instituti huius ipse patefacit, quando nouo exemplo id fecisse se negat: falsum videlicet id non esse, præsertim si Latinum nomen non facile fuerit, quod Græco accurate respondeat. Hac fortasse etiam ratione iuuentutem ad Græcas litteras excolendas inuitare voluit. Græcæ certe linguæ vtilitatem, nobilitatem miramque suauitatem pellexisse *Casellium*, vt nomen suum litteris Græcis hodiernorum Græcorum characterum æmulis scripserit, typisque ita excudi iusserit, cl. *Dransfeldius* confirmat. (b) Græcis tamen opusculorum inscriptionibus interpretationem semper fere adiecit Latinam.

Quantum momentum ad rei publicæ salutem prima educatio adferat, vt *Caselius* noster commonstraret, seminis instar eam esse

(f) Helmst. 1598. (ff) ibid. 1603. (g) 1598.

(b) Allocut. pag. 129.

esse ostendit: qualis enim ea esse soleat, tales ciues fieri, talem existere ciuitatem; ita, vt miseriæ vel felicitatis principium penderet ex ea. Quare etsi cura eius dignitate non suprema sit, vtilitate tamen primam ipsam esse colligebat. Cum vero iuuentutis educatio ad virtutem multiplex sit, illam sibi maximæ curæ fuisse fatetur, (i) quæ in literis esset. Pro hac cura nullo loco virtutis doctrinæque cultoribus vñquam se defuisse. Eadem hæc incredibilis viri cura effecit, vt multa de ludis litterariis atque academiis scripserit, quibus res litteraria iuuaretur, nec non fulciretur simul. Quæ cum cognouissent intelligentes, *Casellium*, omnia, quæ ad iuuentutis ad virtutem atque litteras educationem pertinerent, optime explorata habere, perspiciebant, factum inde esse, supra iam dixi, vt reges, principes, ac omnes, qui filios suos ingenuè educatos volebant, *Casellii* institutioni hos tradiderint. Quid eius hac in re consiliis debeatur, consultissimus vir, *Io. Philippus Slenogtius*, docere nos potest. (k) Excellentis huius viri sententiam quanti TV,

VIR

(i) in *Néw B 3. C. 3.* & secund. *Luhad. G 3.* (k) in *progr. funebr. celeb. Schubarto script.* 1704.

VIR celeberrime, facias, me non fugit: TE summam eius doctrinam & limatissimum, dicendi genus satis admirari posse, negare, TE quondam memini. Singulari fato post communem illum Germaniæ præceptor, *Philippum Melanchthonem*, duos maximos viros, sapientia, eruditione, omni-que animi cultu cum optimis veterum comparandos, *Ioannem Sturmium* & *Ioannem Caselium*, exortos esse, iudicat magnus hic vir. Hos enim tam enixam, tamque felicem in scholis recte constituendis operam posuisse; tam salutaribus consiliis, tam indefesso labore præiuisse litterariæ publi, ut & principes summos accenderint ad petendum ex studiis humanioribus decus, & vicinas remotasque regiones hominibus solide doctis impleuerint: in hunc usque diem, quamvis iamdiu exemptos rebus humanis, non parum iuuant; quodque alicubi adhuc locorum incedatur recto itinere, & ingruenti barbariei, quantum potest, aditus præcludantur, ut id sibi tamquam auctoribus adscribatur, promeritos. Lucubrationibus, quibus REI LITTERARIÆ consultum iuit, id etiam promeritus esse videtur *Caselius*, quænam hæc sint, breui porro commemorabo. iam

Iam laudatum *Sturmium*, ex cuius scriptis *Caselius* multa se didicisse fassus est, de litterarum ludis recte aperiendis scripisse constat. *Caselius* noster cum observasset, quod modis in primæ ætatis educatione aberraretur, & quam grauitè peccaretur in formandis moribus iaciendisque primis litterarum quasi seminibus, permotum etiam se esse dicit, (l) vt de ludo litterario rectè aperiendo quædam conscriberet. (m) Cum *Sturmio* in plerisque conuenit. (n) institutionem enim, quæ vera sit, vniuniformem, aut non nimis discrepantem esse debere, existimabat. Ad maiora nos reuocant dum viri hi, clarissimo *Schubarto* iudice, (o) in his libellis suis, cum ibi demonstrent, quæ nobis in studiorum cultu adhuc desint, quænam rectius adhuc discere & ad rem publicam ecclesiamque referre debeamus. nisi enim quis ex principiis hisce rite emergat, numquam deinceps in munere sibi delato præclara eum effecturum esse, idem celeberrimus vir confirmat. Multa quidem ipse *Caselius* in libello isto suo ad-

U

huc

(l) de casu miserabil. ad academ. B 3. (m) Rost. 1578, 8. (n) *Morbof. Polyh. lib. II, p. 445.* (o) in prælect. MStis.

huc desiderabat, cum vix omnia attingi possent, quæ eo in genere peccentur. decreuerat igitur, quæ de ludis litterariis emendandis meditatus insuper posthac fuerat, litteris adhuc mandare. Eundem *Casellii* de ludo litterario recte aperiendo libellum *Heidmanus* recudi curauit, (p) quem tamquam Ariadnes filum in docenda pueritia præceptores sequerentur. *additamentum* in fine adiecit, pluribus annis post a *Caselio* scriptum, quo scholarum curatores de quibusdam monentur. (q) Aliam adhuc lucubratiunculam confecit *Casellius ad Franciscum, Abbatem Mariauallensem, de educatione illius loci alumnorum*; (r) cui epistola adiuncta est *ad Petrum Cassenium*, in qua docendi itidem ratio præscribitur. hanc etiam epistolam *Heidmanus* in boni publici usum iterum edidit. (s) Hæc periora scripta sunt, quibus rem scholasticam, qua potuit diligentia, emendandam ornandamq; suscepit *Casellius*.

Quæ

- (p) Helmst. 1618, 8. 1637. 12. (q) libello de Pronunciatione linguæ Latinæ primum additum fuerat, de quo supra (r) Φιλοξεν adiect. (s) Goslar. 1617, 4. cum aliis *Casellii* scriptis.

Quæ de academicis præclarus in his rebus iudex (t) scripsit, subiungenda statim sunt. Primo loco commentatio laudanda est, Νέϑη καὶ προδιδάσκαλϑ inscripta, (u) quorum ille ad tirones academicos, hic ad eos, qui in academiis priuatas scholas habent, directus est. Commentationem hanc Morhofius (x) elegantem libellum vocat. Clarissimus vero Struuius, Patronus ac Præceptor meus diligentissime obseruandus, pluribus verbis eandem laudat, (y) scriptum, elegantissimum appellans, ex quo docentes æque ac discentes haurire possint, quibus quilibet in suo genere vtatur: illos in primis, qui nouiter ad academias accesserint, regulas ibi inuenire, vitæ & morum præcepta, atque studiorum ordinem, quibus felici cum successu inhærere queant. Huc deinde spectat commentatiuncula: Cuiusmodi veterum scriptorum & omnis generis sapientiæ disciplinarum interpretes deligendi sint in academiis, (z) & Magisterii philosophici descriptio, (a) qua docetur, quid no-

U 2

men

- (t) Morhof. Polyh. lib. II, p. 445. 457. (u) Helmst. 1597. (x) Polyh. lib. II, p. 455, (y) præf. Guarini libello de ordine docendi & studendi præmiss. p. 38. (z) Φιλοξεν. addit. (a) Helmst. 1610.

men hoc polliceatur, & quomodo obtinendum sit. Quantopere de academiis emendandis sollicitus fuerit *Caselius*, tribus præterea orationibus testificatus est, quarum prima inscripta est: *Εὐχαριστικός. siue de Academia.* (b) altera, *de Bono academia,* (c) quam cl. *Ge. Nicol. Kriegkius*, cui viro multum ego debeo, recudendam curauit. (d) tertia *Κυβερνητικός. de officio rectoris academici*, cui octo programmata adiecta sunt. (e) Longiorem similiter epistolam ad *Laurentium Scheurl* scripsit, cuius titulus est *Ακαδημάρχης.* (f) Pertinet huc quoque *Ελεεινὸν συμβάν*, siue *de casu miserabili ad academias commentatio*, (g) & *Inuitatio ad inaugurationem magnificæ nouæ domus in academia Iulia.* (h)

Neque orationes, quas de ipsis doctrinæ litterarumque studiis composuit, omittendæ sunt. Talis est I. ea, quam, cum *Rostochii* doctoris munus suscepisset, *pro studiis bonarum litterarum* habuit. (i) II. *qua Rostochio in Iuliam migrans auditores valere*

(b) ib. 1592, (c) 1599, (d) Ienæ 1702, 8. (e) Helmst. 1594. (f) ibid. 1599. & in op. epist. Dransfeld. p. 780. (g) Helmst. 1607. (h) ibid. 1612. (i) Rost. habit. 1563. edit. 1577.

lere iussit: (k) cuius præcipuum argumentum studiorum finis est. III. περὶ ἐγκυκλίων προπαιδευμάτων, (l) habita, cum Cornelius Martinus Helmæstadii magisterii philosophici honorem quibusdam tribueret.

Cui commentatio adiungenda est: Cum plerique se a litteris, & per eas ad certum vitæ genus siue aliam professionem applicent, quibus litteris, tamquam necessariis administrandis, cuique ad finem suum opus esse videatur.

(m) Opusculum hoc cuius certum studiorum finem spectanti vtilissimum esse, sæpissime iam laudatus Dransfeldius testatur, cuius cura iterum prodiit, (n) postquam Heidmanus idem denuo ediderat: (o)

illud enim efficere posse existimat, ne quis temere in studiorum spatiis oberraret, nec illotis manibus & ab omnibus litteris vacuus ad supremæ disciplinæ, quæ facultas vulgo appellari soleat, sacra se applicet.

Quid peregrinationes ad doctrinam adaugendam conferant, Caselii testimonio supra demonstratum est. Ne vero in hac

U 3

etiam

(k) ibid. 1589. (l) Helmstad. 1604. (m) ibid. 1594.

cum progr. ad B. L. cult. (n) Gœtting. 1685, 8.

cum Io. Sturmii epist. classic. & academic.

(o) Goslar. cum alijs Caselianis.

etiam re optimi viri consilium deesset iuuentuti, *διάσκεψις* ab ipso edita est, in qua docet, quas gentes potissimum adire debeant, qui doctrina virtutisque gratia peregrinari animum induxerint. Italiam minime omnium tum prateriundant esse; quidque talis hospes inde emolumenti capiat. (p) Huc similiter spectat epistola ad Ernestum, a Steinberg de studio liberalis doctrinae, (q) ubi de peregrinatione nebili quædam adspersa sunt. Cuiusmodi plures adhuc epistolæ addi possent, si breuitas, cui magnopere studeo, id concederet.

Quanto de iuuentute elegantis bonæque doctrinae cupida & de posteritate bene merendi studio flagrauerit *Caselius*, quemlibet ex hæcenus commemoratis monumentis facile cogniturum esse confido. per hæc enim suam erga litteras atque rem publicam, animum ita testificatus est, ut nemo vniquam apertius. Quam promptus vero etiam ad obseruantiam suam ostendendam, & quam facilis ad humanitatis officia præstanda fuerit, ingenti ista orationum ac epistola-

(p) *Κεχρισμὰ*. adiunct. & seorsim 1618, 8.

(q) Helmst. 1609. & inter dissert. de studiis instituend. ap. Elzevir. 1645. 12.

stolarum copia optime declaravit. Enimvero siue euergetæ & primario amico in rebus optatis gratulandum esset, siue quis consolandus in aduersis, siue ex familiaribus quidam cohortandus, & de litteris vitae erudiendus esset, ad orationes ac epistolas conscribendas ita paratus erat, vt nihil posset ultra. ORATIONES & reliquas longiores lucubrationes huc pertinentes primum recensendas puto. cuiusmodi sunt I. *ad Iulium Ducem Brunswic. & Luneb. de eius rebus secundis, & praeclaris erga suos meritis, oratio.* (r) II. *ad Henricum Iulium Ducem, παραίνεσις.* (s) III. *Nuptiis Herois Henrici Iulii, Guelfii, & Heroine Elisabethæ Cimbrica τειρογέρον.* (t) IV. *Ad Christianum IV. designatum regem Dania παραμυθικός.* (u) Singulari virtute præstantes & bene de patria meritos cum laudatione efferendi consuetudo quod non inoleuerit, non leues rationes esse arbitratur Caselius; (x) quod scilicet præmia virtuti debita defunctis non rectius, quam dicendo persolui queant, præterquam quod gratos nos hoc modo erga ipsos præbeamus. Cum insuper exem-

U 4

pla

(r) Rost. 1585. (s) ib. 1587. (t) Helmst. 1590. (u) Rost. 1588. (x) Orat. funebr. A. Mylio scr. B 3. b.

pla magis interdum, quam ipsa doctrina, erudiant, utpote quibus plerique moueantur, adficianturque; laudationes huiusmodi aliis pro documento esse posse autumat, cum ibi habeant, quæ discant, quæ imitentur. (y) Quamobrem pro mirifico suo in virtutem studio, pro perpetua erga patriam pietate, curæ sibi fuisse, testificatur, (z) quemadmodum eos cum primis, qui vel ipsum singulari beneficio adfecissent, vel salutem consulissent publicæ, verarum laudum prædicatione ornaret; si non verborum copia, bono certe & minime reprehendendo studio. quippe plerasque orationes eo dictionis genere se perscripisse, dicit, (a) quod veritatis proprium iudicetur, simplici videlicet: cum simplicitas veræ orationis decus sit, & adscita ornamenta narrationem facile reddant suspectam; sicut fucus fronti illitus integerrimam etiam formam in suspicionem vocare possit. Sic laudibus a Caselio exornati sunt I. Io. Albertus Dux Megapol. summus ipsius euergeta. cuius in funere Suerini orationem habuit.

(y) Orat. fun. V. Mylio scr. A 2. (z) ad D. Iulium de rebus ipsius gestis, A 4. (a) Or. fun. A. Mylio scr. C. 1. & Luneb. felicit. A 2.

habuit. (b) aliam præterea laudationem eius posthac elucubrauit, (c) ad Ducis nepotes missam. II. *Elisabetha Cimbrica, Frederici I. Dania Regis filia* : de cuius laudibus integrum confecit libellum. (d) III. *Fridericus II. Dania Rex*; in epitaphio ad regni senatores. (e) IV. *Julius, Dux Brunsvic. & Luneb.* cui epitaphium iidem scripsit. (f) V. *Christophorus, Administrator episcopi Radeburgensis, Dux Megapol.* VI. *Ioannes, Dux Megapol.* quorum utriusque peculiarem orationem funebrem elaboravit. (ff) qualem *Carolo, Duci Megapol.* etiam composuit. (g) Nobiles deinde, quibus *Caselius* iusta similiter fecit, sunt : *Ioannes Hobius*, de cuius laudibus libellum edidit. (h) *Paris Hane*, (i) *Ioachimus* (k) & *Henricus* (l) *Lubii*, equites Megapolitani. *Ioachimus Ranzovius*. (m) *Io. Georgius a Leisten*. (n) *Wilhelmus ab Heimbürg* (o) *Otbo ab Hoim*, Consiliarius Brunsvigen- sis; (p) de quo inter alia narrat, cum vno

U 5

atque

- (b) Rost. impr. 1576.8. (c) Helmst. 1605. (d) Rost. 1586. (e) ib. 1588. (f) Helmst. 1589. (ff) ibid 1592. (g) ib. 1610. (h) Rost. 1581. (i) ib. 1587. (k) ib. 1588. (l) Helmst. 1591. (m) Rost 1588. (n) Helmst. 1596. (o) ib. 1601. (p) ib. 1604.

atque eodem tempore sex filios Helmſtadii magno ſumptū in litteris educandos curaffe; quo ſeptimus natu deinceps pariter miſſus eſt. *Adamus Cruſius in Borchfelda*, cuius exſequias vt cohoneſtaret. pauca quædam initio conſcripſerat; (q) maiorem deinde lucubrationem, quæ Κεχοιάνης inſcripta ſupra iam prolata eſt, in eiſdem honorem publicavit. (r) *Andreas Mylius* (s) Ducum Megapol. conſiliarius, ipſius *Cafelii* ſocer, quem Imperator *Maximilianus II.* in Germanicæ nobilitatis album adſcripſerat. Nobiles præterea matronæ quædam ab eo laudatæ ſunt: *Iuſtina Rudelia*, (t) *Laurentii Carcouii* vxor. *Elifabetba ab Heiligen*, (u) *Elifabetba Burenia*, *Iacobi Bordingi* coniux. (x) Inter eruditos, quorum elogiâ ſcripta reliquit, *Petrus Viſtorius*, (y) cui tantum debebat, vt nemini præceptorum plus, primas tenere videtur, cuius longiorẽ laudationem ſe daturum promiſerat. Hunc ſequuntur, *Erhardus Hoffmannus*, mathe-

(q) ib. 1608. (r) ib. 1609. (s) ib. 1611. (t) Roſt. 1575, 3.

(u) ib. 1584. (x) Helmſt. 1593. (y) Roſt. 1586.

Elogium hoc Viſtorii ad Germanos epiſtolis ſubiunctum deinceps eſt in edit. Francof.

1597.

thematum in academia Iulia professor. (z) *Ioannes Borcholdus*, eiusdem academix professor, & iureconsultus clarissimus. (a) *Bartolus Richius Brunsvig.* (b) *Valentinus Mylius*, in Harpaciano vico, qui sub Velt-hamiorum ditione est, ecclesiasta. (c) *Ioannes Niuinius*, prot-ecclesiasta Parchimen-sis. (d) Carmina, quæ in summorum vi-rorum laudem Græce & Latinæ contexuit *Caselius*, licet huc pertinere videantur, bre-uitatis causa omitto. *Cl. Ernstius* in poe-matum profanorum catalogo, quem nobis in distributione sua dedit, multa indicat, quorum nonnulla centuriæ a *Cl. Dransfel-dio* emissæ posthac inserta sunt. Panegyri-cum, quem *Caselius Maximiliano II.* carmi-ne conscripsit, (e) commemorasse sufficiat. Quid in *Melanchthonis* atque *Camerarii* lau-des elucubravit, supra indicatum est. Ne-que consolationes ad euergetas ac amico-rum principes missas, quibus defunctos po-tissimum laudat, speciatim recensebo, cum plurimæ earum in epistolarum volumini-bus mox adducendis reperiantur. Lau-dem, quam *Laur. Rhodomanus Magni Za-mosciæ*

(z) Helmst. 1593. (a) ib. 1594. (b) Helmst. 1610.

(c) ib. 1611. (d) ibid. 1612. (e) Lips. 1568. impr.

moscii manibus Græco carmine cum interpretatione composuit, multis aliis eo pertinentibus adiectis edidit *Caselius*, (f) cum mors impediuiſſet *Rhodomanum*, quo minus laudem istam edere ipse potuerit. Inter adiecta *Casellii* ad *Thomam Zamoscium*, filium, consolatio quoque occurrit, quæ separatim antea prodierat. (g) *Henr. Mensingii*, Rostochiens. laudes. *Caselius* in verbosa ad *Bersmannum* epistola pluribus verbis prosequitur. Quædam tantum programmata adhuc nominabo in funeribus ab ipso conscripta, cuiusmodi elaboravit sub exequias *Hedvigis Brandenburgicae*, *Valent. Forsteri*, Iureconsulti *Helmstadii*, *Henr. Iul. a Lippe*, *Anselmi Blancoburgii*, *Henrici Fischeri*, *Greg. Schellenbergii*, *Victor. Rennerti*, studiorum causa in academia Iulia commemorantium. & *Elisab. Hagne Meibomia*. Plura programmata huiusmodi quin confecerit *Caselius* ego non dubito: protuli, quotquot reperire licuit. *Casellianum* nomen in singulis inscriptum non est: ipsum tamen eorum auctorem esse, *Diepholdii* manus, qui *Casellii* familiaris fuit, mihi persuasit, qua nomen huius

(f) Helmst. 1606, 4. (g) ib. 1605.

huius exemplis quibusdam fuerat adscriptum.

Quo diffusior cuiusdam sit eruditio, quo maior in orbe litterato auctoritas, & frequentior cum doctissimis amicitia, tanto plura ex epistolis illius discere, tantoque securius iudiciis eius fidere nos posse, eruditi confirmant. (*b*) Iam vero quanta *Casellii* nostri eruditio, quanta inter doctos auctoritas, & quanta amicorum copiâ fuerit, constat, de præstantia igitur epistolarum eius dubitari non potest: multo minus eius in meliorum litterarum studio sententiæ diffidere quis poterit; siquidem omnium litterarum vir fuerit, (*i*) quo nemo rectius de istis iudicasse videatur. Tantopere etiam placuerunt eruditis *Casellii* EPISTOLÆ, ut, si quis iudicium, dictionis nitorem, & minus fucatae virtutis studium spectet, sine exemplo eas esse asseuerent, quæ cum ad virtutis doctrinæque studia maxime incitent, nec alias huius generis facile reperiri posse, existimant. (*k*)

Qua-

(*b*) *Henr. Meibom. Additam. ad Vogler. Introd. in not. B. S. pag. 153. 154. (i) Morhof. Polyh. lib. 1. pag. 298. (k) Conring. in epist. ad Dransfeld. descr. Casel.*

Quapropter plurimum debetur viris, qui istas magno labore conquisitas orbi litterato non inuiderunt. Ipse *Caselius* amicorum sincere amantis, publicæque salutis percupidi animi sui conscius, quas diuersis temporibus ad principes clarosque viros dederat epistolas, Rostochii iam in volumina referre cœpit. *Epistolarum in Italiam missarum liber* ibi editus est, (l) quo duodetriginta epistolæ ad celeberrimos Italos, & nobiles quosdam Germanos in Italia tum commorantes scriptæ continentur. Huius libri neque ab *Ernstio*, neque a *Conringio*, neque a *Morhofio*, *Dransfeldio*que mentio, quantum quidem ego cognoscere potui, facta est. Vnicum tantum eius exemplum offendi adhuc a me potuit. Ad clarissimos sane Italiæ viros datæ sunt epistolæ istæ. Quid enim *Victorio*, *Manutio*, *Mureto*, *Pinello*, *Sigonio*, *Paleario*, *Ferrario* clarius adduci potest? Longiorem deinde epistolam de *Alberti*, *Ducis Borussorum*, erga bonas litteras meritis, edidit *Caselius*, aliis quinque epistolis adnexis. (m) Collectio hæc iterum iterumque auctior posthac prodiit, quibusdam

(l) Rost. 1569. 8. (m) Rost. 1569. 4.

dam in prioribus istis epistolis mutatis. Primum viginti circiter epistolis locupletior a *Caselio* dedicata est *Launo Bulouio*, Borussorum Ducis consiliario. (n) Aliis deinde viginti amplius epistolis eadem collectio denuo aucta, cum *Victorii* epistolarum ad Germanos missarum tribus libris, quos a *Caselio* antea iam publici iuris factos esse, supra ostendi, in lucem prolata est. (o) Adiunctæ tum etiam erant duæ istæ ad *Bersmanum* atque *Corfinium* epistolæ, non ita multo ante iam publicatæ. Verum hæ *Casellii* epistolæ præter paucissimas, octo circiter, voluminibus paullo post laudandis comprehenduntur. Ex epistolarum autem in Italiam missarum libro, cuius paullo ante mentionem feci, nullam plane voluminibus istis insertam reperi. Cum in Iuliam peruenisset *Casellius*, epistolas suas ad amicos subinde missas aliis lucubrationibus adnectere consuevit. Sic plurimas adiecit duabus commentationibus supra iam commemoratis, quarum una Φιλόξενος, altera Κεχρισιάδης inscripta est, nec paucas *paranetica ad Cranichsfeldium* epi-

(n) ibid. 1580. 8. (o) Francof. 1597. 8. & Sedin 1604 8.

epistola (p) adiunxit. Harum tamen multæ in eadem postmodum volumina sunt relatæ. Post mortem scilicet *Casellii* tres exstiterunt viri, qui epistolas ipsius & editas iam & nondum editas in volumina redactas publicarunt. Constat enim, optimum virum pro summa sua aliorum commodis interveniendi voluntate quam plurimas epistolas typis seorsum exscribendas curasse. Omnibus præterea opusculis vel principibus, & viris de se bene meritis observantiæ gratique animi declarandi, vel familiaribus amoris & benevolentiae testificandæ gratia dedicatis longiores plerumque epistolas præmisit. Quemadmodum vero singula *Caselliana* monumenta, sic & epistolæ separatim editæ facile sunt distractæ. Quo circa tres isti clarissimi viri, harum utilitatem reputantes, collectas vndique ab interitu vindicarunt. Primus, qui id adgressus, est *Ioannes a Fuchte*, Theologiæ in academia Iulia professor. hic *Casellii epistolarum ad reges atque principes scriptarum centuriam* primum edidit, (q) quæ maximam partem ab ipso auctore iam vulgatæ fuerant. Mirari quis posset, hominem in litera-

(p) Helmst. 1594. edit. (q) Helmst. 1619.

terarum otio viuentem tot epistolas ad principes scripsisse: Sed non adeo miraturum eum puto, qui cogitauerit, illam tum principum curam fuisse, quæ hodie ad pædagogos transferri solear. Cum igitur a principibus in consilia & litteraria & ciuilia adhibitus fuerit *Casellius*, facilius credendum est, multa de temporum istorum statu ciuili æque ac litterario, multa de viris doctis iudicia in epistolis ipsius reperiri.

(r) Idem *Fuchtius* paullo post alterum *ad viros nobiles epistolarum volumen* in lucem protulit; (s) quod septuaginta quatuor epistolas complectitur. *Fuchtii* exemplum secutus est *Henricus Vagetius*, celebris Hamburgensis gymnasii professor, sæpe iam laudatus; qui Caselianas etiam epistolas sparsim disiectas singulari studio conquisiuit, & in vnum quasi redëgit corpus. (t) duodenonaginta omnino *epistola* fasciculo hoc continentur, omnes *Rostochii scriptæ* sunt, quarum paucae seorsum antea excusæ, sed partim aliis auctoris scriptis adiunctæ, aut insertæ, partim numquam editæ fuerant.

X

Al-

(r) *Morhof. Polyh. lib. 1. p. 298.* (s) *Helmst. 1623. 8.* (t) *Hamb. 1641. 8.*

Altero anno post, quam edidisset has *Vageti*us, *Rostochiensium epistolarum*, quas serius acceperat, *mantissam* adhuc emisit, (u) triginta tres epistolas continentem. Constituerat quidem Iuliarum itidem volumen edere, quarum plures se habere confirmavit: sed cum nullus, qui sumptus suggereret, bibliopola, offerret sese, ut consilium hoc abiiceret, coactus est, qui Rostochienses istas suo sumptu ediderat, conatu satis honesto. Tertius, qui in Caselianis epistolis colligendis operam collocavit, est clarissimus *Iustus a Dransfeld*. Cui opus epistolicum debemus, exhibens *Casellii epistolas ad principes, nobiles, viros celebres, propinquos, ciues ac familiares in Fuchbtiana & Vagetiana editionibus non comparantes, ex ipsius auctoris aduersariis & manuscriptis maximam partem adornatum, & in XVI. libros descriptum*. (x) Omnes bonarum litterarum cultores opera sua, quam in opus hoc edendum contulit clarissimus vir, plurimum sibi deuinxit. tredecim circiter epistolas, quæ in Vagetiana editione iam comparent, operi huic suo iterum inseruit. Et hæc Caselianarum episto-

(u) *ibid.* 1643. 8. (x) *Francof.* 1687. 8.

pistolarum sunt volumina, quæ tres clarissimi viri nobis dederunt. Sed tantum abest, ut illis omnes, quas *Casellius* sparsim edidit, epistolæ includantur, ut facile novum adhuc volumen confici posset. Illarum, quæ in tribus his voluminibus desiderantur, in superioribus quædam iam citatæ sunt, inter quas elegantissima est *epistola ad Ernestum a Steinberg scripta*. Nec reperitur ibi longa illa & præclarissima, ut celeb. *Meibomius* eam appellat, (y) *ad Henningum Arniseum* missa, (z) quæ in arte medica præstantes sapientiæque studiis claros viros, quorum amicitia usus est *Casellius*, debitis cum præconiis enarrat. Huc referendæ quoque sunt duæ non minus longæ ac elegantes *epistolæ ad Ioannem Reccium*, reipublicæ Goslariensis consulem, quarum altera (a) docet, quæ litterarum studia, quo fine, quo ordine ac modo colat ingeniosus adolescens; altera (b) de puerili educatione ad litteras agit, prolatis simul viris non vulgari doctrina præditis, nationis Westphalicæ; qui ab annis circi-

X 2

ter

- (y) Addit. ad Vogler. Introd. in notit. B. S. p. 154. (z) Helmst. 1610. (a) Goslar. 1610. edit. (b) Helmst. 1605.

ter septuaginta de litteris bene meriti existimabantur. Hanc *Io. Goes* variis de *Westphalia* opusculis (c) adiecit. Publicauerat *Caselius* (d) epistolam longam admodum, ad *Iacobum Schenckium* scriptam. Hanc cum magnus Iureconsultus, *Conr. Rittersbusius*, eruditissime, grauissime, atque perbeneuole scriptam cognouisset, iterum eandem istam putauit, quo pluribus legendi copia fieret, eiusque fructus latius diffunderetur; siquidem ipsa non soli *Schenckio* scripta videbatur: *Iacobo Kotzio* denuo editam nuncupauit, quam in studiis, tamquam cynosuram natæ, sequeretur; iambsque aliquot sententiosos *Ios. Scaligeri*, quos *Helias Putschius* cum ipso communicauerat, mantissæ loco adiecit. Hanc tamen ad *Schenckium* epistolam *Fuchsius* ad viros nobiles epistolarum volumini inseruit. (e) Quam plurimas quidem recensere adhuc possem elegantissimas epistolas, quæ in commemoratis voluminibus desunt; sed catalogum earum conficere non attinet: *Cl. Ernstius* talem tradere suscepit, etsi & huic desint adhuc non paucae episto-

(c) *ibid.* 1668. 4. (d) *Helmst.* 1604. (e) pag. 115.

stolæ iucunditatis consiliique plenissimæ. Earum, quas sparsim a *Caselio* editas recenset *Ernstius*, dimidia fere pars a *Cl. Dransfeldio* posthac in opere epistolico, & antea a *Vagetio* in mantissa de integro edita est: vnde coniecturam facio, mantissam hanc ei inuisam fuisse. Paucas ego dumtaxat nominare volui, ne quis persuaderet sibi, omnes ac singulas epistolas a *Caselio* separatim editas in voluminibus istis contineri. Multo minus crediderit quis, omnes, quas unquam ad eruditos scripserit optimus vir, lucem aspexisse. Præter istas quas *Ernstius* in catalogo isto suo nunquam publicatas refert, multæ adhuc passim latitant. *Scaliger* adfirmabat, (f) se, si ambitiosus esse voluisset, magnum Caselianarum epistolarum volumen facile potuisse in lucem proferre. *Heinsium* quoque non paucas huiusmodi epistolas habuisse manuscriptas, *Vinc. Fabritius* persuasit olim *Vagetio*. (ff) Inter epistolas ipsis eruditorum manibus scriptas, quas *Hugo Blotius*, primus bibliothecarius Cæsareus, Vindobonensi bibliothecæ una cum reli-

X 3

quis

(f) Scaligerian. alter. p. m. 46. (ff) orat. & epist. p. 302. edit. Francof. 1685. 8.

quis libris suis legauit, triginta septem a *Caselio* ad ipsum *Blotium* scriptas numerari, *Lambecius* testatur. (g) In Gudiana bibliotheca, nuper eheu distracta, integram Caselianarum epistolarum centuriam adseruatam fuisse, *Morbofius* testis est. (b) Verum inter doctissimorum virorum epistolas, quæ ex Gudiana bibliotheca curante *Petro Burmano*, clarissimo viro, editæ sunt, nonnisi nouem *Caseli*i epistolæ reperiuntur, (i) quarum octo ad *Ioannem Kirchmanum* scriptæ sunt, & vna ad *Iacobum Bordingum*. Quo reliquæ nonaginta peruenerint, vtrum in fasciculis istis, quorum in catalogo laudatæ bibliothecæ mentio fit, adhuc fuerint, equidem nescio, In manuscriptorum Sora Helmæstadium receptorum indice, cuius supra memini, quam plurimi epistolarum fasciculi annorum serie distincti commemorantur. Maximam tamen earum partem editam iam esse, ego mihi persuadeo.

Præcipua Caseliana scripta sic persecutus ego mihi videor: in quibus licet concordia ac pacis studiosissimus vir ab omni maledicto abhorruerit, & tantopere absti-

nue-

(g) Lib. I. Comment. de biblioth. Vindob. pag. 55. (b) Polyh. lib. I. p. 299. (i) an. 193. 201.

nuerit a friuolis, vt nihil, nisi vera atque perspicua & publice & priuatim salutaria scriberet; tamen cum maledicentia suspiceretur semper calumniaturque, in minutis hoc sibi accidisse quæritur, (k) adeo, vt ne vna quidem scriptorum suorum pagella immunis fuerit ab eiusmodi periculo. Verum etiam si barbaries Musis maxime aduersa, & liuor præstantiores in primis inuadens, negotii multum ipsi facessuerint: superare tamen eum haud potuerunt; quippe qui illam, *Rhodomano* teste, (l) validis vocis atque calami telis tam fortiter profligauit, vt gemens loco cedere coacta sit. Nec liuor, cum insontem petierit, lucri quicquam retulit. Summi nihilominus viri moleste potius tulerunt, (ll) quam mirati sunt, virum ea pietate, ea integritate, iisque litteris in tanto inuidiæ pelago tamdiu iactatum esse; cum scirent, hoc cum omnibus probis commune ipsi fuisse, qui improborum pila fere sint atque ludibrium. *Ernstius* multa *apologetica scripta*, quibus vir innocentissimus calumniam propulsare studuit, recenset. Quæ quoniam maximam partem nondum publicata sunt,

X 4

ego

(k) ep. ad H. G. Rhuman. p. 623. op. epist. Dransf.

(l) in *Idyll.* cit. (ll) *Ios. Scalig. ep. 270.*

ego duo tantum , quæ in lucem edita , in præfenti proferam. Huiusmodi sunt quatuor *ad Danielelem Hoffmanum* , academix Iulix theologum , *epistola* , accusationi , quam philosophi Helmæstadienses aduersus eundem *Hoffmanum* instituerant , præmissæ. (m) Controuersia inter hos fuit , an bonæ litteræ atque philosophia ecclesiæ atque sacrarum litterarum cultoribus ornameto sint , vtiles , nec non necessariæ , quod *Hoffmanus* negare videbatur. Epistolas tamen istas cum reliquis inscio neque rationem illam probante *Caselio* vulgatas esse , ipse exemplo cuidam manu adscripsit : primam epistolam magna ex parte Græce se scripsisse ibi adfirmat , at Græcum verbum in edita comparere nullum ; quædam præterea perperam esse scripta. Alterum Apologeticum , quod ipse edidit , (n) scriptum , est *διαμαρτυρία aduersum duos sycophanticos libellos , in contumeliam aliquot academia Iulix philosophorum nuper Lemgouie editos*. Quos ex eodem ouo emergere dicit. Aduersarii *Caseli* cum primis adgrediebantur , hæreseos crimine eum accusantes. Qua de re multa in decimo

(m) 1600. 4. edit. (n) Helmst. 1600.

cimo quarto epistolarum *Caseli* a *Dränsfeldio* editarum libro leguntur: quæ scilicet nomina optimo viro, tam præclare de republica promerito, imposuerint, quibus conuiciis eum sint confectati.

Verum fac fuisse vnum aut alterum, cuius inuidiam incurrerit *Caselius*, quam nemo facile declinare, contemnere tamen potest. Fac *Caseli* nonnullos dissimillimos fuisse, qui eum maledictis insectati sint. Multo maior ex aduerso illorum numerus produci potest, qui virum raris ingenii dotibus & eximia virtute præditum plurimi æstimarint, nihil magis in votis habentes, quam vt commemoratæ hæcenus lucubrations in vnum quasi corpus redigerentur. *Conringius*, summi iudicii vir, vehementer id exoptauit, qui omnium *Caselianorum* tam eximias virtutes esse confirmat, (o) vt nunc quoque digna sint, quæ illi, quibus sincera virtus cum sermone Græco pariter ac Latino coniuncta in iusto pretio sit, diu multumque in manibus habeant. *Morbofius*, quo superius sæculum maiorem polyhistorum non habuit, *Caseli* opuscula vno volumine comprehensa ma-

X 5

gno-

(o) epist. sæpius citat.

gnopere itidem desiderauit. (p) Celebrerrimus *Crenius*, vt vtilissima hæc scripta ab interitu vindicentur, hodieque expetit. (q) Sed quis omnes, quibus idem maxime in optatis adhuc fuit, enumerare posset? *Conr. Rittershusius* post obitum statim *Casellii Horneium* per litteras diligenter exhortatus est, vt omnia Caseliana accurate collecta, dum simul ederentur, magna cura adseruaret: nihil enim istorum esse, quin luce dignum & eximium prorsus foret. (r) Serenissimi adeo Brunouicensium Duces clarissimis viris hac de re negotium dederunt; vt scilicet Caselianas commentationes summo studio conquistas in lucem proferrent. Nam & hi iudicabant, nihil vtilius fieri posse, quam si tot & tam aureæ lucubrationes in omnium manibus essent, & a studiosa iuuentute sedulo cognoscerentur; cum nemo de ipsius ad eloquentiam, virtutem, ciuilemque prudentiam educatione præclariora prodiderit. (s) Nec vero defuerunt tum, qui salutis publicæ consulturi, editionem moliti sunt.

Moli-

(p) Polyh. l. I. p. 298. (q) Animaduers. philolog. & historic. P. I, p. 76. (r) Hornei in præfat. op. Casel. politic. (s) ibid.

Molitus eam est *Christophorus Heidmanus*, sed frustra: debemus tamen ei Caseliana quædam, supra a me citata. Hic postquam abiisset in Daniam, ibique paullo post mortuus esset, *Conr. Horneius* id, quod *Heidmano* præstare non licuit, effecturus tum putabatur; præter enim quam quod magni *Rittersbusii* hortatu excitatus fuerat, mandata itidem de Caselianis scriptis colligendis, publicisque sumptibus edendis a principe habebat. Pietas præterea erga præceptorem, ac beneficiorum ab eo acceptorum memoria, & publicum in primis commodum editionem ab *Horneio* exposcere videbantur. Quare omnem moram abiciendam, ac rei demum initium faciendum censuit; præsertim cum *Ioachimus Gætzius*, præcipuus Brunsvigensis consiliarius, operis accessisset exactor. Primam tum Caselianorum adornavit partem, in quam tria supra indicata politica opuscula coniecit, in quibus singulas sententias singula testimonia esse iudicabat: ut & reliqua ordine subsequerentur, facturum se spondit simul, sed nihil plane subsecutum est præter duas istas rhetoricas commentationes. Cum igitur desiderio eruditorum hoc modo nondum

dum satisfecisset *Horneius*; quippe minima *Caselianarum* lucubrationum pars edita sic erat. Alii adhuc existebant viri, qui de reliquis edendis capiebant consilium. Eodem fere tempore, quo *Horneius* de editione cogitabat, *Ioannes Kirchmanus* de eadem maxime etiam erat sollicitus; cui *Iannas Gruterus* persuaferat, ipsum hac opera philologis gratissimum facturum fore. (t) Antea autem *Henricus Hudemanus* huiusmodi quoque consilium iam inierat, adeo, ut *Casellii* monumenta ab se edita expectari posse fidem daret. (u) Postquam vero ab laudatis hactenus viris nihil effectum erat, omnium studium hac in re superaturus videbatur *Henricus Ernstius*, cum sæpissime nominatam distributionem publicasset: quamquam plurima scripta fuerant, quæ cognita quidem habebat, sed ab eruditibus, apud quos laterent, adhuc expectabat; & quamquam permulta notitiam ipsius fugiebant prorsus. *Sperlingium* idem consilium frustra agitalle, *Morbofius* testatur, in cuius bibliotheca pleraque *Casellii* scripta adserua-

(t) epist. ad Kirchm. 122. 123. 124. cum aliis
Cl. Burmani cura ex biblioth. Gudian. edit.

(u) præfat. carm. gnom. Casel.

seruata fuisse dicit. (x) Clarissimus denique *Dransfeldius*, cum poematum centuriam cederet, spem denuo concitauit, facturum se tandem aliquando, vt tamdiu desideratæ *Caseli* lucubrationes prodirent. quod vt faceret, *Conringius* publico quasi nomine obtestabatur, demonstrans, ipsum nulla re orbem rectius posse demereri. (y) Neque vero a clarissimo hoc viro tam diuturna exspectatio adhuc expleta est. quo tamen nemo facilius præstare id posset, cum, vt TV, VIR celeberrime, narraſti mihi, omnes Caselianas lucubrationes ipse habeat. Cum itaque spes a viro hoc concitata eruditòs iterum frustrata videretur, noua spe ducti sunt, TE optatis demum responsurum esse: id quod mihi etiam, cum Ienæ adhuc viuerem, persuasum fuerat. Ea re quamprimum in Iuliam perueneram, ex TE sciscitatus sum, an spes adhuc esset reliqua. quid vero a TE responsum tum mihi sit, in principio iam commemorauit: editionem, nempe optandam magis, quam sperandam esse.

Quid in causa sit, cur editio hæc toties frustra sit suscepta, multi fortasse, & quidem non

(x) Polyh. lib. I. p. 298. (y) in citat. epist.

non iniuria, interrogauerint. *Ianus Gruterus*, ne *Casellii* lucubrationes perpetuo desideraturi simus, verebatur iam tum; præsertim si *Ioach. Tonagli*, a quo diligentissime eas collectas esse cognouerat, bibliotheca esset distracta. (x) *Tonaglo* huic et si senatus Lubecensis pharmacopolii tantum curam crediderat: *Casellius* tamen de eo prædicat, (a) studiorum humanitatis cultorem ipsum fuisse eximium, qui ingenuis artibus sic excultus, ac in veterum scriptis tantopere versatus fuerit, ut horum similia, si conabatur, ipse pangeret. Sed licet viri huius bibliotheca iam pridem dissipata sine dubio sit; & licet is, qui *Casellii* pro arte poetarum orationem denuo edidit, (b) asseueret, ex huius intimis familiaribus quosdam fuisse, qui nonnulla ipsius monumenta numquam viderint: mihi tamen, persuasissimum est, omnia hæc ex diuersis bibliothecis colligi adhuc posse. Equidem cuncta me memorasse, nemini persuadere cupio: *Casellium* certe pauca admodum præter ista publicasse, confido. quæ vero

(x) ep. ad I. Kirchm. ex bibl. Gud. a Burman. edit. 21. (a) progr. funebr. Schellenberg. script. (b) Helmst. 1638.

vero protuli scripta, omnia, si quam paucissima excepero, ubi latent, non ignoro; qui, ut ipse inspicerem ea, studiose operam dedi. Aliam igitur causam, cur editionem toties frustra moliti sint, subesse puto, præcipue quando in *Cl. Dransfeldii* bibliotheca omnia Caseliana adseruentur. *Heidmanus*, *Horneio* testante, (c) publico bono principisque voluntati hac in re plane non defuisset, utpote qui præceptoris sui exemplo publicæ utilitati totum se addixerat, nisi calamitosa tempora incidissent, & ipse mature nimis mortalitate fuisset interceptus. Quid obstiterit sibi, quominus consilium, quod ceperat, exsecutus sit, ipse indicat, quando illorum, qui rem librariam exercuerint, voluntatem studiumque defuisse sibi adfirmat. (d) Eadem hæc quin *Hudemano* atque *Sperlingio* defuerint, non dubito. *Ernstius* certe, cum distributionem suam ederet, metuebat, (e) ne & ipse temporum hominumque iniquitatem in ipsa Caselianorum editione experiretur. Vtrum *Cl. Dransfeldius* de eadem iniquitate conqueratur, ignoro: dubitandum

(c) præfat. op. Casel. polit. (d) præfat. enchirid. præcat. (e) præfat. distrib. libr. Casel.

dum saltem non est, quin, si in ipso solo situm adhuc fuisset, iam pridem promissis stetisset suis. Sed quoquo modo se res habet, cum mecum reputo, tot boni publici studiosissimos viros editionem frustra tentasse, omnis fere spes concidit; ita, ut TIBI, celeberrime VIR, quilibet facile adferri posse videatur, istam optandam magis esse, quam sperandam. Nisi *Cl. Dransfeldius* summe reuerendi Fratris TVI cohortatione, quæ non ita pridem reliquis summorum virorum hac in re accessit obtestationibus, (f) concitatus, omnia, quæ editionem impediuerunt adhuc, superarit. Id quod maxime omnino optandum est, atque eo magis, quod opera etiam ista, quæ *Horneii* studio de integro prodierunt, in tabernis librariis iam dudum venire desierint. Ex editione ea, si prostaret, vberissimi ad plurimos redundare possent fructus. omnes plaris æstimaturos fore *Casellium*, confidebat Heidmanus, (g) si scripta eius, indigna, quæ tenebris quasi addicta perpetuo delitescant, in lucem & conspectum
eru-

(f) præfat. Dransfeld. Allocut. præmiss.

(g) citat. præf.

eruditioris orbis producerentur. Præ mille aliis aliorum nugis, *Grutero* ita iudicante, (b) lucem mererentur aspicere; cum sint, qui vnicam a *Caselio* conscriptam pagellam, quam reliquarum ineptiarum, quibus tabernæ nunc distenduntur, totas struices legere malint. (i) Cum *Vincentius Fabricius Vagetii* rogatu typographum, qui *Caselianas* epistolas imprimeret, frustra quæsiuisset, se comperisse tum dicit, (k) hoc nostro sæculo vñtatissimum esse, homines vtilitatem publicam in minimis ponentes, de privato commodo vehementius laborare. vilium scilicet chartarum, quibus aut scurræ delectentur, aut grauissimorum hominum proscindatur fama, tota quotidie in vulgus extrudi plaustra: clarissimorum contra virorum, quorum eruditio ac virtus sæculo dicata sit, curas fastidiri. *Bibliopolæ* quidem non soli, vt puto, in culpa sunt, qui ad sæculi genium accommodare se consueuerunt. Hi *Caseliana* sumptibus suis denuo edere minus fortasse recusaturi essent, si elegantiorum litterarum cultorum

Y

rum

(b) cit. ep. ad Kirchm. (i) *Vinc. Fabricius* epist. p. m. 167. (k) *ibid.*

rum maior esset numerus, quo plures sese offerrent emptores. Tribus circiter ab hinc annis bibliopola Ienenfis *Sturmii* elegantissimum de lingua Latina resoluenda libellum, supra prædicatum, prelo iterum subiici curavit, promittens simul, se reliqua *Sturmii* monumenta sumptibus suis publicaturum esse, si iste libellus ex sententia venderetur: sed quantum ego intelligere potui, nihil amplius de Sturmianis post hac comparuit; ut valde adeo dubitandum sit, an bibliopolæ heredes promissa ista persolvere potuerint. Sic invida fata laudabiles maxime conatus prohibent plerumque ac reprimunt. Quo diutius vero intermissa fuerit Caselianorum editio, eo diligentius illis, qui tanto bono perfrui cupiunt, vigilandum erit, an forte ex bibliothecis auctione publica diuendendis acquirere queant aureas has lucubrationes. quæ in re felicem ego me existimo, qui ex duabus huiusmodi bibliothecis non spernendam istarum partem nuper impetrarim.

Hæc sunt, quæ de *Caseli* præclaris erga bonas litteras meritis, eiusque monumentorum præstantia epistola hac ad TE scripta pro-

preferre constitui. in qua scribendi licet materies tantum mihi creuerit, vt epistolæ fines egressus videar: tanta tamen præstantissimi viri meritorum magnitudo est, vt minimam eorum partem scribendo sim complexus. Plurima ex ipsius *Caseli* scriptis excerpti, quod facile cognoueris, etsi, ex quibus sumpserim ea, a me sæpius non fuerit indicatum. quo minus id factum sit, ingens prohibuit scriptorum numerus, quæ, cum paginæ, vt nosti, adscriptæ istis non sint, difficillime citantur. accedit, quod si omnes lucubrationes, epistolas omnes indicare voluissem, ex quibus, ipsis fere *Caseli* verbis retentis, mutuatus quædam sum, integræ paginæ solis allegatis locis sæpe essent completæ. Expectationi T V A E si minus satisfecero, conatum saltem & grati animi declarandi studium T E non improbatum confido. Vale, celeberrime VIR, & TVAM in me beneuolentiam, si dignum me ea cognoueris, conserua. Scribebam Wolffenbutteli IV Id. Mart. CIO MDCC VII.

PROGRAMMA,
quô ad
FUNEREAS EXEQUIAS
VIRO CLARISSIMO ET PRÆ-
STANTISSIMO

MARCO HASSÆO,
Philosophiæ Doctori, Lin-
guæ Sanctæ Professori bis emerito,
adeoque justis honestissimis di-
gnissimo,

*Hodie horâ media primâ parandas,
cobonestandas,*

Domini Professores, Do-
ctores, Magistri, Verbi divini
Ministri,

*omnesque cives & incolæ literatis
faventes invitantur.*

P. P.

RECTORE
THOMA LINDEMANNNO,
Jurium Doct. & Professore.

ÆTatis humanæ ante cataclysmum universalem ultra nongentos annos extensæ & productæ, post verò sensim restrictæ & brevissimis terminis circumscriptæ, causas naturales sollicitè indagare viri docti complurès sategerunt. Alii victus rationi, alii aëris temperiei, alii diversæ annorum computationi, alii malitiæ hominum crescenti & inde nativo calori imminuto, alii astris, alii occultis numeris Pythagoricis, varietatem hanc tribuerunt. Et certè diætam ciborumque delectum ætati protrahendæ conferre, Plinius & Herodotus exemplis Æthiopum macrobiorum testantur: idem de Cyrio Athenæus, de Democrito, Hippocrate, Sophocle, Hesiodo, Apollonio, Demonace, Pollione Romano & Galeno, aliisque viris doctis, centesimum ætatis annum superstiribus, Coelius, Volaterranus, Laërtius, imprimis verò plurimis Polybiorum exemplis congestis Phlegon Trallianus in Catalogo longævorum demonstravit.

Aëris quoque diversam constitutionem sub certis cœli climatibus vitæ telam producere vel abrumperè Orosius notat, dùm nonnullas provincias à morborum affecti-

bus penitus immunes & innoxias esse memorat. Pythagoricæ quoque climaci seu scalæ fatalem aliquam vim inesse experientia docuit. Astrorum oppositiones, conjunctiones corporibus humanis dominari exempla innumera evicerunt. Aristoteles causam animæ & corporis celerioris διαλύσεως primam materiam πολυμέρεσθιν esse ait, quæ pertaxa ignobilioris domicilii, corporis scil. naturalis, aliam formam nobiliorem & meliorem appetat. Rationes hæ & similes humanæ mentis acie adinventæ, ad normam verbi divini revocatæ haud consistunt. Paulus Apostolus veram causam mortis non ex Philosophorum, sed Spiritus S. Schola depromens, peccatum esse κέντρον καὶ ὁψώνιον τῆ θανάτου scribit: Ejus verò adventum certum, momentum terminum soli Jehovæ cognitum, ejusdem arbitrio præfixum, nobis absconditum, brevem, longum, adeoque incertissimum esse, cum Patriarcha tum Prophetæ pluribus locis graphicè depinxerunt, comprobaverunt. Peccati autem lex quò abundantior, eò humano generi adgnata, imò ingenuita à primis parentibus, nec citior esse cœpit, attestante ipso Jehova, Gen. VI.

Lon-

Longævam tamen vitam inprimisque canitiem, Syracidis corona, Timore Domini & variarum rerum peritiâ, exornatam inter benedictiones divinas reputari, Moses Devt. XI. & David Psal. XCI. confirmant.

Benedictionem talem expertus quoque est Vir Clarissimus, MARCUS HASÆVS, Philosophiæ Doctor, in hac Alma nostra Academia quadraginta annos publicus Professor, Collega noster honorandus, qui climactericum egressus decimum, vitæ satur, in timore Domini bonam militiam militans, ad finem constanter perseverans, hujus mensis die 9. vitæ caducæ carceres relinquens, in cœlestem patriam migravit, ibidemque coronâ æternæ gloriæ redimitus & cinctus in coetu electorum velut lucidissima stella coruscat.

Natus autem fuit piè defunctus Anno 1549. die lunæ post Dominicam Jubilate, Havelbergæ, Marchiæ, Episcopatu nobili civitate, parentibus honestissimis, patre JOACHIMO HASÆO, cive ejus loci primario, & matre honoratissima, CATHARINA SALEMANS, Fratres habuit duos, MATTHIAM & IOACHIMVM, illum in Marchia,

hunc verò apud nos ante paucos annos in, πολίτευμα coeleste præmissum ; sorores itidem duas, BARBARAM & ANNAM, ex quibus omnibus nepotes neptesque prognatas paterno affectu adamavit, liberorumque loco censuit, ad virtutis viam manu quasi duxit & amoris, ac laboris hujus in nepotibus, inprimis verò Viro Amplissimo, prudentissimo, IOACHIMO HASSÆO, Reip. Perlebergensis Consule, Practico eximio, amico nostro singulari, nec non ejusdem fratribus & fratrue libus percepit: qui omnes cum Epaminonda, quod virtutis suæ spectatorem hunc patrem patrum habuerint, meritò volupe sibi duxerunt. A parentibus prædictis pie defunctus à teneris, quod dicitur, unguiculis in timore Domini nutritus & educatus, infantilem ætatem egressus, præceptoribus patriis commissus, ab iis primis literis informatus, indolis generosioris signa indubia edens, patrem permovit, ut ipsi alias quoque scholas triviales adeundi & frequentandi licentiam faceret. Primò itaque Anno 1561. in Pritzvaldensem, deinde Anno 1563. Seehausensem, scholas ablegatus, in quibus principia in patria hausta excoluit, artium humanio-

niorum & politiorum adminiculis firmavit, atque hocce subsidio suffultus, virtutis callem gradatim non per saltum (prout multi ausu temerario & Icario tentant) scandens, Magdeburgense Gymnasium accessit, in eoque viris celeberrimis, SIGFRIDO SACCO, DIONTSIO TRAGENDORFFIO, GEORGIO ROLLENHAGIO, clavum litterarium moderantibus, Xystum Philosophiæ feliciter decurrere cœpit; in quo, quantum tyroni saterat, exercitatus, Wittenbergam, velut uberiores scientiarum mercatum & ἀγορὰν ἐλευθέραν contendit, ibidem Musis sublimioribus initiatus & alumnus fidelis agnitus fuit. Insuper anno 1571. felici auspicio ad almam matrem hancce, nostram Academiam se convertit: eamque sibi propitiam & Mœcenatum plurimorum conciliatricem reperit. Unde & eam velut fidam nutricem per integrum quinquennium coluit, alios docendo semetipsum erudit & Encyclopædiam integram absolvit. Unde nec Musæ hunc strenuum & industrium antistitem præmiis condignis defraudarunt; sed in Academia Francofurtana, quam Anno 1577. salutatum iverat, summis Philosophiæ honoribus decorarunt: quibus

bus licet clarus & fulgens, ulterius tamen inclarescendi & virtutis radiis coruscandi cupidine flagrans, Lipsiacis quoq; Musis litavit & in earundem sacratio specimina ingenii præclara edidit. Tandem fatis ità destinantibus, almam hanc matrem suam revisit, ab eadem maternò affectu & amplexu receptus, Junoni juxta ac Apollini commendatus, pedem figere jussus est. Juno namque amoris honesti pedicas ei iniecit: Apollo stationem, in qua cum laude & fructu se exercere & velitando honori suo velificari posset, aperuit. Vocationi divinæ itaque lubens paruit, & annum agens trigessimum, adeoque in ipsa virili *ἀνὴρ* constitutus, Anno 1579. conjugium (quod Paulus Ictus vitæ omnis consortium, juris divini & humani communicationem definit) iniit, cum puella honestissima omnium virginalium, virtutum splendore conspicua, ANNA Schröders/ LAVRENTII Schröders/ civis hujus urbis primarii, filia. Accidit sub idem tempus, ut Professio Pædagogica vacaret. Cùm itaque piè defunctus & patronis & Academiae patribus eruditionem & in docendo dexteritatem probasset, præ omnibus aliis dignus & idoneus omnium
fuf-

suffragiis, cui vacans functio demandaretur, reputatus est. Unde Anno 1580. Professor Pædagogicus & Collegii Fratrum Inspector delectus, & solenni Introductionis ritu interveniente, declaratus est. Spartam hancce sibi commissam tantò studiò, industrià & fide exornavit, ut servi fidelis apud Evangelistam exemplo pluribus & gravioribus expediendis præfici meruerit. Unde & Professio Philosophiæ Moralis simul cum Pædagogica, præviâ Collegarum legitimâ nominatione, Anno 1584. ipsi commendata; quâ occasione in numerum Senatorum Concilii cooptatus, omnibus charus Collega extitit & officia hæc conjunctim usque ad annum 1595. tantâ fide obiit, ut utrumque Academicum Collegium ad æmulationem usque Virum hunc promotum cuperet. Vacante itaque Sanctæ Lingvæ Professione, ad commendationem Viri incomparabilis, DAVIDIS CHITTRÆI, & Politicorum bonorum Phœnicis IACOBI BORDINGI, aliisque Collegis conspirantibus (*οἱς πῦρ ἐν ἀγίοις*) à Divo VDALRICO, Duce Megapolitano, Patriæ Patrè, Academiæ Cancellario & Patrono clementissimo, ad sublimiorem prædictam functionem e-

vo-

vocatus , tertiâ vice anno 95. publicus Hebrææ Linguæ Professor proclamatus est.

Talentum hoc novum sibi conceditum ita collocavit , ut ejusdem fœnore Ecclesias & Scholas innumeras ditavit & laticibus Israël's fontibus limpidissimis irrigavit. Nec enim publicè tantùm fideliter & indefinenter docuit , sed & privatam scholam domi suæ apertam habuit , ex qua præclara Ecclesiæ , Scholæ & Reipublicæ organa adornata , velut ex equo Trojano eduxit. In statione Academica rarò & singulari exemplo per integros 40. annos miles Dei animosus & constans perstitit , eoque ipsò non rude tantùm donari sed & ex Ictorum communi sententia duplici comitativa dignitate ornari meruit , arg. l. i. C. de profess. qui in urb. Constant. Decies Decanatu , bis Rectoratu , ter Pro-Rectoratu , sine cujuspiam justa reprehensione , functus est. Inter ingenii monumenta , quæ reliquit , principem locum sibi vindicat Paraphrasis Psalmorum Epica & Sapphica. Præceptoribus quoque suis & amicis , quorum institutione & conversatione familiaris usus est , Carmen Eucharisticum Heroicum dicavit. Porro Anno 1613. thori fidâ consorte , senectutis scio-

pio-

pione, orbatus, viduum lectum aliquandiu pressit, ast Jehova Directore & proxenetâ Anno 1614. d. 21. Septembris ad secunda vota transiit, & virginem lectissimam ac pudicissimam CATHARINAM Glindtes/MATTHIÆ Glindtes/ civis hujus urbis primarii, filiam, nunc viri spectatissimi, IOACHIMI SNOKELS, privignam, vitæ sociam sibi delegit, cum qua tranquillè & placidè sexennium transegit.

Conjugium utrumque licet sterile, attamen non minus concors, ac si pluribus pignoribus conjugalibus firmatum fuisset, est expertus. Ab obitu Viri Consultissimi, BARTHOLOMÆI CLINGII, Icti eminentissimi, Pro-Soceri nostri honorandi, inter Professores Senior extitit. Postquam verò annum septuagesimum climactericum, humanæ vitæ terminum exsuperasset, & horam ultimam adventare adverteret, ac in omnibus membris nuncium ejusdem sentiret, ad piam ex hoc ergastulo emigrationem cotidie se paravit, viatico salvifico sanguinis & corporis Christi se instruxit & subinde verficulos proprios ob oculos positos, ultimâ senectâ fusos, ingeminavit:

Qui

*Qui me servasti puerum, juvenemque, senemque,
Infirnum serva, nunc quoque Christe senem.*

*Donec ad aeternae caelestia gaudia vita
Ducar, ubi Angelicâ voce Halelnja canam.*

Voti huius tantopere expetiti 9. huius mensis die compos factus est. Cum enim à Michaëlis festo raucedine continuâ laborasset, inde humore radicali sensim deficiente, spiritibus & alimentis via obstructa esset, tandem marasmo senili inter horam 12. & 1. dicto die, sopore quasi obdormiscens, placidè exspiravit. Subtractiones columnarum lapsus ædificiorum subsequi : Obitus seniorum fatales Rerump. & Scholarum, paroxysmos & periodos prælagire solent: Hilico, Ambrosio Episcopo è vivorum numero crepto, vastationem Italiae prædixit, eventusque probavit. Ast faceffant oscines infaulti, omnibus funestis occurramus piis votis, iisq; poenas promeritas à patronorum nostrisq; cervicibus avertere studeamus. Quod superest, Seniori nostro debita iusta exsolvamus. Senectus, Callistrato Icto teste, Romanis venerabilis fuit : Atheniensibus piaculum erat, si senibus vivis non assurrexissent, piis manibus non sacrificassent.

sent. Collega noster piè defunctus nulla à nobis sacrificia, silicernia nulla, non corollas, cupressus, amaranthum similemque pompam, sed exequias christianas exposcit. Quas neminem reperiri in Academico cœtù existimo, qui ultrò & sponte præstare non aveat.

Cum itaque hodierni diei hora media prima funebri deductioni indicta sit, rogamus, monemus & hortamur omnes Academicæ cives, ut eam cohonestatum in æde Mariana frequentes confluant, erga Seniore, Collegam, Præceptorem, Patrem, ejusque relictam mœstam viduam totamque adeò familiam, imprimis verò matrem hancce suam communem, amorem, mœrorem, benevolentiam & συμπάθειαν, contestentur, finis citò pede subsequenti piè recordentur, Deumque, is vulnus hocce Academicæ inflictum sanet & consolidet, precentur. P.P. Rostochii, 11. Jan. Anno M. DC. XX.

Programma aliud funebre propositum est eodem die à Decano & Professoribus Collegii Philosophici.

SCRIPTA.

Paraphrasis Psalmorum Epica.

Psalmi Davidis carmine sapphico.

Vid. Henningus Wittenius Diar. Biogr.

T. 1. ad annum MDCXX. lit. 2. i. b.

Ἑπαινετικὸν καὶ μνημονευτικὸν Dnn. Præceptorum, quos ego inde ab adolescentia mea ad ultimum usque vitæ actum, tum in celebri Schola Magdeburgensi, tum in septem Academiis Germanicis & Regia Hassniensi, publicè & privatim Hebraica partim docentes audiui, partim conferendi de iisdem animo conveni, & amicorum, quos in aliis quibusdam civitatibus celebribus studiorum Hebraicorum amore mihi conciliaui, M. Marcus Hassæus, Havelb., in Alma Ros. Acad. Hebr. Ling. Profess. Publ. Rostochii 1608. in 4.

PRO-

PROGRAMMA,

Quò

RECTOR

UNIVERSITATIS ROSTOCHIENSIS,

JOHANNES COR-
FINIUS

S.S. Theol. D. Moraliū Professor
& ad D. Mar. Pastor,

Ad

E X E Q U I A S,

Quas

VIRO EXCELLENTISSIMO ET
CLARISSIMO,

DN. M. CHRISTIANO
ARNDIO,

Logices Professori in Universitate
hac Ordinario & laudatissimo,

MARITO SUO DESIDERATISSIMO,

Magna cum animi agitudine paratura est
VIDUA RELICTA MOESTISSIMA,

Hodie hora 1. in Templo Jacobaeo

Cunctos Universitatis Cives peramanter &
sedulò invitat.

Z

Non

NOn ita pridem Viros duos ex celebriore Gustroviensi sinu transmissos Balthicum hoc Rosetum gremio suo exceperat, qui decore & vigore juvenili decenter florebant, eruditione verò fulgebant præclarâ, de quibus nonnisi egregia & magna deinceps polliceri poterat, sed quæ proh dolor vitæ hujus fugacissima vicissitudo est, illi, qui intra annum prope modum spatium ad functionem dignitatemque Professorum fuerant cooptati & evecti, intra trimestrem temporis decursum orbi rursus valedixere magnumque sui desiderium universo Academico choro reliquerunt. In extremo anni proximè elapsi exitu Virum admodum Reverendum & Excellentissimum, DN. DANIELEM MICHAЕLEM, Gustroviensem, S.S. Theol. Doctorem ejusdemque dignissimum Professore, de Academica juventute præclarè merentem, Amicum, quantisper vixit, conjunctissimum, tumulo commisimus, non absque publico bonorum omnium luctu, sed isto vulnere vixdum aliquatenus obducto, iterum recrudescit dolorosa cicatrix, dùm Collegæ optatissimi & excellentissimi Viri, DN. M. CHRISTIANI ARNDII, Gustroviensis, Logi-

Logices Professoris clarissimi, funus sit indicendum, qui juxta cum priore non mediocrem Academiae spem fecerat emolumenti publici. Utinam verò subacta eruditionis copia in arcendo mortis immaturæ insultu quidquam valuisset, vel nostris saltem votis aliquid licuisset impetrare, sanè ad seros hi ipsi longissimè servati fuissent nepotes, sed ut bonorum cæterorum omnium, ita eruditionis quoque affluentia in nece fuganda ne minimum quidem præstabit. Præclara equidem doctrinæ est possessio, cujus vigorem & constantiam nulla belli rabies, tumultus nullus, nulla denique, etiamsi furibunda fuerit, maris tempestas, demere aut annihilare valebit, quod ipsum Græci affabrè suo apophtegmate pronunciarunt:

Ἀναφαίρετον κτῆμα ἐστὶ καὶδεία θεοῦ,

Doctrina non potest Domino eripi suo,

unde insigniores aliquot sapientes post immissam infortunii cladem intrepidam mentis fortitudinem evidentissimè aperuerunt. Aristippus quondam naufragio ejectus ad Rhodiensium littus in Gymnasium venit deque Philosophia disputavit; dicentibus verò

comitibus, qui de reditu in patriam cogita-

bant: Num quid suis nunciari vellet? jussit dicere, ejusmodi possessiones & viatica liberis oportere parari, quæ etiam cum naufragio possent unâ enatare. Confinile de Stilpone Seneca memorat, in Epist. Illum videlicet captâ patriâ, amissis liberis, ipsâ etiam uxore amissâ cum ex publico incendio solus exiret, Demetrio (cui cognomen ob excidium urbium Poliorcetes fuit) interroganti, num quid perdidisset? respondisse: Omnia mea bona mecum sunt, adeoque virum fortem & strenuum ipsam hostis sui victoriam vicisse. Sed quantumvis ea propter Eruditionis possessio eminentissima sit & singulari polleat excellentiâ, neque abs re κτῆμα κάλλιστον indigitetur; attamen nulla omnino ipsius prærogativa est, efficacia nulla, simulac morborum mortisque decumanæ ingruunt procellæ, juxta cum ignorantissimis ipsi etiam rerum divinarum humanarumque indagatores industrii & præclarissimi occidunt, neque ad momentum placatur aut cohibetur sævior mortis impetus. Veruntamen habent eruditiores & generosæ mentis Candidati præ reliqua crassa gente Menent, de quo sibi laud immerito gratulabuntur, ipsi etenim
omni-

omnium exactissimè vitæ evanescentis fragilitatem & molem adjunctam molestissimam ponderare queunt, propterea citissimè ad abitum animos apparabunt, ne inviti, sed cum animi lubricine ex hac mortalium scena emigrent, fluxa quoque floccifacienda esse maturè observabunt, ne scrupulum illa injiciant tardentque animum ad cœlestia aspirantem. Brevisssimam fore vitam ignorare sanè nequeunt, proinde longiorem haud optant, ne molestias sibi eligere videantur, neque fallaci vitæ diuturnioris fascino proprios divexant oculos. Ærumnosam fragilemque vitæ conditionem olim adumbraturi sapientes, totum vitæ tractum nuncuparunt *σπιθαμὴν*, mensurâ videlicet exiguâ fugacem mortalitatis demonstrare periodum sategerunt; quorum sententiam suo quoque calculo confirmavit Psaltes Regius, dum vitæ dies *תפוח* seu palmis assimilare haud dubitavit. Nunquam verò satis demirari licebit usque adeò in jubare meridiano quosdam cœcutire homines, & cum ipsa ratione insanire, qui anhelante Spiritu anxie optant desiderantque fervidè ætatem longæviorē; ponderare debebant miseri, quæ quantaque in

hac valle ærumnis obsepta perpetiantur, neque unquam putare, sese semper victuros, neque morituros unquam. Tempia cadunt & saxa, marmora quoque ferro plumboque consolidata, & homines merâ fragilitate scatentes se nunquam morituros existimant. Longiorem annorum seriem, & sexagenariorum vel septuagenariorum senium singulis annis, mensibus, diebus, sibi pollicentur, qui singulis potius horis momentisque necem imminere præsentissimam, ruminare debebant. Concinnè hos correxit Morus:

Nugamur, mortemque procul procul esse putamus,

Ast mediis latet hac abdita visceribus.

Scilicet ex illa, quâ primùm nascimur horâ

Prorepunt, junctò vitæque morsque pedo.

Partem aliquam furtim quâ se metitur, & ipsam

Surripit è vitâ qualibet hora tua.

Horam emortualet vitam demum decurrere complures autumant, quam tamen unaquæque hora & momentum quodvis depascit, scilicet

Paulatim morimur, momentò exstinguimur unò,

Non secus ac lampas deficiente oleò.

Falsa est computatio, quod crescere dies censeantur, qui re ipsa minuuntur, crescentibus sanè hominibus dies decedunt potius quam

quàm accedunt. Constitue homini nato, septuaginta vel octoginta annos, quicquid vivit, de summa minuit; nihilominus de natalitiis recurrentibus & nobismet ipsis gratulamur, & aliis charissimis. Si vinum tibi minuatur in dolio, tristaris? dies perdis, & gaudes? Mali dies sunt & eò peiores, quia diliguntur; sic blanditur mundus, ut nemo velit finire vitam ærumnosam. Hæc ipsa Hipponensium Antistes pulchrè secum suo seculo ponderavit & aliis expendenda expressit. Neque sola brevitæ vitæ tædium injicit, sed præcipuè adversitatum copiosa messis, ipsa enim utcunque brevissima sit, molestiis nihilominus usquè adeò abundat, ut comparatione ejus mors remedium esse putetur, non pœna; & ideò singularem benignitatem declaraturus, brevem istam Deus fecit, ut molestiæ perplexæ, quæ prosperitate vinci tollique non poterant, temporis exiguitate tandem finirentur. Neque verò unquam vixit ullus mortalium, qui non aliqualem hujus absinthii degustaverit amaritudinem, namque

Οὐκ ἔστιν εὐρεῖν βίον ἀλυσκον ἔδει:

quod si cætera defuerint incommoda, cum propriis decertant curis homines, super-

vacuis ut plurimum neque inutilibus modò, sed damnosis quoque & pestiferis. Quò citiùs itaque hanc sarcinam licuerit deponere, eò feliciores erunt censendi, namque multa pœnitenda occurrunt diu vivendo; hinc Seneca pulcerrimè: *Hoc unum discas, monet, vitam contemnere.* Nemo illam benè rexit, nisi qui contemserit. Idcirco non infelicius neque inconsultius foret, sicut in æquore solent suspecto nautæ circumspecti clavum flectere, diuque ante solis occasum submittere vela, sic in vita portum petere & adhuc florenti ætate atque animo virenti & valentibus membris mori, priusquam eò perventum sit, quò saltem vita longior perducit, ad ultimas scilicet angustias senectutis, inter quas arctari quidam & vixisse dolent & mori metuunt, & toties voti exoptatum tempus excusant, denique, quid velint & quid nolint, nesciunt. Nec tamen propterea imperfectior erit vita, quod finita sit citò, dummodò honesta fuerit, ubicunque desines, si bene desinas, tota est.

Quamvis ergò Excellentissimus & Clarissimus Academiae Professor, DN. M. CHRISTIANVS ARNDIVS, tricesimo ætatis anno nondum

dum absoluto, vitæ cursum jam absolverit, non idcirco infelicior existimandus est, cum ad cœlestem Hierosolymam & Universitatem Electorum ocyus concesserit, adeoque obitus beatus felicitatis non minimæ sit particula, sed prodromus gaudii æterni. Hunc nobis cum fatalis necis terminus surripuerit, nunc pro more ejus indicandæ erunt exequiæ, & illa exponenda, quæ consuetudinis lex recensere postulat. Patriam ante indicavimus, ex illa enim oriundus est vicina civitate, quæ Illustrissimorum Megapolensium Ducum aulâ jam pridem celeberrima fuit. Gustroviensem indigito sedem. Patrem nactus est istius loci Antistitem, Virum Plurimum Reverendum, DN. M. SAMVELEM ARNDIVM, per integros triginta duosque annos Gustroviensium Verbi Præconem fidelissimum, hodie Diœcesium Rostochiensis & Gustroviensis Superintendentem benè meritum, Affinem & amicum nostrum honoratissimum, cui quantum & quàm penetrabilem hoc discessu immaturo inflixerit dolorem mœroremque Filius primogenitus, litteris præclare excultus & in Academica dignitate jam ef-

florescens, illi conjicient facile, qui non penitus sunt ignorantes, quid *σοφῶν* paterna valeat; huic itaque Parenti afflictissimo, ut tantum minuat dolorem facer Spiritus fortitudinis, enixè precamur. Matrem, quam ad cœli gaudia præmissam nunc subsecutus est, habuit ANNAM MERTELIAM; Fœminam moribus & virtute laudatissimam, Viri Reverendi & Litteratissimi DN. ERHARDI MERTELII, Cathedralis Ecclesiæ GUSTROVIENSIS per ipsos XX. annos Ecclesiastæ vigilantissimi, Filiam. His parentibus in lucem editus, cum cœlesti lavacro lotus esset, ab iisdem privatim ac domi, curâ nunquam interruptâ, pietatis virtutumque rudimenta hausit, atque adeò morigerum placitisque paternis se obsequentem exhibuit, ut destinatâ operâ patriam propensionem non irritaret. Postea in Scholam traditus est Patriæ & litteris. coepit imbui humanioribus, quas pro singulari docilitate ingenii, quâ pollebat, celeriter hausit, atque deinceps coluit successu felici. Rudimenta Linguarum Artiumque doctus in celebrem Luneburgensium missus est ludum, ubi eò quoque studiò impigro & successu laudabili litteris invigilavit, ut demum

Lin-

Linguae Romanae & Graecae instructus, inde in nostram recta sese conferret Academiam, in qua cum aliquot ardore commendabili transegisset annos, supremo Philosophorum Gradu ornatus est, & illo velut stimulo excitatus dehinc animum ad studia Philosophica & Theologica exactius excolenda applicuit. Neque verò in patrio duntaxat commorari voluit solo, sed ad externos migravit & Batavorum famigeratissimas salutavit lustravitque Universitates, atque Lugduni aliquantis per substitit, exinde ad florentissimas Germaniae concessit Academias, Wittebergensem cum primis, Lipsiensem & Argentoratensem, in quibus cum subsisteret, Theologorum celebratissimorum convictu usus fuit, & ex eorum conversatione prudentiae thesaurum instruere voluit: in Lipsiensi enim Viri admodum Reverendi & Celeberrimi DN. D. HÜLSEMANNI, in Argentoratensi verò admodum Reverendi & Praecellentissimi DN. D. DANNHAUVERI, Theologorum hoc seculo eminentissimorum mensa & contubernio usus est. Anno quadragesimo nono ex Academiis exteris redux, domi aliquantis per substitit, donec anno proximo sequen-

sequenti quinquagesimo ab Illustrissimo Principe & Domino, DN. ADOLPHO FRIDERICO, Duce Megapolitano, &c. Domino nostro Indulgentissimo, ad vacantem Logices Professionem in hanc Universitatem vocaretur; quam Professionis spartam die XV. Augusti assumptam ornare coepit, & utinam eandem per annos complures ornare, Deo decernente, valuisset! Connubium contraxit anno 1651. die 9. Julii, sociamque vitæ sibi elegit virginem pudicissimam, virtutumque ornatu egregiam, ANNAM Semcken/ Viri spectatissimi & integritate conspicui, DN. HERMANNI Semcken/ Civis primarii, filiam, nunc quidem viduam inopinato Mariti desideratissimi discessu maximè afflictam, ex qua filiolum suscepit, superstitem adhuc unicum, SAMVELEM CHRISTIANVM, parente charissimo præproperè orbatum. In officio publico ita sese gessit, ut nihil eorum intermitteret, quæ ad Academiae decus & studiosæ juventutis emolumenta pertinerent: Pietatis quoque, quæ reliquarum basis est virtutum, candidus cultor fuit & constans, quippe quâ nihil prius antiquiusque ducendum statueret. Hactenus verò viventis res expono-

posuimus, nunc ad extrema veniendum. Die hujus mensis 17. malè habere cœpit, cum feбри corripèretur continuâ, eâque admodum vehèmenti, cui vincendæ pares non erant vires, quas tamen non mediocres antea habuerat. Equidem Medicorum Excellentissimorum cura nihil intermisit, quod ad recuperandam faceret valetudinem, omnis nihilominus opera frustranea fuit, malum potius indies magis magisque crevit & sæviit. Ipse, cùm imminere ultimum vitæ terminum persentisceret, nihil æque in votis habuit, quàm ut Sèrvatori, interveniente S. S. Eucharistiâ, uniretur quanto-cyus, & sacrum istud Epulum cùm ab admodum Reverendo & Excellentissimo DN. D. CASPARO MAVRITIO, S. S. Theol. Professore & Ecclesiastè laudatissimo, Dn. Collega & Affine nostro conjunctissimo, præviâ confessione assumpsisset, ad placidam se animo lubentissimo composuit emigrationem, quam proximo XXIII. Martis die hora 8. vespertinâ inter amplexus & suspiria astantium, uxoris & Cognatorum placidè & tranquillè obtinuit, postquam trigèsimum ætatis annum vivendo nondum confecisset. Virtus equidem & e-

rudi-

ruditio singularis provectiorem ætatem omninò meruerant , sed cœlestis Doctoris propensio in Macariten tanta fuit, ut illum, ulterioribus orbis infortuniis exponi haud admiserit.

Exequiæ Viri hujus Excellentissimi & Collegæ optimi , hoc die in Æde D. Jacobo sacra , instituentur : istas verò ut frequentissimò comitatu ornetis , Cives Academici singuli peramanter rogamini , sic enim defuncti virtus postulat, insuper Dn. Parentis & Fratrum egregiorum atque reliquorum luctu correptorum mœror non mediocre solamen exinde colliget. P. P. Rostechii , die XXVIII. Martii , Anno MDCLIII.

Programma quoque pro more eidem scripsit Decanus Collegii Philosophici, suo & Collegarum nomine , eodem die & anno.

S C R I P T A.

Decas prima Exercitationum Sacro-Philologicarum è primis X. Capp. Geneseos, Præside D. Jo. Quistorpio, Professore Theologo, &c. Rostochii 1643.

Decas secunda Exercitationum Sacro-Phi-

Philologicarum, è seqq. à Cap. X. usque ad XX. Cap. Genescos, Præside D. Jo. Cothmanno, Professore Theologo, Rost. 1644.

De Philosophia Veterum Disp. I. ibid. 1650.

Oratio de vero usu Logices in Theologia, pronunciata publicè in Auditorio magno, cùm ad illam Professionem in Universitate Rostochiensis sustinendam solenniter more Academico introduceretur, ad d. XV. August. anno cdo MDCL. & notis illustrata. Rost. 1650.4.

Programma de elegantioribus Logices appellationibus, quò publicas Lectiones intimavit. Rost. eod. anno in 4to. In eo simul VI. Disputationes promittit, à se, ut loquitur, jam adornatas, duas quidem de Enunciatione, duas de Syllogismo, & totidem de Demonstratione, publicè habendas. Eæ verò an lucem publicam viderint, me latere lubens profiteor.

Discursus Politicus de principiis constituentibus & conservantibus Rempublicam. Rost. 1651.

In MSc. latent Notæ in Comp. Hist. Ecclesiast. Conr. Horneji, Coll. Logicum, aliaque.
In-

In Obitum,

*Perquam Reverendi Amplissimi
& Clarissimi*

V I R I

CHRISTOPHORI
SCHRADERI

Præpositi Bergensis & E-
loquentiæ in Academia Julia Profes-
soris Ordinarii celeberrimi & Scholarum
per Ducatum Guelphicum Inspecto-
ris Generalis

ANNO CIO DC LXXX. d. xxiv. Aprilis
pie beateque defuncti

ORATIO

habita de XXI. Maji

In Juleo

à

MELCHIORE SMIDIO

P. P. Ord.

Magnifice Dn. ProRector, spectabiles Dnn. Decani,

V I R I

Maximè Reverendi, Nobilissimi, Amplissimi, Consultissimi, Experientissimi, Clarissimi, Professores omnium Ordinum celeberrimi. Dnn. Fautores & Collegæ maximè honorandi. Pl. Reverendi Dnn. Pastores. Et tu ætate, animis, virtute ac eruditione florentissime studiosorum Juvenum catus.

SI, quam facilis est nobis mortalibus ad vitiorum valles, ignaviæ barathrum, socordiæ abyssum descensus, tam ad virtutis, eruditionis ac rerum præclare gestarum apicem penetrare foret in proclivi; Defunctorum optimè meritorum jacturam deplorare, eorumque post obitum memoriam celebrare, esset supervacaneum. Nunc autem cum non nisi una sit ad honores & gloriam accedendi via, laboris ac sudoris plena, animus vero noster ab hoc alienus proclivior sit ad voluptatem, lubidinem ac mollitiem, ideoque præstantium virorum semper fuerit, ac futura sit magna penuria, sanè quoties Resp. insigni pri-

vatur viro, merito lugemus, & ob illius à nobis discessum animis tristamur. Gentilium veterum, revelatum divinum verbum ignorantium exempla monent nos, ne sine elogio & laude ejusmodi magnorum virorum obitus ac memorias, prætermittamus, non solum, quod excellens virtus, cujus beneficia, tam publicè quam privatim nota sunt, hoc mereatur: verum etiam quod hisce æterni nominis præmiis, aliorum animi ad similes labores subeundos vel superandos accenduntur. Quò quis enim est mente generosior, veræque laudis avidior, eò magis & intentius alterius eadem viâ ad summam gloriam grassati vitam spectat, ejus consilia, tanquam cynosuram, observat, & instituta instar prælucentis facis, sectatur. Quorsum hæc meatendat oratio, Auditores honoratissimi, facile vobis est videre. Dies sunt non ita multi, quod illustris hæc Acad. Jul. Viri Amplissimi & *per integrum fere seculi semissem* de ea optime meriti, jacturam fecit. Fatis nimirum concessit, Vir maxime Reverendus & Amplissimus Christoph. Schraderus, Præpositus Bergensis Eloq. in hac Acad. Prof. Publ. & Scholarum in Ducatu

catu Guelphico Inspector Generalis, Ordinis Philosophici Senior, Juliae nostrae decus solidissimum. Cujus obitum jam luget non solum nobilissima *Schraderorum* & *Stifferorum* familia, sed & merito luget hæc nostra Academia, Senatus cum civibus ejus. Luget Ducatus Brunsv. & Lunæburgensis, lugent Scholæ ejus curæ paternæ quondam commissæ, lugent cœnobîa, quibus præfuit, luget nostra, cujus juventutem suavi voce docuit Germania, luget denique universus, quem gloriâ suâ complet, literatus orbis. De hujus eximii viri vita & obitu verba jam facere pietas me jubet, cogit virtus ejus illustris, quæ, quicquid à me laudabile dici potest, sibi vindicat. Athenæ æquissimis quondam legibus florentes, hoc inter alia observârunt, ut, si parentum sepulchra à filiis non essent rite curata & ornata, id in liberorum notabile vergeret detrimentum. B. Schraderi nostri virtus ac præstans eruditio jam xx. annis amplius est, cum ita me cepit, ut eum virum parentis loco colendum ac venerandum mihi proposuerim; cumque illius sepulchrum aliter ornandi copia non esset, hoc inculto, minimeque Schraderia-

nae Eloquentiae simili sermone funus ejus
prosequi volui, debui. Utinam ea mihi esset
eloquendi facultas quam illius eximia me-
rita flagitant. Sed veniam saltem, si non
gratiam, Auditores honoratissimi, spero
à Vobis, si pietate erga defunctum, pecca-
vero. Equidem operam dabo, ut in ma-
nipulo porrigam, quæ plenis horreis dispen-
sanda essent, & signis potius, quam ver-
borum ampullis, quæ ingenuus animus me-
ditatus est, indicabo. Quod dum facio,
me benevolè ut audire velitis, summope-
re & quam officiosissimè Vos rogo atque
obtestor.

Ab incunabulis itaque mihi ordiendum
puto, & quamvis absque ambage atque
alienæ laudis mixtura ad illum de quo ser-
mo est faciendus, sit properandum, nullo
tamen brevitatis studio adduci possum ut
parentum Schraderi nostri mentionem hic
non faciam. Patrem habuit Johannem
Schraderum Gottingensem, virum non
minus doctum quam pium, qui Græcæ pa-
riter ac Latinae Linguae non vulgarem ha-
buit peritiam, quarum Linguarum amo-
rem & existimationem veluti per genera-
tionem nostro Schradero videtur tradidisse.

In-

Integritatis ac probitatis ejus argumentum non exiguum est, quod, cum meliorem Spartam occupandi aliquoties occasio oblata esset, maluit tamen Ecclesiam sibi commissam *Reibmariensem* nimirum in Ducatu Lunæburgensi, verbo Divino & pietatis exemplo annis quinquaginta duobus regere ac tueri, quàm sui emolumenti gratia alio migrare. Hoc patre & *Helena Rolichia* natus est noster Christophorus Schraderus paulo ante primam meridianam d. 28. Octobr. qui Michaëlis Archangeli dicitur, Anni millesimi sexcentissimi primi eo in loco, quem ipse sua eruditionis gloria illustravit. Patriam namque suam non claram accepit, sed fecit. Ut quæ futura sit tempestas vultus auroræ ipso diluculo indicare solet, sic voluit natura ut ex ipso hujus puelli adspectu ejus indoles eluceret, & sciti corporis decorem à longe pulchriore anima superatum iri, monstravit. Non irato genio fatove sinistro natus erat, vultus ejus mascula venustas, & frons lata aperta que candoris veritatisque præfagia erant, oculi clari ac majusculi olim cautionis ac prudentiæ aliquod sacrarium hic fore protestabantur. Forma licet foeminas

potius quam Viros deceat, ingenuus tamen vultus, quo magis omnibus patet ac in promptu est, cum interiora naturæ dona tegantur, eò utilior & certior est commendatio. Eluxit paulo post singularis ejus indoles & ingenii vigor. Parens itaque pago illo Scholam filiis suis erudiendis idoneam non habente, nono statim ætatis anno una cum fratre natu majore misit nostrum in Scholam Cellensem, cujus discipulus fuit per septennium, eosque fecit Græcæ & Latinæ Linguae addiscendæ profectus, quos cum inde discederet, sine commendatione & elogio Scholæ illius Rector M. Jacobus Eberhardus, dimittere non potuit. Relicta itaque hac Schola anno hujus seculi xix. Hannoveranam una cum fratre adiit, in qua triennii spacio, auscultando, stylumque exercendo id est assequutus, ut ad Philosophica capienda sese maturum esse omnibus probaverit.

Annos itaque natus xx. in hanc illustrem Acad. Juliam tanquam bonarum artium & liberalium scientiarum frequentem mercatum venit, Museum in ædibus Berkelmannianis, mox verò Calixtinis nactus. Quamvis autem modici census parentem suum

suum esse sciret, ut ejus sumptibus non ex voto illum quem proposuerat scopum attingere posset, Deo tamen confisus, noluit quicquam quod ad solidam eruditionem comparandam faceret, omittere. Et si Linguarum optimarum notitiam aliquam attulisset, non tamen existimavit sese temporis jacturam facere si veterum evolvendis optimis scriptis ingenium pasceret. Præeunte igitur *Rudolpho Diepholdo*, Græcorum præstantissima scripta antiqua legit sedulo, & ex iisdem ea quæ aliquando vel in Schola vel in Ecclesia dicturo utilia esse possent, in locos suos veluti ἀποθήκας diligenter reposuit, formicæ instar & apes futuri temporis memor. Ut enim hic liberalius aut parcius sementem fecisset, ita aliquando messem futuram non vanè augurabatur.

Eloquentiæ autem studiis sese commisit auspiciis *Christophori Heidmanni*, qui cum uberrimo Ciceronianæ facundiæ flumine acutam Senecæ brevitatem commodè conjungendi viam prævit, & jam ex hujus, jam vero illius scriptis optimas particulas decerpfit, quibus dextrè expositis, alia domi eodem modo legendi exempla dedit.

Ab hoc Oratore præstantissimo didicit noster Eloquentiam non solis verborum floribus absolvi, sed ex variarum rerum notitiâ imbuto animo orationem efficacem aut scriptum ætatem ferens efflorescere. Hujus eximii in dicendo Magistri vestigia sibi premenda existimans *Nicolao Granio Suedo*, sive Naturæ arcana aperiret, sive Optica traderet, sive Mathesin grata brevitate doceret, sedulo auscultavit. Qui Periclem fulminare, tonare, cœlum cum terra miscere dicendo potuisse asserunt, ex Democriti Schola naturalium rerum peritiâ in concionem attulisse dicunt.

Rationis disciplinam, qua mens in rerum cognitione dirigitur, *Conrado Horneio* tradente, accurate didicit, eodemque maximo censore & Doctore morum usus est ad ea Philosophiæ præcepta imbibenda, quibus vita nostra regitur ac gubernatur. Non vero erat ignavâ opera, Philosophæ sententia, sed ut vitâ exprimeret quæ animo complexus erat vitæ prudenter instituendæ præcepta, operam dabat. Non substitit hic vivida ingenii *Schraderi* acies, sed ad summam illam cœlestes thesauros nobis recludentem Sapientiam, reliquis scien-

scientiis facilè superiorem, Theologiam dico, animum appulit. O insignem felicitatem qua Dei providentia Te nactavit Schrader! quem non excitabat eo tempore summi illius viri G. Calixti fama & gloria? Cujus oculis veterum non excutiebat incredibilis ejus labor ac diligentia? Quis erat vitæ tam profligatæ, quem hujus viri, ut & B. Horneii candidi mores, & sanctissima vita non redire fecissent ad frugem? Illius ab ore pependisti integrum quadriennium, sacræ scripturæ arcana referantem, intricata & obscura explicantem audivisti, Prophetias Esaïæ, Jeremiæ & Ezechielis clare exponentem percepisti! Nec temere ab ejus, sive privatis sive publicis Scholis emanasti. O auspicatum tuorum studiorum primordium! In hisce viris reperisti (quod Tullius filium suum in celebri Athenarum urbe nancisci optabat,) *probe vite egregia exempla*, & divinarum atque humanarum rerum *scientiam* eximiam.

Sicut cætera liberalium artium studia pleraque hisce duobus vertuntur cardinibus, brevior nimirum & simplici quadam fundamentorum traditione, qua tanquam in synopsis veniunt quæ fusius alibi tradita;

& deinde accurata, operosa, longioreque pertractatione. Ita studium Theologiæ utroque modo adgressus Schraderus, amplissimum totius sacri codicis campum Henrico Julio Strubio & Johanne à Fuchten prælucente, iniit; Epitomen verò Christianæ doctrinæ summa capita ordine complexam, Calixtinam, diligentissimo studio comprehendit. Singulis enim Mercurii diebus ab hora matutina septima ad xi. portio quædam illius Compendii Disputatorio, ut loquimur, examini subiciebatur, cujus moderator & arbiter erat ipse libelli illius autor, quem ita totum dispartiti erant, ut semestri spatio commode ad finem perduceretur. Hoc factum est à Schradero modo defendentis, modo oppugnantis partes habente per integrum fere quadriennium. O compendiosam & saluberrimam, si quid ego judico, feliciter discendi viam! Quid mirum si hanc industriam cum vitæ innocentia & morum suavitate conjunctam, præceptorum, omniumque bonorum favor, & studiosorum civium applausus excepit? Labor ac virtus viam sibi facit socordix & ignaviæ incognitam & inaccessam. Matthias Overbequius, incuntis
hujus

hujus seculi verè Mœcenæ Magnificus, in studiosorum usum quotannis non exiguam pecuniæ summam distribui tabulis Testamenti sui jusserat, quam voluntatem heredes exequuti B. Cornelio Martini & G. Calixto curam dederant dispiciendi ut non nisi in dignos hoc collocaretur beneficium. Hujus itaque commendatione factum ut Schraderus illa liberalitate, in hac ipsa dum adhuc viveret Academia gaudere cœperit. Commodè autem accidit, ut bello gravissimo has regiones infestante, tum etiam sævâ pestilentia ingruente à Matthia Overbequio Matthiæ Filio patrono suo in Hollandiam tanquam asylum tutissimum advocaretur.

Jam itaque, Auditores honoratissimi, vela nobis sunt facienda, ut per Oceanum in Belgium abeuntem Schraderum comitemur. Instructus ille à B. Calixto commendatitiis ad Patronum scriptis, Hamburgum petit, ibique salutatis Petro ac Justo Overbequiis Matthiæ fratribus natu majoribus, à quibus humanissime exceptus est, navem conscendit ventoque secundo Amstelodamum appulit, ibi tum Vir Generosus & Nobilissimus Joachimus à Wickefoort, qui

qui Academia Julia paulo ante civis fuerat, Schraderumque noverat, obviis, quod ajunt, ulnis, tantaque animi lætitia excepit, ut non solum dextras copularint & amicitiam per totum postea vitæ spacium sanctè cultam firmaverint, sed etiam ille hunc omni ope Lugdunum ad Overbequium perveniendi instruxerit.

Fausto itaque omine venit Athenas Batavas disciplinarum & bonæ mentis arcem nobilissimam. Cumque suarum ingenii viri-um ipse censor acris, minimeque sibi Suffenus esset, Overbequium timidè accessit, veritus ut magno suo fautori & Patrono mediocritate eruditionis suæ satisfaceret. Verùm longe aliter rem evenire statim intellexit, quippe Overbequius cognitis ejus moribus sanè quàm commodis, vitæque totius instituto accurato, & eruditione, qualis in juvenem cadere possit, plane eximia, adeo eum amplexus est, ut priori suæ liberalitati novum addiderit cumulum. Namque talis ipsi quotannis erogabatur pecuniæ summa, ex qua, quæcunque ad honeste ibi vivendum studiorumque telam pertexendam necessaria erant, ipsi suppetebant. Hoc itaque in Illustri Athenæo, Aca-

Academiarum omnium oculo, Noster procul ab omni voluptate corporis ac deliciis illis ad quas & locus & ætas poterat invitare, unicè delectabatur continuatione eorum studiorum, quorum jam in Acad. Julia primordia ceperat. Nactus ibi præceptores & Doctores *Dan. Heinsium. Job. Gerbardum Vossium*, *Gilbertum Jachæum*, *Constantinum l'Empereur*, *Andream Rivetum*, *Wilibrordum Snellium*, *Franconem Burgersdicium*, *Jacobum Golium*, proh! quantos in eruditione, quamque celebres viros! quos vel vidisse tantum, nedum audivisse, pulchrum atq; gloriosum erat. Atqui horum doctissima informatione & institutione qua publica, qua privata usus est noster per integrum sexennium. Nec satis habuit haurire ex illis doctrinæ thesaurum; cœpit alios partim exemplo suo excitare, editis specimenibus Academicis, partim docere, in cœtu nimirum Lutherano verbum Dei ad August. Confessionis normam proponendo. Inter literarum studia quæ ipsi in medullis veluti hærebant, excoluit enixius *Ebraicas & illius gentis antiquitates*. Tinxerat ipsum harum literarum aliqua peritia in hac **JULIA** *Christoph. Hunoldus*; verum

in Lugduno-Batava & informatione Constantini l'Empereur & Guilielmi Coddæi penitus illis est imbutus. Accessit Judæorum quorundam familiaris usus, ex quibus David de Haro, Lusitanus, Medicinæ peritus quem in Rabbinicorum librorum lectione præceptorem, in Logicis Scholis discipulum habebat, ut mutuas sibi docendi ac discendi darent operas. Quamvis non deessent, qui utiliora urgeret studia, monebant; accendit tamen eum ad Ebraicam eruditionem penitus capiendam B. Calixtus; qui, qua ratione aliquando ejus Linguae docendæ provinciam in hac Academ. obtinere posset, per literas subinde monstrabat. Ut igitur eo felicius proficeret ab Hebræis pariter ac Christianis erudiri expetivit. Usus propterea est Leidæ familiariter R. Josepho del Medico Cretensi, qui Medicinæ insignibus erat cohonestatus. Amstelodami salutavit Rabbinorum nostri seculi longe doctissimum Menassen Ben Israel, editis scriptis clarissimum. Anno 1627. per trimestre spatium Hamburgi degens cum Rabbi David Hacohen de Lara Synagogæ ibidem Antistite, qui scriptis plane eximiis æternam nominis sui famam condidit, familiaris usus intercessit. Hoc modo velis remisque,

que, quod ajunt, id facile pertinaci labore assequutus est, ut & Rabbiorum scripta intelligere & Sacrorum voluminum libros omnes quovis tempore interpretari sciret. Quamvis autem fors eum ad aliud munus postea detulerit, non tamen destitit has suas delicias occasione data revisere, atque ea, quæ juvenis didicerat, alios docere. Annus jam agitur XXI. cum, Ebraicis in hac Academia Julia nullo publico doctore aliquamdiu traditis, Schraderus noster rogatus à quibusdam ut privatas Scholas illius Linguae aperiret, qui, ut erat facilis, annuit petitis. Ecce autem tantus factus est auditorum concursus, quasi Palladium aliquod cælitus decidisset. Et quia domesticum ἀρχαῖον non capiebat numerum Ebraisantium, Juleo hoc, novo & majore auditorio uti cogebatur, cujus subsellia pleraque omnia occupabantur, meque etiam in illo numero fuisse non sine voluptate recordor. Sed redeundum nobis est in Belgium, unde digressi, ubi jam tum famâ notus erat noster ob peritiam Ebraicæ Linguae, unde occasio orta ipsi primum in notitiam, postea etiam in familiam Dn. Ducis Wurtembergici Roderici, Celsissimi Dn. Julii

Julii Friderici Filii perveniendi. Ut animalium omnium infirmisimum est homo, & laboriosa ejus educatio; sic inter homines Principum educatio est longe difficillima, nec cuivis temere committenda. Salus populi à Principis vita, Principis salus ab educatione dependet. Prudentissimè huic Juventutis Celsissimo Principi prospectum erat, duobus Ephoris præstantissimis datis, qui curam educationis & informationis haberent, quorum alter Vir Nobilissimus Melchior Schyk Silesius, qui, præter Mathematicas scientias, Juris peritiam indeptus, variarum Linguarum erat callentissimus, Schraderi nostri operam in addiscenda Ebraica expetivit, quam & ipsi lubens addixit & præstitit ea dexteritate, ut ab Ephoro recte informato & docto, Schraderus ad ipsum Principem informandum duceretur. Hic Rodericus laudatissimus Princeps, ita voluntate Celsissimi Dn. Parentis ductus erat, ut præter vernaculam, Hispanicam tantum calleret Linguam. Existimavit autem Generosus Dn. Johannes Rauch, Nobilis Tyrolensis, primarius ejus Ephorus, recte atque ordine fieri institutionem si Latinæ Linguae tanquam reliquarum

rum matris & verissimi fontis, notitia præmitteretur illis hodie usitatis, Hisp. Italicæ, Gallicæ addiscendis. Ejus igitur tradendæ causâ adhibebatur Schraderus, qui quotidie horam instituendo principi dabat, quæ in re ita sese probavit illis omnibus, ut mox in Principis comitum numerum adscisceretur, & curam simul haberet ejus in religionis Christianæ capitibus, fundamentis illius doctrinæ, ex qua salus æterna nascitur, rectè informandi.

Jam tempus esse putavit liberalitati Overbequianæ gratias agere: Quamvis ita illum virum sibi deditum haberet, ut manifesto appareret singularis ejus benevolentia vel ex eo quod cum reliqui, non nisi per sexennium eo beneficio fruerentur, ipse per integros novem annos eo erat gavisus, nec desperaret fores liberalitatis porro sibi patere posse; noluit tamen ejus insigni benevolentia molestus esse, aut aliis impendendas pecunias ullo modo præcipere. Resignato itaque illo beneficio patronum suum Overbequium, grati animi promissione, quem etiam quamdiu vixit, præstitit, colens discessit.

Cum annum vertentem in Academia

Bb

Lugdun-

Lugduno Batava cum Principe suo egisset, informator ejus domesticus, Hagam Comitum, quam Belgii foederati *παιδαγωγίον* eleganter ipse vocare solitus, commigrarunt, ubi, quæ ad varia publica negotia pertinebant caute sciscitatus ex iis, cum quibus vivendi copiam erat nactus. Deinde per reliquum Belgium iter faciens cum principe, optimas illius regionis urbes & munimenta non sine voluptate perlustravit. Tandem anno CIO IOC XXXII. ut secundum Deum, patriæ imprimis serviret, in charissimam suam Juliam reversus est. Ibi verò B. G. Calixti ædibus ac convictu usus ita se gessit, ut aliquot nobilium Juvenum informatio & directio illi committeretur; quos quidem, non solum ad veram eruditionem hauriendam fidelissimè manuduxit, sed etiam moribus & vitæ institutis ita formavit, ut illi suum emolumentum, hic vero gloriam, inde reportaverit. Et jam ea quæ diuturno studio, nec levi labore in omni eruditionis genere, erat assequutus, cum aliis communicare animus gestiebat. Cumque gratia valeret apud Ordinem, tam Philosophicum quam Theologicum, facile obtinuit facultatem privatis scholis apertis ea docen-

docendi, quæ & hic, & alibi ab optimis Præceptoribus acceperat, & quæ propria meditatio suggererat. Erat autem in Schradero nostro Suada quædam singularis, quæ ejus labris infidens orationem omnem sic ornabat, ut memoriam auditorum utilissimis imple-ret rebus, & incredibili quadam voluptate simul eorum animos perfunderet. Docentem itaq; summus Juvenum studiosorum concursus & omnium applausus est subsequutus.

Vacabat eo tempore commodum Elo-quentiæ & humaniorum literarum Profes-sio, cui capeßendæ cum idoneus visus esset omnibus, à Senatu Academico Serenissimo Duci Brunsvic. & Lunæburg. Dn. AUGU-
STO eo nomine Anno 1635. ut merebatur, fuit commendatus. Quod quidem eo e-ventu factum, ut statim sub finem illius an-ni Serenissimi voluntate illa Sparta ei sit da-ta, quam & solenni, pro more, oratione, habita, initio Novembris auspicatus est. Quanta autem industria, quantoque stu-dio mandato munere functus, sit fidem, forsan superaret sit recensere vellem. Te-stes appello quotquot eorum sunt in vivis, qui eum circa hæc tempora, audiverunt, cum genua ejus virerent, ingenium flore-

ret, memoria voto responderet, humanitas autem & Charites omnium spem superarent. Incredibilem certe expectationem, studium singulare, favorem omnium, tum propter egregios illos præceptores, ex quorum Schola prodierat, tum suo merito & ingenio, quoties prodibat docturus, in cathedram secum afferebat. Schraderum audientes, Ciceronem ipsum aut si quis eo melior gratioque unquam dicendo fuit, sese orantem audire credebat Juventus. Sequenti anno, non alia de causa quam quod ita conveniens esset suo muneri, quod gerebat, d. iv. Febr. præmissa, de more, examine, bonarum artium Magister & Philosophiæ Doctor in hoc illustri Juleo publice à M. Henr. Jul. Scheurleo Moraliùm P. P. renunciatus est. Indefesso hinc studio in id annixus est ut Juventus Academica ad eam quæ omnes decet, qui eruditionis nomine censerì volunt, eloquentiam, ordine duceretur. Ideoque jam exponendo ipsa dicendi præcepta, non certe ex recentiorum lacunis & male factis centonibus, sed ex ipsius Aristotelis, summi illius sapiendi & dicendi magistri auro contra non æstimandis monumentis. Jam dicendi tyrones

nes suos ducebat in florentissima veterum Eloquentissimorum Oratorum exempla, & artificium, vel in Ciceronis orationibus, vel in Historicorum utilissimis scriptis, exerto quasi digito monstrabat. Hisce traditis, ne tantum præceptis nudis memoriam onustam haberent, nec aliorum orationes & artificiose contextos sermones sterili intuitu considerarent, manum operi ipsos admove-re iussit, ut inventionem ex Aristotelicis præceptis abunde hausta, Eloquutionis formam ab optimis scriptoribus ad imitandum propositis desumerent, & sic veterum æmulatione, ad laudabilem dicendi scribendique facultatem pervenirent. Hunc ille laborem semper in circulum revertentem subinde iterumque repetebat, cum non laboris species, sed tantum auditorium mutaretur, atque ita hoc Syssiphi saxum perpetuoolvebat. Magna hæc industriæ, fateor, sunt argumenta, sed audietis, honoratissimi Auditores longe maiora. Quia, styli exercitium omnis eloquentiæ præludium ac progymnasma est, exercitatio autem illa sine labore, quem plerumque omnes fugimus, fieri nequit; hinc accidit interdum doctissimis. & fidelissimis præcep-

ptoribus, ut non tam sua culpa, quam discipulorum inertia aut ignorantia soli relinquuntur in suis Scholis ; Imprimis cum hodie multis sit persuasum, non summo-pere necessariam esse eam dicendi facultatem, quæ priscis temporibus, & quidem Romæ, fuit quæsitæ. Hinc alii difficultatem illius rei superare desperantes, alii cum contenta illarum festinant ad ea, quæ ipsis utiliora & propius ab usu quotidiano remota videntur. Verum hæc omnia Schra-dero nostro parum vel nihil obstaculi præbeant. Is enim hoc tanquam palmarium multarum artium tradendarum artificium, & forsân multis incognitum tenebat, & felicissimè exercebat. Nimirum in omni sua doctrina id operam dabat, ut non solum, quæ tradebantur, avidè ab auditoribus arriperentur, sed ut semper plura addiscendi voluntas constans ac perpetua in illis aleretur & conservaretur. Noverat beatus Senex ingenium humanum, imprimis adolescentum & juvenum, non semper posse intentum esse serioque agere, sed instar arcus remittendum si scopum ferire velis, & hac in re infantibus simile esse, cum quibus nisi ludas, nihil agis : ideoque ut ingenia re-
tine-

tineret attenta tantundem operæ, si non amplius, ad delectandum quam ad docendum impendit. Hoc igitur efficiebat; ut ludibundi discerent ea, quæ alias nunquam didicissent. Refert Laertius, Diogenem cum de virtutibus ac vitiis eleganter disseruisset, non reperisse auditores, sed cum concinna ac lepida voce cantillare cœpisset, magno numero discipulos confluxisse. Schraderus nec cantillabat, neque quod non ita pridem factum alibi meminisse possumus, aliquid nunquam visum, mirabile, sese monstraturum promittebat, & dein, ostenso *novo cultro*, auditorium in risum convertebat: sed longe meliore ratione, ac modo nostris moribus ac temporibus magis convenienti, demulcere aures & animos quorsum volebat, flectere noverat. Argutis nimirum modicè instar salis dapibus aspersi, joci & risu, hoc obtinuit;

Nam temperata suaves sunt argutia

Immodica offendunt.

Latinitatis puræ, antiquæ, ac Romanæ, licet religiosissimus esset, & in emendandis iis, quæ à dicendi studiosis civibus corrigenda exhibebantur, oculatissimus; Aliorum tamen scriptorum non erat tam rigidus cen-

for, aut morosus fugillator, sed ipse potius suo exemplo recte scribere ac loqui docebat, quam ut gauderet alienorum laborum censuram agere. Hoc enim ab Humanitatem professio quam alienissimum esse putabat, & illud vitii, quod hodie hujus generis hominibus nonnullis qui scholas regunt vel regere affectant, familiarissimum est, abominabatur. Nempe sub antiquitatum singularis scientiæ prætextu *tumidi, indeque tristi supercilio severi, vultu tetrico austeri, ut suis terrori aliis odio sint, quorum imperitiâ nihil imprudentius, ignorantia nihil arrogantius; qui cum ipsi desipiunt, alios decipiunt, ut hinc tam discipulorum quam docentium miserrima fiat conditio.*

A tali charactere noster erat quam longissime remotus, omnes humanitate alliciebat, affabilitate & modestia vincebat, utili colloquio ac prudenti sermone superabat. Hæc cum nemini non essent nota, Serenissimorum Ducum ac Principum nostrorum sapientissimo consilio factum est, ut hujus Ducatus Scholarum ei committeretur inspectio & demandaretur visitatio. Ut ipsi scholarum illarum præceptores hæc singulares virtutes omni bono adolescentum infor-

informatori perquam necessarias, in ipso Schradero, tanquam vivo exemplo, viderent ac cognoscerent, cognitae amare inciperent, amatas sectarentur & adipiscerentur. O felices illas Scholas, quorum præceptis talia vitia non sunt familiaria! Qui non minus pietatem, religionem, quam morum elegantiam & prudentis vitæ instituta tradere norunt!

Verum hæc Rhetoricen & artem dicendi & docendi spectant, videamus quid ipse dicendo præstare ac efficere potuerit. Atqui vero demonstravit Orator noster sapientissimè artem illam dicendi minimè vano ausu tradi ac doceri, neque Oratoriam facultatem in naturali quadam loquacitate, sed in gravitate rerum æquali verborum pondere ac efficacia prolatarum consistere.

Testem appello hoc illustre Juleum, quoties Schraderus illud voce suavissima ita replevit, ut omnium auditorum si non manifestus, tacitus tamen & cum admiratione sequutus sit applausus! Testes illius eloquentiæ propemodum divinæ vos ipsa hæc sedilia & scamna appello quoties auscultantium & ab ore ejus pendentium

concurſu & numero fracta fuiſtis. Teſtor vos omnes, qui non ita pridem in ſolemniffima Jubilei noſtri feſtivitate huc confluxiſtis, vicinos, hoſpites, amicos aut inimicos, an non Neſtoris illius noſtri prudentiſſimo ſermone ſummopere ſitis delectati, animis commoti, affectibus abrepti?

Sed ne veſtra abutar benevolentia, Auditores honoratiſſimi, hæc mitto, ut, quæ domi egerit noſter quantum poteſt, videamus. Bono omine duxerat anno xxxvii. Virginem Margaretham Stiſſeriam, viri maxime Reverendi & Nobil. Dn. Erneſti Stiſſeri SS. Theol. L. in hac Acad. Profeſſ. Publ. Eccleſiarum S. Nicolai B. Virginis & S. Gangolphi in civitate Magdeburgenſi Canonici, filiam ex priori matrimonio unicam, hodie viduam mœſtiſſimam, quæ exoptatiſſimum ei fecit matrimonium multaque prole ſæcundum, in qua educanda, cum eſſet potioſorem partem maſcula, non minorem induſtriam & diligentiam, quam prudentiam, ac veluti educationis artem, demonſtravit. Filios nimirum cum haberet novem, non omnes parili genio aut ingenio natos, omnes ita inſtituit, ut admiratio-

rationem non parvam cordationibus attulerit. Quippe ad unum omnes utilissimi Ecclesiæ & Reip. evaserunt viri, absque omni degenerandi vel minima suspicione. Est aliquid illa fors nascendi, ut Academia hospitium habeas patriam. Constat enim Academiam esse honestæ vitæ palæstram, sed magis prudenti artificiosæque educationi paternæ hanc suam felicitatem sese debere & fatentur ipsi filii, & res ipsa accuratius perpensa clamat. Namque hic apparuit non in lingua tantum ejus natasse præcepta sapientiæ, sed in ipsum opus atque effectum deducere illum potuisse, quæ aliis suaserat & quorum auctor extiterat. Cum enim hanc ad rem singulari genio natus & veluti dote quadam naturali à Deo præditus videretur, excitati passim sunt plurimi viri nobilissimi, qui & filios suos apud ipsum educari peterent, aut, si id obtinere non possent, educandi consilium ab eo flagitarent. Non solum igitur seorsum domi educandæ prolis sæpe instituta sua cum aliis communicavit, verum etiam scholarum recte & utiliter aperiendarum rationem prudentissimam quoties desideraretur præscripsit.

Non

Non sine bono publico factum, quod Generosus & Nobilissimus Dn. Josias à Veltheim Ephoriam alumnorum Velthemianorum ipsi commisit. Hic enim dextrissimus ingeniorum arbiter, ne indignis illa beneficia conferrentur prudenter cavit, & ne otiosi fuci pecuniam perderent, ἐγὼ δὲ ὡς ἔμελλεν fuit vigilantissimus.

Singulares autem gratias agit Tibi o beate senex, Bibliotheca Academiae nostrae, cujus curam XL. annis fideliter habuisti, bono ordine, indemnes omnes libros quos olim habebat Bibliotheca conservasti, & accessione aliquot centum thalerorum pretio aestimanda auctiorem reliquisti: Et quidem ne frivolae chartae nullius pretii vel exiguae frugis libri congererentur, sed ea quae communi usui servirent, prudenter curasti. Illa de cura, de tot molestiis & laboribus in publicum bonum, bene tibi sit in æternum, Tua *molliter ossa quiescant!*

Quemadmodum autem Spartam suam viva voce tot annis exornavit, ita de posteritate etiam fuit sollicitus. Vox enim ad paucos emanat, libri vero & diutius & pluribus utilitatem præstare possunt. Quamquam vero sedulo & singulari methodo ipse

ex

ex aliorum operibus exciperet optima quæque, & alios eandem methodum doceret, unde facillime dein poterat, ex eis quæ collegerat depromere & in usum publicum divulgare; minimè tamen præcox aut præceps in hisce fuit, sed Horatiani præcepti memor premebat opera sua si non diutius, saltem nonnum usque in annum, nisi forte Orationis publice habitæ aliud postularet conditio. Æternitati sese scribere cogitabat, nec ex numero eorum erat, qui singulis semestribus non solum manus legentium sed & librarias tabernas suis deproperatis, parum duraturis libellis implent. Judicabat idem quod Domitius Piso, teste Plinio, *libros thesauros esse debere*. Et talem revera esse equidem sine adulatione arbitror Commentarium in Rhetoricam Aristotelis, quem si quis non librum sed verum prudentiæ & eloquentiæ thesaurum dixerit nihil à vero alienum dixerit. Diuturno enim usu observata hic reperiuntur, quæ juveni senilem aliquam inspirant prudentiam, ut (quod familiare solebat esse dictum beatissimo Seni) ex lectione hujus libri possit *laudabilis fieri adolescens in quo aliquid, & multum quidem esset senile*.

le. Probat hic Commentarius abunde, quibus cogitatis fuerit deditus; Solent alias vel antiquos Codices emendare, vel origines vocum curiosius rimari, qui hujusmodi studia ab humanitate appellata accuratius tractant. Noster autem etsi talia studia non parvi fecerit, nec ullius laborem laudabilem spreverit; maluit tamen in ea studium ac laborem suum conferre, quæ longe, saltem hodie, sunt utiliora. Nec alterius sunt commatis reliqua ejus scripta universa, quæ jam recensere, tanquam vobis notissima, super sedeo. Quo autem sunt pauciora, eo plus habent momenti & ponderis ad veram eruditionem. Utinam autem ea quæ affecta servantur plurima, in posterum lucem adspiciant publicam, *de Excerpendi Methodo, de Ordinatione scholarum* & alia egregia beati viri meletemata, quæ quidem ut publico bono non invideantur, equidem heredes obnixè rogo.

Sincerae pietatis infucataeque religionis fuit exemplum, aliiq̃ue ut fierent omni ope ac studio laboravit. Sancta ipsi Scriptura optimum erat enchiridium ex qua, quæcunque in calamitatibus, adversis & temptationibus depromi possent instar armorum, qui-

quibus Diabolo resistitur, dicta efficacissima descripsit, ut instar pugionis ad manum semper haberet.

Corpore à Deo donatus erat firmo solidoque (licet non nimis procero) sanitate constanti, nisi quod non ita pridem ferme quotannis febricula tentaretur. Sesquianus est cum apoplecticis affectibus labefectari cœpit, ex quibus indies magis magisque deficientibus viribus, imbecillior factus, tandemque xxiv. Aprilis vespertina hora vii. dilectissimo creatori suo inter preces & suspiria tam adstantium quam propria Deo creatori, Servatori & Sanctificatori suo animam reddidit. Vixit beatus Vir ut probum, pium, Christianum decet, charitate erga omnes insignis, humanitate doctrina & virtute summis pariter atque imis gratus acceptusque. Serenissimis Principibus nostris omnibus, præ reliquis Sereniss. Dn. AUGUSTO gloriosiss. memoriæ, qui inter alia clementiæ signa, Cænobii Bergensis Antistitem eum esse iubens, non exigua dignitate & honore eum maectavit, Dn. RUDOLPHO AUGUSTO ejusque fratri Dn. ANTONIO ULRICO, Ducibus Brunsv. & Lunæ.

Lunæb. Dnn. nostris clementissimis adeo charus, ut non solum dum viveret, modò non omnia ipsi indulgerent sed etiam Gratiã suã & Clementiam post beatum ejus decessum erga heredes pariter ac mæstissimam viduam Illustribus Viris suo nomine qui exequias irent clementissime misis, nudius duodecimus luculenter comproba-
rent.

Felix igitur vitæ tuæ Schradere curriculum fuit, Felicior ex vita discessus. Beatum te, terque quaterque beatum! qui jam remotis omnibus corporis animique molestiis, ea intueris & vides, quæ, si daretur ad nos reverti, verbis exponere non posses. Nunc liberatus ab omnibus malis, nostra hæc terrena, nostras tenebras in clarissima luce positus despicias ac contemnis. Nos, sicut te viventem amavimus & coluimus, ita memoriam tui charissimam jucundissimamque merito deinceps conservabimus!

D I X I,

PRO-

PRORECTOR ACADEMIÆ
JULIÆ
ANDREAS FRÖLINGIVS
S.S. Theol. D. & Prof. Publ.
Ord. nec non Superint.
Generalis

CIVIBVS ACADEMICIS

S. D.

PERquam Reverendum & Excellentissimum Virum, Dn. CHRISTOPHORVM SCHRADERVM Præpositum Bergensem & Eloquentia in Academia Julia Prof. Publ. Ord. nec non Scholarum per Ducatum Guelphicum Inspectorem Generalem, haud ita pridem diem suum placide pieque obiisse, neminem Vestrum, Cives Academici, latere potest. Cujus quidem exuvias, non sine gravi luctu, solenni more, nuper terra mandavimus; pia & candida anima, per ipsos septuaginta octo annos hospes comesque corporis, nunc eodem soluta, ac beatis Caseliorum, Heidmannorum, Corneliorum, Calixtorum, Horneiorum aliorumque similium mentibus associata, cœlesti ac divina luce fruitur, de fortuna, de mundo, de morte

Cc

ip̃sa

*ipsa triumphans. Memoriam autem quod at-
tinet Optimi, ac de elegantioribus humanitatis
& eloquentia studiis egregie meriti viri, eam
Academia hac eo minus colere desinet, quo plu-
res erant in eodem dotes, quibus larga Dei ma-
nus prae multis aliis instruxerat: ut inter pre-
cipua Academiae hujus lumina merito referri
debeat. Quoniam verò publice interest, ut
talium virorum exempla cum praesenti tum
postera aetate imitanda proponantur, Clarissi-
mus Vir, Dn. MELCHIOR SCHMIDT Grae-
ca Linguae Profess. Publ. & Ordin. Collega
meus honorandus & per dilectus, piis beati
SCHRADERI manibus iusta persolaturus, vi-
tam ejusdem virtutes ac merita, hodierno die,
hora post meridiem tertia, in magno Julco,
publica oratione celebrare constituit. Ad
quam proinde audiendam etiam si Vos, Cives
charissimi, pro Vestra in Praeceptorem Opti-
mum multisque modis de studiis, quae Vos co-
litis, praeclare meritum, pietate, dicto tempo-
re & loco sponte affuturos confidam, ut ta-
men id libentius & frequentiore numero fa-
ciatis, comiter atque amanter Vos invito. P.
P. in Acad. Juliâ Helmstadii d. XXI. Maii An-
no CIO IOC LXXX.*

SCRI-

S C R I P T A.

Disputatio philosophica de Analogia & conceptu Entis, Præsides P. Gilberto Jachæo Med. D. ac Philosophiæ Professore ordinario, respondente Christophoro Schradero. In Acad. Lugduno-Batava Anno 1627.

Disputatio Philosophica pro Metaphysica, Præsides D. Francone Burgersdicio, Logicæ & Physicæ Professore Ordinario, respondente Christophoro Schradero. Lugduni Batavorum Anno 1630.

Disputatio Theologica de Gratuita perfide justificatione quam sub Præsidio Georgii Calixti, S. Theol. D. & Prof. publici in Academia Julia defendit Christophorus Schrad. A. 1635.

Theses de Convenientia & discrimine Orationis ac Poeseos Præsides Christophoro Schradero Eloquentiæ Profess. & Præposito Bergense. Respondente Joh. Ernesto Schradero. Helmst. Anno 1661.

Disputatio de Lingua sancta, quam Præsides Christophoro Schradero Eloquentiæ Profess. Ordinario, publice defendit Johannes Krohne. Helmst. Anno 1638.

Rhetorica Aristotelis Græce & Latine. Helmst. Anno 1648.

Dispositiones Epistolicae Helmst. An. 1674.

Epist. interpres nummi Judaici. Helmst. 1654.

Hypotheses Oratoriae Helmst. Anno 1669.

Dispositiones Oratoriae. Helmst. An. 1674.

Tabulae Chronologicae Helmst. An. 1673.

Programmata Helmst. Anno 1667.

De Rhetoricorum Aristotelis Sententia
& Usu Commentarius. Helmst. Anno 1674.

Livianarum Orationum duodeviginti
Analysis Rhetorica. Helmst. 1676.

Chronici Marienthalensis Meibomiani
continuatio. Helmst. 1651.

Oratio in obitum Contr. Horneii. Helmst.
1649. (1656.

Oratio in obitum Georgii Calixti, Helmst.

Oratio habita cum Acad. Juliae Magistratum
iniret. Helmst. 1653. (1650.

Oratio in Visitatione Acad. Juliae Helmst.

Oratio in Visit. Acad. Juliae Helmst. 1668.

Oratio in obitum Georgii Ducis Brunsv.
& Luneb. Helmst. 1643.

Oratio in obitum Friderici Ducis Brun-
svic. & Luneb. Helmst. 1649.

Oratio in solenni Acad. Juliae studiorum
instauratione. Helmst. 1652.

Oratio secularis, cum seculum suum pri-
mum finiret Acad. Julia, & alterum feliciter
auspicaretur, Helmst. 1676. PRO-

PROGRAMMA,

Quo ad
EXEQUIAS,

Quas
Viro Maxime Reverendo, Amplissimo,
Excellentissimo,

DN. JOACHIMO
LINDEMANNO,

Phil. & SS. Theol. Doctori, nec non
Phys. & Metaph. P. P. famigeratissimo, Fa-
cultatis Phil. dum viveret, Decano Specta-
tissimo, ut & ad D. Mariæ Archi-Diaco-
no longe meritissimo,

Mæstissima Vidua parabit,

die XXI X. Dec. Anno MD CXC VIII.

Omnes omnium ordinum Cives Academicos
qua decet pietate, & Studio
invitant

DECANUS, SENIOR,

&
reliqui Collegii Philosophici
PROFESSORES.

MEmoria *Justi est in benedictionem.*
 Optimum sapientissimi quondam,
 Regis *Salomonis* est effatum. *Prov.*
X. 7. Quorum verborum, Hebraismus si
 evolvatur, planus ac simplex sensus hic est:
Fama Justi est celebris & plausibilis. Haud
 male exponente *Varablo.* Et opponitur
 constans hæc Justorum memoria Famæ im-
 piorum, quæ cum cadavere ipsorum perire
 dicitur, quando Sapientissimus *Salomô* ad-
 dit: *nomen improborum marcescet.* q. d.
 Fieri potest, ut improbus, dum scelus oc-
 cultat, justî & probi viri aliquandiu fama
 nominis fruatur; Sed ut flos emarcescit
 paulatim & ut caro putrescit, quæ sale non
 conditur: sic fama, quæ sine fructu virtu-
 tis aut divinæ sapientiæ sale ventilatur.
 Contra fama justorum floret, omnium in
 ore memoria ipsorum, si qua occurrit,
 venerabilis illa est cunctis: Vid. *Baynus*,
 Nec tantum floret hæc fama justis viventi-
 bus, vivit & post funera virtus, Dignumque
 laude virum Musa vetat mori. Hinc &
Rabbini tam veteres quam recentiores his
 ipsis Sapientissimi Regis verbis, abbreviatis
 scilicet more suo h. memoriam defuncto-
 rum suorum, imprimis *Rabbinorum*, com-
 men-

mendare solent, si forte in scriptis suis ab ipsis citentur. Sic nec à Christianis mos hic memoriam justorum commendandi plane improbatur, quin potius cana eaque pia antiquitas eundem sedulo observaverit. Testantur id veterum *Diptycha, tabuleque ecclesiastica*, item *catalogi Martyrum*, ex quibus deinceps *Menologia Meneæ & Martyrologia* fuere nata. Quæ quamvis quidem ob impuriorum seculorum superstitionem in abusum quendam degeneraverint; abusus hic tamen usum quoque legitimum ac licitum tollere minime debet. Et sic etiam nos ex monito *Salomoneo*, atque exemplo *veterum* memoriam *Iustorum* pariter ac *Eruditorum pie defunctorum*, absque superstitione tamen Papali, celebrem habemus, ut nimirum *natales, vitam, ac facta* ipsorum consignemus, decenti elogio ornemus, & si qua occurrat occasio, non sine laude eorundem recordemur, præsertim ultimis hisce ac vere pessimis temporibus, ad quæ proh dolor! reservati sumus, quibus Iusti deficiunt, docti desiderantur. Egregie certe *Daniel Heinsius* in obitum *Philippi Crüveri*, Geographi Celebrissimi. Nunc, cum hoc præsertim tempo-

*re magnorum tanta sit penuria ac paucitas virorum, ut, cum singulis, qui moriuntur, ipsa prope eruditio ac litera efferri videantur, cavendum nobis vel imprimis reor, ne quos ad exempla laudum atque aternitatem nominis natura genuit, sine ullâ commendatione tanquam fugitivi elabantur. Ita est! Clarorum virorum facta literis mandanda sunt, non solum ad gratam eorundem recolendam memoriam: sed etiam ad studium similium virtutum in animis aliorum excitandum. Habet enim acres in animis excelsis ad virtutem stimulos eorum, qui cum laude vixerunt, per exemplum quasi per speculum vivum atque ardens propositum, accensa æmulatio! Sistitur, vobis Cives Academici exemplum, hodie certe rarum, dum *Virum Maxime, Reverendum, Excellentissimum atque Amplissimum* DN. JOACHIMVM LINDEMAN-
NVM; S. Theol. Doct. Celeberrimum Metaph. ac Phys. in hac almâ Prof. Publ. Ordin. famigeratissimum & ad D. Mar. Archidiaconum, longe meritissimum, Collegam nostrum eheu desideratissimum præmaturâ morte nobis ereptum non sine lacrymis lugemus. Non sit memoria hujus Justi ac Eruditi si-
ne*

ne benedictione quali qualicunque nostra. Sed utinam hic nobis *Ciceronis* suada *Demosthenis* eloquentia esset. *Plinius Junior* de *Virginio Rufo*, qui laudis suæ assertorem consecutus erat ævi sui disertissimum *Cornelium Tacitum*, dicit, *bunc supremum ejus felicitati accessisse cumulum, laudatorem eloquentissimum*. Verum enim vero quamvis hic quidem balbuties nostra eloquentiam nullam erudito orbi promittere queat circa laudes Viri, qui laudari satis nequit, quamvis etiam non ignari simus illius veteris: *Malum pictorem bonam formam imperitiâ suâ deteriorem reddere*. Pietas tamen nostra erga pie defunctum plane silere non permittit. Hinc divinum Tanti Viri ingenium rudi saltem adumbrare penicillo, vitæque præclare actæ curriculum absque verborum pomposo ornatu recensere conamur. Natus est LINDEMAN-
nus Noster *seculi ille præsentis dum viveret Phœnix* heic Rostochii Anno 1662. d. 7. April. ex Majoribus suis omni nostrâ laude majoribus. Parentem habuit Virum quondam Plur. Rev. ac Ampliff. DN. IOACHIM. LINDEMANNVM, primo ad ædem S. Petri per XIX. annos Diaconum,

Cc 5

num, deinceps ad D. Mariæ Archidiaconum per VII. annos meritissimum, ac propter incomparabilem suadam acceptissimum. *Matrem* vero veneratus fuit Matronam omni pietatis ac virtutum splendore valde conspicuam **E V A M Goldsteins** / quæ adhuc dum longa annorum serie clara superstes, obitum hunc præmaturum sui Charissimi Filii mœstissima luget. *Avus paterne lineæ* fuit **VIR** quondam Præ-Nobilissimus, Excellentiss. ac Ampliss. **THOMAS LINDEMANNVS** Hervordiâ Westphalus J. U. D. Ejusque Prof. P. in hac alma meritissimus, simulque civitatis hujus Syndicus, & Comes Pal. Cæsar, nec non Consiliarius Serenissimi Ducis Meklenb. quondam regentis **DN. ADOLPHI FRIDERICI** gloriôsæ recordationis. *Avia ejusdem Paternæ Lineæ* fuit **ELISABETHA HAHNIA** ex Patricio **HAHNIO RVM** stemmate hic oriunda, quæ deinceps, pie jam defuncto **DN. D. THOMÆ LINDEMANNO**, nupsit **Jcto & Practico Celeberrimo DN. D. ADOLPHO FRIDERICO AB HAGEN.** *Avus Maternæ Lineæ* fuit **VIR** quondam Maxime Rev. ac Ampliss. **DN.**

M.

M. IOANNES Goldstein / alias Chrysolithus, Pastor hic Nicolaitanus & Ecclesiarum Rostochiensium Superintendens meritissimus. *Avia Ejusdem materna linea* fuit DOROTHEA Alwarten. Proavum ex paternâ lineâ habuit Virum quondam spectatissimum DN. HINRICVM LINDEMANNVM Civem Hervordiensem in Westphalia inclytum. *Proaviam* vero ex eadem *linea* ANNAM KIRGHOFFS. *Proavus Materna linea* fuit VIR quondam Spectatissimus DN. IACOBVS Alwart / Civis ROSTOCHIENSIS Optimus. *Proavia ejusdem linea* CATHARINA DYNCKERS. Ut celeberrimum quondam *Patrum* ipsius Virum Maxime Rev. Excell. Ampliff. DN. THOMAM LINDEMANNVM S.S. Th. D. Ejusque Prof. Publ. heic Rostochii ; & deinceps Ecclesiæ Teutonicæ apud Hassnienses meritissimum, aliaque stemmatis decora hâc vice taceamus. Hisce Celeberrimis Majoribus BEATVS Noster Collega natus Majorum quoque vestigia feliciter ut legeret, omnem navarunt operam Parentes, imprimis vero optima Mater. Hæc enim, Patre ipsi puero 7. annorum per mortem abre-

abrepto *Anna nimirum 1669. in Decembr.*
informatores eidem aluit privatos, qui i-
psum omni doctrinæ virtutumque genere
imbuere omni studio allaborarunt. Pri-
ma tyrocinia fecit sub DN. ZACHARIA
SCHRODERO, nunc Phil. Mag. & Past.
Ecclesiæ Sülzensis in viciniâ meritissimo.
Quæ deinceps continuavit sub DN. M. MAT-
THÆO LAURENTIO, ad D. Mariæ
Diacono quondam fidelissimo, qui cum
Sororem Collegæ Nostri pie defuncti the-
ro associatam haberet, nihil omisit, quod
ad exornanda studia facere potuit. Sed
illo nimis mature defuncto, fidei DN.
M. IO. IVSTI MOHRII, primum Scho-
læ hujus Oppidanæ Con-Rectoris, mox &
Rectoris commissus fuit, cujus dexterita-
ti multum studia sua debere sæpe profes-
sus fuit Beatus Noster. Tandem vero &
Præceptorem habuit DN. M. MANZELI-
VM Gr. L. tum temporis apud nos Profess.
Pub. mox Gymnasii Gustavoviensis Recto-
rem, nunc vero Ecclesiæ Neo-Caldensis
in Ducatu Gustavoviensi Pastor, & Synodi
simul Neo-Caldensis atque Dargunensis
Præpositum optime merentem, qui cum
Sororem Beati Nostri viduam tunc Lauren-
tia-

tianam matrimonio rursus junctam haberet, omni itidem industria studia ejusdem expolire perrexit. Sic autem optime instructus ad altiora tendere cœpit. Et quidem primo Anno 1679. Mense Majo Illustr. Vitembergenſium Academiam salutavit, ibidemque Hospitem sibi ſelegit venerandum illum hodie Theologorum Senem VIRUM Magnificum Maxime Rever. Excellentiss. DN. D. IO. DE VTSCHMANNVM, Profess. Theolog. longe Celeberrimum &c. Quo Duce privatim respondendo & opponendô sæpe expeditum se exhibuit, hacque ratione præclara Theologiæ jecit fundamenta. Hujus Celeberrimi Theologi consilio informatore quoque in Philosophicis usus est DN. M. GEORG. Schwarzen / Ordinis Phil. tum Adjuncto, mox S. S. Theologiæ Doct. & Præposito Stargardia-Pomerano simulque Gymnasii Profess. jam p. m. sub cujus præsidio elegantem de *Obligatione Conscientiæ Disputationem A. 1679.* omnium cum applausu publice habuit. Præter hos suos Præceptores & alios adhuc, ut B. DN. D. CALOVIVM, B. JO. MEISNERUM, B. DN. QVNSTEDIUM Theologos quondam insignes,

gnes, aliosque tum temporis Philosophos summo cum fructu studiorum suorum audivit. Antequam vero *Vitebergâ* discederet, & alia delicatiora *Saxonia* & *Misnia* loca invisere placuit, inter quæ *Dresda* & *Hala* eminent, ibidemque curiosiora multa & memorabilia in usum suum observavit. Sequenti vero anno ad *Academiam patriam* reversus, quo ad divinarum imprimis doctrinarum sacraria penetraret, intimæ admissionis discipulus tum temporis hæsit, *VARENI*, *COBABI*, *SIRICII*, & *SCHOMERI* magni nominis Theologorum, jam itidem beate defunctorum. In specie sedulus auditor ac athleta fuit in *Palæstrâ Disputatoriâ Theologicâ* tum ab immortalis illo Theologo *B. SCHOMERO* apertâ, eâque tam *privatâ Anti-Jesuiticâ*, quam *publicâ Anti-Socinianâ*. *Disputationem* quoque quandam *publicam* habuit *Præside Magno VARENIO* in *Collegio Eiusdem disputatorio super universam Theologiam* A. 84. nempe de *Proto-Canonicis*, & *deutero-Canonicis Scriptura libris*. Quadriennio sic summâ cum laude consumto, vicinam quoque *Academiam Greiffsvaldensem* aliasque *Pomerania* urbes ex ardore sciendi per-

perlustravit. Mox vero rediens eodem anno 84. *Lauream Magisterialem* modeste ambit, eundemque quoque *Brabentâ*, & *Decano* tum *Excellentiss. ac Ampliss. DN. M. CHRISTIANO HILTEBRANDO*, Log. P. P. & Facult. Phil. Seniore Gravissimo, Collega nostro colendissimo, non sine laude impetravit. Quos honores ut tueretur ceu legitimus Olympionices varia passim *Collegia Philosophica* in usum Studiosæ Juventutis aperuit, nec sine insigni Studiosorum & concursu & applausu eadem absolvit. Nec minori cum laude ac gratiâ tam plebis, quam Eruditorum omnium sæpe è suggestu Sacras conciones summâ cum eloquentia habuit. Jamque novum meditabatur iter. Duobus ergo eruditionis plane singularis editis speciminibus: altero nimirum *declamatorio* oratione sc. de *literaria artium venatione* A. 85. d. 12. Mart. hab. memoriter, quâ simul munifici illius *Beneficii Poleyani* Administratoribus gratias pro collatione muneris hujus agebat: altero *disputatorio*, quo ut *Præses* disp. de *veritate Imperante* sequ. proxime 21. Mart. in Auditor. Maj. perquam expedite pro ingenii alacritate habuit. Sic Patriæ se commendans

dans eodem *Ao. 85. Vitembergam* iterum
 adiit *per Sedinum, & Berolinum* elegantis-
 simas urbes itinere suo directo. Hospi-
 tem jam nanciscebatur Theol. illum fami-
 geratissimum B. jam DN. D. ABRAH. CALO-
 VIUM, inque ædibus DN. KIRCHMAJERI E-
 loqu. P. P. & Acad. Vitebergensis Senioris
 commorabatur. Hic denuo summo cum
 ardore Studiorum suorum telam pertexere
 laboravit, audiens in *Homileticis* Eloquen-
 tissimum DN. D. JO. FRID. MATERUM tum
 Prof. Theol. Vitebergensem jam Theolo-
 gum Celeberrimum Hamburgensem. Quo
 duce verba frequenter è suggestu fecit. In
Theologicis informatorem tum quoque ha-
 buit B. DN. D. MICH. VVALTHERUM supra B.
 KONIGII Theolog. Positiv. privatim legen-
 tem. In *Geographicis* pendebat ab ore
 Consummatissimi illius Polyhistoris DN.
 SCHÜRTZFLEISCHII. Nec hoc modo *Disci-*
pulus heic tantum fuit; sed & *Doct̃or*. Hu-
 jus vero jura ac privilegia ut à *Facultate*
Philosophicâ impetraret *duas* habuit *dispu-*
tationes publicas, quibus se pro more Aca-
 demiæ illius, ut vocant, habilitavit. *Al-*
teram sc. habuit ut *Respondens* sub Præsidio
 DN. ROHRENSÉE super *duodecadem Thesium*
sele-

*selectarum Moralium: alteram vero ut Praeses de fortuna fabro. mens. septembr. ejusdem Ann. 85. Et sic potestatem legendi impetrans unum alterumve Collegium Philosophicum ibidem rursus non sine applausu Studioſæ Juventutis habuit. Hic excursionem quandam faciebat ad vicinam Academiam Lipsiensem omnis elegantiae sedem, & perquam benevole ibidem exceptus fuit à Maxime Reverendis Theologis DN. D. ALBERTI, DN. D. CARPZOVIO, DN. D. PFEIFFERO &c. diem autem extremum obeunte sub initium seq. anni 86. Celeberrimo suo hospite CALOVIO, qui moribundus Beato nostro singulariter benedixerat, mox redire quidem ad suos volebat; sed diu subsistere animus non ferebat, cum peregrinandi ipsum incessisset voluptas. Hinc ad *Belgium* cursum suum dirigebat, adeoque media illius anni æstate *Hamburgi* navem conscendens oram *Frisiæ Orientalis* præternavigando, & *Gorcomum* ac *Stavordam* contemplatus ad *Hollandiæ Septentrionalis* civitatem *Enkbyſam* tendens *Amstelodamum* appulit. Mox per *Harlemum* ad *Academiam Leydensensem* venit, *Witticbium*, *Gronovium*, *Woldecum*,*

Dd

alios-

aliosque Professores audiens, rarumque simul Medicorum ibi hortum & Theatrum anatomicum perlustrans. Inde *Hagam Comitum & Roterodamum* excurrit, tandemque autumnojam ingruente *Trajectum* adhuc vidit, ibique *Leydekkero*, *Gravio* aliisque Viris Eruditis innotuit. Tum per sinum maris navi *Zvdollam* transportatur, indeque per *Benthemensem* Comitatum & *Monasteriense* territorium *Bremam* venit, & sic tandem ad oras nostras iterum accedit. Varia hic rursus *Collegia Philosophica* solito cum applausu studiosæ Juventuti exponit, doctamque disputationem quandam de *præjudiciis Philosophicis* A. 87. d. 9. Apr. ut *Præses* publice ventilat. Anno sequenti nempe 88. iter denuo novum, idque *Danicum* ingredi cupiebat; Sed planè ex improvise ipsum retrahit dulcissima Patria, dum ab Amplissimo hujus Urbis Senatu ad vacantem *Archidiaconatum adis Mariana* præsentabatur, moxque d. 30. Maj. per 120. vota eligebatur, succedens B. DN. M. LUDOVICO BARCLAI, qui quondam B. Ejus Parentis supra laudati successor fuerat. Munere sic publico ornatus de suavissimâ quâdam *Conjuge* jam fuit sollicitus. Accepit quo-

quoque Virginem tum Nobilissimam omnibusque virtutibus elegantissimis exornatam ANNAM KORTHOLIAM, VIRI quondam Magnifici, Maxime Rev. Excellentiss. ac Amplissimi DN. CHRISTIANI KORTHOLTI, SS. Th. D. Ejusque ap. Kilonienses Prof. Prim. ac Academiae Ejusdem Pro-Cancellarii jam p. m. Filiam. Quæ tum in ædibus Magnifici quondam Consulis Urbis nostræ DN. DIETERICI Wolfraths / jam p. m. commorabatur, ab *Avia* ANNA KIRCHHOFIA educata, Vidua eheu jam mœstissima. Cum quâ suavissime ac conjunctissime hætenus vixerat, ut versus *Poëta Veteris* de illis usurpandus veniat: *Corporibus geminis Spiritus unus erat.* Ex ea libero genuit 4. Ex quibus una est filia ANNA ELISABETHA adhuc in vivis, reliqui vero Filii, nempe, JOACHIM CHRISTIAN, JOACHIM, HINRICH, & JOANN. CASPAR. Ex quibus ultimus adhuc superstes, duo vero priores jam ad cœlites abierunt. Triennio post adlaudati jam *Soceri*, DN. D. KORTHOLTI, invitationem per *Cimbriam* profectus *Kilonium* venit, ubi favorem Professorum imprimis DN. D. FRANCKII, DN. D. MAJO-

Dispositiones Epistolicae Helmst. An. 1674.

Epist. interpretes nummi Judaici, Helmst. 1654.

Hypotheses Oratoriae Helmst. Anno 1669.

Dispositiones Oratoriae, Helmst. An. 1674.

Tabulae Chronologicae Helmst. An. 1673.

Programmata Helmst. Anno 1667.

De Rhetoricorum Aristotelis Sententia
& Usu Commentarius. Helmst. Anno 1674.

Livianarum Orationum duodeviginti
Analytis Rhetorica, Helmst. 1676.

Chronici Marienthalensis Meibomiani
continuatio. Helmst. 1651.

Oratio in obitum Contr. Horneii. Helmst.
1649. (1656.

Oratio in obitum Georgii Calixti, Helmst.

Oratio habita cum Acad. Juliae Magistra-
tum iniret. Helmst. 1653. (1650.

Oratio in Visitatione Acad. Juliae Helmst.

Oratio in Visit. Acad. Juliae Helmst. 1668.

Oratio in obitum Georgii Ducis Brunsv.
& Luneb. Helmst. 1643.

Oratio in obitum Friderici Ducis Brun-
svic. & Luneb. Helmst. 1649.

Oratio in solenni Acad. Juliae studiorum
instauratione. Helmst. 1652.

Oratio secularis, cum seculum suum pri-
mum finiret Acad. Julia, & alterum feliciter
auspicaretur, Helmst. 1676. PRO-

PROGRAMMA,

Quo ad
EXEQUIAS,

Quas
Viro Maxime Reverendo, Amplissimo,
Excellentissimo,

DN. JOACHIMO
LINDEMANNNO,

Phil. & SS. Theol. Doctori, nec non
Phys. & Metaph. P. P. famigeratissimo, Fa-
cultatis Phil. dum viveret, Decano Specta-
tissimo, ut & ad D. Mariæ Archi-Diaco-
no longe meritissimo,

Mæstissima Vidua parabit,

die XXIX. Dec. Anno MD CXC VIII.

Omnes omnium ordinum Cives Academicos
qua decet pietate, & Studio
invitant

DECANUS, SENIOR,

&
reliqui Collegii Philosophici
PROFESSORES.

Cc 3

ME.

M*Emoria Justi est in benedictionem.*

Optimum sapientissimi quondam,
Regis *Salomonis* est effatum. *Prov.*

X. 7. Quorum verborum, Hebraismus si
evolvatur, planus ac simplex sensus hic est:

Fama Justiest celebris & plausibilis. Haud
male exponente *Vatablo.* Et opponitur

constans hæc Justorum memoria Famæ im-
piorum, quæ cum cadavere ipsorum perire

dicitur, quando Sapientissimus *Salomô* ad-
dit: *nomen improborum marcescet.* q. d.

Fieri potest, ut improbus, dum scelus oc-
cultat, justis & probi viri aliquandiu fama

nominis fruatur; Sed ut flos emarcescit
paulatim & ut caro putrescit, quæ sale non

conditur: sic fama, quæ sine fructu virtu-
tis aut divinæ sapientiæ sale ventilatur.

Contra fama justorum floret, omnium in
ore memoria ipsorum, si qua occurrit,

venerabilis illa est cunctis. Vid. *Baynus*,
Nec tantum floret hæc fama justis viventi-

bus, vivit & post funera virtus, Dignumque
laude virum Musa vetat mori. Hinc &

Rabbini tam veteres quam recentiores his
ipsis Sapientissimi Regis verbis, abbreviatis

scilicet more suo *h* memoriam defuncto-
rum suorum, imprimis *Rabbinorum*, com-

men-

mendare solent, si forte in scriptis suis ab ipsis citentur. Sic nec à Christianis mos hic memoriam justorum commendandi plane improbatur, quin potius cana eaque pia antiquitas eundem sedulo observaverit. Testantur id veterum *Diptycha, tabulaeque ecclesiasticae*, item *catalogi Martyrum*, ex quibus deinceps *Menologia Menaea & Martyrologia* fuere nata. Quæ quamvis quidem ob impuriorum seculorum superstitionem in abusum quendam degeneraverint; abusus hic tamen usum quoque legitimum ac licitum tollere minime debet. Et sic etiam nos ex monito *Salomoneo*, atque exemplo *veterum* memoriam *Iustorum* pariter ac *Eruditorum pie defunctorum*, absque superstitione tamen Papali, celebrem habemus, ut nimirum *natales, vitam, ac facta* ipsorum consignemus, decenti eulogio ornemus, & si qua occurrat occasio, non sine laude eorundem recordemur, præsertim ultimis hisce ac vere pessimis temporibus, ad quæ proh dolor! reservati sumus, quibus Iusti deficiunt, docti desiderantur. Egregie certe *Daniel Heinsius* in obitum *Philippi Crüveri*, Geographi Celeberrimi. Nunc, cum hoc præsertim tempo-

*re magnorum tanta sit penuria ac paucitas virorum, ut, cum singulis, qui moriuntur, ipsa prope eruditio ac litera efferri videantur, cavendum nobis vel imprimis reor, ne quos ad exempla laudum atque aternitatem nominis natura genuit, sine ullâ commendatione tanquam fugitivi elabantur. Ita est ! Clarorum virorum facta literis mandanda sunt, non solum ad gratam eorundem recolendam memoriam : sed etiam ad studium similium virtutum in animis aliorum excitandum. Habet enim acres in animis excelsis ad virtutem stimulos eorum, qui cum laude vixerunt, per exemplum quasi per speculum vivum atque ardens propositum, accensa æmulatio ! Sistitur, vobis Cives Academici exemplum, hodie certe rarum, dum *Virum Maxime, Reverendum, Excellentissimum atque Amplissimum* DN. JOACHIMVM LINDEMAN-
NVM ; S. Theol. Doct. Celeberrimum Metaph. ac Phys. in hac almâ Prof. Publ. Ordin. famigeratissimum & ad D. Mar. Archidiaconum, longe meritissimum, Collegam nostrum eheu desideratissimum præmaturâ morte nobis ereptum non sine lacrymis lugemus. Non sit memoria hujus Justi ac Eruditi si-*

ne

ne benedictione quali qualicunque nostra. Sed utinam hic nobis *Ciceronis* suada *Demosthenis* eloquentia esset. . *Plinius Junior* de *Virginio Rufo*, qui laudis suæ assertorem consecutus erat ævi sui disertissimum *Cornelium Tacitum*, dicit, *bunc supremum ejus felicitati accessisse cumulum, laudatorem eloquentissimum*. Verum enim vero quamvis hic quidem balbuties nostra eloquentiam nullam erudito orbi promittere queat circa laudes Viri, qui laudari satis nequit, quamvis etiam non ignari sumus illius veteris: *Malum pictorem bonam formam imperitiâ suâ deteriore reddere*. Pietas tamen nostra erga pie defunctum plane silere non permittit. Hinc divinum Tanti Viri ingenium rudi saltem adumbrare penicillo, vitæque præclare actæ curriculum absque verborum pomposo ornatu recensere conamur. Natus est LINDEMAN-
nus Noster *seculi ille præsentis dum viveret Phœnix* heic Rostochii Anno 1662. d. 7. April. ex Majoribus suis omni nostrâ laude majoribus. Parentem habuit Virum quondam Plur. Rev. ac Ampliss. DN. IOACHIM. LINDEMANNVM, primo ad e-
dem S. Petri per XIX. annos Diaconum,

num, deinceps ad D. Mariæ Archidiaconum per VII. annos meritissimum, ac propter incomparabilem suadam acceptissimum. *Matrem* vero veneratus fuit Matronam omni pietatis ac virtutum splendore valde conspicuam **E V A M Goldsteins** / quæ adhuc dum longa annorum serie clara superstes, obitum hunc prematurum sui Charissimi Filii mœstissima luget. *Avus paterna linea* fuit VIR quondam Præ-Nobilissimus, Excellentiss. ac Ampliss. **THOMAS LINDEMANNVS** Hervordiâ Westphalus J. U. D. Ejusque Prof. P. in hac alma meritissimus, simulque civitatis hujus Syndicus, & Comes Pal. Cæsar, nec non Consiliarius Serenissimi Ducis Meklenb. quondam regentis **DN. ADOLPHI FRIDERICI** gloriôsæ recordationis. *Avia ejusdem Paterna Linea* fuit **ELISABETHA HAHNIA** ex Patricio **HAHNIO RVM** stemmate hic oriunda, quæ deinceps, pie jam defuncto **DN. D. THOMÆ LINDEMANNO**, nupsit Jcto & Practico Celeberrimo **DN. D. ADOLPHO FRIDERICO AB HAGEN.** *Avus Materna Linea* fuit VIR quondam Maxime Rev. ac Ampliss. **DN.**

M. IOANNES Goldstein / alias Chrysolithus, Pastor hic Nicolaitanus & Ecclesiarum Rostochiensium Superintendens meritissimus. *Avia Ejusdem materna linea* fuit DOROTHEA Alwarten. Proavum ex paternâ lineâ habuit Virum quondam spectatissimum DN. HINRICVM LINDEMANNVM Civem Hervordiensem in Westphalia inclytum. *Proaviam* vero ex eadem *linea* ANNAM KIRGHOFFS. *Proavus Materna linea* fuit VIR quondam Spectatissimus DN. IACOBVS Alwart / Civis ROSTOCHIENSIS Optimus. *Proavia* ejusdem *linea* CATHARINA DYNCKERS. Ut celeberrimum quondam *Patrum* ipsius Virum Maxime Rev. Excell. Ampliff. DN. THOMAM LINDEMANNVM S S. Th. D. Ejusque Prof. Publ. heic Rostochii ; & deinceps Ecclesiæ Teutonicæ apud Haffnienses meritissimum, aliaque stemmatis decora hâc vice taceamus. Hisce Celeberrimis Majoribus BEATVS Noster Collega natus Majorum quoque vestigia feliciter ut legeret, omnem navarunt operam Parentes, imprimis vero optima Mater. Hæc enim, Patre ipsi puero 7. annorum per mortem.

abre-

tianam matrimonio rursus junctam haberet, omni itidem industria studia ejusdem expolire perrexit. Sic autem optime instructus ad altiora tendere cœpit. Et quidem primo Anno 1679. Mense Majo Illustram *Vitembergensium Academiam* salutavit, ibidemque Hospitem sibi selegit venerandum illum hodie Theologorum Senem VIRUM Magnificum Maxime Rever. Excellentiss. DN. D. IO. DE VTSCHMANNUM, Profess. Theolog. longe Celeberrimum &c. Quo Duce privatim respondendo & opponendô sæpe expeditum se exhibuit, hacque ratione præclara Theologiæ jecit fundamenta. Hujus Celeberrimi Theologi consilio informatore quoque in Philosophicis usus est DN. M. GEORG. Schwarzen / Ordinis Phil. rum Adjuncto, mox S. S. Theologiæ Doct. & Præposito Stargardia-Pomerano simulque Gymnasii Profess. jam p. m. sub cujus præsidio elegantem de *Obligatione Conscientiæ Disputationem A. 1679.* omnium cum applausu publice habuit. Præter hos suos Præceptores & alios adhuc, ut B. DN. D. CALOVIIUM, B. JO. MEISNERUM, B. DN. QVNSTEDIUM Theologos quondam insignes,

gnes, aliosque tum temporis Philosophos summo cum fructu studiorum suorum audivit. Antequam vero *Vitebergâ* discederet, & alia delicatiora *Saxonia* & *Misnia* loca invisere placuit, inter quæ *Dresda* & *Hala* eminent, ibidemque curiosiora multa & memorabilia in usum suum observavit. Sequenti vero anno ad *Academiam patriam* reversus, quo ad divinarum imprimis doctrinarum sacraria penetraret, intimæ admissionis discipulus tum temporis hæsit, *VARENI*, *COBABI*, *SIRICII*, & *SCHOMERI* magni nominis Theologorum, jam itidem beate defunctorum. In specie sedulus auditor ac athleta fuit in *Palæstrâ Disputatoriâ Theologicâ* tum ab immortali illo Theologo *B. SCHOMERO* apertâ, eaque tam *privatâ Anti-Jesuiticâ*, quam *publicâ Anti-Socinianâ*. *Disputationem* quoque quandam *publicam* habuit Præsidente Magno *VARENIO* in *Collegio* Ejusdem *disputatorio super universam Theologiam*. A. 84. nempe de *Proto-Canonicis*, & *deutero-Canonicis Scriptura libris*. Quadriennio sic summâ cum laude consumto, vicinam quoque *Academiam Greiffsvaldensem* aliasque *Pomerania* urbes ex ardore sciendi per-

perlustravit. Mox vero rediens eodem anno 84. *Lauream Magisterialem* modeste ambit, eundemque quoque *Brabentâ*, & *Decano* tum *Excellentiss. ac Ampliss. DN. M. CHRISTIANO HILTEBRANDO*, Log. P. P. & *Facult. Phil. Seniore Gravissimo*, Collega nostro colendissimo, non sine laude impetravit. Quos honores ut tueretur ceu legitimus *Olympionices* varia passim *Collegia Philosophica* in usum *Studioſæ Juventutis* aperuit, nec sine insigni *Studioſorum* & concursu & applausu eadem absolvit. Nec minori cum laude ac gratiâ tam plebis, quam *Eruditorum omnium* sæpe è suggestu *Sacras conciones summâ cum eloquentia* habuit. Jamque novum meditabatur iter. Duobus ergo eruditionis plane singularis editis speciminibus: altero nimirum *declamatorio oratione* sc. de *literaria artium venatione* A. 85. d. 12. *Mart.* hab. memoriter, quâ simul munifici illius *Beneficii Poleyani* *Administratoribus* gratias pro collatione muneris hujus agebat: altero *disputatorio*, quo ut *Præses disp. de veritate Imperante* sequi. proxime 21. *Mart.* in Auditor. Maj. perquam expedite pro ingenii alacritate habuit. Sic Patriæ se commendans

dans eodem *Ao. 85. Vitembergam* iterum
 adiit *per Sedinum , & Berolinu n* elegantis-
 simas urbes itinere suo directo. Hospi-
 tem jam nanciscebatur Theol. illum fami-
 gèratissimum B. jam DN. D. ABRAH. CALO-
 VIUM , inque ædibus DN. KIRCHMAJERI E-
 loqu. P. P. & Acad. Vitebergensis Senioris
 commorabatur. Hic denuo summo cum
 ardore Studiorum suorum telam pertexere
 laboravit, audiens in *Homileticis* Eloquen-
 tissimum DN. D. JO. FRID. MATERUM tum
 Prof. Theol. Vitebergensem jam Theolo-
 gum Celeberrimum Hamburgensem. Quo
 duce verba frequenter è suggestu fecit. In
 Theologicis informatorem tum quoque ha-
 buit B. DN. D. MICH. VVALTHERUM supra B.
 KONIGII Theolog. Positiv. privatim legen-
 tem. In *Geographicis* pendeat ab ore
 Consummatissimi illius Polyhistoris DN.
 SCHÜRTZFLEISCHII. Nec hoc modo *Disci-
 pulus* heic tantum fuit; sed & *Doctor*. Hu-
 jus vero jura ac privilegia ut à *Facultate
 Philosophicâ* impetraret *duas* habuit *dispu-
 tationes publicas*, quibus se pro more Aca-
 demiæ illius, ut vocant, habilitavit. *Al-
 teram* sc. habuit ut *Respondens* sub Præsidio
 DN. ROHRENSEE super *duodecadem Thesium*
 sele-

*selectarum Moralium: alteram vero ut Praeses de fortuna fabro. mens. septembr. ejusdem Ann. 85. Et sic potestatem legendi impetrans unum alterumve Collegium Philosophicum ibidem rursus non sine applausu Studiosæ Juventutis habuit. Hæc excursionem quandam faciebat ad vicinam Academiam Lipsiensem omnis elegantiae sedem, & perquam benevole ibidem exceptus fuit à Maxime Reverendis Theologis DN. D. ALBERTI, DN. D. CARPZOVIO, DN. D. PFEIFFERO &c. diem autem extremum obeunte sub initium seq. anni 86. Celeberrimo suo hospite CALOVIO, qui moribundus Beato nostro singulariter benedixerat, mox redire quidem ad suos volebat; sed diu subsistere animus non ferebat, cum peregrinandi ipsum incessisset voluptas. Hinc ad *Belgium* cursum suum dirigebat, adeoque media illius anni æstate *Hamburgi* navem conscendens oram *Frisiæ Orientalis* præternavigando, & *Gorcomum* ac *Stavordam* contemplatus ad *Hollandiæ Septentrionalis* civitatem *Enkby-sam* tendens *Amstelodamum* appulit. Mox per *Harlemum* ad *Academiam Leydensensem* venit, *Witticbium*, *Gronovium*, *Woldecum*,*

Dd

alios-

aliosque Professores audiens, rarumque simul Medicorum ibi hortum & Theatrum anatomicum perlustrans. Inde *Hagam Comitum & Roterodamum* excurrit, tandemque autumnojam ingruente *Trajectum* adhuc vidit, ibique *Leydekkero*, *Gravio* aliisque Viris Eruditis innotuit. Tum per sinum maris navi *Zvdollam* transportatur, indeque per *Benthemensem* Comitatum & *Monasteriense* territorium *Bremam* venit, & sic tandem ad oras nostras iterum accedit. Varia hic rursus *Collegia Philosophica* solito cum applausu studiosæ Juventuti exponit, doctamque disputationem quandam de *præjudiciis Philosophicis* A. 87. d. 9. Apr. ut *Præses* publice ventilat. Anno sequenti nempe 88. iter denuo novum, idque *Danicum* ingredi cupiebat; Sed planè ex improvise ipsum retrahit dulcissima Patria, dum ab Amplissimo hujus Urbis Senatu ad vacantem *Archidiaconatum adis Mariana* præsentabatur, moxque d. 30. Maj. per 120. vota eligebatur, succedens B. DN. M. LUDOVICO BARCLAI, qui quondam B. Ejus Parentis supra laudati *successor* fuerat. Munere sic publico ornatus de suavissimâ quâdam *Conjuge* jam fuit sollicitus. Accepit quo-

quoque Virginem tum Nobilissimam omnibusque virtutibus elegantissimis exornatam ANNAM KORTHOLIAM, VIRI quondam Magnifici, Maxime Rev. Excellentiss. ac Amplissimi DN. CHRISTIANI KORTHOLTI, SS. Th. D. Ejusque ap. Kilonienses Prof. Prim. ac Academiae Ejusdem Pro-Cancellarii jam p. m. Filiam. Quæ tum in ædibus Magnifici quondam Consulis Urbis nostræ DN. DIETERICI Wolffrathæ / jam p. m. commorabatur, ab *Aviâ* ANNA KIRCHHOFFIA educata, Vidua eheu jam mœstissima. Cum quâ suavissime ac conjunctissime hætenus vixerat, ut versus *Poëta Veteris* de illis usurpandus veniat: *Corporibus geminis Spiritus unus erat.* Ex ea libero genuit 4. Ex quibus una est filia ANNA ELISABETHA adhuc in vivis, reliqui vero Filii, nempe, JOACHIM CHRISTIAN, JOACHIM, HINRICH, & JOANN. CASPAR. Ex quibus ultimus adhuc superstes, duo vero priores jam ad cœlites abierunt. Triennio post adlaudati jam *Soceri*, DN. D. KORTHOLTI, invitationem per *Cimbriam* profectus *Kilonium* venit, ubi favorem Professorum imprimis DN. D. FRANCKII, DN. D. MAJO-

RIS, CLASENII, & GEORGII PASCHII
Affinis sui honoratissimi sibi conciliavit.
Abhinc *Gottorpium* profectus *Bibliothecam*
ibidem celebremque *Globum* non sine ani-
mi delectatione conspexit, admissus simul
à Maxime Rever. tum temporis ibidem Su-
perintendente Generali DN. C. H. SAND-
HAGENIO, Affine suo honoratissimo
jam p. m. Et reliquam quoque *Holsatia*
partem eodem itinere peragravit. Nec
sine fructu, nec frustra. Cum & exteri
tum peregregiis certe Beati Nostri donis al-
lecti ationem ejusdem habere cœperint. Sic
enim primo Reverendissimus DN. EPISCO-
PUS LUBECENSIS Eutinæ in Holsatiâ re-
sidens, Ecclesiasticam ipsi functionem in
aulâ clementer offerre propendebat, quam
quoque accepisset, nisi Auditores ipsius
Mariani precibus suis tam charum sibi pi-
gnus retinuissent. Quo etiam fiebat, ut
Præ-Nobilissimus ac Amplissimus SENA-
TUS Noster, Compatronus Academiae No-
stræ Munificentissimus *Professionem Physic.*
& *Metaphysic. Ordinar.* benignissime ipsi
demandaret, ad quam quoque Anno 1692.
Mens. Septembr. solemniter fuit introductus,
prævia inaugurali oratione de *Philosophia*

con-

contra Novaturientium censuras vindicanda. Deinde Vismarienses B. nostro affectum suum contestaturi Pastorum Nicolaitanum & Regii Consistorii ibidem Assessoratum ipsi offerebant ; sed ob plane singularem Auditorii sui in se amorem gregem suum relinquere noluit, Mox & An. 95. nomen suum professus Facultati Theologica Academia nostræ Reverendissima, & quidem Decano Seniore Ejusdem Magnifico Maximè Reverendo Excellentissimo ac Amplissimo DN. D. ANDREA DANIELE HABICHHORSTIO, SS. Th. Prof. celeberrimo & Consistorii Duc. Assessore Gravissimo, Collegii Proff Ducal. ut & Ectis Theol. Seniore meritissimo, Collega ac Fautore nostro perquam colendo. Admissus quoque quam lubentissime fuit, & rigoroso Examine cum laude exantlato d. 9. April. Horis pro & postmerid. Disputationem suam Inauguralem eleganter conscriptam de Sanctorum cum Christo Redivivorum Resurrectione ex Matth. xxvii. 52. 53. cum applausu totius Auditorii feliciter habuit ; Præsideo modo laudato Decano Maxime Spectabili. Quo Promotore eodem quoque Anno Summi ipsi in Theologiâ collati sunt honores,

quos *Doctōratum* appellare solemus. Ceterum utramque suam spartam publicam tam *Ecclesiasticam* quam *Academicam* peregre hucusque ornavit, Auditorium suum Ecclesiasticum suadā suā plane admirandā ita docens ac flectens, ut pro altero haberetur *Chrysostomo*. Quo detestari poterunt *Scripta* quædam *sacra Germanica* typis excusa. Ita & Auditorium Academicum non minori cum eloquentiā ac eruditione fatiavit, partim *curiosissima Collegia*, tam *publica*, quam *privata* aperiendo, eademque summā tum dexteritate ac sedulitate tractando: partim *disertissimas Orationes* de curiosis materiis habendo: partim *Disputationes* aliaque *scripta* edendo, quæ in omnium versabuntur manibus. Quibus etiam accessissent *Dubia* & *Evangelistarum* variis *occurrentia*, nec satis explicata, si vita diutius concessa ipsi fuisset. At vero cum serena viderentur auspicia, insperatus Viri Divini obitus, nescio quo modo? lumen illud obnubilavit, ac acerbissimo luctu totam Academiam pariter ac familiam confudit. Usque adeo nihil in humanis rebus certum est. Mors sola certa; de quo admodum pie *Magna Britannia Rex Carolus*

rolus I. indignissime à suis subditis occisus in libello sub tit: εἰκὼν βασιλική p. 248. *Gratias Deo habeo, nec in secundis meis nova erat mihi hac mortis meditatio, nunquam importuna existimanda cum sint illa tam incerta. Est enim mors Eclipsis ejusmodi, que in suda aque fit, ac nubilo tempore.* Sed veniendum ad extrema Viri. Sic enim admodum fatalis nobis est dies ille 14. mensis hujus Decembris, quo, postquam per octiduum, & quod excurrit, cum vehementissimo conflictatus fuisset morbo, ab eodem tandem superatus in medio ætatis flore eheu defloruit, ultimumque suum vale nobis omnibus dixit. Hinc dolor, hinc lacrymæ! Luget Cathedra, luget suggestus, ipsite lapides, ipsa Te Ligna LINDEMANNNE vocant, luget splendidissima familia, luget tristissima Conjux, luget moestissima Mater, lugent delicatissimi liberi, luget suavissima Soror, lugent affines ac cognati reliqui omnes; Lugent Collegæ, lugent auditores, lugent boni omnes, & quasi uno ore non sine singultibus Tibi acclamamus omnes: *Ab Pater! Ab Pater! currus Israelis & ejus exercitus!* Dominus vero, qui nos afflixit, suo nos solatio iterum

recreet. Sitque inprimis etiam tristissimæ Conjugi loco Mariti, Mœstissimæ Matri loco auxiliatoris, liberis instar Patris. Reliquum est, ut tempus exequiis solemnibus destinatum indicemus: Efferetur nimirum funus Dilectissimi quondam Nostri Collegæ Hodie Hora 1. Conventus autem erit in æde Mariana. Præter rem autem faceremus profecto, si quemquam Vestrûm Cives Academici, una ire impensius vel rogaremus vel hortaremur, quod scimus universos ultro & frequentissimos, qua fieri potest, facturos, & sat scimus, quod postremum hoc pietatis & humanitatis officium ac sola nominis LINDEMANNI, quod singulariter hoc meretur, mentio omnes bonos fortius obstringet, quam ullius hominis aut Scripti invitatio. P.P. *sub Sigillo Facultatis Philosoph.* ANNO MDCXCVIII. d. XXIX. Decembr.

SCRIPTA.

De Proto-Canoniciis & Deutero-Canoniciis Scripturæ libris Disp. Præsides D. Augusto Varenio, Rostochii 1684.

De Veritate imperante. ibid. 1685.

Dodecas Thesium selectarum moralium,
Præ-

Præfide Christ. Röhrensee Wittebergæ,
1685.

De Fortunæ fabro, ibid. eod. anno.

De Præjudiciis Philosophicis, Rost. 1687.

Oratio inaug. de Philosophiæ dignitate,
contra Novaturientium censuras vindican-
da. ibid. 1693. in 4to.

Dynamiscopia divina succinctis thesibus
comprehensa, ibid. 1694.

Joannis Caselii *εὐχαριστικὸς*, sive Discursus solennis de Academia, in Universitate Julia Anno 1592. habitus & propter utilitatem eximiam & argumenti raritatem in usum Seculi nostri recusatus. Accedit Editoris Epistola ad D. Kortholtum & D. Fechtium. Recensente M. Joach. Lindemanno, P. P. Rostochii 1694. 4.

Sanctissimum jubar simplicitatis divinæ, in quantum Philosopho contemplari fas est. ibid. 1695.

De Sanctis cum resurgente Christo resurgentibus ex Matth. XXVII. 52. 53. Diss. inaug. Præfide D. Andr. Dan. Habichhorstio. Rost. 1695.

De iis, quæ Theologia naturalis ignorat.
1696.

De Pantosophiæ humanæ lineamentis.
1698.

Die in Wohlfahrt geendigte Wallfahrt/
bey Christ = ansehnlicher Leichbestattung
der Wol-Edlen / Hoch = Ehr = und Tugend =
belobten Frauen Fr. Margaretha Kirch-
rings / entworffen von Joach. Lindemann.
Rost. 1693.

In MSc. latent elegantissima Oratio pa-
negyrica de Endymione Academico, com-
mendante eruditionem dormitando para-
bilem. Itemque alia de literaria artium
venatione, &c.

Rector & Professores
ATHENÆI GEDANENSIS

Ad

Luctuosi Funeris Exequias,

V I R O

NOBIL. EXCELLENT. CLA-
RISSIMOQUE

DOMINO

JO. JOACHIMO

REVSSIO,

Græc. & Ebreæ Lingv.

Professori optime merito,

Collegæ suo longe desi-
deratissimo

d. XI. Septembr. Ann. MDCCVIII.

Ritu Christiano parandas

STVDIOSAM IUVENTVTEM

invitant.

Memorabilibus Heliconis nostri annumerandum est, quod ab eo tempore quo conditum apertumque est Illustre Athenæum Gedanense, non nisi ad unum Professoris Græcæ, & ad aliud Professoris Ebreæ linguæ, utriusque in hoc munere suo, cum immortalis nominis sui gloria, placide apud nos defuncti funus; Vos, Cives Studiosi Lectissimi, invitare, opus fuerit. Nam ab Anno fundati Gymnasii primo, qui fuit post Filium nobis datum Millesimus quingentesimus quinquagesimus & octavus, ex Professoribus qui Græcam linguam in eo sunt professi, unius ROSTEVSCHERIANI funeris causa, tam mœstum alloquium ad Studiosam Juventutem instituendum fuit. Respicimus VVOLFGANGVM ROSTEVSCHERVVM, Gr. Ling. Professore publicum & Collegii Professorum Seniore, de his literis in Athenæo nostro per duos & quadraginta annos longe meritissimum, cujus obitus contigit An. clæ MDCXC. d. xxvi. Decembris. Reliqui autem, qui eandem spartam apud nos egregie ornarunt, Michael Retellius, Michael Laubanus, Andreas Dasius, Zacharias Wolrabius, Andreas Hojerus, Daniel Lagus, Constantinus

nus Wolfius & Daniel Gradus, relicta hac Musarum sede, aliis muneribus vel in hac civitate, vel apud externos præfecti, quos inter postremo loco memoratus Vir Pl. Rever. ac Clarissimus, Templi ad D. Jacobi Ecclesiastes vigilantiss. hodiernum super est, a tam lugubri officio manibus eorum parando, immunes nos reddiderunt. Pariter ex Professoribus Ebreæ Linguæ, quæ Professio demum ab A. clō Iōc XCII cum Græca juncta fuit, cum antea ab A. clō Iōc XXXI Professores Theologi, sanctiores istas Linguas ultro docerent, unico IOHANNI SALOMONI, Judæo converso, ac ab A. clō Iōc LIX ad A. clō Iōc LXXXIII Ling. Ebr. in Athenæo nostro Professore Ordinario, cui IOH. MAVKISCHIVS, S. Theol. D. ac PP. Conversi hujus in Athenæo promotionem percipiens, Magnifici Scholarchalis Collegii consensu & autoritate, professionem hanc cesserat, extremum illud pietatis debitum præstare necessum fuit. Utinam vero nunc iterum tristi necessitate non compelleremur indicendi immaturum Viri Nobil. Excell. Clarissimique DN. IOHANNIS IOACHIMI REVSSII, Gr. & Ebr. Lingv. Professoris optime meriti, obitum, qui tanto acerbior nobis

nobis accidit; tantoque dignior est, quem
luctu & lacrumis prosequamur, quanto
magis insperatus fuit, quanto & opinione
citius per eum privati sumus Collega pru-
dente, moderato, pacis amante, conver-
sationis jucundæ, & vero Ordinis nostri or-
namento. Interea quia ita visum fuit su-
premo vitæ necisque Arbitro, obtempera-
bimus divinæ voluntati, quodque unicum
officii & pietatis genus reliquum est egregio
Viro præstandum, cursum vitæ laudabili-
ter gestæ, ex more hætenus recepto, bre-
viter delineabimus. Primam ergo lucem
vidit Clarissimus REVSSIUS noster, Anno
reparatæ gratiæ Clō Idc LXXVI, die VI. Ja-
nuarii. Parentes habuit probos honestos-
que: Patrem, Virum Pl. Rever. IOHANNEM
REVSSIUM, Pastorem vici, Oberbeister
dicti, in Marchia veteri Elect. Brandeb. ad
oppidum Seehusium siti; Matrem, fœmi-
nam castam variisque ornatam virtutibus
SOPHIAM ELISABETHAM RIEBENDS. Sacro
Baptismatis fonte ablutum, provida Paren-
tum cura, primis, primæque ætati con-
venientibus Pietatis ac Religionis Christia-
næ principiis instituit, aliisque instituen-
dum dedit. Vix pueritiæ annos emensus
erat,

erat, cum natale solum cum Lubena Lufatiae inferioris oppido commutare ipsi necessum erat, ubi benignitate Amitæ suæ enutritus, Præceptores simul nactus fuit dexterrimos, qui dulcore literarum animum tenerrimum imbuere ceperunt. Accrescente deinceps ætate, Palæo-Sedinum abiit, ubi octo annorum intervallo ea industria ac cura pertractavit optimarum artium studia, ut literis, vitæ innocuæ & in studiis diligentiae indefessæ testibus, a Moderatore Scholæ Mægistro VVEHLINGIO ultro ei oblatis, instructus, Lubecæ postmodum non sine fructu, studia sua potuerit continuare. In hoc florentissimo Musarum commerciorumque emporio, præcipue Græcas literas, sub ductu Conrectoris B. HESSII, itemq; Hebraicas, fideliter has instillante ENOCHO SVANTENIO, Lycei Rectore, sedulo excoluit, quorum animos propensissimos diligentia vitæq; integritate facile sibi conciliavit. Præ aliis vero B. D. AVGVSTO PEEIFFERI Superintendentis quondam Lubecensis celeberrimi benevolentiam amoremque vere paternum ibi expertus est, qui non solum consiliis saluberrimis instruere, animum defuncti voluit, sed præterea mentis suæ

sa sua illum frui liberaliter passus est. Hoc suafore & impulsore, triennio Lubecæ exacto, Vitebergam proficisci in animo habuit, sed cum itinere intentus ventum adversum haberet, Stralsundum nave appulsa, ad Academiam vicinam Rostochiensensem se conferre maluit: vbi nactus Præceptores insignes & doctrina probatissimos IOH. FECHTIVM, SAM. STARCKIVM, & ZACHAR. GRAPIVM, indefessa industria adeo suis satisfecit partibus, ut Professorum omnium, & imprimis modo laudati, & nunquam satis laudandi Doctoris FECHTII favorem amicitiamque meruerit, sub cujus & DN. GRAPII Præsidio quoque bis Respondentis vices publice sustinuit. Inde, relicto Rostochio, cursum in Academiam Regiomontanam dirigens, Elbingæ diuturniore morbo detentus fuit, quo levatus, istas demum Borussiae Athenas accessit, eo animo, ut studiorum Theologicorum cursum ibi absolveret, quo in loco per sexennium permanfit, scopumque suum feliciter attigit, adjutus imprimis opera DN. D. PESAROVII & DN. D. VVEGNERI, sub quo etiam sollemniter disputavit. Adjecit S S. Theologiæ, studium Linguarum præsertim Rabbinicarum,

rum, usus opera IOH. VVILH. BOCK, Judæi
conversi. Adeo autem jam creverat ejus
eruditio, ut ipse bonas artes, imprimis lin-
gvam Græcam & Ebraicam felicissimo suc-
cessu alios docere posset. Interim mirabili
cupiditate harum literarum incensus erat,
quarum ulterius excolendarum causa, Re-
giomonto Hamburgum, pellectus fama
L. EDZARDI, hinc Kilonium, sectatus magna
illa Philologorum Lumina OPITIVM & DAS-
SOVIVM, se recepit, & utrobique horum
Doctorem magisteriis ac scholis mirum
quantum profecit. Elapso aliquo tempore,
Anno clō 1000 IV in hanc civitatem no-
stram delatus est, non sine miro Dei consilio,
ut ipse aliquoties agnovit, evocatus à Viro
quodam ingenuo, ut liberos ejus literis mori-
busque privatim institueret: in qua statio-
ne tamen per paucos solum menses, morte
Benefactoris sui interveniente, permansit.
Ab eo tempore Collegia Græca pariter ac
Hebraica privatim habendo, viam ad futu-
ræ Professionis felicitatem sibi aperuit.
Magnificus enim Urbis Magistratus, tum
aliorum fide, tum erudito profectus & in-
genii specimine, quod ipse Ao. clō 1000 V,
occasione verborum Mālachiæ cap. II, v. 16.

כִּשְׁנָה שְׁלֹחַ, tentaverat, & Illustri Collegio Scholarchali exhibuerat, de indefessa ejus industria & in docendo dexteritate certior redditus, vacante per abitum Viri Pl. Rev. Clarissimique DN. M. DANIELIS GRADII ad munus Ecclesiasticum in templo D. Jacobi obeundum, Græcæ ac Ebreæ Linguae Professione, dignum eum judicavit, ut legitima vocatione A. 101000 VI hanc spartam ipsi demandaret, cui d. IV. Novembr. ejusdem anni consueto ritu præfectus fuit. In tam arduo & gravissimo officio Beatus noster non nisi summa cum laude se gessit, nihil quicquam omittens, quod suarum esse partium credidit, quod ipsum notius est, quam ut prolixè hic debeat recenseri. Cum vero exsortem matrimonii vitam agendam sibi non existimaret, tori consortem elegit Lectissimam sui que sexus virtutibus ornatissimam Virginem, FLORENTINAM ELISABETHAM BAVMIAM, quod connubiale foedus A. 101000 VII. d. XIV. Julii consummavit. Conjugium illud prole licet destitutum hæctenus, satis erat tranquillum & ab omni parte faustum, nisi mors nimis mature divulsisset, quos amor arctissime conjunxerat. Ita enim supremo Numini placuit, ut cum primitias

amo-

amoris conjugalis vix degustasset, in munerē autem Professorio nondum annum secundum compleffet, ipsum ex hac mortalitate iterum evocaret, immisso hanc ob causam ei morbo primum leviori, qui ex stomacho videbatur habere originem, cujus initia sensit die XVIII. Augusti, Sabbati, & die XIX. Dominico. Attamen non cessavit die sequenti, quo anniversarium Examen instituebatur, inter reliquos Professores, officii sui partes explere. Inde vero domum reversus graviores morbum latentem sensit, cujus incrementa mox prodidit febris acuta, quæ vires ægroti de die in diem totas comburebat, frustra adhibitis variorum nobilissimorum remedium specibus. Durante morbo ac interiore simul æstu, durarunt apud ægrum piæ & ardentes meditationes, cumque mortis horam instare videret, & vivere & mori se promptum, uti domino suo visum esset, profitebatur. Hoc modo DEO se permittens, totumque tradens, & viatico cœlesti præparatus, inter preces & suspiria, rationis suæ ad extremum usque halitum compos, placide obdormivit, & miseram hanc mortalemque

vitam cum beata & sempiterna pie feliciterque commutavit, Dominica XIII. post Trinit. die II. Septembr. hora octava matutina ; cum vixisset Annos XXXII, menses IX. Nunc superest, Cives Studiosi, ut Vos vestrum agatis officium, & pie defuncto Professori ultimum Christiani honoris officium, & animi grati signum exhibeatis, quod in exequiis præsentia vestra exornandis consistet. Id igitur ut prompte & prolixè faciatis, etiam atque etiam adhortamur. P. P. d. XI. Septembris
 CLOCCVIII.

SCRIPTA.

Periculum Hermenevticum, occasione verborum Malach. II. v. 16.

בִּיטוּן שֶׁלח, tentatum & exhibitum Gedani, 1705. 4.

Programma de Philologiæ amplitudine, quò simul Lectiones suas publicas intimavit. Ged. 1706. fol.

ADDI-

ADDITAMENTA,

I.

CELEBERRIMI VIRI

IOANNIS CASELII

AD

IOANNEM REC-
CIVM,

imperialis reipublicæ

Goslariensis Confu-

lem amplissimum,

EPISTOLA.

Agitur hac epistola de puerili educatione ad litteras, non suscepta pleniore explanatione huius negotii. Visum enim mihi fuit ex pluribus adspargere nonnulla, qua ad rem facerent. Naetus autem prater ea hic satis commodam occasionem, profero aliquot viros non vulgari doctrinâ prditos nationis Westphalica, qui ab annis circiter septuaginta de bonis litteris & pueritia in hisce Cisueseranis provinciis cum primis benè meriti existimantur; nec non afficio quemque eorum sua laude, non solum, ne quis pramio fraudetur, sed etiam, ut cum alii de illis emulandis potius cogitent, quàm novam, peregrinam, & falsam institutionis formam ad nos inferant, tum qui primæ ætati moderatores auctoritate publica præficiunt, illiusmodi viros inveniant, qui non desistant à veterum vestigiis. Non enim existimandum est, novatores aliquid melius attulisse, quos illi cunque novos Parnassos somnient.

Ιωάν. ΚασήλιϞ.

*CLARISSIMO & DOCTISSIMO VIRO***IOANNI RECCIO,**Imperialis Reipublicæ Gosla-
riensis Consuli amplissimo,

S. D.

IOAN. CASELIUS.

OStenderam familiaribus ante menses aliquot, me certo argumento ad te scripturum, ubi essem nactus plusculum otii. Eam illi lucubrationculam flagitare magis cœperunt, quàm tu fortè desiderares in istis occupationibus. Neque tamen non ea libenter leges, quibus tibi præter alia, abs re non futura, prædicabo bonitatem ludi vestri litterarii. Noram ego pridem educationem teneræ ætatis apud vos rectè administrari, quod, cùm ante biennium tumultu circa hoc oppidum orto istuc excurrissem, & plurimum relatu cognovi, & ipse vidi: neque non eodem tempore & in huiusmodi sermones incidimus, quos neque à tua dignitate alienos duceres, & ego meo instituto congruere iudicarem. Nam & principis reipublicæ est, hoc negotium intelligere, & cum cæteris pro-

Ec 4

cura-

curare sedulò, & omni diligentia, gubernantem præsentia, & prospicientem alteri sæculo: qui autem serio studio sapientiæ occupamur, eam partem, qua primum ingenia ad aliquam cognitionem & ad bonos mores informantur, negligere aut præterire nullo modo possumus: secus absurdè in vita nos geramus. Naturâ namque satio antecedit segetes.

Ego ex quo vitæ humanæ gustum habui, & quæ qualisque esset, & quomodo, quoque fine degenda, cognovi, nihil habui antiquius, quàm ut à me exorsus, de priorum primum, ac deinceps aliorum, in quibus notam boni deprehenderem, correctione non curiosam curam agerem. Intenta enim sive in privati bonum, sive ad publicam salutem cogitatio, sive hoc studium, curiositati affine nihil habet. Liceat mihi ad te aperire affectum animi mei: ego si quid in primæ ætatis educatione, ea præsertim, cui simul adhibentur litteræ, intelligam & possim, patior quidem me moneari, rogari non patior neque me nemini offero: ueque tamen me obtrudere cuiquam videri velim: occasione autem declarandæ huiusmodi benevolentia uti inter-

terdum soleo: nec esse hoc à me alienum arbitror, quod nec auctoritate regum, ne sapientum dicam, quorum qui hoc munus negligat, suæ dignitatis oblitus videatur. Vult enim & debet esse in utroque primum, ut semetipsum virtute perficiat & scientia, tum ut ad decus & suos, & quos possit prætereà, erudiat. Non potest ferè unquam ad eam rem animadvertenti deesse occasio: quæ tamen interdum sese major ostendit, & mihi sæpius nascebatur superiore anno magistratum gerenti.

Cum enim primum initiati sacris Musarum mihi nomina ferè quotidie de more darent, ipsi simul, unde essent, referebant ultro, ego, ubi didicissent, quærebam: interdum nonnihil progressus, ut essent eruditi, & à quibus magistris, inquirebam. Institutionem quidem, quæ vera sit, uniformem, aut non nimis esse discrepantem oportet: at ego deprehendi aliud alios sequi. Sunt qui suæ fidei creditos temerè erudiant, quòd ipsi ad certum modum eruditi non fuerunt: pauci recta educationis via insistant: plerique, plures certè quàm velim, & expediat, illi novationi student, quæ ante annos plus minus sexaginta ine-

ptè excogitata & petulanter introducta, multis elegantibus ingeniis fraudi fuit, ut cum ad veram frugem non venirent, se arcem sapientiæ tenere tamen arbitrarentur. In clarissima & sapientissima academiarum Europæ id mali natum, Te non fugit, unde cum communi suffragio doctissimorum hominum, & auctoritate summa exterminaretur; fama illius novæ sapientiæ ne Alpes quidem transiit: doleo ei iter patuisse in Germaniam. Haud scio, qui primi ex istis novatoribus alii aliò transferint, ingressi ludos pueriles initio, ubi facile persuaderent adolescentulis, penes se esse fontes novæ sapientiæ & eloquentiæ: se compendia omnium scientiarum tenere & monstrare solos: nihil alios intelligere, obsoleta esse, & nulli usui monumenta veterum. Quæ est audacia, tentavere iidem academias, & cœpere sibi famam comparare. Ex quo malo hoc boni tamen natum, ut qui quæ de studio sapientiæ vix delibassent, traderent negligentius, rimarentur accuratius, quæ docerent, & juventutem in omnibus philosophiæ partibus, etiam in iis quæ ad scientias ducerent, non paulò rectius informarent. Successere do-
ctio-

ctiores, qui illis inscitiae imbribus dissipatis, solem scientiae reducerent: jamque ad eò apud nos adolescentes ineptias rident, & refutant absque negotio: nugarum magistri in publicum non prodeunt, etsi fortè in angulis ad stupidiore musitant. Utinam proximum flumen non transiissent: utinam Transveserani superioris sæculi popularium vestigiis non excessissent: nec ipsi suam juventutem, nec nostram in hunc errorem induxissent: quam inscitiam rectius dixeris. Opinio enim sapientiae magnus error est, nec inscitia simplex, sed quædam deterioris generis. Ex hac autem quantum erumpat in vitæ consuetudinem mali, & attingi aliquando, nec paullò differtius explicabo, cum, quæ satis diu meditatus sum, de emendandis ludis litterariis, litteris mandabo, si fortè bonis rationibus auctoritatem excitare queam ad re-tundendam inscitiam arrogantis inscitiae magistrorum: & vindicandam rectam in litteris virtuti non minus, quàm doctrinæ destinatis educationem.

Neminem autem ferè fugit, per quos huc derivata sint, quæ rectè improbamus, quod partim falsa, partim imperfecta sunt,
par-

partim inepta, nullique prorsus usui. Cuiusmodi enim litteras adprehendissent vel aliunde vel domi, tales huc transtulerunt. Neque enim vel hoc obscurum est, & absque contumelia dici potest, quod ab illis etiam ipsis ante annos centum celebratum fuisse inficiari nemo potest, (sunt enim monumenta in manibus lepida & falsa) ex gente populosa, quam patria omnem capere posse vix videatur, transire quotannis in has citeriores regiones non ad Albim solum, sed & ad mare Balthicum, ex humilioribus plures, nec nullos ex litteratis, fortunas sibi & sedes quasitum. Cum enim & ingeniosi sint multi, & parati ad honesta obsequia, & laborum tolerantes & industrii, facile sibi benevolentiam apud nos bonis artibus inveniunt, & absque invidia tuentur honestum inter nostros locum, quorum porro elucet fides & integritas. Mihi de aliis ad differendum causæ nil, qui habent censores neminem non ex populo. Omnes enim hæc & satis intelligunt, & rectè existimant. Vide, rectenè iudicem de his, qui secum doctrinæ aliquid adferunt: quorum ego habeo, quos ab altero & hoc sæculo benè de nostra juventute

tute meritos proferam, & memoriæ prodam, si quid ego hac in re posse videar.

Ab annis circiter centum & quinquaginta è Græcia in Italiam illatis denuo Græcis litteris, & earum, & Latinarum particeps paulatim cæpit fieri Germania, atque eodem tempore respexere orbis Christiani provincias præcipuas plerasque Musæ, sic ut litteræ passim colerentur, non solum pauci sermone quodam Latino de rebus abditis mullarent, sive differerent. Illorum, qui pauci tamen & obscuri erant, sapientiam non reprehenderim, de qua plurimum etiam participare desiderem: aio ex illo sæculo lucem ortam humanitatis pluribus populis, & fulsisse latius bono generis mortalium. Non est epistolæ recensere & prædicare illorum sæculorum magistros. Erant mediocri eruditione & singulari probitate, & multi in his, quas antè dixi, regionibus, & ex nostra vicinia veniebant alii, quorum partim in longinquiorebus, partim in Saxonis academicis ita didicerant, ut si non toti tenerent arcem sapientiæ; quod quocumque omnibus sæculis obtingit? certe ad probitatem in litteris rectè & fideliter erudirent harum urbium pueritiam.

tiam. Relinquam etiam nostros, qui fuerent plures: referam tibi doctos & probos hospites, & quos nobis pueris adultiores prædicabant, & quos ipse quinquaginta & amplius annis mihi probè cognitos observavi. Benevolentia enim & honore dignos censeo, qui benè de juventute merentur: nec stulto iudicio, dignitatis popularis expertes, & tenuiores superbè præ se contemnentium: quod vulgus facere, nec novum est, nec mirum: quippe plerique mortalium, de rebus parum intelligunt, & perperam sentiunt: nec novum, nec mirum alterum, idem fieri à nonnullis, qui eruditionem, sibi utilem, secuti, specie ejus contenti, non nisi ad honores contendunt, & ad divitias. Nec vero erraverimus, si & hos in vulgo relinquamus: cujus & opiniones plerasque retinent, sed hoc pejus, quòd & eundem vitæ modum servant, nec præfixum sibi nobiliorem finem habent. Intelliges autem ex iis, quæ referam, me rectè sentire, & hospitem odisse neminem, quòd hospes, certoque loco sit oriundus. Malè sanus sit, qui ita sentiat, nec sanè dignus, qui in ultimis subselliis sententiam ferat. Ego quantifè-

ti fecerim ex ea gente viros, bonis litteris & integritate præditos, ostendam tibi recensione quorundam & prædicatione, qui meæ ætate siue memoria de juventute & litteris cis Visurgim ad littus usque Balticum præclare mihi visi fuerunt meriti. *Et ipse Westphalos, viros doctissimos noveram sanè multos, & celebrari à bonis audieram plures: è quibus erant præcipui & memoriæ consecrandi, si quis scribendo tantum valeat, Tulichius, Rivius, Burenus, Glandorpius, Arsenius, Dabercusius, Bocerius, Rolevincius, Lenicerus, Orestes, Pollius, Reineccius: quos ego in litteris admodum probavi omnes, plerosque novi, cum pluribus non vulgarem, cum uno atque altero singularem amicitiam colui, uni atque alteri fui carissimus.*

Vix attigeram litteras puer, cum vidi & legere cœpi HERMANNI TVLICHII libellos, quos ex Quintiliano, nisi me memoria fallit, & ex aliis prisca sæculi, puerili educationi confecerat, in ludo Lunæburgensi, quem regebat. Namque ea civitas, cum optimatum consilio regeretur; maturè consuluit educationi civium: quod prudentis senatus magnum argumentum putan-

tandum est. Vidi ejusdem versus, quibus teneram ætatem alliceret ad Latinas Græcasque litteras, & ad morum probitatem: quæ cum viderem, uti dixi, puer, videbar mihi virum videre, & ab ipso quoque erudiri: ac certè erudiebar. Audivi adultior ex aliis, qua fide & industria munus suum gesserit: quod cum fuisset illic agnitum, ad fores gymnasii fortè non longè ab ipsius tumulo Phaleucium parieti insculptum fuit, quod & te prætereuntem legisse suspicor. Ille vel primus, vel cum primis primam ætatem illius loci rectè erudiit: quam rationem à successoribus servatam semper intelligo: aliquid addidisse etiam, ubi id bono pueritiæ fieret.

Paucis autem annis abhinc ALBERTVS LENICERVS, vir doctus & gravis, æque industrius, & illius pulveris patiens, quid in erudienda adolescentia sequeretur, mihi illac transeunti diligenter exposuit: alterius linguæ negotium doctissimo collegæ demandarat, ipse adolescentes in Latina exercebat totos dies: typis edebat, quæ interpretaretur, aliquando notis adjunctis: non ita aberrabat, ut philosophos se fingere diceret ante annos: artes, ut vulgo loquimur, dicen-

dicendi degustari à puberibus volebat , & ad lectionem monumentorum vetustatis invitabat : nec verò hoc frustra : in sermone familiari nominem multos, quos ille ad fores & in templa Musarum duxisse rectè perhibeatur : adeoque , ut & antè dixi , servatur hodie in illa laudatissima civitate ratio eadem erudiendæ primæ pueritiæ.

IOANNES autem RIVIVS, quantus artifex hujus rei fuerit, etiam in hunc diem loquitur Misnia , & ipsius libri testantur eruditè scripti : dedit operam , ut quemadmodum ipse purè scriberet , idem conarentur tam bonæ disciplinæ alumni : cumque in eadem schola essent , qui hoc negligerent (narra- vit id olim mihi socer meus , Vir Cl. Andreas Mylius,) orta fuit inter adolescentes , uti sit, contentio , deinde æmulatio : hæc mansit , & ferri potest : illam auctoritate magistratus tolli oportuit , sicut ejiceretur inscitia , & barbaries gemens loco cederet. Dignum viro erudito fecit , qui emendatione comœdiarum Terentii operam perutilem & doctis ubique gentium probatam præstitit. Quare multo etiam plures ex ipsius ludo docti & disertii viri prodierunt.

Ex his erat MARCVS DABERCVSIVS, à na-

Ff

tura

tura quoque factus ad erudiendam pueritiam in utraque lingua & initiis cæteris liberalis doctrinæ. Cùm enim dux Megap. Ioannes Albertus, *εὐεργέτης* meus, academiam Rostochiensem nutantem resuscitaret, ut alibi longa & vera narratione à me expositum est, non solum per omnem provinciam ludorum puerilium rationem haberi iussit, sed primarium quendam ipse suo sumptu Sverini condidit, ex quo in academiam cultiores adscenderent. Auctor fuerat & huius consilii, & accersendi è Miſnia Dabercusii, focer, quem supra dixi, meus. Ita feliciter cessit hoc negotium, ut non solum pueri nobiles & fortunati, & tenues è provincia, sed ex longinquioribus etiam locis, & è Borùssia, & è Polonia accurrerent, nec inanes domum reverterentur. Ita totus erat amicus illè meus in studio rectè informandæ pueritiæ, ut ne minimum quidem prætereundum duceret: sic ordine ad maiora feliciter transiri, rectè omnino indicabat. Fidei enim suæ esse non putabat, summa polliceri, ubi de imis, sive principiis nihil solidi appareret: sanè scriptum reliquit & publicavit, quemadmodum adolescentuli solidam principiorum

orum utriusque linguæ cognitionem adipiscantur : nec aberravit ; necessarium ratus, omnia persequi, vel minutissimum quodque. Quæ superstitio fortè in docendo, non perinde in exigendo penso observanda videatur.

Coëterùm de tribus, quorum consuetudine Rostochii usus fui, Te non penitus latet, quando paulò post illic apud nos liberalibus disciplinis, ac demum etiam scientiæ legum operam dedisti. Colui autem amicitiam cum IOANNE BOCERO, ad Varnum non minus, quàm antè ad Albim & ad Viadrum: *quem ego non doctum solum, sed & integrum, & rectè sentientem de educatione in litteris cognoveram.* Interpretabatur splendide poëtas, idque ad veterum rationem, quam solam esse veram judicabat, in nova inesse futilem ostentationem, nihil solidæ eruditionis sæpè clamitans. Sed & reliquit ingenii monumenta, cum alia, tum elegias, quibus reges Daniæ descripsit, facili, nec inculto carmine.

De ARNOLDO BVRENIÒ plura cognoveris, quòd tum recente viri memoria, ore omnium in formandis ingeniis & in dicendo exercendis ejus industria prædicabatur.

Accedit, quòd ipsius laudationem scripsit Nathan Chytræus, gravis cumprimis & doctus vir. Et ipse verò etiam Burenium passim, quoties occasio ad eam rem fuit, laudavi, quo juvenis primum ex Italia rediens, amico, sene admodum, tum quoque non solum ob ætatem, sed potius ob afflictam valetudinem emerito, in alterum annum usus fueram. Cætera non sunt hujus loci: ille postquam ducis Henrici, qui Pacifici nomen ab iratis militibus meruerat, filium Magnum Suerinensem episcopum, præclarè erudierat, & ad regiam virtutem, quæ est justitia, conjuncta cum beneficentia; *bono academia Megapolitana Rostochium, venerat, & si quid ego illius temporis notitiæ habeo, & judicio ipsius rei valeo, collapsam industria & præclara eruditione unus & primus capit erigere. Egit enim, relictis rebus, magno studio, ut auditores saperent, & virtutem colerent, & iis potissimum magistris uterentur, qui ad informationem animi simul & linguæ rectè ducerent.* Itaque & principem philosophum, & parentem Latinæ eloquentiæ, disciplinæ suæ alumnos jubebat habere in manibus, non qui quenquam à cæteris arceret, sed

ex his petenda principia, constanter asseveraret. Addebat enim hoc, esse Arcadici gregis, qui secus judicarent. Illo autem suo consilio, & hac sua voce, vulgo eruditorum intolerabili, ita commovit vir doctissimus inscientiam, ut quidam, non malitiosè minus, quàm temerè humanissimum senem in suspicionem prophanitatis adduxerint: quod per se etiam impium factum est: etsi familiares cum in lectione sacrorum esse quotidie viderent, ita ut quosdam ejus generis libros attriverit legendo: unde de ipsius pietate dextrè opinari par erat, nec calumniari, quod singularem etiam laudem mereatur. Sed talem plerique reportant gratiam, qui in excolendis ingeniis & propagandis liberalibus disciplinis operam ponunt impensius.

Eodem tempore, eodem loco vivebat HENRICVS ARSENIUS, vita religiose addictus, illi fortè in iis, de quibus dixi, non par omnino, nec multo tamen inferior, in quodam superior haberi poterat. Sæpe autem mecum in hortis, quos colebat, de maximis hujus sæculi contentionibus contulit, quas deplorare quilibet, emendare potest nemo. Hoc enim non est nostræ condi-

tionis, qui de plebecula vel de populo censetur vulgi suffragiis, sed conjunctæ cum sapientia potentiæ. Vnum idque singulare de hoc viro referam, & memorabile: quòd in ista vita otiosa nunquam vacabat à lectione Græcorum veteris ecclesiæ; hoc & ipse vidi, & testantur libri unus & alter, quos habeo ab hæredibus.

Nec minorem laudem cæteris meretur VVERNERVS ROLEVINCIVS, vir non minus Græcis, quàm Latinis litteris præclarè eruditus, disertus admodum, & veteris philosophiæ assertor perpetuus, uti eum ego quoque cognovi. Qua ille disciplina gymnasium Hamburgense administratum acceperat, eam & ipse observavit, quòd melior nulla esset: abductiones autem à veteri vera regula è manibus adolescentum excutiebat, & si quos pertinaciter illis inhærere animadverteret, eorum rationem habendam sibi non putabat, non solum, quòd supra magistrum vellent sapere, sed magis, ne condiscipulos inficerent. Namque in novissima quæque omnes inhiant, & scioli cupidè propinant æqualibus de sua inscitia.

Cæte-

Cæterum in hac recensione, auctoritatem Tuam secutus, fide Tua proximo loco ponam BERNHARDVM ORESTEM. Sed & Martinus Baremius, & Auctor Hustethus, testes sunt bonitatis ipsius disciplinæ: quorum similes ex hujus ludo prodiisse plures audio: qui quanquam non nisi annis quinque rem litterariam Brunsvigæ in primo gymnasio administrans, plurimum tamen præstitit; præ omnibus veram laudem diligentia & constantia laborum meruit. Etenim etiam cum adversa valetudine jam graviter conflictans, nihil remittendum sibi putavit de perpetua cura, nihil fere sibi à quotidianis operis temperans. Rectè me de Oreste monuisti, quem omisisse videri possem non absque injuria, singulare exemplum doctrinæ, fidei & laborum tolerantia.

Hujus erat persimilis, sed annis minor, PHILIPPVS POLLIVS. Cùm enim præsul Eberhardus. Hollanæ gentis decus, annis abhinc circiter triginta ludum litterarium Verdæ ad Allarim conderet: ei præficiebat optimum pueritiæ magistrum Detlevum Rascium, oriundum ex hac ripa Visurgis.

Hic trans flumen natum sibi in litterario hoc munere allegit Pollium : utrumque æque prædicant grati discipuli, meque in familiari sermone monuerunt de hoc juvene, quem tamen ipse noveram, & ultrò in hanc classem referre debueram. In eo autem vitæ genere cùm natura ferretur ad poëticen, nec inconditos versus interdum pangeret, ad lectionem poëtarum se potissimum contulerat, & veteres bona ratione, ad utilitatem juventutis interpretari noverat: quod non multi student, assequuntur pauci. In bonis, quæ sæpe minima putantur, quia maximum usum habent, in minimis censeri minus debere dixerim, in quibus est καλλιγραφία. Cujus si ego particeps essem, nec unquam ferè aliena manu uterer, & crebrior essem in scribendo, & interdum tangerem, quæ unum scire velim, ignorare cæteros. Ille non tam monstrando, quàm exemplo, pueros ad elegantiam, characterum alliciebat, ut scriptura non minus adolescentes, quàm latinitate eruditi inde prodirent. Quòd eodem nihil integrius, exponit sæpe Rascius: & ipse testor fuisse officii plenum. Namque non
fo-

solum in iis, qui magna tractant, sed & in cujuscunque conditionis hominibus, & sunt, & requiruntur partes officii.

In hac autem Academia incidi in REINERVM REINECCIVM, de quo viro quid sentirem, scriptis olim ad ipsum litteris testatum feceram: postquam huc veni, iudicio me non aberrasse deprehendi, proinde ex ipsius obitu, quantam historia jacturam, tantum ipse quoque dolorem accepi: atque hoc majorem, quòd homo erat absque fucò. Quod ego minus miror, quoniam prodierat ex optima disciplina.

Etenim magistrum habuerat IOANNEM GLANDORPIVM, quem consilio mihi in hunc locum reservavi. Ipsum non noveram, sed vidi semel apud Melanchthonem. Hunc enim tum observabant viri docti, cujus etiam memoria mihi hodie sancta est, & mei similibus. Non solum enim illa tempora, sed hæc quoque debent lucem elegantis bonæ doctrinæ Melanchthoni in his regionibus, ad septentrionem vergentibus. De Glandorpio pluribus agam, tum, quòd fuit à me recensitorum popularium, à Burenio, cui primas jure tribuo, secundus;

una etiam re illo superior, quòd plura monumenta ingenii reliquit non solum, quòd erudiendæ primæ ætatis veram rationem princeps ad vos attulit. Fuit omnino vir magni ingenii, animi non abjecti, diligentia incredibilis, iudicii dextri. Apparet ex omnibus, fuisse ipsi propositum, ut ornaret rem litterariam, & rectè educaret pueritiam, non ad opinionem aut umbram aliquam doctrinæ. In illo profecit multum, in hoc profecisset haud minus, si per arrogantem inscitiam ipsi licuisset. Perpetuum enim ferè est, ut quæ qui non didicerunt, non ferant, quamvis meliora, & elidant bonos magistros, ne quid de auctoritate sua iacturæ faciant. Iacerent enim, si minores aliquid solidæ eruditionis consequerentur. Noster autem, (nostrum dico, qui bonarum partium semper fuerit in hoc negotio) quos utriusque linguæ scriptores non legit? atque ego de optimis loquor. ipse plurimum operæ præ aliis posuisse refert in Tullio, Livio, & Cæsare. Hunc verò cum non minoris faceret, quàm censor scriptorum solertissimus & æquissimus Scalliger pater, suum de summo scriptore iudicium

cium docto & polito carmine exposuit, ac præterea notis pereruditis omnes commentarios illustravit: è quibus & alterum videre licet, quanta cum diligentia quidquid est historicorum pervolverit. In quibus cum esset, qui fuit ipsius diurnus & nocturnus, & plurimum annorum labor, cum alia memorabilia annotavit, tum Romanas familias observavit, ex quorum vera constitutione plurimum lucis historiæ accedere rectè judicabat. Etsi autem præter unam & fortè alteram familiarum nulla extat, tamen plerasque & observasse, & in ordinem rede-
 gisse, scriptori fides cur non habeatur? cum unus idemque labor ille fuerit: perficere autem, per ætatem quidem potuisse puto, per fortunæ iniquitatem non potuit, nisi quorundam inscitiam obstitisse egregiis viri conatibus censeamus, quæ mea est non temerè suscepta suspicio. Cum ferè ad finem perduxisset gentem Iuliam *deces-
 sit in patria*: quam ego partem, & cæteras reliquias periisse sive surreptas sanè doleo. Gentem Antoniam cum perfecisset, ad vos misit, gratum haud dubiè amplissimo ordini vestro munus, uti per se splendidum,
 &

& historiae Romanae lectori utile est : atque hic viri labor in perpetuum serviet rei litterariae. Non sinent enim Musae tam accurate factum eleganterque perfectum opusculum umquam aboleri. Cum primo *gymnasio Brunsvigensi praesset*, fuit, ut audio, qui, quae hic rectissime tradi juberet, non ratione bona, sed imperio intempestivo mutanda decerneret : sed ille impatiens tam iniquae servitutis abiit potius, quam se inscitiae subjiceret, homo tanta eruditione, qui in prima quoque orbis academia humaniores litteras cum juventutis fructu maximo, & summa cum laude sua profiteretur. Turpe est, nec flagitio caret, si calones, quibus in impedimentis locus est, instructionem aciei & imperatoris munus sibi vindicent. Hujus Glandorpii ad vos adventu vestrae civitatis ludum litterarium sive emendatum, sive primum constitutum, nec ipse dubito, & quisque vestrum cognovit rectius. Quam autem formam in docendis litteris secutus sit, ex ipsius studiis innotescit. Procul absuit, cum ab aliis non satis eruditorum aberrationibus, tum à novitiorum ineptiis, sive absurditates dicas : quae
ma-

maturioris ætatis erant, & propria academi-
arum, pueris inculcari aut occini veta-
bat. Qui sermonem intelligerent, qui scri-
ptores legerent, eos in scribendo exercebat,
ad historiam alliciebat, degustare, quæ ca-
pere possent, de liberalibus disciplinis sine-
bat, perfectiora ab aliis magistris capere ju-
bebat. In his autem rebus, quos unius
gentis artifices erudiendæ in litteris pueri-
tiæ, rectè laudavi, consensere, etsi alius præ-
stabat alii in eadem disciplina. Horum si
similes in nostras regiones undecunque
transeant; & utiles erunt & grati hospites,
qui ab his diversa important, satius quovis
gentium se convertant, quam nostram
pueritiam per quasdam partim frivolas,
partim noxias nugas, opinione eloquentiæ
& sapientiæ imbuant. In frivolis habeo,
quæ cum temporis non parum auferant,
nulli deinceps sint usui: noxia sunt, quæ adi-
tum ad veterum sapientiam intercludunt.
Hoc autem fit utroque modo, & quando
qui se putant sapere, & quando, primis gra-
dibus exemptis, adscendere altius nituntur
frustra. Pauci enim sese ab initio totos re-
texunt: quod quæ faciant, eorum ore talium
ma-

magistrorum laudes decantari audias. Hos ego magistros, nec queam, nec amare debeo, si iidem maneant, hoc est, opiniones suas mordicus teneant, & instillent aliis: alteros, undecunque illi sint magnificatio & prædico.

Sed qua gratia hæc coepi scribere, ad id redeo. Vestrae scholæ incommodè iudico factum, dimisso & istinc Glandorpio. Quisquis hoc egit, tam malè de vestra illius ætatis pueritia meruit, quàm qui eum accersivit, meruerat benè, quod optimè factum fuerat meo iudicio. Neque tamen ipsius disciplinæ vestigia atque exempla relicta apud vos fuisse, sic rationem in eo, quòd ab eo tempore rectè fuere educati istic civium filii, & eorum condiscipuli.

In hoc cum non minorem operam, RECTI, & æquè felicem navares civibus Tuis, patria Te ex illo perhonesto loco in altiorem gradum civitatis sustulit. Patres enim Te in senatum legerunt, & brevi interjecto spatio Consulem designarunt: Tu verò

verò ex eo tempore non minus Tibi curæ habuisti educationem juventutis, quàm gravissima illustris vestræ reip. negotia. Tua enim potissimum cura effectum est, ut Baremius, Græcis litteris ita præclarè, uti Latinis præditus, Brunsviga accerferetur. Eum ego tum mirabar dimitti, facta permutatione, cujus mirum, ni auctores interea pœnituerit. Baremius enim & Hufstethus, cives ipsi, teneram patriæ pubem erudierant litteris, ut à nemine rectius & majore fide fieri potuerit. Verùm in omni genere usu venit, ut quæ bona, aut mediocria sunt, æquis oculis non adspiciamus, donec deteriora successerint.

Baremio apud vos ad sacra vocato, munus istud gerit Nendorphius: quod cum susceperet, hortabar familiarem; caveret, ne juvenis doctissimus & poëta cultissimus antecessorum quopiam videretur inferior: eniteretur etiam æquare præceptorem Rascium, quem & in hac epistola & sæpe aliàs laudavi hac de caussa. Misit autem Rascius rectâ in academias è ludo suo adolescentes sanè multos, & omnes capaces uberioris do-

tandum est. Vidi ejusdem versus, quibus teneram aetatem alliceret ad Latinas Græcasque litteras, & ad morum probitatem: quæ cum viderem, uti dixi, puer, videbar mihi virum videre, & ab ipso quoque erudiri: ac certè erudiebar. Audivi adultior ex aliis, qua fide & industria munus suum, gesserit: quod cum fuisset illi agnitum, ad fores gymnasii fortè non longè ab ipsius tumulo Phaleucium parieti insculptum fuit, quod & tē prætereuntem legisse suspicor. Ille vel primus, vel cum primis primam aetatem illius loci rectè erudit: quam rationem à successoribus servatam semper intelligo: aliquid addidisse etiam, ubi id bono pueritiæ fieret.

Paucis autem annis abhinc ALBERTVS LENICERVS, vir doctus & gravis, æque industrius, & illius pulveris patiens, quid in erudienda adolescentia sequeretur, mihi illac transeunti diligenter exposuit: alterius linguæ negotium doctissimo collegæ demandarat, ipse adolescentes in Latina exercebat totos dies: typis edebat, quæ interpretaretur, aliquando notis adjunctis: non ita aberrabat, ut philosophos se fingere diceret ante annos: artes, ut vulgo loquimur, dicen-

dicendi degustari à puberibus volebat , & ad lectionem monumentorum vetustatis invitabat : nec verò hoc frustra : in sermone familiari nominem multos , quos ille ad fores & in templa Musarum duxisse rectè perhibeatur : adeoque , ut & antè dixi , servatur hodie in illa laudatissima civitate ratio eadem erudiendæ primæ pueritiæ.

IOANNES autem RIVIVS, quantus artifex hujus rei fuerit, etiam in hunc diem loquitur Misnia , & ipsius libri testantur eruditè scripti : dedit operam , ut quemadmodum ipse purè scriberet , idem conarentur tam bonæ disciplinæ alumni : cumque in eadem schola essent , qui hoc negligerent (narra- vit id olim mihi socer meus , Vir Cl. Andre- as Mylius,) orta fuit inter adolescentes , uti sit, contentio , deinde æmulatio : hæc man- sit, & ferri potest : illam auctoritate magi- stratus tolli oportuit , sicut ejiceretur in- scitia , & barbaries gemens loco cederet. Dignum viro erudito fecit , qui emendatio- ne comædiarum Terentii operam peruti- lem & doctis ubique gentium probatam præstitit. Quare multo etiam plures ex ipsius ludo docti & disert viri prodierunt.

Ex his erat MARCVS DABERCVSIVS, à na-

tura quoque factus ad erudiendam pueritiam in utraque lingua & initiis cæteris liberalis doctrinæ. Cùm enim dux Megap. Ioannes Albertus, *εὐεργέτης* meus, academiam Rostochiensem nutantem resuscitaret, ut alibi longa & vera narratione à me expositum est, non solum per omnem provinciam ludorum puerilium rationem haberi iussit, sed primarium quendam ipse suo sumptu Sverini condidit, ex quo in academiam cultiores adscenderent. Auctor fuerat & hujus consilii, & accersendi è Minsia Dabercusii, socer, quem supra dixi, meus. Ita feliciter cessit hoc negotium, ut non solum pueri nobiles & fortunati, & tennes è provincia, sed ex longinquiorebus etiam locis, & è Borùssia, & è Polonia accurrerent, nec inanes domum reverterentur. Ita totus erat amicus illè meus in studio rectè informandæ pueritiæ, ut ne minimum quidem prætereundum duceret: sic ordine ad majora feliciter transiri, rectè omnino indicabat. Fidei enim suæ esse non putabat, summa polliceri, ubide imis, sive principiis nihil solidi appareret: sanè scriptum reliquit & publicavit, quemadmodum adolescentuli solidam principiorum

orum utriusque linguæ cognitionem adipiscantur : nec aberravit ; necessarium ratus, omnia persequi, vel minutissimum quodque. Quæ superstitio fortè in docendo, non perinde in exigendo penso observanda videatur.

Cœterùm de tribus, quorum consuetudine Rostochii usus fui, Te non penitus latet, quando paulò post illic apud nos liberalibus disciplinis, ac demum etiam scientiæ legum operam dedisti. Colui autem amicitiam cum IOANNE BOCERO, ad Varnum non minus, quàm antè ad Albim & ad Vindobonam : *quem ego non doctum solum, sed & integrum, & rectè sentientem de educatione in litteris cognoveram.* Interpretabatur splendide poëtas, idque ad veterum rationem, quam solam esse veram judicabat, in nova inesse futilem ostentationem, nihil solidæ eruditionis sæpè clamitans. Sed & reliquit ingenii monumenta, cum alia, tum elegias, quibus reges Daniæ descripsit, facili, nec inculto carmine.

De ARNOLDO BYRENIÛ plurâ cognoveris, quòd tum recente viri memoria, ore omnium in formandis ingeniis & in dicendo exercendis ejus industria prædicabatur.

Accedit, quòd ipsius laudationem scripsit Nathan Chytræus, gravis cumprimis & doctus vir. Et ipse verò etiam Burenium passim, quoties occasio ad eam rem fuit, laudavi, quo juvenis primum ex Italia rediens, amico, sene admodum, tum quoque non solum ob ætatem, sed potius ob afflictam valetudinem emerito, in alterum annum usus fueram. Cœtera non sunt hujus loci: ille postquam ducis Henrici, qui Pacifici nomen ab iratis militibus meruerat, filium Magnum Suerinensem episcopum, præclarè erudierat, & ad regiam virtutem, quæ est justitia, conjuncta cum beneficentia; *bono academia Megapolitana Rostochium venerat, & si quid ego illius temporis notitiæ habeo, & judicio ipsius rei valeo, collapsam industria & præclara eruditione unus & primus capit erigere. Egit enim, relictis rebus, magno studio, ut auditores saperent, & virtutem colerent, & iis potissimum magistris uterentur, qui ad informationem animi simul & linguæ rectè ducerent.* Itaque & principem philosophum, & parentem Latinæ eloquentiæ, disciplinæ suæ alumnos jubebat habere in manibus, non qui quenquam à cæteris arceret, sed

ex

ex his petenda principia, constanter asseveraret. Addebat enim hoc, esse Arcadici gregis, qui secus judicarent. Illo autem suo consilio, & hac sua voce, vulgo eruditorum intolerabili, ita commovit vir doctissimus inscientiam, ut quidam, non malitiosè minus, quàm temerè humanissimum senem in suspicionem prophanitatis adduxerint: quod per se etiam impium factum est: etsi familiares eum in lectione sacrorum esse quotidie viderent, ita ut quosdam ejus generis libros attriverit legendo: unde de ipsius pietate dextrè opinari par erat, nec calumniari, quod singularem etiam laudem mereatur. Sed talem plerique reportant gratiam, qui in excolendis ingeniis & propagandis liberalibus disciplinis operam ponunt impensius.

Eodem tempore, eodem loco vivebat HENRICVS ARSENIUS, vita religiosa addictus, illi fortè in iis, de quibus dixi, non par omnino, nec multo tamen inferior, in quodam superior haberi poterat. Sæpe autem mecum in hortis, quos colebat, de maximis hujus sæculi contentionibus contulit, quas deplorare quilibet, emendare potest nemo. Hoc enim non est nostræ condi-

tionis, qui de plebecula vel de populo censetur vulgi suffragiis, sed conjunctæ cum sapientia potentia. Vnum idque singulare de hoc viro referam, & memorabile: quod in ista vita otiosa nunquam vacabat à lectione Græcorum veteris ecclesiæ; hoc & ipse vidi, & testantur libri unus & alter, quos habeo ab hæredibus.

Nec minorem laudem cæteris meretur VVERNERVS ROLEVINCIVS, vir non minus Græcis, quàm Latinis litteris præclarè eruditus, disertus admodum, & veteris philosophiæ assertor perpetuus, uti eum ego quoque cognovi. Qua ille disciplina gymnasium Hamburgense administratum acceperat, eam & ipse observavit, quod melior nulla esset: abductiones autem à veteri vera regula è manibus adolescentum excutiebat, & si quos pertinaciter illis inhærere animadverteret, eorum rationem habendam sibi non putabat, non solum, quod supra magistrum vellent sapere, sed magis, ne condiscipulos inficerent. Namque in novissima quæque omnes inhiant, & scioli cupide propinant æqualibus de sua inscitia.

Cæte-

Cæterum in hac recensione, auctoritatem Tuam secutus, fide Tua proximo loco ponam BERNHARDVM ORESTEM. Sed & Martinus Baremius, & Auctor Hustethus, testes sunt bonitatis ipsius disciplinæ: quorum similes ex hujus ludo prodiisse plures audio: qui quanquam non nisi annis quinque rem litterariam Brunsvigæ in primo gymnasio administrans, plurimum tamen præstitit; præ omnibus veram laudem diligentia & constantia laborum meruit. Etenim etiam cum adversa valetudine jam graviter conflictans, nihil remittendum sibi putavit de perpetua cura, nihil fere sibi à quotidianis operis temperans. Rectè me de Oreste monuisti, quem omisisse videri possem non absque injuria, singulare exemplum doctrinæ, fidei & laborum tolerantia.

Hujus erat persimilis, sed annis minor, PHILIPPVS POLLIVS. Cùm enim præsul Eberhardus. Hollanæ gentis decus, annis abhinc circiter triginta ludum litterarium, Verdæ ad Allarim conderet: ei præficiebat optimum pueritiæ magistrum Detlevum, Rascium, oriundum ex hac ripa Visurgis.

solum in iis, qui magna tractant, sed & in cujuscunque conditionis hominibus, & sunt, & requiruntur partes officii.

In hac autem Academia incidi in REINERVM REINECCIVM, de quo viro quid sentirem, scriptis olim ad ipsum litteris testatum feceram: postquam huc veni, iudicio me non aberrasseprehendi, proinde ex ipsius obitu, quantam historia jacturam, tantum ipse quoque dolorem accepi: atque hoc majorem, quod homo erat absque fucō. Quod ego minus miror, quoniam prodierat ex optima disciplina.

Etenim magistrum habuerat IOANNEM GLANDORPIVM, quem consilio mihi in hunc locum reservavi. Ipsum non noveram, sed vidi semel apud Melanchthonem. Hunc enim tum observabant viri docti, cujus etiam memoria mihi hodie sancta est, & mei similibus. Non solum enim illa tempora, sed hæc quoque debent lucem elegantis bonæ doctrinæ Melanchthoni in his regionibus, ad septentrionem vergentibus. De Glandorpio pluribus agam, tum, quod fuit à me recensitorum popularium, à Burenio, cui primas jure tribuo, secundus;

una etiam re illo superior, quòd plura monumenta ingenii reliquit non solum, quòd erudiendæ primæ ætatis veram rationem princeps ad vos attulit. Fuit omnino vir magni ingenii, animi non abjecti, diligentia incredibilis, iudicii dextri. Apparet ex omnibus, fuisse ipsi propositum, ut ornaret rem litterariam, & rectè educaret pueritiam, non ad opinionem aut umbram aliquam doctrinæ. In illo profecit multum, in hoc profecisset haud minus, si per arrogantem inscitiam ipsi licuisset. Perpetuum enim ferè est, ut quæ qui non didicerunt, non ferant, quamvis meliora, & elidant bonos magistros, ne quid de auctoritate sua iacturæ faciant. Iacerent enim, si minores aliquid solidæ eruditionis consequerentur. Noster autem, (nostrum dico, qui bonarum partium semper fuerit in hoc negotio) quos utriusque linguæ scriptores non legit? atque ego de optimis loquor. ipse plurimum operæ præ aliis posuisse refert in Tullio, Livio, & Cæsare. Hunc verò cum non minoris faceret, quàm censor scriptorum solertissimus & æquissimus Scalliger pater, suum de summo scriptore iudicium

cium docto & polito carmine exposuit, ac præterea notis pereruditissimos commentarios illustravit: è quibus & alterum videre licet, quanta cum diligentia quidquid est historicorum pervolverit. In quibus cum esset, qui fuit ipsius diurnus & nocturnus, & plurimum annorum labor, cum alia memorabilia annotavit, tum Romanas familias observavit, ex quorum vera constitutione plurimum lucis historiæ accedere rectè judicabat. Etsi autem præter unam & fortè alteram familiarum nulla extat, tamen plerasque & observasse, & in ordinem rede- gisse, scriptori fides cur non habeatur? cum unus idemque labor ille fuerit: perficere autem, per ætatem quidem potuisse puto, per fortunæ iniquitatem non potuit, nisi quorundam inscitiam obstitisse egregiis viri conatibus censeamus, quæ mea est non temerè suscepta suspicio. Cum ferè ad finem perduxisset gentem Iuliam *deces- sit in patria*: quam ego partem, & cæteras reliquias periisse sive surreptas sanè doleo. Gentem Antoniam cum perfecisset, ad vos misit, gratum haud dubiè amplissimo ordini vestro munus, uti per se splendidum,

&

& historiæ Romanæ lectori utile est: atque hic viri labor in perpetuum serviet rei litterariæ. Non sinent enim Musæ tam accuratè factum eleganterque perfectum opusculum umquam aboleri. Cum primo *gymnasio Brunsvigensi præesset*, fuit, ut audio, qui, quæ hic rectissimè tradi juberet, non ratione bona, sed imperio intempestivo mutanda decerneret: sed ille impatiens tam iniquæ servitutis abiit potius, quàm se incitiæ subjiceret, homo tanta eruditione, qui in prima quoque orbis academia humaniores litteras cum juventutis fructu maximo, & summa cum laude sua profiteretur. Turpe est, nec flagitio caret, si calones, quibus in impedimentis locus est, instructionem aciei & imperatoris munus sibi vindicent. Hujus Glandorpii ad vos adventu vestræ civitatis ludum litterarium sive emendatum, sive primum constitutum, nec ipse dubito, & quisque vestrum cognovit rectius. Quam autem formam in docendis litteris secutus sit, ex ipsius studiis innotescit. Procul absuit, cum ab aliis non satis eruditorum aberrationibus, tum à novitiorum ineptiis, sive absurditates dicas: quæ
ma-

maturioris ætatis erant, & propria academi-
arum, pueris inculcari aut occini veta-
bat. Qui sermonem intelligerent, qui scri-
ptores legerent, eos in scribendo exercebat,
ad historiam alliciebat, degustare, quæ ca-
pere possent, de liberalibus disciplinis sine-
bat, perfectiora ab aliis magistris capere ju-
bebat. In his autem rebus, quos unius
gentis artifices erudiendæ in litteris pueri-
tiæ, rectè laudavi, consensere, etsi alius præ-
stabat alii in eadem disciplina. Horum si-
milis in nostras regiones undecunque
transeant; & utiles erunt & grati hospites,
qui ab his diversa important, satius quovis
gentium se convertant, quam nostram
pueritiam per quasdam partim frivolas,
partim noxias nugas, opinione eloquentiæ
& sapientiæ imbuant. In frivolis habeo,
quæ cum temporis non parum auferant,
nulli deinceps sint usui: noxia sunt, quæ adi-
tum ad veterum sapientiam intercludunt.
Hoc autem fit utroque modo, & quando
qui se putant sapere, & quando, primis gra-
dibus exemptis, adscendere altius nituntur
frustra. Pauci enim sese ab initio totos re-
texunt: quod qui faciant, eorum ore talium
ma-

magistrorum laudes decantari audias. Hos ego magistros, nec queam, nec amare debeo, si iidem maneant, hoc est, opiniones suas mordicus teneant, & instillent aliis: alteros, undecunque illi sint magnificatio & prædico.

Sed qua gratia hæc coëpi scribere, ad id redeo. Vestræ scholæ incommodè iudico factum, dimisso & istinc Glandorpio. Quisquis hoc egit, tam malè de vestra illius ætatis pueritia meruit, quàm qui cum accersivit, meruerat benè, quod optimè factum fuerat meo iudicio. Neque tamen ipsius disciplinæ vestigia atque exempla relicta apud vos fuisse, sic rationem in eo, quòd ab eo tempore rectè fuere educati istic civium filii, & eorum condiscipuli.

In hoc cum non minorem operam, RECTI, & æquè felicem navares civibus Tuis, patria Te ex illo perhonesto loco in altiore gradum civitatis sustulit. Patres enim Te in senatum legerunt, & brevi interjecto spatio Consulem designarunt: Tu
verò

verò ex eo tempore non minus Tibi curæ habuisti educationem juventutis , quàm gravissima illustris vestræ reip. negotia. Tua enim potissimum cura effectum est, ut Baremius, Græcis litteris ita præclarè, uti Latinis præditus, Brunsviga accerferetur. Eum ego tum mirabar dimitti, facta permutatione, cujus mirum, ni auctores interea poenituerit. Baremius enim & Hufstethus, cives ipsi, teneram patriæ pubem erudierant litteris, ut à nemine rectius & majore fide fieri potuerit. Verùm in omni genere usu venit, ut quæ bona, aut mediocria sunt, æquis oculis non adspiciamus, donec deteriora successerint.

Baremio apud vos ad sacra vocato, munus istud gerit Nendorphius: quod cum susciperet, hortabar familiarem; caveret, ne juvenis doctissimus & poëta cultissimus antecessorum quopiam videretur inferior: eniteretur etiam æquare præceptorem Rascium, quem & in hac epistola & sæpe aliàs laudavi hac de caussa. Misit autem Rascius rectà in academias è ludo suo adolescentes sanè multos, & omnes capaces uberioris do-

doctrinæ, qui cum in diligentia pristina perseverarent justo tempore domum redierunt, vel venerunt ad alios, à quibus expectebantur, ornatissimi, non minus gravitate morum, quàm bonæ doctrinæ copia, uti erat consentaneum. Vt plurimum enim, quando benè se habent principia, prove-niunt item cætera feliciter & maturè. Et si verò ad imitandum in hoc genere magistrum se compararat Nendorphius: tamen & ipse didicerat optimam rationem erudiendæ pueritiæ; & peritiorum consilia exquiri etiamnum sedulo. Quare rectè gerit hoc munus, certè ad scopum collineat proximè. Non solum enim *νεωτερί-ζοντων* nugas repudiat, sed diligenter cavet, ne declinet à recta via in salebras aut aliena diverticula: non ostentat, neque declamationes grandes, neque disputationes subtiles, cum exerceat adolescentulos nihilominus: non obruit ingenia & memoriam primæ ætatis, quæ tamen non sinit obsolescere: non varietate lectionum mentes discipulorum distrahit, quibus tamen apponit quasi alimentum, quod satis est: non hæret in una pagella menses aliquot, nec facit acer-

acervos commentariorum, cum tamen inexplicatum nihil relinquat. Hæc & alia incommoda dum avertit, sternit ad litteras viam & faciliorem & rectiorem: id quod bono cedit vestris filiis, & vestræ denique civitati. Verum enim est, quò meliores & doctiores sint cives, hoc fore beatiorrem rempublicam: saltem in quibus erunt virtus & consilium, quæ ego absque litteris integra & solida in nemine deprehendi, multa mala prævidebunt & à patria declinabunt: quæ ipsa non est parva felicitas, & beatioris vitæ pars aliqua dici non absurdè potest.

Vide, Consul prudentissime, quid mihi fuerit causæ vobis gratulandi de recta educatione vestrorum liberum: peterem quoque & monerem, ut in ea tuenda, nec labori, nec sumptui parceretis, nisi id pridem factum, compertum haberem, & fieri ex omnibus cognoscerem: potius de hoc erga patriam, & quæ est, & quæ futura est, animo vobis itidem gratulabor. Intellego quoque & gaudeo, vos in censura ingeniorum non minus probitatis, quàm acuminis ratione habita, tenuiorum apud vos filios liberaliter sublevare, filiis fortunatio-

rum interdum aliquid decernere præmii,
 ut illi institutum queant persequi, hi magis
 inflammentur ad litteras. Vale. Helmæ-
 stad. ex acad. IVLIA Kalend. Septemb.
 CIO IO CV.

A D D E N D V M.

IN epistola ad Consulem RECCIVM pro-
 perando omisi GONIÆVM, quod erra-
 tum corrigo additione mei de viri doctri-
 na & moribus veteris iudicii. Has enim
 defuncto exequias sincere & ex animo feci.

MEMORIÆ NICOLAI GONIÆI.

Goniaden nobis dederat Transvesera
 tellus,
 Altrix clara virum, dextraque animoque
 valentum.

*Ille etiam fama majorum, Martis alumnus,
 Se dignum gessit puer, horrida bella secutus:
 Quem tamen ex acie media in sua templa re-
 traxit*

*Pallas, & à Musis Sophia decreta doceri
 Iussit, ut ipse quibus mentem pectusque polisset,
 Pergeret hinc iisdem teneram formare iuven-
 tam.*

*Has igitur iussus partes non segnis obibat,
 Thesurosque etiam linguæ pandebat Hebrææ,*

Qua

*Qua sine nec Mosen, nec prisca oracula vatum
 Quisquam intelligat, aut reseret mysteria cœli.
 Nicolæ hæc vita fuit. Nam cætera sprevit,
 Latus sorte sua, nulli gravis, omnibus æquus.
 Cultor amicitia sincerus, fingere quidquam
 Nescius, haud celans, animo quod conditum
 haberet.*

*Res etiam duras toleravit pectore forti,
 Conjugis occasum dilectæ, & fata Colosii,
 (Vnus hic illius Germanus, avunculus esset
 GONIADÆ natis, jam pro genitore, siq; illum
 Ante patrem abstulerat paucis fera Parca die-
 bus,*

*Hunc luctum ut Gedano interea vix fama tu-
 lisset)*

*Tabificos morbos & crurifragam sceletyrban;
 Tertius ipse quibus pressum non liberat annus.
 Semper enim meditatus erat mortalia secla,
 In quibus ut priscos, sic me, te, videre fas est,
 Nec frustra indomito cruciari pectoris estu:
 Norat item sic velle patrem, cui fidere soli
 Est pietas: huic se in morbis, huic funere in ipso
 Se dedit. At vita largitor tollere vitam
 Sic velit, ut reddat delectis gaudia cœli.*

DIEM SVVM OBIIT ROSTOCHH.

xvii. Kal. Decemb. M D LXXXIX.

Gg 2

II. Martii

II. MARCI HASSAEI ΕΠΑΙΝΕΤΙΚΟΝ

ἡγου
ΜΝΗΜΟΝΕΥΤΙΚΟΝ
DNN. PRÆCEPTORUM,
&c.

GLoria Persæ Paulus celeberrima Tarſi
Divino quondam præcepit ab ore : me-
mento

A quo te multum didicisse agnoscis ; in hisce
ΑΥΤΟΔΙΔΑΚΤΟΝ habet verbis quod concoquat ;
ille

Non meminisse ſui potis eſt documenta Magi-
ſtri :

Namque ſibi proprio cudit concepta cerebro.
Mordicus illa tenens, licet haud ſint congrua
rectis :

Nec Præceptores maneat quæ gratia novit
Ille, placent tantum ſua cui Commenta. placere
Quæ putat æque aliis ; præbet meliora Profeſſis
Nec docile ingenium, facilem nec commodat
aurem.

Non ita me juvit ſtudiorum texere telam :
A viva didiciffe fuit mihi voce voluptas,
Et Præceptores caros coluiſſe decenter :

Sunt

*Sunt mihi, quos memori, Paulo monitore, per
avum,*

*Mente colam; memori nec tantum mente co-
lentur,*

*Sed quoque vivaci Fama pralustria Templo,
Sacrabit pralo Typus horum nomina pressus;
Quem non ambitio, quem non jactantia,
tantis*

*Indulgere viris; pietas sed grata coëgit,
Quorum semper ego pendebam pronus ab ore,
Et cum publicitus sacrosancta dogmata
lingua,*

Et cum privatim vigilanter Hebræa docerent.

*Quâ Schola Virginea feliciter eminet
Urbs,*

*Quâ surgunt oëto fulgente Lycea Colosso;
Queis commune dedit titulis Academia no-
men,*

*Quorum ego me civem fateor letorque re-
ceptum.*

*Sunt etiam plures, quas gloria prædicat, urbes,
In quibus Hebraicum studium mihi fecit a-
micos:*

*Sunt, quos scripta mihi devinxit Epistola
pridem.*

*Non pauci, jucunda mihi Collatio quorum
Et lucrosa fuit, nunquam damnosa profectò.*

Horum nunc seriem cunctorum texere
 pennâ
 Nitâr, & æternis illos intexere chartis
 Aggrediar. Tu prima tuos mihi promito
 Phæbos

MAGDÆBURGA, tui qui quondam munia
 Ludi (Doctôr
 Sustinuit, SACCUM, celebri qui nomine
 Auduit; accedat TRAGDORFFIUS, huncque
 secutus

Cui rorant verbis, ROLLNHAGIUS, ora
 disertis:

Amboprestantes virtutibus, ambo Magistri.
 Quattuor hic annos habuit me ludus a-
 lumnum,

In quo, quos dixi, sum Præceptoribus usus:
 Dùm penes ingenuas artes sacra dogmata
 dextrè

Tractarent, inter simul hæc & Hebræa do-
 cerent,

Auditor, quorum præcepta ego sedulus hausi;
 Quod meritò memori grataque hic mente re-
 cordor

Dein præclara tuas adiù PVITEBERGA
 columnas:

Auspicio hic celebrande mihi majore,
 GEORGI

MA-

MAIOR ades primus: CRUCIGER te pone
sequatur:

Ordine succedat MTLIUS; BUGENHAGIUS
adsit;

Illeque PEZELIUS, qui portat nomine Chri-
stum;

Omnes Theiologa lampas radiosa Catbedra
Doctores clari famâ volitante per orbem.

Balthica Phœbaos jam mi ROSA redde
Tribunos,

Qui tibi promeritis famam meruere peren-
nem:

DAVIDA CHYTRÆUM primum celebrato
Camœna,

Quippe immortalis, dignum, quem laude ce-
lebres:

Proxima SIMONI PAULI, sua gloria cedat,
Voce Periclea qui fulmina mittere norat,

Et calamo Clariis poterat certare Deabus:

De quibus ambobus, quàm dicere pauca, ta-
cere

Hic praeſtat; teſtantur abiis, vulgata, reperta,
Lumina quanta Scholis fuerint Templisque
columna:

Quorum ego nunc manes veneror cineresque
beatos.

Hos ſequitur LUCAS gentili nomine dictus

BACMEISTERUS, adhuc fruitur qui, mune-
re Divûm,

Aurâ vitali, canis venerandus & annis,
Vocce etiam & scriptis meritis benè, Clarus
in orbe.

Nec tu mi numeris VVESLINGE, tacebere;
nec vos

MARBACHIDÆ gemini, nec vos, GONIÆ,
JACOBE

Bacmeisteriade, sileam; quos lucta Magistri
Aonii præsignis agri decoravit honore.

VVISMARIAM lassanda pedem nunc, Mu-
sa, moveto,

PERISTRUMque refer; mox inde profecta
LUBECAM,

GUALT PERII memor esto mei; tibi Doctor
uterque

Dicatur; dabit HAMBURGUM tibi, merci-
bus ampla

Urbs SCHELHAMMERUM decorandum
laude Magistrum,

Canicie insignem, sacrato munere verbi

Divini meritum in Petrina Ecclesia ibidem,

Cujus grata mea residet mihi mentio menti.

Hinc desleete viam, quâ GRYPHISVVAL-
DIA dives

Musarum domus Aonios exercet agones:

RUN-

RUNGIUS hic Praeful cum Gnato, nempe

JACOBUS

Et FRIDERICUS erit, Patris successor,
uterque

Egregius Doctor, quos dudum gloria nullo
Tempore flaccescens radiantibus intulit astris:
Hos quoque Musa tuo dignos inscribe libello.

Protinus ANCLAMIDUM gressu per-
nice petatur:

Hic ubi sese offert EGGARDUS Pastor, ab
annis

Canus is, & Sophies vir clarus in arte Ma-
gister, (isto;

Qui numero accedat censu & reputetur in
Sanguine materno mihi junctus, ὡν δὲ κατέ-
δωκ.

Hic Agnate locum assignet tibi charta,
MASÆE,

Quem Mystam Stendalia habet, jam tempora
canum,

Dimidiumque anima est mihi qui, dum vivi-
mus una.

Tu quoque BERLINUM, magni penetrare
Dynaste,

Doctores binos potis es numerare; COLERUS
Prepositus quorum alter erat, nunc munere
eodem

Gg 5

GU

GUSTROVII fungens cum laude, senilibus
annis;

Intimus hic meus est, studio officioque fidelis,
Mutuo ab antiquis constans in amore diebus:

A sacris Electori PRÆTORIUS alter,
Cœlica regna colens dudum, quibus adde Ma-
gistrum.

KREGÆUM, Hebraicè baud vulgari laude
peritum,

Qui NEOBRANDBURGI est hoc summus
tempore Pastor.

Quos dabis Heroas VIADRINA ACA-
DEMIA nobis?

Anne mihi quatuor Doctorum sydera surgunt?
MUSCULUS, ALBINUS, CORNERUS, PIE-
RIUSque,

Quorum fama Virum latum compleverat
Orbem;

Junge Magisterii titulis insignibus auctos
His, HILDRICUM & RADMANNUM, mihi
semper amicos.

Quis etiam accedat divino dogmate clarus
GARCÆUS, veteris Brandburgæ Preco su-
premus, (dem.

Insula Doctorem quem rubra ornârat eun-
Mœnia LEUCORIDOS visamus, Musa, se-
cundo,

Alter

*Alter ut annorum sensim mihi nascitur ordo,
 Alter amicorum mihi, sic nascatur & ordo:
 Hic ego divini quatuor memorabo columnas
 Dogmatis; ÆGIDI, Peitbo doctissima fandi,
 Nostra locum meritò tribuunt tibi carmina
 primum.*

*Non metris HUTTERE meis indictus abibis,
 Qui dignè ÆGIDII cathedramque locumque
 tueris,*

*Dùm fluit ore tuo Romana Suada loquela.
 Hos penes & GESNERE, locum tibi nostra
 decentem*

*Attribuat, RUNGIque, tuum tibi Musa re-
 linquat.*

Nulla dies siquidem memori vos eximet ævo.

*LIPSI A, Misniaca telluris ocellæ, rogabo
 Te quoque Primates, tua qui subsellia doctis
 Erudiere sonis; DOCTORES quinque ro-
 garis*

*LIPSI A; præclaros mihi tres rogitare Ma-
 gistros:*

*Hos mihi da! SELNECCERUM, quem fons
 Aganippes*

*Rore Poëtifico gratâ madefecit in umbra,
 Nectare Theiologus Codex potavit abundè.*

*Da quoque SCHILTERUM & BECKERUM,
 laudibus ambo.*

Cælo

Cælo miscendos: HARBARDUM bis jungito,
primi

Sacrorum cessit cui jure Professio census.

Da mihi WEINRICHIUM, gestantem sceptrâ
Senatus

Theiologi; quorum non temporis ulla vetu-
stas

Orbi adimet laudem; memori mihi mente
colendos

Quos equidem statuo, vita dum perfruar
aurâ;

Et juveni, mihi qui pro Gnato est, observandos
More Patrum, ut par est, omnipietate fideque.

Amplius hac series adjuncto crescat ELIA
HUTTERO & SALMUTH; numerum per-
texe TIEZI,

Et tu PAULE, prius calcans vestigia SAULI,
Judeoque satus de stemmate, postque lavacro
Insertus Christo Baptismatis atque renatus.

Aurigare tuis ad cætèra mœnia bigis,
Pieri, rimatura viros, quos usus amicos
Officiumque mihi fecit: tibi prima GRUNE-
RUM

Monstrabit sacris ISLEBIA dedita Musis,
Doctorem eximium, Templis qui præsuit olim.

Saxonica famâ præstans OLEARIVS, Hala
Antistes, nostris nullo delebitur ævo

Pæcto-

*Pectoribus; nunquam POLTCARPUS adorea
DRESDÆ,
Nec MATHIAS ab HOE flaccescat nobile
germen.*

*Tu quoque IENA Virum doctorum provi-
da nutrix
Me celebris MTLII docto sermone beasti,
Et PISCATORIS, linguam profitentis He-
braam.*

*Hinc antiqua fuit mihi visa ERPHOR-
DIA, magni,
ESAIAS ubi SILBERSCHLAGIUS, agminis
instar*

*Unus erat, voces Hebraas doctus ad unguem,
Attentas mihi queis mulcebat suaviter aures.*

*Augebis numerum tu MAGDÆBURGA
secundo,
HANIUS, Antistes Templi Cathedralis, ad
Austrum*

*Quod spectat, nostro dederit si nomina libro,
Nomina procera tabulis dignissima Cedri.*

*Regia ditabit nostras etiā HAFNIA chartas,
Nominis HEMMINGI titulo, magnique MA-
THISI*

*Qui ROSCHILDENSIS laudatus Episcopus
olim*

Audiit, ornatus doctrina moribus aptis.

Hacten-

Hactenus hic denos DOCTORES litera dixit;

*Nunc plectro undenos referam modulante
MAGISTROS,*

Finis erit nostri supremus APELLA laboris.

Sacerides primi fiet tibi linea versus.

*Subtexam reliquos, quos LUNDIA suggeret
Alma.*

*HENRICUM BRUCHOFIADEM, MA-
GNUMque MATHIÆ*

*TYCHICUS baud aberit; primus quorum ille
Decanus,*

*Sacrorum alter erat Praeceptor, Episcopus al-
ter*

Vicina SCANIÆ, cui fertilis ubere nomen

*Terra dedit, vel pulchra loci & peramœna vo-
luptas.*

*Hic DETERE veni, quem prona CHILO-
NIA doctis*

Præpositi voluit sacro munere fungi.

*Immineo SLESWIGA tibi? SLESWIGA JA-
COBI*

Fabricii Fauvrix, aequali munere clari:

*Qui pridem veluti CHITRAEV'S (jure) se-
cundus,*

Agmina divinis sacrata, dicata Camœnis,

Egregio doctâ voce informasset in alma

Hacce

Hacce Schola ROSEA ; nisi amica repagula
PRINCEPS

Opposuisset ei, diuturno doctus ab usu,
Quanta Viri gravitas & quanta peritia re-
rum.

Te quoque Pastoris defunctum munere,
PLEZI,

Pagina nostra feret ; te pagina nostra CO-
LETE,

Qui DANTISCANUS veneraris Pastor, habebit.
Sapè tuos dulcis retulit mihi Epistola sensus,
Sapè meos etiam retulit tibi Epistola sensus.

Maëte SCHWALENBERGI, quem LIPSIA
Palladis horto

Clara Professore lingua veneratur Hebrae,
His accede viris, præstantum stella virorum ;
Fædus amicitiae tecum quod nuper inivi,
Tempore rumpetur nullo, te semper amabo,
Donec per calidos saliet mihi Spiritus artus.

Ad te ROSTOCHIUM properat remeare Camæ-
na,

Alter ut annus init ; sic pullulat ordo bonorum.
Alter amicorum : DANA de gente, CANUTUS,
Profatus, hic primò venit celebrandus ; IVARO
(Qui docet Hebraicè HAFNENSEM cum laude ju-
ventam,

Et mihi cum multis aliis est certus amicus.)
Alter pars cedit ; cedit pars ultima Gerson,
Quem Judæa quidem Genitrix produxit in auras ;

Sed

*Sed tamen exuta Judæi mente, fidelis
Et factus Christi servus de nomine CHRISTI
Sortitus nomen, Baptismi lotus in unda,
Sordida primævi mala purificante reatus.
Hæc dulces Animæ, libuit monumenta decenti
Ponere versiculo VOBIS, nec ponere VOBIS
Hæc tantum libuit; sed cunctis, quotquot Amicos
Posthæc Hebraam mihi consuetudo parabit
Callentes linguam; quorum clarare perennem
Hæc famam monumenta velim; licet inclyta virtus
Sit Mausoleo dignissima vestra sepulchro.
Ista tamen poterunt memoris paradigmata mentis
Esse æterna mea, Paulique merere favorem,
Qui me Doctorum jussit meminisse meorum,
Et te, qui legis hæc, jussit meminisse tuorum.*

TANTUM!

FINIS DECADIS PRIMÆ.

